

CHRONIQUES
DE
J. FROISSART

PUBLIÉES POUR LA SOCIÉTÉ DE L'HISTOIRE DE FRANCE

TOME HUITIÈME

1370-1377

(DEPUIS LE COMBAT DE PONTVALLAIN
JUSQU'À LA PRISE D'ARDRES ET D'AUDRUICQ)

DEUXIÈME PARTIE
TEXTE ET VARIANTES

PAR GASTON RAYNAUD



A PARIS
LIBRAIRIE RENOUARD
(H. LAURENS, SUCCESSEUR)
LIBRAIRE DE LA SOCIÉTÉ DE L'HISTOIRE DE FRANCE
RUE DE TOURNON, N° 6
—
M DCCC LXXXVIII

CHRONIQUES
DE
J. FROISSART

PUBLIÉES POUR LA SOCIÉTÉ DE L'HISTOIRE DE FRANCE

TOME HUITIÈME

1370-1377

(DEPUIS LE COMBAT DE PONTVALLAIN
JUSQU'À LA PRISE D'ARDRES ET D'AUDRUICQ)

DEUXIÈME PARTIE
TEXTE ET VARIANTES

PAR GASTON RAYNAUD



A PARIS
LIBRAIRIE RENOUD
(H. LAURENS, SUCCESSEUR)
LIBRAIRE DE LA SOCIÉTÉ DE L'HISTOIRE DE FRANCE
RUE DE TOURNON, N° 6
—
M DCCC LXXXVIII

The Project Gutenberg eBook of Chroniques de J. Froissart, tome 08.2/13

This eBook is for the use of anyone anywhere in the United States and most other parts of the world at no cost and with almost no restrictions whatsoever. You may copy it, give it away or re-use it under the terms of the Project Gutenberg License included with this eBook or online at www.gutenberg.org. If you are not located in the United States, you will have to check the laws of the country where you are located before using this eBook.

Title: Chroniques de J. Froissart, tome 08.2/13
1370-1377 (Depuis le combat de Pontvallain jusqu'à la Prise
d'Ardres et d'Audruicq)

Author: Jean Froissart

Editor: Gaston Raynaud

Release date: August 9, 2024 [eBook #74209]

Language: French

Original publication: Paris: Vve J. Renouard, 1869

Other information and formats: www.gutenberg.org/ebooks/74209

Credits: Clarity, Hans Pieterse and the Online Distributed Proofreading Team at <https://www.pgdp.net> (This file was produced from images generously made available by the Bibliothèque nationale de France (BnF/Gallica))

*** START OF THE PROJECT GUTENBERG EBOOK CHRONIQUES
DE J. FROISSART, TOME 08.2/13 ***

Note sur la transcription.

Le tome VIII des *Chroniques de J. Froissart* a été publié en deux parties. La première partie contient le Sommaire et les Notes, et peut être consultée à l'adresse gutenberg.org/ebooks/74208.

Cette deuxième partie contient le texte original de Froissart et les variantes selon les différents manuscrits.

Pour faciliter la lecture conjointe des deux parties, nous avons inséré ici en gris dans le texte de Froissart les têtes de chapitre du Sommaire.

L'orthographe d'origine a été conservée et n'a pas été harmonisée, mais quelques erreurs introduites par le typographe ou à l'impression ont été corrigées.

[Table](#)

CHRONIQUES
DE
J. FROISSART

9924—PARIS, TYPOGRAPHIE LAHURE

Rue de Fleurus, 9



CHRONIQUES
DE
J. FROISSART

PUBLIÉES POUR LA SOCIÉTÉ DE L'HISTOIRE DE FRANCE

TOME HUITIÈME

1370-1377

(DEPUIS LE COMBAT DE PONTVALLAIN JUSQU'À LA PRISE D'ARDRES ET
D'AUDRUICQ)

DEUXIÈME PARTIE

TEXTE ET VARIANTES

PAR GASTON RAYNAUD



A PARIS
LIBRAIRIE RENOUARD
(H. LAURENS, SUCCESSEUR)
LIBRAIRE DE LA SOCIÉTÉ DE L'HISTOIRE DE FRANCE
RUE DE TOURNON, N° 6

M DCCC LXXVIII

EXTRAIT DU RÈGLEMENT.

ART. 14. Le Conseil désigne les ouvrages à publier, et choisit les personnes les plus capables d'en préparer et d'en suivre la publication.

Il nomme, pour chaque ouvrage à publier, un Commissaire responsable chargé d'en assurer l'exécution.

Le nom de l'Éditeur sera placé en tête de chaque volume.

Aucun volume ne pourra paraître sous le nom de la Société sans l'autorisation du Conseil, et s'il n'est accompagné d'une déclaration du Commissaire responsable, portant que le travail lui a paru mériter d'être publié.

Le Commissaire responsable soussigné déclare que le tome VIII de l'Édition des CHRONIQUES DE J. FROISSART, préparée par M. SIMÉON LUCE, lui a paru digne d'être publié par la SOCIÉTÉ DE L'HISTOIRE DE FRANCE.

Fait à Paris, le 1^{er} décembre 1887.

Signé L. DELISLE.

Certifié,

Le Secrétaire de la Société de l'Histoire de France,

J. DESNOYERS.

CHRONIQUES
DE J. FROISSART.

LIVRE PREMIER.

CHAPITRE XCVIII

§ 669. Assés tost apriès ce que messires Bertrans
fu ravestis de cel office, il dist au roy qu'il voloit
chevaucier vers les ennemis, monsieur Robert
Canolle, qui se tenoit sus les marces d'Ango et du
5 Mainne. Ces parolles plaisirent bien au roy, et dist:
«Faites ce que vous volés: prendés ce qu'il vous
plest et bon vous samble de gens d'armes; tout obeïront
à vous.» Lors se pourvei li dis connestables, et
mist une chevaucie de gens d'armes sus, Bretons et
10 autres, et se parti dou roy, et chevaucha vers le
Mainne; et en mena en se compagnie avoech lui le
signeur de Cliçon. Si s'en vint li dis connestables en
le cité du Mans, et là fist sa garnison, et li sires de
Cliçon en une aultre ville qui estoit assés priès de là;
15 et pooient estre environ cinc cens lances. Encores
estoient messires Robers Canolles et ses gens sus le
[2] pays, mais il n'estoient mies bien d'acort; car il y
avoit un chevalier en leur route englès, qui s'appelloit
messires Jehans Mestreourde, qui point n'estoit de le
volenté et tenure des autres, mais desconsilloit ce
5 qu'il pooit, et avoit desconsilliet toutdis le chevauchie,
et disoit qu'il perdoient leur temps, et qu'il ne
se faisoient que lasser et travillier en vain et à petit
de fait et de conquès.

Et estoit li dis chevaliers, qui tenoit une grant route
10 et menoit de gens d'armes, partis des aultres. Messires
Robers Canolles et messires Alains de Boukeselle tenoient

toutdis leur route et estoient logiet assés priès de
le cité du Mans. Messires Thumas de Grantson, messires
Gillebiers Giffars, messires Joffrois d'Urselée, messires
15 Guillaumes de Nuefville se tenoient d'autre part
à une journée en sus d'yaus. Quant messires Robers
Canolles et messires Alains sceurent le connestable de
France et le seigneur de Cliçon venu ou pays, si en furent
grandement resjoy, et disent: «Che seroit bon que
20 nous nos remesissions ensamble, et nous tenissions à
nostre avantage sus ce pays; il ne poet estre que messires
Bertrans en se nouvelleté ne nous viegne veoir et
qu'il ne chevauce: il le lairoit trop envis. Nous avons
ja chevaucié tout le royaume de France, et si n'avons
25 trouvé nulle aventure plus avant. Mandons nostre
entente à messire Hue de Cavrelée qui se tient à
Saint Mor sus Loire, et à monsieur Robert Briket,
à monsieur Robert Ceni, à Jehan Cressuelle et as
aultres chapitaines des compaignes qui sont priès de
30 ci, et qui venront tantost et volentiers. Se nous
poiens ruer jus ce nouvel connestable et le seigneur
de Cliçon qui nous est si grans ennemis, nous arions
[3] trop bien exploitié.» Entre monsieur Robert et
messire Alain et messire Jean Asneton n'i avoit point
de discort, mès faisoient toutes leurs besongnes par
un meisme conseil. Si envoièrent tantost leurs lettres
5 et messages secretement par devers [messire Hue de
Cavrelée et] monsieur Robert Briket et les aultres,
pour yaus aviser et enfourmer de leur fait, et qu'il
se vosissent traire avant, et il combateroient les
François. Ossi il le segnefiièrent à monsieur Thumas
10 de Grantson, à monsieur Gillebiert Giffart, à
monsieur Joffroi Ourselée et as aultres, que il se
volsissent avancier et estre sus un certain pas que on
leur avoit ordonné, car il esperoient que li François
qui chevaüçoient seroient combatu. A ces nouvelles
15 entendirent li dessus dit très volentiers, et s'ordonnèrent
et appareillièrent selonch ce, bien et à point,

et se misent à voie pour venir vers leurs compagnons,
et pooient estre environ deus cens lances.

Onques si secretement ne si quoitement ne sceurent
20 mander ne envoier devers les compagnons, que
messires Bertrans et li sires de Cliçon ne sceuissent
tout ce qu'il voloient faire. Quant il en furent enfourmé,
il s'armèrent de nuit et se partirent avoech
leurs gens de leurs garnisons, et se trouvèrent sur les
25 camps. Celle propre nuit, estoient parti de leurs logeis
messires Thumas de Grantson, messires Joffrois Ourselée,
messire Gillebiers Giffars, messires Guillaume
de Nuefville et li aultre. Et venoient devers monsieur
Robert Canolles et monsieur Alain sus un
30 pas où il les esperoient à trouver; mès on leur ascourça
leur chemin, car droitement en un lieu que on
appelle ou pays le Pont Volain, furent il rencontré et
[4] ratendu des François, et courut sus et envay soudainement.
Et estoient bien quatre cens lances et li Englès
deus cens. Là eut grant bataille et dure et bien combatue,
et qui longement dura, et fait tamaintes grans
5 apertises d'armes de l'un costé et de l'autre; car sitos
qu'il se trouvèrent, il misent tout piet à terre et
vinrent l'uns sus l'autre moult arreement, et là se
combatirent des lances et des espées moult vaillamment.
Toutes [fois], la place demora as François, et
10 obtinrent contre les Englès, et furent tout mort ou
pris: onques nulz ne s'en sauva, se il ne fu varlès ou
garçons; mès de chiaus aucuns, qui estoient monté
sus les coursiers leurs mestres, quant il veirent le
desconfiture, se sauvèrent et se partirent. Là furent pris
15 messires Thumas de Grantson, messires Gillebiers
Giffars, messires Joffrois Ourselée, messires Guillaume
de Nuefville, messires Phelippes de Courtenay, Hue
le Despensier, neveu à monsieur Edouwart le Despensier
et pluseur aultre chevalier et escuier, et tout
20 enmené prisonniers en le cité du Mans.

Ces nouvelles furent tantost sceues parmi le pays
de monsigneur Robert Canollez et des aultres, et ossi
de monsigneur Hue de Cavrelée et de monsigneur
Robert Briket et de leurs compagnons: si en furent durement
25 courouciet, et se brisa leur emprise pour celle
aventure. Et ne vinrent cil de Saint Mor sus Loire
point avant, mès se tinrent tout quoi en leurs logeis,
et messire Robers Canolles et messires Alains de Bouqueselle
se retrairent tout bellement, et se desrompi
30 leur chevaucie, et rentrèrent en Bretagne: il n'en
estoint pas lonch. Et vint li dis messires Robers en
son chastiel de Derval, et donna toutes manières de
[5] gens d'armes [et d'archiers] congiet pour faire leur
pourfit là où il le poroient faire ne trouver. Si s'en
retraisent li plus en Engleterre, dont il estoient parti;
et messires Alains de Bouqueselle s'en vint ivrener
5 et demorer en [sa ville de] S. Salveur le Visconte, que
li roi d'Engleterre li avoit donné.

§ 670. Apriès celle desconfiture de Pont Volain,
où une partie des Englès furent ruet jus, pour quoi
leur chevauchie se desrompi et deffist toute, messires
10 Bertrans de Claiekin, qui en se nouvelleté de l'offisce
de le connestablie de France usoit, [qui] en eut
[grant] grasce et grant recommandation, s'en vint
en France, et li sires de Cliçon avoecques lui, et amenèrent
le plus grant partie de leurs prisonniers en
15 leur compagnie en le cité de Paris. Là les tinrent il
tout aise et sans dangier, et les recrurent sus leurs
fois courtoisement sans aultre contrainte. Il ne les
misent point en buies, en fers, en ceps, ensi que li
Alemant font leurs prisonniers, quant il les tiennent,
20 pour estraire plus grant finance. Maudit soient il!
ce sont gens sans pitié et sans honneur, et ossi on
n'en deveroit nul prendre à merci. Li François fisent
bonne compagnie à leurs prisonniers, et les rançonnèrent
courtoisement, sans yaus trop grever ne presser.

25 De l'avenue de Pont Volain et dou damage des
Englès furent moult couroucié li princes, li dus de
Lancastre et cil de leur costé qui se tenoient à
Congnach après le revenue et reconquès de Limoges.

En ce temps, et environ le Noël, trespassa de ce
30 siecle en Avignon papes Urbains V^{ez} qui tant fu vaillans
clers, preudons et bons François. Et adont se
[6] misent li cardinal en conclave et eslisirent entre yaus
un pape et le fisent par commun acord dou cardinal
de Biaufort; si fu cilz papes appellés Grigores XI^{ez}.
De le creation et divine providensce de lui fu durement
5 li rois de France liés, pour tant qu'il le sentoit
bon François et preudomme; et estoit au temps de
se creation dalés lui en Avignon li dus d'Ango, qui y
rendi grant painne qu'il le fust.

En ce temps avint à monsieur Eustasse d'Aubrecicourt
10 une moult dure aventure. Car il chevaûoit
en Limozin; si vint un soir ou chastiel le signeur de
Pierebufière qu'il tenoit pour ami et pour compaignon
et pour bon Englès; mais il mist Thiebaut dou
Pont, un bon homme d'armes breton, et se route
15 dedens son chastiel, li quelz prist pour son prisonnier
monsieur Eustasce, qui de ce ne se donnoit
garde, et l'emmena avoeques lui comme son prison
et rançonna de puis à douse mil frans, dont il en
paia quatre mil, et ses filz François demora en ostages
20 pour le demorant devers le duch de Bourbon, qui
l'avoit raplegiet et rendu grant painne à sa delivrance,
pour le cause de ce que messires Eustasses
d'Aubrecicourt avoit ossi rendu grant painne et grant
travel à ma dame sa mère, que les compaignes
25 present à Belleperche. De puis sa delivrance, messires
Eustasses s'en vint demorer en Quarentin, oultre les
gués Saint Climench, en le Basse Normendie, une
bonne ville que li rois de Navare li avoit donné; et
là morut: Dieus en ait l'ame! car il fu, tant qu'il

30 vesqui et dura, moult vaillans chevaliers.

§ 671. En ce temps s'en raloit de Paris en son
[7] pays en Limozin, messires Raymons de Maruel, qui
s'estoit tournés François. Si eut un assés dur rencontre
pour lui, car il trouva une route d'Englès des
gens de messire Hue de Cavrelée, que uns chevaliers
5 de Poito menoit. Si cheï si à point entre leurs mains
qu'il ne peut fuir, et fu pris et menés ent prisonniers
en Poito ou chastiel du dit chevalier. La prise de
monsigneur Raymon fu sceue en Engleterre, et tant
que li rois en fu enfourmés. Si escripsi tantos li dis
10 rois devers le dit chevalier, en lui mandant qu'il li
envoïast son ennemi et trahitte, monsigneur Raymon
de Marueil, car il en prenderoit si grant punition
qu'il seroit exemples à tous aultres, et pour se prise il
li donroit sis mil frans. Messires Joffrois d'Argenton,
15 qui le tenoit et en quelle prison il estoit, ne volt mies
desobeïr au roy, son signeur, et dist que tout ce feroit
il volentiers. Messires Raymons de Maruel fu
enfourmés comment li rois d'Engleterre le voloit
avoir et l'avoit mandé, et comment ses mestres estoit
20 tous avisés de lui là envoier. Quant messires Raymons
sceut ces nouvelles, si fu plus esbahis que
devant: ce fu bien raisons. Et commença en se prison
à faire les plus grans et les plus piteus regrés dou
munde; et tant que cilz qui le gardoit, [qui estoit
25 englès et de la nation d'Engleterre], en eut grant pité
et le commença à reconforter moult doucement.
Messires Raymons, qui ne veoit nulz reconfors en ses
besongne[s], puis que mener en Engleterre on le devoit
devers le roy, se descouvri envers sa garde, et li dist:
30 «Mon ami, se vous me voliés oster et delivrer de ce
dangier, je vous ay en couvent sus ma loyauté que je
vous partirai moitié à moitié toute ma terre, et vous
[8] en ahireterai, ne jamais je ne vous faurrai.» Li Englès,
qui estoit uns povres hom, considera que messires

Raymons estoit en peril de sa vie, et qu'il li prommetoit
grant courtoisie: si en eut pitié et compassion,
5 et dist qu'il se metteroit en painne de lui sauver.
Adont messires Raymons, qui fut moult resjoïs de
ceste parolle, li creanta se foy qu'il li tenroit son couvent
et encores oultre, se il voloit. Et sus cel estat
s'assegurèrent et avisèrent comment il s'en poroient
10 chevir.

Quant ce vint de nuit, cilz Englès qui portoit les
clés dou chastiel et de la tour, où messires Raymons
estoit, ouvri la prison et une posterne dou chastiel,
et fist tant qu'il furent hors, et se misent as camps et
15 dedens un bois, pour yaus esconser, par quoi il ne
fussent rataint. Et eurent celle nuit tant de povreté que
nulz ne la diroit, car il cheminèrent plus de set lieues
tout à piet; et si estoit gellé par quoi il descirèrent tous
leurs piés; et firent tant que il vinrent à l'endemain en
20 Ango en une forterèce françoise, où il furent recueillié
des compagnons qui le gardoient, as quelz messires
Raymons compta sen aventure: si en loèrent tout
Dieu, quant il le sceurent. Bien est voirs que à l'endemain,
quant on se fu aperceu qu'il estoient parti, on
25 les quist à gens de chevaus tout par tout, mès on n'en
peut nul trouver. Ensi escapa de grant peril messires
Raymons de Maruel, et retorna en Limozin et recorda
à ses amis comment cilz escuiers englès li avoit fait
grant courtoisie. Si fu de puis li dis Englès moult
30 amés et honnourés entre yaus. Et li voloit messires
Raymons donner le moitié de son hiretage, mès cilz
n'en volt onques tant prendre, fors seulement deus
[9] cens livrées de revenue; c'estoit assés, ce disoit, pour
lui et pour son estat parmaintenir.

§ 672. En ce temps trespasa de siècle en le cité
de Bourdiaus li ainsnés filz dou prince et de la princesse;
5 si en furent durement couroucié: ce fu bien

raisons. Pour le temps de lors fu consillié au dit
prince de Galles et d'Aquitaines qu'il retornast en
Engleterre sus se nation, en espoir de recouvrer plus
grant santé qu'il n'avoit encore eu. Et ce conseil li
10 donnèrent si surgien et phisicien qui se cognissoient
à se maladie. Li princes se assenti moult bien à ce
conseil, et dist que volentiers il y retourneroit. Si fist
ordener sur ce toutes ses besongnes et me samble que
li contes de Cantbruge, ses frères, et li contes Jehans
15 de Pennebruch furent ordonné de retourner avoecques
lui atout leurs gens, pour lui faire compagnie.

Quant li dis princes deubt partir d'Aquitaines, et
que se navie fu toute preste sus le rivière de Garone
ou havene de Bourdiaus, et proprement il estoit là et
20 ma dame sa femme et le jone Richart, leur fil, il fist
un mandement très especial en le ditte cité de Bourdiaus
de tous les barons et chevaliers de Gascongne
et de Poito et de tout ce dont il estoit sires et avoit
l'obeïssance. Quant il furent tout venu et mis ensamble
25 en une cambre en sa presence, il leur remoustra
comment il avoit esté leurs sires et les avoit tenu
en pais tant qu'il avoit pout, et en grande prosperité
et poissance contre tous leurs voisins, et que pour
recouvrer santé dont il avoit grant besoing, il avoit
30 espoir [et intention] de retourner en Engleterre. Si
leur prioit chierement que le duch de Lancastre, son
[10] frère, il vosissent croire et servir et obeïr à lui, comme
il avoient fait dou temps passé à lui; car il le trouveroient
bon signeur courtois et acordable, et ossi en
toutes ses besongnes il le volsissent aidier et consillier.
5 Li baron d'Aquitaines, de Gascongne, de Poito
et de Saintonge li eurent tout en couvent, et li jurèrent
par leurs fois que ja en yaus n'i trouveroient
defaute, et fisent la feaulté et hommage au dit duch,
et li recogneurent toute amour, service et obeïssance,
10 et li jurèrent, present le prince, et le baisièrent
tout en le bouche.

Apriès ces ordenances faites, li dis princes ne sejourna
point plenté [en le cité de Bourdiaux], ains
entra en son vaissiel, et ma dame la princesse, et
15 leur fil, et li contes de Cantbruge et li contes de
Pennebruch. Et estoient bien en celle flote cinc cens
combatans sans les archiers. Si singlèrent tant que
sans peril et sans damage il arrivèrent ou havene de
Hantonne. Là issirent il des vaissiaus, et s'i rafreschirent
20 par trois jours, et puis montèrent à chevaus,
et li princes en se littière, et tant exploitièrent qu'il
vinrent à Windesore où li rois se tenoit qui rechut
ses enfans moult doucement, et s'enfourma par yaus
de l'estat de Giane. Quant li princes eut estet dalés
25 le roy, son père, tant que bien li souffi, il prist congiet,
et se retraiy à son hostel de Berkamestede à
vint liewes de le cité de Londres.

Nous nos soufferons à parler tant qu'en present
dou prince, et parlerons des besongnes d'Aquitainne.

30 § 673. Assés tost apriès che que li princes de Galles
fu partis de Bourdiaus, li dus de Lancastre entendit
[11] à faire faire l'obseque de son cousin Edouwart, le fil
dou prince, son frère. Si le fist moult grandement
et moult reveramment en le cité de Bourdiaus; et là
furent tout li baron de Gascongne et de Poito qui
5 avoient juré obeïssance à lui.

Entrues que ces ordenances se faisoient et que on
entendoit à faire cel obseque, et que cil signeur se
tenoient à Bourdiaus, issirent [hors] de le garnison
de Pieregorch bien deus cens lances de Bretons qui
10 là se tenoient que li dus d'Ango y avoit envoiiés, des
quelz estoient chapitainne quatre bon chevalier et
hardi homme malement; je les nommerai. Che furent
messires Guillaumes de Loncval, messires Alains
de le Housioie, messires Loeis de Mailli et li sires
15 d'Arsi. Si chevauchièrent cil signeur et leurs routes jusques

à un chastiel biel et fort que on dist de Montpaon,
dou quel messires Guillaumes de Montpaon
estoit sires. Quant cil Breton furent venu jusques à
là et il eurent couru devant les barrières, il moustrèrent
20 grant samblant d'assaut et l'environnèrent
moult faiticement. Messires Guillaumez de Montpaon,
à ce qu'il moustra, avoit le corage plus françois que il
n'eüst englès, et se rendi, et tourna François à peu
de fait, mist les dessus dis chevaliers et leurs gens en
25 sa forterèce, li quel disent qu'il le tenroient contre
tout homme. Si le remparèrent et raparillèrent et
rafreschirent de ce que il y apertenoit. Ces nouvelles furent
sceues à Bourdiaus [tantost] coment li dus de
Lancastre et li baron de Giane n'exploitoient mies bien,
30 car li Breton chevaüçoient et avoient pris Montpaon
qui marcist assés priès de là. De quoi li dus et tout
li signeur qui là estoient eurent grant virgongne,
[12] quant il le sceurent, et se ordonnèrent [et appareillèrent]
tantost pour yaus traire celle part. Et partirent
de le cité de Bourdiaus sus un merkedî après boire
en grant arroy. Avoecques le duch de Lancastre estoient
5 li sires de Pons, li sires de Partenay, messires
Loeis de Harcourt, messires Guichars d'Angle, messires
Percevaus de Coulongne, messires Joffrois d'Argenton,
messires Jakemes de Surgières, messires
Mauburnis de Linières, messires Guillaumes de
10 Monttendre, messires Hugues de Vivone, li sires de
Crupegnach et pluseur autre baron et chevalier de
Poito et de Saintonge. Si y estoient de Gascongne li
captaus de Beus, li sires de Pumiers, messires Helyes
de Pumiers, li sires de Chaumont, li sires de Monferrant,
15 li sires de Longuerem, li soudis de l'Estrade, messires
Bernardès de Labreth, sires de Geronde, messires
Aymeris de Tarse et pluseur aultre; et d'Engleterre,
messires Thumas de Felleton, messires Thumas
de Persi, li sires de Ros, messires Mikieus de la Poule,
20 li sires de Willebi, messires Guillaumes de Biaucamp,

messires Richars de Pontchardon, messires Bauduins
de Fraiville, messires d'Agorisès et pluseur aultre.
Si estoient bien set cens lances et cinc cens arciers.
Si chevaucièrent moult arreement et ordonneement
25 par devers Montpaon et fissent tant qu'il y
parvinrent.

Quant messires Guillaumes de Montpaon sceut
que li dus de Lancastre et toutes ses gens le venoient
assegier, si ne fu mie trop assecurés, car bien savoit
30 que se il estoit pris, il le feroient morir à grant
painne, et que point ne seroit receus à merci, car
trop il s'estoit fourfais. Si s'en descouvri à quatre
[13] chevaliers dessus dis, et lor dist qu'il se partiroit et iroit
tenir à Pieregorch, et que dou chastiel il fesissent
leur volenté. Adont se departi li dessus dis ensi que
proposé l'avoit, et s'en vint en le cité de Pieregorch
5 qui est moult forte, et laissa son chastiel en le garde
des quatre chevaliers dessus dis.

§ 674. Quant li dus de Lancastre, li baron et li
chevalier et leurs routes, furent venu devant le chastiel
de Montpaon, si le assegièrent et environnèrent
10 de tous lés, et s'i bastirent ossi fort et ossi bien que
dont que il y deuissent demorer set ans. Et ne
sejournèrent mies quant il y furent venu, mais se
ordonnèrent et se mirent tantos à l'assallir de grant
volenté, et envoièrent querre et coper par les villains
15 dou pays grant fuison de bois, [d'arbres], de mairiens
et de belourdes; si les fissent là amener et achariier
et reverser ens es fossés; et furent bien sus cel estat
vint jours que on n'entendoit à aultre chose fors que
de raemplir les fossés. Et sus ces bois et mairiens on
20 mettoit estrain et terre, et tant fissent li dit signeur par
l'ayde de leurs gens que il raemplirent une grande
quantité des fossés; et tant que il pooient bien venir
jusques as murs pour escarmucier à ceulz dedens,

ensi que il faisoient tous les jours par cinc ou par sis
25 assaus. Et y avoit les plus biaux estours dou monde,
car li quatre chevalier breton, qui dedens se tenoient
et qui entrepris à garder l'avoient, estoient droites
gens d'armes et qui si bien se deffendoient et si vaillamment
se combatoient que il en sont grandement
30 à recommander, ne quoi que li Englès et li Gascon
les approçassent de si priès que je vous di, nullement
[14] point ne s'en effreioient, ne sus yaus rien on ne
conqueroit.

Assés priès de là en le garnison de Saint Malkaire
se tenoient aultre Breton des quelz Jehans de Malatraït
5 et Selevestre Bude estoient chapitaine. Cil doi
escuier, [qui] oient parler tous les jours et recorder
les grans apertises d'armes que on faisoit devant
Montpaon, avoient grant desir et grant envie que il
y fussent; si en parlèrent ensamble pluseurs fois en
10 disant: «Nous savons nos compagnons priès de ci et
si vaillans gens que telz et telz», et les nommoient,
«qui ont tous les jours par cinc ou sis estours le bataille
à le main, et point n'i alons, qui ci sejourrons à riens
de fait: certainement nous ne nos en acquittons pas
15 bien.» Là estoient en grant estri d'aler y, et quant
il avoient tout parlé, et il consideroient le peril de
laisser leur forterèce sans l'un d'yaus, il ne par
osoient. Si dist une fois Selevestre Bude: «Par Dieu,
Jehan, ou je irai, ou vous irés; or regardés li quelz
20 ce sera.» Respondi Jehans: «Selevestre, vous
demorrés, et jou irai.» Là furent de recief en estri
tant que par accort et par sierement fait et juré,
present tous leurs compagnons, il deurent traire
à le plus longe, et cilz qui aroit le plus longe iroit,
25 et li aultres demoroit. Si traient tantost, et escheï
Selevestre Bude à le plus longhe; lors y eut des
compagnons grant risée. Li dis Selevestres ne le
tint mies à gas, mais s'apparilla tantost, et monta
à cheval, et se parti li XII^{ez} de hommes d'armes.

30 Et chevaucha tant que sus le soir il s'en vint bouter
en le ville et forterèce de Montpaon, dont li chevalier
et li compaignon, qui là dedens estoient,
[15] eurent grant joie, et en tinrent grant bien dou dit
Selevestre.

§ 675. Si com je vous ay ci dessus dit, il y avoit
tous les jours assaut à Montpaon, et trop bien li chevalier
5 qui dedens estoient se deffendoient, et y acquisent
haute honneur, car jusques adont que on leur
fist reverser un pan de leur mur, il ne s'effraèrent.
Mais je vous di que li Englès ordenèrent mantiaus et
atournemens d'assaut, quant il peurent approcier par
10 mi les fossés raemplis jusques au mur; et là avoit brigans
et gens paveschiés bien et fort, qui portoient
grans pis de fier, par quoi de force il piketèrent tant
le mur qu'il en firent cheoir sur une remontière plus
de quarante piés de large. Et puis tantost li signeur
15 de l'ost ordonnèrent et establirent une grande bataille
de leurs arciers à l'encontre, qui traioient si ouniement
à chiaus de dedens que nulz ne s'osoit
mettre avant ne apparoir. Quant messires Guillaumes
de Loncval, messires Alains de le Housioie, messires
20 Loeis de Mailli et li sires d'Arsi se veirent en ce
parti, si sentirent bien qu'il ne se pooient tenir. Si
envoièrent tantost un de leurs hiraus, monté à cheval,
tout par mi ce mur trauet pour parler de par yaus au
duch de Lancastre, car il voloient entrer en trettié, se
25 il pooient. Li hiraus vint jusques au duch, car on
li fist voie, et remoustra ce pour quoi il estoit là
envoiés. Li dus par le conseil des barons, qui là
estoient, donna respit à chiaus de dedens, tant que
il euissent parlementé à lui. Li hiraus retourna, et
30 fist celle relation à ses mestres, et tantost tout quatre
il se traisent avant. Si envia li dis dus parler à yaus
[16] monsigneur Guichart d'Angle. Là sus les fossés furent
il ensemble en trettié, et demandèrent en quel

manière li dus les voloit prendre ne avoir. Messires
 Guiçars, qui estoit cargiés de ce qu'il devoit dire et
 5 faire, leur dist: «Signeur, vous avés durement couroucié
 monsigneur, car vous l'avés ci tenu plus de
 onse sepmainnes où il a grandement fraiiet et perdu
 de ses gens; pour quoi il dist qu'il ne vous recevra ja
 ne prendra, se vous ne vous rendés simplement, et
 10 encores voet il tout premierement avoir monsigneur
 Guillaume de Montpaon et faire morir, ensi qu'il a
 desservi comme trahitour envers lui.» Lors respondi
 messires Loeis de Mailli, et dist: «Messires Guiçart,
 tant que de monsigneur Guillaume que vous demandés
 15 à avoir, nous vous jurrons bien en loyauté que nous
 ne savons où il est, et que point il ne se tient en ceste
 ville ne n'est tenu de puis que vous mesistes le si[è]ge
 ci devant; mais il nous seroit moult dur de nous rendre
 en le manière que vous volés avoir, qui ci sommes
 20 envoiet comme saudoier, gaegnans nostre argent,
 ensi que vous envoieries le[s] vostres ou vous iriés
 personelment. Et ançois nous feissions ce marchié, nous
 nos venderions si chierement que on en parleroit
 cent ans à venir. Mais retournés devers monsigneur le
 25 duch, et li dittes qu'il nous prende courtoisement
 sus certaine composition de raençon ensi que il
 vorroit que il fesist les siens, se il estoient escheu en
 ce dangier.» Lors respondi messires Guiçars, et dist:
 «Volentiers; j'en ferai mon plain pooir.» A ces
 30 parolles retourna li dis mareschaus devers le duch,
 et prist en se compagnie le capital de Beus, le signeur
 de Rosem et le signeur de Muchident, pour mieulz
 [17] abrisier le duch. Quant cil signeur furent devant lui,
 se li remoustrèrent tant de belles parolles, unes et aultres,
 qu'il descendi à leur entente, et prist les quatre
 chevaliers bretons dessus dis et Selvestre Bude et leurs
 5 gens à merci comme prisonniers. Ensi eut il de
 rechief le saisine et possession de [le forteresche de]
 Montpaon; et prist le feauté des hommes de le ville,

et y ordonna deus chevaliers gascons et quarante
hommes d'armes et otant d'arciers pour le garder.
10 Et le fissent cil tantost reparer bien et à droit par les
païsans de là environ, et le refreschirent de vivres et
d'artillerie.

§ 676. Apriès le reconquès de Montpaon, et que
li dus de Lancastre l'eut repourveue de bonnes gens
15 d'armes et de chapitaines, ils se deslogièrent; et
donna li dis dus congiet à toutes ses gens pour
retraire cescun en son lieu. Si se departirent li un de
l'autre et retournèrent en leurs nations, et s'en
revint li dus en le cité de Bourdiaus et li Poitevin en
20 leur pays, et li signeur de Gascongne [s'en ralèrent]
en leurs villes et chastiaus. Si se commencièrent à
espartre les compagnes sus les pays, li quel y faisoient
moult de maulz, ossi bien en terre d'amis que
d'anemis. Si les soustenoit li dis dus et leur souffroit
25 à faire leurs aises pour le cause de ce qu'il en pensoit
à avoir besongne. Et par especial les guerres
estoient pour le temps de lors plus dures et plus
fortes sans comparaison en Poito que aultre part. Et
tenoient une grande garnison li François ou chastiel
30 de Montcontour à quatre lieues de Touwars et à sis
de Poitiers; des quelz messires Pières de la Gresille
[18] et Jourdain de Coulongne estoient chapitaine et
souverain. Si couroient priès que tous les jours
[devant Touwars ou devant Poitiers, et y faisoient
grans contraires et moult les resongnoient chil du
5 païs; d'autre part à Chastel Eraut se tenoit Charuels
et bien cinc cens Bretons qui trop adamagoient le
païs; et chil de le Roche de Ponsoy et chil de
Saint Salvin ossi priès que tous les jours], et n'osoient
li baron et li chevalier de Poito, qui Englès
10 se tenoient, chevaucier fors en grant route pour le
doubtance des François qui estoient enclos en leur
pays.

§ 677. Assés tost apriès le revenue de Montpaon
et que cil seigneur de Poito furent retrait en leur
15 pays, qui tenoient frontière as François, y eut secrés
tretties entre monsigneur Loeis de Saint Julien, le
visconte de Rocewart, et aultres François d'un costé,
et le seigneur de Pons; et tant parlementèrent et tant
exploitièrent li François par mi grans pourças qui
20 vinrent dou roy de France qui nuit et jour travilloit
à attraire chiaus de Poito à son accord, que li sires
de Pons se tourna françois oultre la volenté de ma
dame sa femme, et chiaus de sa ville de Pons en
Poito, et demora à ce dont la dame englesce et li
25 sires françois.

De ces nouvelles furent moult courouciet li baron
et li chevalier de Poito qui englès estoient; car
cilz sires de Pons est là uns grans sires malement.
Quant li dus de Lancastre entendit ce, si en eut grant
30 mautalent et tint grant mal dou seigneur de Pons et
grant bien de ma dame sa femme, et de chiaus de le
[19] ville de Pons, qui se voloient tenir englès. Si y envoya
tantost pour estre chapitainne de la ditte ville
de Pons, et pour aidier et consillier la dame, un chevalier
qui s'appeloit messires Aymenions de Bouch,
5 hardi homme et vaillant durement. Si couroit priès
que tous les jours li sires de Pons devant sa ville et
ne les deportoit en riens. Et tele fois y venoit que
il estoit recaciés et reboutés, et retournoit à damage.
Ensi estoient là les choses entoueillies, et li seigneur et
10 li chevalier l'un contre l'autre; et y fouloit li fors le
foible ne on n'i faisoit droit ne loy ne raison à
nullui. Et estoient les villes et li chastiel entrelachiet
li un en l'autre, li uns englès, li autres françois, qui
couroient et racouroient et pilloient li un sus l'autre
15 sans point de deport.

Or s'avisèrent aucun baron et chevalier de Poito
qui englès estoient, que cil de le garnison de

Montcontour les travilloient plus que nul aultre et
que il se traoient celle part et les iroient assegier.

- 20 Si fisent un mandement en le cité de Poitiers,
ou non dou seneschal de Poito, monsigneur Thumas
de Persi, au quel commandement obeïrent
tout chevalier et escuier, et furent bien cinc cens
lances et deus mil brigans paveschiés par mi les
25 arciers. Là estoient messires Guiçars d'Angle, messires
Loeis de Harcourt, li sires de Partenay, li sires
de Puiane, li sires de Tannai Bouton, li sires de Crupegnach,
messires Parcevaus de Coulongne, messires
Joffrois d'Argenton, messires Hugues de Vivone, li
30 sire de Tors, li sires de Puisances, messires Jakemes
de Surgières, messires Mauburnis de Linières et pluseur
aultre; et ossi des chevaliers englès qui pour
[20] le temps se tenoient en Poito, par cause d'office ou
de garder le pays, telz que monsigneur Bauduin de
Fraiville, monsigneur d'Aghoriset, monsigneur Gautier
Huet, monsigneur Richart de Pontchardon et
5 des aultres. Quant il se furent tout mis ensamble
à Poitiers, et il eurent ordonné leurs besongnes, leur
arroi et leur charoi, il se partirent à grant exploit et
prisent le chemin de Montcontour, tout ordonné
et appareillié ensi que pour le assegier.

- 10 § 678. Cilz chastiaus de Montcontour siet sur les
marces d'Ango et de Poito, et est malement fors et
biaus, à quatre lieues de Touars. Tant exploitièrent li
dessus dit Poitevin, qui estoient bien en compte
15 trois mil combatant, que il y parvinrent. Si le assegièrent
et environnèrent tout au tour; et avoient fait
amener et achariier avoech eulz grans engiens de le
cité de Poitiers, et ossi il en mandèrent en le ville de
Touars. Si les fisent, tantost qu'il furent venu, drecier
par devant le dit chastiel de Montcontour, li quel
20 jettoient nuit et jour à le ditte forterèce. Avoecques
ce, li signeur envoioient leurs gens tous les jours

assallir et escarmucier à chiaus dou dit fort, et là
eut fait pluseurs grans apertises d'armes, car avoech
les Poitevins estoient gens de compaignes qui point ne
25 voloient sejourner, telz que Jehans Cressueille et
David Holegrave. Cil doi avoecques monsigneur
Gautier Huet en estoient chapitaine. Messires Pières
de la Gresille et Jourdains de Coulongne qui dedens
estoient, se portoient vaillamment, et s'en venoient
30 tous les jours combatre as Englès à leurs barrières.

Entre les assaus que là eut fais, dont il en y eut
[21] pluseurs au x^e jour que li Englès et Poitevin
furent là venu, il s'avancièrent telement et de si
grant volenté et par si bonne ordenance, que de
force il pertruisièrent les murs dou chastiel, et entrèrent
5 dedens, et conquissent les François. Et y furent
tout mort et occis cil qui dedens estoient, excepté
messires Pières et Jourdains, et cinc ou sis hommes
d'armes que les compaignes prisent à merci.

Apriès ceste avenue et le prise de Montcontour,
10 messires Thumas de Persi, messires Loeis de Harcourt
et messires Guiçars d'Angle par l'acort et conseil des
aultres barons et chevaliers, donnèrent le chastiel à
monsigneur Gautier Huet, à Jehan Cressuelle et à
David Holegrave et as compaignes qui bien estoient
15 cinc cens combatans, pour faire la frontière as Poitevins
contre chiaus d'Ango et du Maine; et puis se
departirent li signeur, et retournèrent cescuns en
leurs lieus. Ensi demora li chastiaus de Montcontour
et li frontière en le garde et ordenance des dessus
20 dis qui y fissent tantost une grande garnison, et le
remparèrent grandement, et le tinrent de puis moult
longement, et moult grevèrent le pays de là environ,
car tous les jours il couroient en Ango et en
Mainne.

25 § 679. Nous retournerons à parler de monsigneur

Bertran de Claiekin, connestable de France, qui s'estoit
tenus à Paris et dalés le roy, de puis le revenue
de Pont Volain, où ilz et li sires de Cliçon avoient
ruet jus les Englès, sicom ci dessus est dit, et bien
30 avoient entendu que li Englès en Poito et en Ghiane
tenoient les camps. Si ques tantost apriès le Candler,
[22] que li prins tamps commença à retourner, li dis
messires Bertrans s'avisa qu'il metteroit sus une
grande armée et asssemblée de signeurs et de gens
d'armes, et chevauceroit d'autre part ossi bien que li
5 Englès chevaüoient en Poito ou pays de Quersi et de
Roerge, car là avoit aucuns Englès qui s'i tenoient
trop honnourablement et estoient tenu de puis la
guerre renouvelée. Et encores de nouviel les gens
monsigneur Jehan d'Evrues, qui se tenoient ou pays
10 de Limozin, avoient en Auvergne pris un chastiel,
cité et ville tout ensamble qui s'appelle [Ussel], qui
mies ne faisoit à souffrir. Si disoit li dis connestables
que il se voloit traire de celle part. Si fist par le congiet
dou roy un grant mandement de signeurs, de
15 gens d'armes et d'arciers; et se parti de Paris à grant
route et toutdis li croissoient gens. Et tant exploita
li dis connestables qu'il vint en Auvergne. Adont estoient
dalés lui et en se compagnie li dus de Berri,
li dus de Bourbon, li contes d'Alençon, li contes du
20 Perce, ses frères, li contes de Saint Pol, li daufins
d'Auvergne, li contes de Vendome, li contes de Porsien,
li sires de Sulli, li sires de Montagut, messires
Huges Dauffins, li sires de Biaugeu, li sires de Rocafort,
li sires de Calençon et grant fuison de barons
25 et de chevaliers des marces et tenures de France.
Si exploitièrent tant ces gens d'armes avoech le dessus
dit connestable que il vinrent devant le cité
d'Ussel. Si le assegièrent et y furent quinze jours. Là
en dedens il y eut pluseurs assaus, grans et fors;
30 mais onques en celle empainte il ne peurent prendre
le forterèce, car il y avoit dedens Englès, qui trop

vaillamment le gardèrent. Si s'en partirent ces [gens]
[23] d'armes et chevaucièrent oultre avoech le connestable
en Roerge.

Et li aucun des chiés des signeurs vinrent en Avignon
veoir le pape Grigore et le duch d'Ango, qui se
5 tenoit dalés lui. Tantost apriès celle visitation, que
cil signeur fisent au pape et au duch d'Ango, il se
departirent de le cité d'Avignon et se retraisent devant
le connestable qui chevaüçoit en Roerge et conqueroit
villes et chastiaus sus les Englès. Si s'en vinrent
10 devant le ville de La Millau, et le assegièrent, la
quele messire Thumas de Welkefare tenoit et avoit
tenu tout le temps, et aussi le Roce Vauclere. Mais
li dessus dis chevaliers englès, par composition à ce
dont que messires Bertrans fu venus ou pays, s'en
15 parti et li Englès qui de se route se tenoient. Et li
rendirent encores aucuns chastiaus sur les frontières
de Limozin. Et quant li dis messires Bertrans les ot
rafreschis, il prist son chemin et son retour, et tout
cil signeur de France en se compagnie pour venir
20 de rechief devant le cité d'Ussel, en Auvergne, et le
assegièrent. Et fisent là li dus de Berri et li dus de
Bourbon et li connestables amener et achariier grans
engiens de Rion et de Clermont, et drecier devant
la ditte forterèce, et avoech tout ce appareillier grans
25 atournemens d'assaus.

§ 680. Quant li Englès, qui s'estoient tenu en le
cité d'Ussel si vaillamment, veirent le manière et ordenance
dou connestable et des François, et il entendirent
que messires Thumas de Welkefare estoit partis
30 de ses forterèces de Roerge et que confors ne leur
apparoit de nul costé, si se commencièrent à consillier
[24] et aviser qu'il se renderoient par trettié, non aultrement.
Si trettièrent si bellement et si sagement
devers le connestable, qu'il se partirent sans damage

et sans blasme, et emportoient tout le leur, ce que
5 porter en pooient devant yaus. Et avoech tout ce, on
les devoit convier jusques à Sainte Sivière en Limozin.
Ceste ordenance fut tenue: li Englès se partirent
et rendirent tout ce que il tenoient d'Ussel,
cité et chastiel, et furent mené sanz peril jusques en
10 le garnison dessus dite. Ensi acquitta en ce voiage
messires Bertrans un grant fuison de pays que li Englès
avoient tenu, et tourna François; dont il acquist
grant grasce, et puis retourna en France.

Vous avés bien ci dessus oy parler de le chevaucie
15 monsieur Robert Canolles, qu'il fist en France, et
comment il retourna en son pays de Derval en
Bretagne; et est bien voirs que aucun Englès, à
leur retour, parlèrent grandement de sen honneur
en Engleterre, et tant que li rois et ses consaulz en
20 furent enfourmé contre lui et mal content. Mais
quant li dis messires Robers le sceut, il s'envoia escuser
par deus de ses escuiers d'onneur, telement que
li rois et se[s] consaulz se tinrent pour mal enfourmé
en devant dou dit monsieur Robert, et de lui bien
25 se contentèrent, parmi ce que messires Alains de Bouquesele
et aucun aultre chevalier, bien amé et prochain
dou roy, l'aidièrent à escuser. Et en fu trouvés
en son tort tant que il le compara chierement, messires
Jehans Mestreourde, car il en fu pris et justiciés
30 publikement en le cité de Londres. Par celle justice fu
lavés et escusés de toutes amises li dessus dis messires
Robers et demora en le grace dou roy et dou prince.

[25] § 681. Li rois d'Engleterre qui se veoit guerriés
et cuvriés des François malement, acqueroit amis,
ce qu'il pooit, par de deça le mer. Et avoit pour lui
le duch de Guerles, son neveu, et le duch de Jullers,
5 et devoient en celle saison mettre sus une grande
somme de gens d'armes, et bien estoit en leur poissance

pour entrer en France. Et de ce et d'yaulz se
doubtoit bien li rois de France. En ce temps envoioit
li rois d'Engleterre le conte de Herfort et les chevaliers
10 de son hostel moult ordeneement en Bretagne,
pour parler au duch sus aucunes ordenances qui devoient
estre entre lui et le duch.

Et pour lors n'estoient point bien cler li Englès et
li Flamench, et s'estoient celle saison heriet sus mer,
15 et tant que li Flamench avoient perdu: dont il leur
desplaisoit. Si se trouvèrent d'aventure devant un
havene en Bretagne que on dist à le Bay, chil Englès
et cil Flamench. Si estoit paterons de le navie des
Flamens Jehans Pietresone, et des Englès messires
20 Guis de Briane. Si tretos comme il se furent trouvé, il
ferirent ensamble et assamblèrent de leurs vaissiaus;
et là eut grant bataille et dure malement. Et estoient
là des chevaliers dou dit roy avoec le comte de Herfort,
messires Richars de Pennebruge, messires Alains de
25 Bouquesele, messires Richars Sturi, messires Thumas
Wisk, et des aultres. Si se combatirent chil chevalier
et leurs gens moult asprement à ces Flamens, et s'i
portèrent très vaillamment, comment que li Flamench
fussent plus grant fuison et pourveu de leur
30 fait. Car il n'avoient desiré toute le saison aultre cose
que il peussent avoir trouvés les Englès, mais pour
ce ne l'eurent il mies davantage. Si dura ceste bataille
[26] sus mer bien trois heures, et là ot fait pluseurs
apertises d'armes et maint homme navré et
blechié dou trait. Et avoient leurs nefes atachies à
grawés de fier et à kaines pour quoi il ne peussent
5 fuir. Toutes fois finalement la place demora as Englès,
et furent li dit Flamench desconfi, et sires
Jehans Pietresone, leurs paterons, pris, et tous li demorans
mors et pris; onques piés n'en escapa. Et
retournèrent li dit Englès arriere en Engleterre, qui
10 en menèrent leur conquès et leurs prisonniers, et ne
fisent point leur voiage en Bretagne adont. Si comptèrent

ces nouvelles au roi d'Engleterre lor signeur,
qui fu moult joians de leur avenue, quant il entendī
que li Flamench qui envay les avoient, estoient desconfi.
15 Si furent tantos envoiēt en prison fremée
Jehan Pietresone et li aultre, et espars par mi
Engleterre.

§ 682. Apriès celle desconfiture qui fu faite sus
les Flamens, devant le Bay en Bretagne, li rois d'Engleterre
20 mist grans gens sus mer à l'encontre des
Flamens, et les commanda à guerrier et herier et à
clore les pas, par quoi riens ne leur venist fors à
grant dangier. Quant cil de Bruges, d'Ippre et de
Gand entendirent ces nouvelles, si misent leurs consaulz
25 ensamble et disent, tout imaginé et considéré,
que pourfitable ne leur estoit mie d'avoir la guerre
et le hayne as Englès, qui leur estoient voisin et marcissant
à yaus, pour l'oppinion de leur signeur le
conte aidier à soustenir, comment que il en touchoit
30 aucunement à yaus, otant bien c'au conte. Si se dissimulèrent
li plus sage des bonnes villes, et envoièrent
[27] de par yaus souffisans hommes et bons
trettieurs en Engleterre devers le roy et son conseil,
li quel exploitièrent si bien [ains leur retour], que
il aportèrent pais au pays de Flandres et as Flamens
5 sus certains articles et ordenances qui furent ditté et
seelé entre l'une partie et l'autre: si demora la cose
en bon et segur estat.

Or parlerons un petit dou roy Jame de Mayogres.

§ 683. Vous avés bien oy recorder comment li
10 rois de Mayogres fu pris ou Val d'Olif en Castille au
reconquès que li rois Henris fist en Espagne, et demora
prisonniers au dit roy Henri. Quant la royne
de Naples, sa femme, et la markise de Montferrat, sa
soer, entendirent ces nouvelles, si furent moult coureciés

15 de l'avenue et y pourveirent de remede et de
conseil. Je vous dirai par quel manière elles traittièrent
et firent traittier par sages et vaillans hommes
devers le roy Henri; et tant que li rois de Mayogres
fu mis à finance et rançonnés à cent mil frans, le[s]quelz
20 les deus dames dessus dittes paiièrent si courtoisement
que li rois Henris leur en sceut gré. Tantost
que li rois de Mayogres se peut partir, il retourna en
Naples et ne volt mies sejourner; mès quist or et argent
à grant pooir et amis de tous lés. Et se remist
25 de rechief au chemin en istance de ce que pour guerriier
le roy d'Arragon, sen adversaire, qu'il ne pooit
amer; car il li avoit son père mort et li tenoit son
hiretage. Si exploita tant li dis rois qu'il vint en Avignon
devers le pape Grigore XI^e, et là se tint plus
30 d'un mois. Et fist ses complaints si bien et si à point
au dit Saint Père, que il descendi à ses prières. Et
[28] consenti bien au dit roy de Mayogres, que il fesist guerre
au dit roy d'Arragon, car il avoit cause qui le mouvoit;
c'estoit pour son hiretage. Dont se pourvei li
dis rois de Mayogres de gens d'armes là où il les peut
5 avoir, et le acata bien et chier, Englès, Gascons,
Alemans, Bretons et gens de compaignes, des quelz
messires Garsions dou Chastiel, messires Jehans de
Malatrait et Selevestre Bude et Jakes de Bray estoient
chapitainne. Si pooient estre environ douse cens
10 combatans; et passèrent oultre et entrèrent en Navare
et sejournerent là par le consentement et acord
dou roy; et de Navare en Arragon. Et commencièrent
cil chevalier, ces gens d'armes et leurs routes,
à faire guerre au roy d'Arragon et à courir sus son
15 pays, à prendre et à essillier petis fors et travillier le
plain pays où il pooient habiter et entrer et rançonner
hommes et femmes; et tant que li rois d'Arragon,
qui bien se doubtoit de celle guerre, envoya
grant gent d'armes sus les frontières; des quelz li viscontes
20 de Rokebertin et li contes de Rodès furent

meneur et chapitainne. Celle guerre pendant, qui estoit
ja toute ouverte et moult felle, li rois James de
Mayogres s'acouça malades de rechief ou Val de
Sorie; de la quele maladie il morut. Par ensi eurent
25 li Aragonnois pais de ce costé un grant temps; et se
departirent ces compaignes qui là avoient guerriiet, et
s'en retournèrent en France, cescuns devers le signeur
dont il pensoient avoir plus grant pourfit. Or
parlerons nous dou duch de Lancastre.

30 § 684. Li dus Jehans de Lancastre qui se tenoit
en le bonne cité de Bourdiaus sus Garone, et dalés
[29] lui pluseurs barons et chevaliers d'Aquitainne, car
encores y estoient les choses en bon estat pour le partie
des Englès, quoi c'aucun baron de Poito et de Limozin
se fuissent retourné françois, faisoit souvent
5 des issues et chevaucies sus ses ennemis, où riens ne
perdoit; et bien le ressongnoient ou pays cil qui tenoient
les frontières pour le duch d'Ango. Cilz dus
estoit veues et sans moullier; car ma dame Blance de
Lancastre et Derbi, sa femme, estoit trespassee de ce
10 siècle. Si avisèrent li baron de Gascongne et messires
Guiçars d'Angle, que li rois dan Pietres avoit deus
filles de son premier mariage de la suer le roy de Portingal,
les queles estoient en le cité de Bayone, et là
à garant afuies. Et les avoient amenées par mer aucun
15 chevalier de le Marce de Seville, pour le doubance
dou roy Henri, sitost qu'il sceurent le mort de leur
père, le roy dan Pietre. Si se tenoient là les deus filletes
toutes esgarées, dont on pooit avoir grant pitié,
car elles estoient hiretières de Castille, qui bien leur
20 fesist droit, par le succession dou roy, leur père. Si fu
ce remoustré au duch de Lancastre en disant ensi:
«Monsigneur, vous estes à marier, et nous savons là
un grant mariage pour vous, dont vous ou vostre hoir
serés encores rois de Castille. Et s'est très grant aumosne
25 de reconforter et consillier puceletes et filles de

roy, especiaument qui sont en tel estat comme celles
sont. Si prendés l'ainsnée en mariage, nous le vous
consillons, car en present nous ne savons où vous
vous poés plus hautement marier, ne de quoi si grans
30 pourfis vous puist nestre.» Ces parolles [et autres]
entamèrent tellement le coer dou dit duch et si bien li
plaisirent, que il y entendit volentiers. Et envoya tantost
[30] et sans delay querre les deus damoiselles qui s'appeloient
Constanse et Ysabel par quatre de ses chevaliers.
Et parti de Bourdiaus li dis dus, quant il sceut
et entendit que elles venoient, et ala encontre elles en
5 grant arroy. Et espousa l'ainnée, ma dame Constanse,
sus ce chemin en un village dalés le cité de Bourdiaus,
qui s'appelle Rocefort. Et eut illuec au jour
des espousalles grans festes et grans reviaus et fuison
de signeurs et de dames pour la feste plus efforcier.
10 Tantost apriès les espousalles, li dus amena ma dame
sa femme en le cité de Bourdiaus; et là eut de rechief
grant feste. Et furent la ditte dame et sa suer
moult conjoies et festées des dames et damoizelles de
Bourdiaus; et leur furent donné grans dons et biaux
15 presens pour l'amour dou dit duch.

§ 685. Ces nouvelles vinrent en Castille au roy
Henri et as barons dou dit royaume, qui ahers et
alloiet à lui s'estoient de foy et d'ommage, comment
sa nièce avoit espousé le duch de Lancastre, et encores
20 supposoit on que se mainnée suer Ysabel espouserait
le conte de Cantbruge, le dit duch retourné
en Engleterre. Si fu plus pensieus li di rois Henris
que devant, et en mist son conseil ensamble. Si fu
adont conseillies que il envoiast grans messages devers
25 le roy de France, qui bien sceussent parler et
remoustrer son affaire, et qui de ce mariage estoit tous
enfourmés. A ce conseil et avis se tint li rois Henris,
et ordonna sages hommes et les plus autentis de son
royaume pour aler en France. Si se misent ou chemin

30 en grant arroy et fissent tant par leurs journées qu'il
vinrent en le cité de Paris, où il trouvèrent le roy, qui
[31] les rechut à grant joie, ensi que bien le sceut faire.
Entre le dit roy et le conseil dou roy Henri, qui avoient
procurations et seellés bons et justes de faire trettier
et proceder en toutes coses, ou nom de leur signeur,
5 eut pluseurs parlemens, consaulz et trettiés secrés et
aultres, li quel tournèrent à effect. Finablement en ce
temps furent acordées, ordonnées et confremées
alliances et confederations moult grandes et jurées
solennelment de toutes parties, à tenir fermement et
10 non brisier ne aler à l'encontre par aucune voie, que
cil doi roy demoroient en une unité de pais, d'amour
et d'alliance. Et jura adont li rois de France solennelment
en parolle de roy que il aideroit et conforteroit
le roy de Castille en tous ses besoins, et ne feroit
15 pais ne acord aucunement au roy d'Engleterre, que
il ne fust mis dedens. A ces trettiés, acors et alliances
faire, rendi grant painne et diligense messires Bertrans
de Claiekin, qui moult amoit le roy Henri.

Apriès toutes ces coses faites, confremées et acordées
20 et seelées, se departirent li ambasadour dou roy Henri
et retournèrent en Espagne, et trouvèrent leur signeur
au Lyon en Espagne, qui fu moult liés de leur revenue
et de ce qu'il avoient si bien exploitié. Et se tint de
puis par mi ces alliances li rois Henris plus assecurés
25 et confortés que devant.

§ 686. Nous retournerons au duch de Lancastre qui se
tenoit en le bonne cité de Bourdiaus, et eut avis environ
le Saint Michiel, qu'il retourneroit en Engleterre,
pour mieulz enfourmer le roy son père des besongnes
30 d'Aquitaines: si se ordonna et appareilla selonch ce.
Un petit devant ce que il deuist mouvoir ne partir,
[32] il assambla en le cité de Bourdiaus tous les barons
et chevaliers de Giane qui pour le temps se tenoient

Englès. Et quant il furent tout venu, il leur remoustra
que il avoient entention de retourner en Engleterre
5 pour certainnes coses et le pourfit d'yaus tous
et de la ducé d'Aquitaine, et que à l'esté qui revenoit,
il retourneroit, se li rois, ses frères, l'acordoit.
Ces parolles plaisirent bien à tous ceulz qui les entendirent.
Là institua et ordonna li dis dus monsieur
10 le capital de Beus, le seigneur de Moutchident et le
seigneur de Lespare pour estre mainbour et gouvreneur
de tout le pays de Gascongne, qui pour yaus se
tenoit, et en Poito monsieur Loeis de Harcourt
et le seigneur de Partenay; et en Saintonge monsieur
15 Joffroi d'Argenton et monsieur Guillaume
de Monttendre; et laissa tous seneschaus et officiers
ensi comme il estoient en devant. Là furent ordonné
d'aler en Engleterre avoech le dit duch, par le conseil
des Gascons, Saintongiers et Poitevins, pour
20 parler au roy et remoustrer les besongnes et l'estat
d'Aquitaine [plus plainement], messires Guiçars
d'Angle, li sires de Puiane, et messires Aymeris de
Tarste. Et encores pour le cause d'yaus attendre,
detria li dus un petit. Quant il furent tout apparelliet
25 et les nefes cargies et ordonnées, il entrèrent
dedens sur le havene de Bourdiaus, qui est biaux et
larges. Si se parti li dis dus à grant compagnie de
gens d'armes et d'arciers, et avoit bien soissante gros
vaissiaus en se route parmi les pourveances, et en
30 mena avoecques lui sa femme et sa suer; envis les eüst
laissies. Si exploitièrent tant li maronnier par le bon
vent qu'il eurent qu'il arrivèrent ou havene de
[33] Hantonne en Engleterre. Et là issirent il des vaissiaus
et entrèrent en le ville; se s'i reposèrent et rafreschirent
par deus jours, et puis s'en partirent. Et
chevaucièrent tant qu'il vinrent à Windesore, où
5 li rois se tenoit, qui rechut son fil le duch, les dames
et les damoiselles et les chevaliers estragniers à
grant feste. Et par especial il vei moult volentiers

monsieur Guichart d'Angle.

En ce temps trespasa cilz gentilz chevaliers,
10 messires Gautiers de Mauni, en le cité de Londres,
dont tout li baron d'Engleterre furent moult coureciet,
pour le loyauté et bon conseil que en lui
avoient toutdis veu et trouvé. Si fu ensepelis à
grant solennité en un monastère de Chartrous, qu'il
15 avoit fait edifier au dehors de Londres. Et furent au
jour de son obsèque là li rois d'Engleterre et tout si
enfant, et li prelat et baron d'Engleterre. Si rescheï
toute sa terre de delà le mer et de cha en Haynau au
conte Jehan de Pennebruch, qui avoit à femme ma
20 dame Anne, sa fille. Si envoya li dis contes de Pennebruch
relever sa terre en Haynau, qui escheue li
estoit, par deus de ses chevaliers qui en fissent leur
devoir au duc Aubert, ensi qu'il apertenoit, et qui
tenoit la conté de Haynau pour ce temps en bail.

CHAPITRE XCIX

25 § 687. Tout cel iver se portèrent ensi les besongnes
en Engleterre, et y eut pluseurs consaulz et
imaginationes entre les signeurs sus l'estat dou pays,
à savoir comment il se maintenroient sus l'esté qui
venoit. Et avoient li Englès intention de faire deus
30 voyages, l'un en Ghiane, et l'autre en France par
Calais, et acqueroient amis de tous lés ce qu'il
[34] pooient, tant en Alemagne comme ens es marces de
l'empire, où pluseur signeur, chevalier et escuier
estoient de leur acord. Avoech tout ce, il faisoient le
plus grant appareil de pourveances et de toutes choses
5 neccessaires à ost que on eüst [veu] en grant temps
faire. Bien savoit li rois de France aucuns des secrés
des Englès et sus quel estat il estoient, et quel cose il
proposoit à faire. Si se consilloit et fourmoit sur ce,

et faisoit pourveir ses cités, villes et chastiaus moult
10 grossement en Pikardie, et tenoit par tout en garnison
grant fuison de gens d'armes, par quoi li pays ne
fust souspris d'aucune mal aventure.

Quant li estés fut venus et li rois Edouwars d'Engleterre
eut tenu sa feste et fait la solennité de Saint
15 Gorge, ou chastiel de Windesore, ensi que il avoit
d'usage cascun an de faire, et que messires Guichars
d'Angle y fu entrés comme confrères, avoech le roy et
ses enfans et les barons d'Engleterre qui se nommoient
en confraternité les chevaliers dou bleu ghertier, li dis
20 rois s'avala à Londres en son palais de Westmoustier,
et là eut grans consaulz et parlemens sus les besongnes
de rechief dou pays. Et pour tant que li dus de
Lancastre devoit en celle saison passer en France
par les plains de Pikardie, et li contes de Cantbruge,
25 ses frères, avoecques lui, li rois ordena et institua, à le
prière et requeste de monsigneur Guichart d'Angle
et des Poitevins, le conte de Pennebruch à aler en
Poito pour viseter le pays et faire guerre as François
de ce costé, car li Gascon et Poitevin avoient priet
30 et requis au roy d'Engleterre par lettres et par la
bouche de monsigneur Guichart d'Angle, que, se il
estoit si conseillies que nulz de ses filz ne peüst en
[35] celle saison faire ce voiage, il leur envoiait le conte
de Pennebruch que moult amoient et desiroient à
avoir, car il le sentoient bon chevalier et hardi durement.
Se dist li rois d'Engleterre au conte de Pennebruch,
5 presens pluseurs barons et chevaliers, qui
là estoient assamblé au conseil: «Jehan, biaux fils,
je vous ordonne et institue que vous alés en Poito en
le compagnie de monsigneur Guichart d'Angle, et
là serés gouvrenères et souverains de toutes les gens
10 d'armes que vous y trouverés, dont il y a grant
fuison, si com je sui enfourmés, et de chiaus ossi que
vous y menrés.» Li contes de Pennebruch à ceste
parolle s'engenoulla devant le roy, et dist: «Monsigneur,

grant mercis de le haute honneur, que vous
15 me faites. Je serai volentiers ens es parties par de delà
uns de vos petis mareschaus.» Ensi sus cel estat se
departi cilz parlemens, et retourna les rois à Windesore,
et emmena monsigneur Guiçart avoech lui, au
quel il parloit souvent des besongnes de Poito et de
20 Ghiane. Messires Guiçars li disoit: «Monsigneur,
mès que nostre chapitaine et mainbour, li contes
de Pennebruch, soit arivés par de delà, nous ferons
bonne guerre et forte. Car encor y trouverons nous
entre quatre mil et cinc mil lances, qui toutes obeïront
25 à vous, mais qu’il soient paiiet de leurs gages.»
Lors respondoit li rois: «Messire Guiçart, messire
Guiçart, ne vous soussiiés point d’avoir or et argent
assés pour faire [par delà] bonne guerre, car j’en ay
assés; et si l’emploie volentiers en tel marcheandise,
30 puis qu’il me touche et besongne pour l’onneur de
moy et de mon royaume.»

[36] § 688. Ensi et de pluseurs aultres parolles s’esbatoit
souvent en parlant li rois d’Engleterre au dit
monsigneur Guichart, que moult amoit et creoit:
c’estoit bien raisons. Or fu li contes de Pennebruch
5 tous appareilliés, et li saisons vint et ordenance qu’il
deubt partir. Si prist congiet au roy qui li donna liement,
et à tous chiaus qui en se compagnie devoient
aler, et me samble que messires Othes de Grantson
d’oultre le Sone y fu ordonnés [et institués] d’aler.
10 Li contes de Pennebruch n’eut mies adont trop
grant gent en se compagnie fors ses chevaliers tant
seulement, sus l’information que li rois avoit de
monsigneur Guiçart d’Angle, mais il emportoit en
nobles et en florins tel somme de monnoie que
15 pour gagier trois mil combatans un an. Si exploitièrent
tant li dessus dit, apriès le congiet pris dou
roy, que il vinrent à Hantonne; là sejournerent il
quinse jours, en attendant le vent qui leur estoit contraires.

Au xvii^e jour il eurent vent à volenté, si entrèrent
20 en leurs vaissiaus, et se partirent dou havene, et
se commandèrent en le garde et conduit de Diu et
de saint Gorge, et puis singlèrent devers Poito.

Li rois Charles de France, qui savoit la grignour
partie des consaulz d'Engleterre, mies ne sçai par
25 qui il li estoient revelé, et comment messires Guiçars
d'Angle et si compagnon estoient alé en Engleterre
et sus quel estat, pour impetrer au roy qu'il eussent
un bon mainbour et chapitaine, et ja savoit que li
contes de Pennebruch y estoit ordenés de venir, et
30 toute se charge, si s'estoit li dis rois de France avisés
selonch ce, et avoit secretement mis sus une armée
de gens d'armes par mer, voires à sa prière et
[37] requeste, car ces gens estoient au roy Henri de Castille,
les quels il li avoit envoiiés parmi les alliances et
confederations qu'il avoient ensamble. Et estoient cil
Espagnol [de une flote] quarante grosses nefes et
5 trese barges bien pourveues et breteschies ensi que
nefs d'Espagne sont; si en estoient patron et souverain
quatre vaillant homme, Ambrose Boukenègre,
Cabesse de Vake, dan Ferrant de Pyon et Radigos
de la Roselle. Si avoient cil Espagnol un grant temps
10 waucré sus mer, en attendant le retour des Poitevins
et la venue du conte de Pennebruch; car bien
savoient que il devoient venir et ariver en Poito, et
s'estoient mis à l'ancre devant le ville de le Rocelle.
Or avint ensi que le jour devant la vigile Saint Jehan
15 Baptiste que on compta l'an mil trois cens settante et
deus, li contes de Pennebruch et se route deurent
ariver ou havene de le Rocelle, mès il trouvèrent les
dessus dis Espagnolz au devant, qui leur calengierent
le rivage, et furent moult liet de leur venue. Quant li
20 Englès et li Poitevin veirent les Espagnolz, et que
combatre les couvenoit, si se confortèrent en eulz
meismes, comment qu'il ne fussent mies bien parti
tant de gens comme de grans vaissiaus, et s'armèrent

et ordonnèrent ensi que pour tantost combatre, et
25 misent leurs arciers au devant d'iaus. Evous les nefes
espagnoles venans, qui bien estoient pourveues et
garitées, et dedens grant fuison de gens, d'armes et de
brigans qui avoient arbalestres et kanons. Et li pluseur
30 tenoient grans barriaus de fier et plommées de
plonch pour tout effondrer: tantost furent approciet
en demenant grant noise et grant huée. Ces grosses
nefs d'Espagne prisent le vent d'amont pour prendre
[38] leur tour sus ces nefes englesces que peu amiroient ne
prisoient, et puis s'en vinrent atendant à plain voile
sus yaus. Là eut à che commencement grant trairie
des unes as aultres, et s'i portèrent li Englès moult
5 bien. Là fist li contes de Pennebruch aucuns de ses
escuiers chevaliers pour honneur, et puis entendirent
à yaus deffendre et combatre de grant volenté. Là
eut grant bataille et dure, et li Englès eurent bien à
quoi entendre, car cil Espagnol qui estoient en leurs
10 vaissiaus si grans qu'il se moustroient tout deseure
ces vaissiaus d'Engleterre, et qui tenoient gros barriaus
de fier et pières, les lançoient et jettoient contreval
pour effondrer les nefes englesces, et bleçoient
gens et hommes d'armes malement. Là estoient entre
15 les chevaliers d'Engleterre et de Poito chevalerie et
proèce remoustrées très grandement. Li contes de
Pennebruch se combattoit et requeroit ses ennemis
moult fierement, et y fist ce jour pluseurs grans
apertises d'armes, et ossi fisent messires Othes de
20 Grantson, messires Guiçars d'Angle, li sires de Puiane
et tout li aultre chevalier.

§ 689. A ce que je oy recorder chiaus qui furent
à celle besongne devant le Rocelle, bien moustrèrent
li Englès et li Poitevin qui là estoient, que il desiroient
25 moult à conquerre et avoir grant pris d'armes;
car onques gens ne se tinrent si vaillamment ne
si bien ne se combatirent, car ils n'estoient qu'un

petit ens ou regard des Espagnols et en menus vaissiaus,
et se poet on esmervillier comment tant durèrent;
30 mès la grant proèce et chevalerie d'yaus les
confortoit et tenoit en force et en vigueur; et se il
[39] fuissent ingal de nefs et de vaissiaus, li Espagnol ne
l'eussent mies eu d'avantage, car il tenoient leurs
lances acérées, dont il lançoient les horions si grans
que nulz ne les osoit approcier, se il n'estoit trop
5 bien armés et paveschiés. Mès li très et jets qui venoit
d'amont, de pières, de plommées de plonc et de
barriaus de fier, les grevoit et empechoit durement,
et navra et bleça des leurs chevaliers et escuiers ce
premier jour pluseurs. Bien veoient les gens de le
10 Rocelle le bataille, mès point ne s'avançoient d'aler
ne de traire celle part pour conforter leurs gens qui
si vaillamment se combatoient, ançois les laissoient
couverir. En cel estri et en celle rihote furent il
jusques à le nuit que il se departirent li un de l'autre,
15 et se misent à l'ancre, mès li Englès perdirent ce
premier jour deus barges de pourveances, et furent
tout cil mis à bort qui dedens estoient. Toute celle
nuit fu messires Jehans de Harpedane, qui pour le
temps estoit seneschaus de le Rocelle, en grans prières
20 envers chiaus de le ville, le maieur, sire Jehan
[Cauderier], et les aultres que il se volsissent armer
et faire armer le communauté de le ville et entrer
en barges et en nefs, qui sus le kay estoient pour
aler aidier et conforter leurs gens, qui tout ce jour
25 si vaillamment s'estoient combatu. Cil de le Rocelle
qui nulle volenté n'en avoient, s'escusoient et disoient
que il avoient à garder leur ville et que ce
n'estoient mies gens de mer ne combatre ne se saroient
sus mer ne as Espagnolz; mais se la bataille
30 estoit sus terre, il iroient volentiers. Si demora la
cose en cel estat, ne onques ne les peut amener pour
prière que il peüst faire à ce que il y vosissent aler.
[40] A ce jour estoient en le Rocelle li sires de Tannai

Bouton, messires Jakemes de Surgières et messires Mauburnis de Linières, qui bien s'aquittèrent de prier ossi avoech le dessus dit chiaus de le Rocelle.

- 5 Quant cil quatre chevalier veirent que il ne poroient riens exploitier, il s'armèrent et firent armer leurs gens, ce qu'il en avoient, ce n'estoit point fuison, et entrèrent en quatre barges que il prissent sus le kay, et au point dou jour, quant li flos fu revenus,
10 il se firent navier jusques à leurs compagnons, qui leur seurent grant gret de leur venue, et disent bien au conte de Pennebruch et à monsieur Guiçart que de chiaus de le Rocelle il ne seroient point secouru ne conforté, et qu'il se avisassent sur ce. Et cil
15 qui amender ne le pooient, respondirent que il leur couvenoit le merci de Dieu et l'aventure attendre, et que un temps venroit que cil de le Rocelle s'en repentiroient.

- § 690. Quant ce vint au jour que tous li wèbes fu
20 revenus et que plains flos estoit, cil Espagnol se desancrèrent en demenant grant noise de trompes et de trompètes, et se misent en bonne ordenance ensi que le jour devant, et arroutèrent toutes leurs grosses nefes pouveues et armées moult grandement, et prissent
25 l'avantage dou vent, pour enclore les nefes des Englès qui n'estoient point grant fuison, ens ou regard d'yaus. Et estoient li quatre patron qui ci dessus sont nommé, tout devant en bonne ordenance. Li Englès et Poitevin, qui bien veoient leur couvenant,
30 se ordenèrent selonch ce, et se recueillièrent tout ensamble, et ce que il avoient d'arciers, il les
[41] misent tout devant. Evous les Espagnos venus à plain voile, Ambrose Boukenègre, Cabesse de Vake, dan Ferrant de Pyon et Radigo de la Roselle, qui les envaïrent, et commencèrent la bataille felenesce et
5 perilleuse. Quant il furent tout assamblé, li Espagnol jettèrent grans cros et havès de fier à kaines, et

se atachièrent as Englès, par quoi il ne se peussent
departir: car il les comptoient ensi que pour yaus.

Avoech le conte de Pennebruch et monsigneur Guichart

10 avoit vint et deus chevaliers de grant volenté
et de bon hardement, qui vaillamment se combatoient
de lances et d'espées et d'armeures que il portoient.
Là furent en cel estat un grant temps lançans et combatans
l'un à l'autre. Mais li Espagnol avoient trop

15 grant avantage d'assallir et de yaus targier et deffendre
envers les Englès; car il estoient en grans vaissiaus
plus grans et plus fors assés que li Englès.

Pour quoi il lançoient d'amont barriiaus de fier, pières
et plommées, qui moult travilloient les Englès. En cel

20 estat et en celle rihote, combatant et deffendant, lançant
et traiant l'un sus l'autre, furent il jusques à
l'eure de tierce, ne onques gens sus mer ne prisent si
grant travail que li Englès et Poitevin fissent, car il
en y avoit le plus des leurs blechiés dou trait et dou

25 jet des pières et fondes d'amont, et tant que messires
Aymeris de Tarste, cilz vaillans chevaliers de Gascongne,
y fu occis et messires Jehans de Lantonne

qui estoit chevaliers dou corps dou conte
de Pennebruch. Au vaissiel dou dit conte estoient

30 arrêté quatre nefes espagnoles, des queles Cabesse
de Vake et Ferrant de Pyon estoient gouvreneur
et conduiseur. En ces vaissiaus, ce vous di, avoit

[42] grant fuison de dure gent, et tant au combatre, au
traire et au lancier, travillièrent le conte et ses gens
qu'il entrèrent en leur vaissiel où il eut fait tamainte
grant apertise d'armes, et là fu pris li dis conte et

5 tout cil mort et pris, qui estoient en son vaissiel: tout
premierement de ses chevaliers pris messires Robers
Tinfors, messires Jehans Courson et messires Jehans
de Gruières, et mors messires Symons Housagre,
messires Jehans de Mortain et messires Jehans Touchet.

10 D'autre part se combatoient li Poitevin, messires
Guichars d'Angle, li sire de Puiane et li sires

de Tannai Bouton, et aucun bon chevalier de leur route, et en une autre nef messires Othes de Grantson à Ambrose Boukenègre et à Radigo de la Roselle:
15 si avoient plus que leur fais. Et tant que li chevalier furent tout pris des Espagnolz, ne onques nulz n'en escapa qui ne fu mors ou pris, Englès ne Poitevins, et toutes leurs gens ou dangier des Espagnolz de prendre ou de l'occire. Mais quant il eurent les signeurs
20 et il en furent saisis, de puis il ne tuèrent nulz des varlès, car li signeur prièrent que on leur laissast leurs gens, et qu'il feroient bon pour tous.

§ 691. Qui se trueve en tel parti d'armes que messires Guichars d'Angle et li contes de Pennebruc et
25 leurs gens se trouvèrent devant le Rocelle en ce jour dessus nommé, il fault prendre en gré l'aventure, tele que Diex et fortune li envoie. Et sachiés que pour ce jour, coi que li baron, chevalier et escuier, qui là furent mort et pris, le comparassent, li rois d'Engleterre
30 y perdi plus que nuls, car par celle desconfiture se perdi de puis tous li pays, sicom vous orés en avant
[43] recorder en l'ystore. On me dist que la nef englesce où li finance estoit, dont messires Guiçars devoit gagier et paier les saudoiers en Giane, et tous li avoirs qui dedens estoit, fu perie et ne vint à nul pourfit. Tout
5 ce jour qui fut la vigile Saint Jehan Baptiste, le nuit et l'endemain jusques apriès nonne, se tinrent li Espagnol à l'ancre devant le Rocelle, en demenant grant joie et grant reviel, dont il en cheï trop bien à un chevalier de Poito qui s'appelloit messires Jakemes de
10 Surgières; car il parla si bellement à sen mestre qu'il fu quittes parmi trois cens frans qu'il paia là tous appareilliés, et vint le jour Saint Jehan [disner] en le ville de le Rocelle. Par lui sceut on lors comment la besongne avoit alé et li quel estoient mort et pris.
15 Pluseur des bourgeois de le ville moustroient par samblant qu'il en fussent couroucié, qui tout joiant

en estoient, car onques n'amèrent naturellement les
 Englès. Quant ce vint après nonne ce dit jour Saint
 Jean Baptiste que li flos fu revenus, li Espagnol se
 20 desancrèrent et sachièrent les voiles amont, et se
 departirent en demenant grant noise de trompes
 et de trompètes, de muses et de tabours. Si avoit
 au son de leurs mas grans estramières à manière de
 pennons armoiiés des armes de Castille si grans et
 25 si lons que li coron bien souvent frapoient en l'aigue,
 et estoit grans biautés dou regarder. En cel
 estat se departirent li dessus dit, et prisent leur
 tour de le haute mer pour cheminer vers Galisse.
 En ce [propre] jour que on dist ce jour Saint
 30 Jehan Baptiste au soir, vinrent en le ville de le
 Rocelle grant fuison de gens d'armes Gascon et Englès,
 li quel encores de ceste avenue n'avoient point
 [44] oy parler. Mais bien sçavoient que li Espagnol gisoient
 et avoient geu un temps devant le Rocelle: si venoient
 celle part pour chiaus de le ditte ville reconforter.
 Des quelz gens d'armes estoient chapitaine
 5 messires li captaus de Beus, messires Berars de la
 Lande, messires Pieres de Landuras, messires li soudis
 et messires Bertrans dou Franc Gascon, et des
 Englès, messires Thumas de Persi, messires Richars
 de Pontchardon, messires Guillaumez de Ferintonne,
 10 monsieur d'Agoriset, monsieur Bauduin de Fraiville,
 monsieur Gautier Huet et monsieur Jehan
 d'Evrues. Quant cil signeur et leurs routes, où bien
 avoit sis cens hommes d'armes, furent venu en le
 Rocelle, on leur fist grant chière de bras, car on
 15 n'en osoit aultre cose faire. Adont furent il enfourmé
 par monsieur Jakeme de Surgièrez de la bataille
 des Espagnolz, comment elle avoit alé, car il y avoit
 esté, et li quel y estoient mort ne pris. De ces nouvelles
 furent li baron et li chevalier trop durement
 20 couroucié, et se tinrent bien pour infortuné, quant il
 n'i avoient esté, et regretèrent grandement et longement

le conte de Pennebruch et monsieur Guichart
d'Angle, quant il avoient ensi perdu leur saison.
Si se tinrent en le Rocelle ne sçai quans jours, pour
25 avoir avis et conseil et comment il se maintenroient
et quel part il se traieroient. Nous lairons à parler un
petit d'yaus, et parlerons de Yevain de Galles et
comment il exploita en celle saison.

§ 692. Cilz Yewains de Galles avoit esté filz à un
30 prince de Galles, le quel li rois [Edouwars] d'Engleterre
avoit fait morir, je ne sçai mies par quel raison,
[45] et saisi la signourie et princeté et donné à son fil
le prince de Galles. Si estoit cilz Yewains venus en
France et complains au roy Charle de France des
injures que li rois d'Engleterre li avoit fait et faisoit
5 encores, que mort son père et li tolloit son hiretage;
dont li rois de France l'avoit retenu et ja moult
avancié et donné en charge et en gouvrenance grant
fuison de gens d'armes. Encores en cel esté dont je
parolle presentement, li avoit il delivrés bien trois mil
10 combatans et envoiet sus mer pour courir en Engleterre.
De quoi li dis Yewains s'en estoit bien acquittés
et loyaument, sicom je vous dirai. Quant il
eut se charge de gens d'armes, ensi que ci est dit, il
entra en mer en ses vaissiaus que li rois de France
15 li avoit fait appareillier et pourveir ou havene de
Harflues, et se departi et singla à plain voile devers
Engleterre, et vint prendre terre en l'isle de Grenesée
à l'encontre de Normendie, dou quel isle Aymons
Rose, uns escuiers d'onneur dou roy d'Engleterre,
20 estoit chapitaine. Quant il sceut que li François estoient
là arrivet, les quelz Yewains de Galles menoit,
si en eut grant mautalent et se mit tantost au devant,
et fist son mandement parmi le dit isle, qui n'est mies
grans, et assambla que de ses gens, que de chiaus dou
25 dit isle, environ yaus huit cens, et s'en vint sus un
certain pas combattre bien et hardiement le dit

Yewain et ses gens, et là eut grant bataille et dure
et qui longement dura. Finablement li Englès furent
desconfi, et en y eut mors plus de trois cens sus le
30 place. Et couvint le dit Aymon fuir, aultrement il
eust esté mors ou pris, et se sauva à grant meschief,
et s'en vint bouter en un chastiel qui siet à deus lieues
[46] de là où la bataille avoit esté, que on appelle Cornet,
qui est biaux et fors, et l'avoit li dis Aymons [en celle
saison] fait bien pourvoir de tout ce qu'il apertenoit à
forterèce. Après celle desconfiture, li dis Yewains
5 chevaucha avant, et recueillit ses gens et entendit que
Aymons s'estoit boutés ou chastiel de Cornet; si se
traia tantost celle part et y mist le siège, et l'environna
de tous costés et y fist plusieurs assaus. Mais li
chastiaus est fors, et si estoit bien pourvus de bonne
10 artellerie; se ne l'avoient mies li François à leur aise.

Che siège pendant devant Cornet, avint li aventure
de le prise le conte de Pennebruch et de monsieur
Guiçart d'Angle et des aultres devant le Rocelle, sicom
ci dessus est contenu. De quoi li rois de France,
15 quant il en oy les nouvelles, fu durement resjoïs, et
entendit plus fort as besongnes de Poito que onques
mès. Car il senti que assés legierement, se li Englès
venoient encores un petit à leur desous, les cités et
les bonnes villes se retourneroient. Si eut avis et
20 conseil li dis rois, que en Poito, en Saintonge et en
Rocellois il enveroient pour celle raison son connestable
et toutes gens d'armes, et feroit caudement les
dessus dis pays guerrier par mer et par terre, entrues
que li Englès et Poitevin n'avoient nul souverain
25 chapitainne, car li pays gisoit en grant branle:
pour coi il envoya ses messages et ses lettres au dit
Yewain de Galles, qui se tenoit à siège devant Cornet,
dou quel siège il savoit tout l'estat, et que li chastiaus
estoit imprendables; et que, tantos ces lettres
30 veues, il se partesist de là et deffesist son siège et
entrast en mer en un vaissiel, qui ordonnés pour

lui estoit, et s'en alast en Espagne devers le roy

- [47] Henri, pour impetrer et avoir barges et gallées et son
amiral et gens d'armes, et de rechief venist mettre
le siège par mer devant le Rocelle. Li dis Yewains,
quant il oy les messages et le mandement dou roy,
5 si obeï, ce fu raisons, et desfist son siège et donna
à toutes gens congiet et leur presta navie pour retourner
à Harflues. Et là endroit il entra en une grosse
nef qui ordonée li estoit, et prist le chemin d'Espagne.
Ensi se desfit li siège de Cornet.

- 10 § 693. Vous devés savoir que li rois d'Engleterre
fu moult courouciés, quant il sceut les nouvelles de
l'armée qu'il envoioit en Poito, qui estoit ruée jus
des Espagnolz: et ossi furent tout cil qui l'amoient,
mès amender ne le peurent tant c'à ceste fois. Si imaginèrent
15 tantost li sage homme d'Engleterre que li
pays de Poito et de Saintonge se perderoit par cel
affaire, et le remoustrèrent bien au roy et au duch
de Lancastre. Si furent un grant temps sus cel estat
que li contes de Sallebrin, atout cinc cens hommes
20 d'armes et otant d'arciers, iroit celle part; mès comment
qu'il fust consilliet et aviset, il n'en fu riens
fait. Car il vinrent aultres nouvelles et aultres trettiés
et consauls de Bretagne, qui tous chiaulz empecièrent.
De quoi li dis rois se repenti de puis,
25 quant il n'i peut mettre remède. Or avint que li
Espagnol qui pris avoient le conte de Pennebruch et
les aultres, dont li livres fait mention, eurent un petit
de sejour sus mer par vent contraire et detriance
plus d'un mois. Toutes fois il arrivèrent au port Saint
30 Andrieu en Galisse, et entrèrent en le ville ensi que à
heure de midi; et là amenèrent en un hostel tous
[48] leurs prisonniers loiiés, enkainnés et embuiés selonch
leur usage. Aultre courtoisie ne scèvent li Espagnol
faire, il sont sannable as Alemans.

Ce propre jour au matin estoient là arivés en sa
 5 nef li dessus dit Yewains [de Galles] et se route, et
 très en cel hostel où dan Ferrant de Pyon et Cabesse
 de Vake avoient amené le conte de Pennebruch et
 ses chevaliers. Si fu dit ensi à Yewain là où il estoit
 en sa cambre: «Sire, venés veoir ces chevaliers d’Engleterre
 10 que nos gens ont pris; il enteront tantost
 cheens.» Yewains qui fu desirans dou veoir, pour
 savoir li quel c’estoient, passa oultre, et encontra en le
 sale de son hostel, à l’issue de sa cambre, le conte
 de Pennebruch. Bien le cogneut comment que il
 15 l’eüst petit veu, se li dist en rampronnant: «Contes
 de Pennebruch, venés vous en ce pays, pour moy
 faire hommage de la terre que vous tenés en le princeté
 de Galles, dont je sui hoirs et que vos rois me
 tolt et oste par mauvais conseil.» Li contes de Pennebruch
 20 qui fu tous honteus, car il se veoit et sentoît
 prisonniers en estragne pays, et point ne cognoissoit
 cel homme qui parloit son langage, respondi: «Qui
 estes vous, qui m’acueilliés de telz parolles?»—«Je
 sui Yewains, filz au prince Aymon de Galles, que
 25 vostres rois d’Engleterre, fist morir à tort et à pechié,
 et m’a deshireté, et quant je porai par l’ayde de mon
 très chier signeur, le roy de France, je y pourveray
 de remède. Et voeil bien que vous sachiés que, se je
 vous trouvoie en place ne en voie où je me peuisse
 30 combatre à vous, je vous remousteroie le loyauté
 que vous m’avés fait, et ossi li contes de Herfort et
 Edowars li Despensiens. Car par vos pères, avoech
 [49] aultres consilleurs, fu traïs à mort messires mes pères,
 dont il me doit bien desplaie, et l’amenderai quant
 je poray.» Adont salli avant messires Thumas de
 Saint Aubin, qui estoit chevaliers dou conte, et se
 5 hasta de parler, et dist: «Yewain, se vous volés
 dire et maintenir, que en monsigneur ait ne eüst
 onques nulle lasqueté quelconques, ne en monsigneur
 son père, ne qu’il vous doie foy ne hommage, metés

vostre gage avant, vous trouverés qui le levera.»
10 Dont respondi Yewains, et dist: «Vous estes prisonnier,
je ne puis avoir nulle honneur de vous appeller.
Vous n'i estes point à vous, ançois estes à ceulz
qui vous ont pris, et quant vous serés quittes de vo
prison, je parlerai plus avant, car la cose ne demorra
15 pas ensi.» Entre ces parolles, se boutèrent aucun
chevalier et vaillant homme d'Espagne qui là estoient,
et les departirent. De puis ne demora mies grant
temps, que li quatre amiral dessus nommé amenèrent
les prisonniers devers le cité de Burghes en Espagne,
20 pour rendre au roy à qui il estoient, qui pour le temps
se tenoit droit là. Quant li rois Henris sceut que li
dessus dit venoient et approçoient Burghes, si envia
son fil ainné qui s'appelloit Jehan, et le quel on
nommoit pour le temps l'enfant de Castille, à l'encontre
25 des dessus dis, et grant fuison de chevaliers et
d'escuiers pour yaus honnerer; car bien sçavoit li dis
rois quel cose apertenoit à faire. Et il meismes les
honnoura de parolle et de fait, quant il furent venu
jusques à lui. Assés tost en ouvra li rois par ordenance,
30 et furent espars en divers lieux parmi le
royaume de Castille.

[50] § 694. Nous retournerons as besongnes de Poito
qui pour ce temps ne furent mies petites, et parlerons
comment li chevalier Gascon et Englès qui, le
jour Saint Jehan Baptiste, au soir, vinrent en le
5 Rocelle, perseverèrent, ensi que cil qui moult courouciet
furent de ce que le jour devant il n'estoient
venu à le bataille et que il n'avoient trouvé à point
les Espagnolz. Or eurent il entre yaus conseil et avis
quel cose il feroient ne où il se traoient, car ja se
10 commençoient il à doulter de ceulz de le Rocelle.
Si ordonnèrent et instituèrent monsigneur Jehan
d'Evrues à estre seneschal de le Rocelle à trois cens
armeures de fier, et le garder, et lui tenir ou chastiel

de le Rocelle. Car tant qu'il en seroient signeur, cil de
15 le ville ne s'oseroient reveler. Ceste ordenance faite,
messires li captaus, qui estoit tous gouvrenères et
chiés de ceste chevaucie, et messires Thumas de Persi,
messires d'Agorisès, messires Richars de Pontchardon,
messires li soudis, messires Berars de le Lande,
20 et li aultre et leurs routes se departirent de le Rocelle
et pooient estre environ quatre cens lances, et prisent
le chemin de Subise; car là avoit Bretons qui tenoient
eglises et petis fors et les avoient fortefiiés.
Sitost que cil signeur et leurs gens furent là venu,
25 il les boutèrent hors, et en delivrèrent le ditte marce.

En ce temps tenoient les camps sus les marces
d'Ango, d'Auvergne et de Berri, li connestables de
France, li dus de Berri, li dus de Bourbon, li contes
d'Alençon, li daufins d'Auvergne, messires Loeis de
30 Saussoirre, li sires de Cliçon, li sires de Laval, li
viscontes de Roem, li sires de Biaumanoir, et grant
fuison de baronnie de France, et estoient plus de
[51] trois mil lances. Si chevaucièrent tant cil signeur qui
se tenoient tout au connestable, que il entrèrent en
Poito, où il tiroient à venir, et vinrent mettre le
siège devant un chastiel qui s'appelle Montmorillon.
5 Sitost que il furent là venu, il l'assallirent vistement
et radement, et le conquisent de force, et furent mort
tout cil qui dedens estoient; si le rafreschirent
d'autres gens. Apriès il vinrent devant Chauvegny,
qui siet sus le rivièrre de Cruese, et le assiegierent et
10 y furent deus jours. Au tierch, chil de Chauvegny se
rendirent et furent pris à merchi. En apriès il
chevaucièrent oultre et vinrent devant Leuzach, où il y
a ville et chastiel; si se rendirent tantost sans yaus
faire assallir. Et puis s'en vinrent devant le cité de
15 Poitiers et jurent une nuit ens es vignes, de quoi cil
de le cité estoient moult esbahi; et se doubtoient à
avoir le siège, mès non eurent tant c'à celle fois; car
il se partirent à l'endemain et se traïsent devant le

chastiel de Montcontour, dont Jehans Cressuelle et
20 David Holegrave estoient chapitaine. Et avoient
desous yaus bien soissante compagnons preus et
hardis, et qui moult avoient constraint le pays et le
marce d'Ango et de Tourainne et ossi toutes les
garnisons françoises; pour quoi li connestables dist
25 que il n'entenderoit à aultre cose, si l'aroit.

§ 695. Tant exploitièrent li connestables de France,
li dus de Bourbon, li contes d'Alencon, li sires de
Cliçon, li viscontes de Rohen, li sires de Laval, li
sires de Biaumanoir, li sires de Sulli, et tout li baron,
30 li chevalier et leurs routes, que il vinrent devant
Montcontour, un très biel chastiel à sis lieues de
[52] Poitiers. Quant il furent là venu, si l'aségièrent de
grant façon, et se misent tantost à l'assallir par bonne
ordenance. Et pour ce que il avoit à l'environ des
murs grans fossés et parfons, et qu'il ne pooient
5 approcier les murs de plus priès, à leur aise et
volenté, il envoièrent querre et coper par les villains
dou pays grant fuison de bois et d'arbres, et
les firent là amener et apporter à force de harnas et
de corps et tout reverser ens es fossés, et jetter grant
10 fuison d'estrain et de terre sus. Et eurent tout ce
fait en quatre jours, tant que il pooient bien aler
jusques au dit mur à leur aise. Et puis quant il
eurent tout fait, si commencièrent à assallir de grant
volenté et par bon exploit, et chil dou fort à yaus
15 deffendre, car il leur besongnoit; et eurent un jour
tout entier l'assaut où il rechurent moult de painne,
et furent en grant aventure d'estre pris; mès il
estoient là dedens tant de bonnes gens que ce
ve jour il n'eurent garde. Au VI^e jour, li connestables
20 et si Breton se ordenèrent et traïsant avant
pour assallir plus fort que devant. Et s'en vinrent
tous paveschiés, portans pilz et haviaus en leurs
mains, et vinrent jusques as murs. Si commencièrent

à ferir et à fraper et à traire hors pières et à
25 pertuisier le dit murage en pluseurs lieux, et tant
fisent que li compaignon qui dedens estoient, se commencèrent
à esbahir; nompourquant il se deffendoient
si vaillamment que onques gens mieulz. Jehans
Cressuelle et David Holegrave, qui chapitaine en
30 estoient, imaginèrent le peril et comment messires
Bertrans et si Breton les assalloient, et à ce qu'il
moustroient, point de là ne partiroient, si les aroient,
[53] et se de force estoient pris, il seroient tout mort, et
veoient bien que nulz confors ne leur apparoit de
nul costé; si entrèrent en trettiés pour yaus rendre,
salve leurs corps et leurs biens. Li connestables qui
5 ne voloit mies trop fouler ne grever ses gens, ne
chiaux dou fort trop presser, pour tant que il estoient
droites gens d'armes, entendî à ces trettiés et les
laisa passer, parmi tant que il se partirent, salve
leurs corps; mès nul de leurs biens il n'en portèrent,
10 fors or et argent, [et les fist conduire jusques à Poitiers.
Ainsi eut li connestables le chastel de Montcontour];
si en prist le saisine et le fist remparer, et
se tint illuec pour lui et ses gens refreschir, car il ne
pooit encores savoir quel part il se traïroit, ou devant
15 Poitiers, ou ailleurs.

§ 696. Quant cil de le cité de Poitiers sceurent
ces nouvelles, que li connestables et li Breton avoient
repris le chastiel de Montcontour, si furent plus
esbahi que devant, et envoièrent tantos leurs messages
20 devers monsigneur Thumas de Persi, qui estoit
leurs seneschaus et qui chevauçoit en le route et
compagnie dou captal. Ançois que li dis messires
Thumas en oïst nouvelles, messires Jehans d'Evrues,
qui se tenoit ens ou chastiel de le Rocelle, en fu
25 enfourmés, et li fu dit comment li connestables de
France avoit ja jeu devant Poitiers et avisé le lieu.
Et bien pensoient cil de Poitiers que il aroient le

siège, et se n'i estoit point leurs seneschaus. Li dis
 seneschaus de le Rocelle, messires Jehans d'Evrues,
 30 ne mist mies ce en noncalloir, mès pour conforter et
 consillier chiaus de Poitiers, se parti de le Rocelle à
 [54] cinquante lances, et ordonna et institua à son departement
 un escuier qui s'appelloit Phelippot Mansiel,
 à estre chapitainne et gardiens jusques à son retour
 dou dit chastiel de le Rocelle, et puis chevaüça
 5 jusques à Poitiers, et s'i bouta, dont cil de le cité li
 sceurent grant gré. Or vinrent ces nouvelles à monsigneur
 Thumas de Persi, qui se tenoit en le route
 dou capital, de par ses bonnes gens de Poitiers qui li
 prioient que il se volsist retraire celle part, car il
 10 supposoient à avoir le siège, et ossi que il volsist
 venir fors assés, car li François estoient durement
 fort sus les camps. Messires Thumas, ces nouvelles
 oyes, les remoustra au capital pour savoir qu'il en
 vorroit dire. Li captaus eut sur ce avis et lui avisé,
 15 il n'eut mies conseil de rompre se chevaucie, mès
 donna congiet au dit monsigneur Thumas de partir
 à cinquante lances et à traire celle part. Dont se
 departi li dis messires Thumas et chevaüça tant qu'il
 vint en le cité de Poitiers, où il fu recheus à grant
 20 joie des hommes de le ville qui moult le desiroient,
 et trouva là monsigneur Jehan d'Evrues; si se fisent
 grant feste et grant recueilloite. Tout cel estat et
 ceste ordenance sceut li connestables qui se tenoit
 encores à Montcontour, et comment cil de Poitiers
 25 estoient rafresci de bonnes gens d'armes. A ce dont
 li estoient venues nouvelles dou duch de Berri, qui
 se tenoit atout grant fuison de gens d'armes d'Auvergne,
 de Berri, de Bourgogne et de Limozin, sus
 les marces de Limozin, et voloit mettre le siège
 30 devant Sainte Sivière en Limozin, la quele ville et
 garnison estoit à monsigneur Jehan d'Evrues, et le
 gardoient de par lui messires Guillaumez de Persi,
 [55] Richars Gilles et Richars Holme, atout grant fuison

de bons compagnons; et avoient courut tout le temps
sus le pays d’Auvergne et de Limozin et fait y moult
de damages et de destourbiers, pour quoi li dus de
5 Berri se voloit traire celle part, et prioit au dit
connestable que se il pooit nullement, que il volsist venir
devers lui, pour aler devant le dit fort. Li connestables,
qui moult imaginatis estoit, regarda que à
present à lui traire ne ses gens devant Poitiers, il ne
10 feroit riens; car la chités estoit grandement rafreschie
de bonnes gens d’armes, et qu’il se traitroit
devers le duch de Berri. Si se parti de Montcontour
atout son host, quant il eut ordonné qui garderoit
le forterèce dessus ditte. Et exploita tant que il vint
15 devers le dit duch de Berri, qui li sceut grant gré de
sa venue, et à tous le[s] barons et chevaliers ossi. Là
eut grant gent d’armes, quant ces deus hos furent
remis ensamble. Si exploita tant li dis dus de Berri et
li connestables [en sa compaignie], que il vinrent
20 devant Sainte Sivière et estoient bien quatre mil
hommes d’armes. Si assegièrent la garnison et ceulz
qui dedens estoient, et avoient bien pourpos qu’il
ne s’en partiroient, si l’aroient. Quant cil signeur
furent venu devant, il ne sejournerent mies, mès
25 commencièrent à assallir par yaus et par leurs gens,
par grant ordenance; et messires Guillaumes de Persi
et ses gens à yaus deffendre.

Ces nouvelles vinrent en le cité de Poitiers à
monsigneur Jehan d’Evrues, comment li dus de
30 Berri, li dus de Bourbon, li dauffins d’Auvergne, li
connestables de France, li sires de Cliçon, li viscontes
de Roem et bien quatre mil hommes d’armes avoient
[56] assegiat sa forterèce en Limozin et ses gens dedens;
si n’en fu mies mains pensieus que devant, et en
parla à monsigneur Thumas de Persi qui estoit presens
au raport de ces nouvelles, et dist: «Messire
5 Thumas, vous estes seneschaus de ce pays, et qui
avés grant vois et grant poissance; je vous pri que

vous entendés à vostre cousin et mes gens secourir,
qui seront pris de force, se on ne les conforte.»

—«Par ma foy», respondi messires Thumas, «j'en sui

10 en grant volenté, et pour l'amour de vous, je me
partirai de ci en vostre compagnie, et nous en irons
parler à monsigneur le capital qui n'est pas lonch de
ci, et mettrai grant painne à lui esmouvoir, afin que
nous alons lever le siège et combattre les François.»

15 Lors se departirent [de Poitiers] li dessus dit, et
recommandèrent le cité en le garde dou maieur de le
ditte cité, qui s'appelloit Jehans Renaus, un bon et
loyal homme. Si chevaucièrent tant li dessus dit, que
il trouvèrent le capital sus les camps qui s'en aloit

20 devers Saint Jehan l'Angelier. Adont li doi chevalier
qui là estoient, li remoustrèrent comment li François
avoient pris Montmorillon dalés Poitiers et ossi le
fort chastiel de Montcontour, et se tenoient à siège
devant Sainte Sivière qui estoit à monsigneur Jehan

25 d'Evrues, à qui on devoit bien aucun grant service.
Et encores dedens le dit fort estoient enclos et assis
messires Guillaumes de Persi, Richars Gille et Richars
Holme, qui ne faisoient mies à perdre. Li captaus
pensa sus ces parolles un petit, et puis respondi et

30 dist: «Signeur, quel cose vous semble il bon que
j'en face?» A ce conseil furent appelé aucun chevalier
qui là estoient. «Sire», respondirent li dessus dit,

[57] «il y a grant temps que nous vous avons oy dire
que vous desirés moult les François à combattre, et
vous ne les poés trouver mieulz à point; si vous
traiiés celle part et faites vostre mandement parmi

5 Poito et Saintonge; encores y a gens assés pour combattre
les François avoecques le grant volenté que
nous en avons.»—«Par ma foy», respondi li captaus,
«et je le voeil. Voirement ai jou ensi dit que

je les desire à combattre; si les combaterons temprement,
10 se il plaist à Dieu et à saint Jorge.» Tantos là sus
les camps li dis captaus envoya lettres et messages par

devers les barons, chevaliers et escuiers de Poito et
de Saintonge, qui en leur compagnie n'estoient, et
leur prioit et enjoindoit estreitement qu'il se presissent
15 priès de venir au plus efforcement qu'il
pooient, et leur donnoit place où on le trouveroit.
Tout baron, chevalier et escuier, as quelz ces nouvelles
vinrent et qui certefiïet et mandé en furent, se
partirent sans point d'arrest, et se misent au chemin
20 pour trouver le dit capital, cescuns au plus estoffeement
qu'il peut. Là vinrent li sires de Partenay,
messires Loeis de Harcourt, messires Hugues de
Vivone, messires Parchevaus de Coulongne, messires
Aymeris de Rochewart, messires Jakemes de Surgières,
25 messires Joffrois d'Argenton, li sires de Ponsances,
li sires de Rousseillon, li sires de Crupegnach,
messires Jehans d'Angle, messires Guillaumez de
Monttendre et pluseurs aultre. Et fisent tant qu'il se
trouvèrent tout ensamble, et s'en vinrent logier, Englès,
30 Poitevins, Gascons et Saintongiers, en l'abbeye
de Charros sus les marces du Limozin; si se trouvèrent
bien neuf cens lanches et cinc cens archiers.

- [58] § 697. Ces nouvelles vinrent en l'ost devant Sainte
Sivière à monsigneur Bertran et as aultres signeurs
que li Englès et li Poitevin et tout cil de leur alliance
approçoient durement et venoient pour lever le siège.
5 Quant li connestables entendit ce, il n'en fu de riens
effraés, ains fist armer toutes manières de gens et
commanda que cescuns traisist avant à l'assaut. A son
commandement et ordenance ne volt nulz desobeïr,
quelz sires qu'il fust. Si vinrent François et Breton
10 devant le forterèce armé et paveschié de bonne
manière, [et commenchèrent à assaillir de bonne volenté,
chascuns sires dessous sa bannère] et entre ses
gens. Si vous di que c'estoit grans biautés dou veoir
et imaginer ces signeurs de France et le riche arroy
15 et riche[sse] d'yaus. Car adont à cel assaut, il y eut

par droit compte quarante et neuf banières et grant
fusion de pennons. Et là estoient li dis connestables
et messires Loeis de Saussoire mareschaus, cescuns
ensi que il devoit estre, qui travilloient moult à esvigurer
20 leurs gens pour assallir de plus grant [volenté
et] corage. Là s’avançoient chevalier et escuier de
toutes nations pour leur honneur accroistre et leurs
corps avancier, qui y faisoient merveilles d’armes. Car
li pluseur passoient tout parmi les fossés qui estoient
25 plain d’aigue, et s’en venoient les targes sus leurs
testes jusques au mur. Et en celle apertise pour cose
que cil d’amont jettoient, point ne reculoient, mès
aloient toutdis avant. Et là estoient sus les fossés li
dus de Berri, li dus de Bourbon, li contes d’Alençon, li
30 dauffins d’Auvergne et les grans signeurs qui amonnestoient
leurs gens de bien faire et pour la cause des
signeurs, qui les regardoient, s’avançoient li compaignon
[59] plus volentiers, et ne ressongnoient mort ne
peril. Messires Guillaumez de Persi et li doi escuier
d’onneur qui chapitainne estoient de le forterèce,
regardèrent comment on les assalloit de grant volenté, et
5 que cilz assaulz point ne se refroidoit ne cessoit, et que,
à ensi continuer il ne se poroient tenir, et se ne lor
apparoit confors de nul costé, si com il supposoient.
Car se il sceuissent comment leurs gens estoient à
mains de dis liewes d’yaus, il se fuissent encore reconforté
10 et à bonne cause. Car bien se fuissent tenu tant
que il en euissent oy nouvelles, mès point n’en savoient.
Pour tant entrèrent il en trettiet devers le
[dit] connestable pour eskiewer plus grant dangier.
Messires Bertrans qui estoit tous enfourmés que,
15 dedens le soir, il oroit nouvelles des Englès et des
Poitevins, car il chevaüçoient, entendu à leurs trettiés
volentiers, et les prist salves leurs vies, et se saisi de
le forterèce dont il fist grant feste. Apriès tout che,
il fist toutes ses gens traire sus les camps et mettre en
20 ordenance de bataille, ensi que pour tantost combattre;

et leur dist et fist dire: «Seigneur, avisés
vous, car li anemi approcent, et esperons encore
anuit à estre combatu.» Ensi se tinrent il de puis
heure de haute tierce que la forterèce fu rendue
25 jusques au bas vespre tout rengié et ordonné sus les
camps au dehors de Sainte Sivière, attendans les
Englès et les Poitevins, dont il cuidoient estre combatu.
Et voirement l'eussent il esté sans nulle faute;
mès nouvelles vinrent au capital et à monsieur
30 Thumas de Persi et à monsieur Jehan d'Evrues
que Sainte Sivière estoit rendue. De ceste avenue
furent li seigneur et li compagnon tout courouciet; si
[60] disent et jurèrent là li seigneur entre yaus que jamès en
forterèce qui fust en Poito il n'enteroient, si aroient
combatu les François [et ruet jus].

§ 698. Ce terme pendant et ceste chevaucie faisant,
5 chil de Poitiers escheïrent en grant discention
et rebellion l'un contre l'autre. Car li communaulté
et les eglises et aucun riche homme de le ville se voloient
tourner françois. Jehans Renaus, qui maires en
estoit, et tout li officiier dou prince et aucun aultre
10 grant riche homme ne s'i voloient nullement acorder:
pour quoi il en furent en tel estri que priès sus le
combatre. Et mandèrent cil qui le plus grant acord
avoient secretement devers le connestable que, se il se
voloit avancier et venir si fors que pour prendre le
15 saisine de Poitiers, on li renderoit le ville. Quant li
connestables, qui se tenoit en Limozin, oy ces nouvelles,
si s'en descouvri au duch de Berri et au duch
de Bourbon, et leur dist: «Mi signeur, ensi me
mandent cil de Poitiers. A Dieu le veu, je me trairai
20 celle part atout trois cens lances, et verai quel cose il
vorront faire; et vous demorrés sus ce pays et ferés
frontière as Englès. Se je puis exploitier, il n'i revenront
jamès à temps.» A ceste ordenance s'acordèrent
bien li dessus dit signeur. Lors se parti secretement
25 li dis connestables et prist trois cens lances de
com[pa]gnons d'eslitte tous bien montés, et ossi il le
couvenoit; car, sus demi jour et sus une nuit, il avoient
bien à chevaucier trente lieues, car il ne pooient mies
aler le droit chemin, qu'il ne fussent sceu et aperceu.
30 Si chevauçà li dis connestables et se route, à
grant exploit, par bois, par bruières et par divers
[61] chemins et par pays inhabitable, et se uns chevaus
des leurs se rebrandesist, il ne l'attendoient point.

Li maires de le cité de Poitiers, qui soupeçonnoit
bien tout cel afaire, envoya secretement un message
5 devers monsigneur Thumas de Persi, son mestre,
qui estoit en le compagnie dou captal, et li dist li
varlès, quant il vint à lui: «Sire, mon mestre

vous segnefie que vous aiiés avis, car il besongne,
 et vous hastés de retourner en Poitiers, car il sont
 10 en grant discention l'un contre l'autre, et se
 voellent les cinc pars de le ville tourner françois, et
 ja en a estet li maires vos varlès en grant peril
 d'estre occis. Encores, ne sçai je se vous y porés venir
 à temps; car mon mestre fait doubte que il
 15 n'aient mandé le seneschal.» Quant li seneschal
 de Poito entendì che, qui bien congnoissoit le
 varlet, si fu trop durement esmervilliés, et nompourquant
 il le crei bien de toutes ses parolles, car il
 sentoît assés le corage de chiaus de Poitiers; si recorda
 20 tout ce au capital. Dont dist li captaus:
 «Messires Thumas, vous ne vos partirés pas de
 moy; vous estes li uns des plus grans de nostre
 route ou cilz où j'ay plus grant fiance d'avoir
 bon conseil, mès nous y envoierons.» Respondi
 25 messires Thumas: «Sire, à votre ordenance en
 soit.» Là fu ordonnés messires Jehans d'Angle et
 sevrés des aultres, et li fu dit: «Messire Jehan,
 prendés cent lances des nostres, et chevauciés hasteement
 vers Poitiers, et vous boutés dedens le ville et
 30 ne vous en partés jusques à tant que nous vous remanderons
 sus certaines ensengnes.» Messires
 Jehans d'Angle obeï tantost; on li delivra sus les
 [62] camps cent lances, qui se dessevrèrent des autres: si
 chevaucièrent quoiteusement devers Poitiers; mès
 onques ne se peurent tant haster que li connestables
 de France ne venist devant et trouva les portes ouvertes,
 5 et le recueillièrent à grant joie et toutes ses
 gens. Ja estoit li dis messires Jehans d'Angle et se
 route à une petite lieue de Poitiers, quant ces nouvelles
 li vinrent, qu'il n'avoit que faire plus avant, se
 il ne se voloit perdre; car li connestables et bien
 10 trois cens lances estoient dedens Poitiers. De ces parolles
 fu moult courrouciés li dis messires Jehans, ce
 fu bien raisons; comment que il ne les peuist amender,

si tourna sus frain et tout chil ossi qui avoech
lui estoient. Si retournèrent arrière dont il estoient
15 parti, et chevaucièrent tant que il trouvèrent le capital
et monsigneur Thumas et les aultres; si leur compta
li dis messires Jehans l'aventure, comment elle aloit
et dou connestable qui s'estoit boutés en Poitiers.

§ 699. Quant li Gascon, li Englès et li Poitevin
20 qui là estoient tout ensamble d'un acord et d'une
alliance, entendirent ces nouvelles, si furent plus
esmerveilliet et esbahi que devant, et n'i eut baron
[ne] chevalier qui ne fust durement pensieus et courouchiés,
et bien y avoit cause, car il veoient les coses
25 aler diversement. Si disent li Poitevin pour les Gascons
et Englès reconforter: «Signeur, sachiés de verité
que il nous desplaist grandement des coses qui
ensi vont en ce pays, se conseil ou remede y poions
mettre. Et regardés entre vous quel cose vous volés
30 que nous faisons, nous le ferons ne ja en nous vous
ne trouverés nulle lasqueté.»—«Certainnement,
[63] signeur,» ce respondirent li Englès, «nous vous en
creons bien, et nous ne sons pas pensieu sur vous ne
sus vostre estat et afaire, fors sus le infortuneté de
nous; car toutes les coses nous viennent à rebous.
5 Si nous fault avoir sur ce avis et conseil comment à
nostre honneur nous en porons perseverer.» Là regardèrent
par grant deliberation de conseil et pour
le milleur, que ce seroit bon que li Poitevin fesissent
leur route à par yaus, et li Englès le leur, et li Gascons
10 le leur et se retraisissent en leurs garnisons, et
quand il vorroient chevaucier et il veroient bien où
à emploier leur chevaucie, il le segnefieroient l'un à
l'autre, et il se trouveroient apparilliet. Ceste ordenance
fu tenue et se departirent moult amiablement
15 li un de l'autre, et prisent li dit Poitevin le chemin
de Touwars, et li Gascon le chemin de Saint Jehan
l'Angelier, et li Englès le chemin de Niorth. Ensi se

desrompi ceste chevaucie.

Li Englès qui chevaucioient tout ensamble, quant
20 il cuidièrent entrer en le ville de Niorth, on leur cloy
les portes, et leur disent li villain de le ville que
point là il n’enteroient et qu’il alaissent d’autre part.
Or furent li Englès plus courouchié que devant, et
disent que ceste rebellion contre telz villains ne faisoit
25 mies à souffrir. Si se appareillièrent tantost et
misent en ordenance pour assallir et assallirent de
grant corage; et cil de le ville se deffendirent à leur
pooir. Là eut grant assaut et dur, et qui se tint une
longe esparse; mès finablement chil de Niorth ne les
30 peurent souffrir, car il n’avoient nul gentil homme,
dont il fuissent conforté et consillié. Et se il se peuissent
estre tenu jusques au vespre, il euissent esté
[64] secouru et conforté dou connestable, en quel istance il
s’estoient clos contre li Englès. Mès li dit Englès le
assallirent si vertueusement et de si grant volenté que
de force il rompirent les murs et entrèrent ens et
5 occirent le plus grant partie des hommes de le ville,
et puis le coururent et pillièrent toute sans nul deport,
et se tinrent là jusques à tant qu’il oïrent autres
nouvelles.

§ 700. Vous avés bien chi dessus oy recorder comment
10 Yewains de Galles à l’ordenance et commandement
dou roy de France ala en Espagne parler au roy
Henri pour impetrer une partie de se navie. Li rois
Henris ne l’eust jamais refusé ne escondi au roy de
France, mès fu tous joians quant il peut envoier. Si
15 ordonna son mestre amiral dan Radigo de Rous à
estre patrons, avoech le dessus dit Yewain, de toute
ceste armée. Si se partirent dou port de Saint Andrieu
en Galisse, quant la navie fu toute preste à quarante
grosses nefes, huit galées et trese barges, toutes fretées
20 et appareillies et cargies de gens d’armes. Si singlèrent

tant par mer sans avoir empecement ne vent
contraire, qu'il arrivèrent devant le ville de le Rocelle,
où il tendoient à venir et ancrèrent tout par
devant, et s'i ordonnèrent et establirent par manière
25 de siège. Cil de le Rocelle, quant il veirent celle grosse
flotte là des Espagnolz venue, furent durement esbahi;
car il n'avoient point appris à estre assegié si
poissamment par mer ne de telz gens. Toutes fois quel
samblant que toute la saison il euissent moustré as
30 Englès, il avoient le corage tout bon françois, mès il
s'en dissimuloient ce qu'il pooient, et se fuissent ja
[65] très volentiers tourné françois, se il osassent; mais
tant que li chastiaus fust en le main des Englès, il ne
pooient, se il ne se mettoient en aventure d'estre tout
destruit. Quant cil de le Rocelle veirent que c'estoit
5 tout acertes que on les avoit assegiés, si y pourveirent
couvertement de conseil et de remède; car il trettièrent
secretement devers Yewain de Gallez et dan
Radigo de Rous trettiés amiables par composition
tele que il voloient bien estre assegiet, mais il ne devoient
10 riens fourfaire l'un sus l'autre; si se tinrent en
tel estat un terme.

Li connestables de France, qui se tenoit en le cité
de Poitiers à tout grant fuison de gens d'armes, envoya
monsieur Renault, signeur de Pons, en Poito, devant
15 le chastiel de Subize, qui siet sus le Charente à
l'emboukure de le mer, et ordonna desous le dessus
dit bien trois cens lances, dont la plus grant partie
estoient Breton et Pikart. Et y furent envoiet doi escuier
Breton vaillant homme durement, Thiebaus
20 dou Pont et Alyot de Chalay. Si vinrent ces gens
d'armes mettre le siège devant le dit chastiel de Subize,
et le assegièrent à l'un des lés et ne mies partout. Dedens
le forterèce n'avoit que une seule dame veve
sans marit, qui s'appelloit la dame de Subize, et pour
25 se loyauté tenir, elle demoroit Englesce; si estoit là
aseulée entre ses gens, et ne cuidoit mies avoir le

siège si soudainement que elle l'eut. Quant elle vei
 que ce fu acertes et que li sires de Pons et li Breton
 le cuvrioient telement, si envia devers monsieur
 30 le captal de Beus qui se tenoit en garnison en le ville
 de Saint Jehan l'Angelier, en lui priant humlement et
 doucement que il volsist entendre à lui conforter;
 [66] car li sires de Pons et Thiebaus dou Pont Breton et
 environ trois cens armeures de fier, l'avoient assegié
 et le constraindoient durement. Li captaus de Beus,
 comme courtois et vaillans chevaliers, et qui tous
 5 jours fu enclins et en grant volenté de conforter
 dames et damoiselles, en quel parti que elles fuissent,
 ensi que tout noble et gentil homme de sanch doivent
 estre, et sicom il reconforta et aida jadis, et se mist
 en grant peril ou marchiet à Miaus contre les
 10 Jakebonhommes, pour la royne de France qui lors estoit
 ducoise de Normendie, respondi as messages, qui ces
 nouvelles li aportèrent: «Retournés devers la dame
 de Subize, et li dittes de par moy que elle se conforte,
 car je n'entenderai à aultre cose, si l'arai secourue
 15 et levet le siège; et me recommandés à lui
 plus de cent fois.» Li message furent moult liet de
 ceste response, et retournèrent à Subise devers leur
 dame, qui ossi en ot grant joie. Li captaus de Beus ne
 mist mies en noncalloir ceste emprise, mès envia
 20 tantost devers le capitaine de Saintes, monsieur
 Guillaume de Ferintonne et manda monsieur Henri
 Haie, senescal d'Angouloime, monsieur Renault,
 sieur de Maruel, neveu à monsieur Raymon,
 et à Niort monsieur Thumas de Persi, Jehan
 25 Cressuelle et David Holegrave; et à Luzegnan monsieur
 Petiton de Courton, monsieur Gautier
 Huet, et monsieur Meurisse Wis et plusieurs
 aultres. Et s'assablèrent tout ces gens d'armes en
 le ville de Saint Jehan. Tout ce couvenant et ceste
 30 ordenance sceut bien par ses espies, qu'il avoit alant
 et venant, Yewains de Galles, qui se tenoit devant le

Rocelle et ossi le siège dou signeur de Pons qu'il
[67] avoit mis et tenoit devant Subize. Si imagina li dis
Yewains, qui fu uns moult apers et vaillans homs
d'armes, que ceste assamblée dou capital se faisoit
pour lever le siège et ruer jus le signeur de Pons et
5 se route. Si s'apensa que il y pourveroit de remède,
se il pooit. Si pria tous les milleurs hommes d'armes
de sa navie par election, et les trouva [si] appareilliés
et obeïssans à sa volenté, et fist son fet secretement
et eut environ quatre cens armeures de fier;
10 si les fist tous entrer par ordenance ens es treise barges
qu'il avoit amenet d'Espagne, et se mist en l'une, et
puis nagïèrent et rimèrent tant li notonnier, que il
vinrent en l'emboukure de le Charente à l'opposite
dou chastiel de Subize, sans ce que li sires de Pons
15 ne la dame de Subize en seussent riens, et là se tinrent
tout quoi à l'ancre sus la ditte rivière.

§ 701. Li captaus, qui se tenoit à Saint Jehan l'Angelier
et qui avoit fait son mandement de quatre
cens hommes, et de plus fu enfourmés ains son departement
20 que li sires de Pons en toute somme n'avoit
devant Subise non plus de cent lances, si crut ceste
information trop legierement, dont il en fu decheus
et renvoia le droite moitié de ses gens pour garder
leurs forterèces, et se parti de Saint Jehan atout
25 deus cens lances, tous des milleurs à son avis. Et
chevauçà tant ce jour que sus le nuit il vint assés
priès de l'ost as François, qui riens ne savoient de sa
venue, et descendi en un bosket et fist toutes ses gens
descendre: si restraintirent leurs armeures et rechenglèrent
30 leurs chevaux, et puis montèrent sans faire
nul effroi. Et chevaucièrent tout quoïement tant que
[68] il vinrent ou logeis dou signeur de Pons et des
Bretons, qui se tenoient tout asseget, et ja estoit
moult tart. Evous monsigneur le capital et se route,
qui entrent sans dire mot ne faire trop grant noise

5 en ces logeis, et commencent à ruer par terre tentes
 et très et foellies et à abatre gens, occire et decoper
 et à prendre. Là furent pris li sires de Pons, Thiebaus
 dou Pont, Alyos de Chalay et tout chil qui là
 estoient mort ou pris. Et en furent li Englès si mestre
 10 et si signeur, que tout fu leur pour ceste heure.
 Yewains de Galles qui estoit à l'autre part à l'encontre
 de celle host oultre le rivière derrière le dit
 chastiel, tous pourvus et avisés quel cose il devoit
 faire et qui bien savoit le venue dou dit capital, avoit
 15 pris terre et toutes ses gens ossi, qui bien estoient
 quatre cens combatans. Et là estoient messires
 Jakemes de Montmore et Morelès, ses frères. Et portoient
 ces gens d'armes grant fuison de fallos et de
 tortis tous alumés, et s'en vinrent par derrière les
 20 logeis, où cil Englès se tenoient, qui cuidoient avoir
 tout fait et tenoient leurs prisonniers dalés yaus ensi
 que pour tous asseurés. Evous le dit Yewain et se
 route, qui estoit forte et espesse et en grant volenté
 de bien faire le besongne, et entrent en ces logeis,
 25 les espées toutes nues, et commencent à escriier leurs
 cris et à occire et decoper gens d'armes et ruer par
 terre et prendre et fiancier prisonniers et à delivrer
 chiaus qui pris estoient. Que vous feroi je lonch
 compte? Là fu pris li captaus de Beus d'un escuier
 30 de Pikardie, qui s'appelloit Pières Danviller, apert
 homme d'armes durement desous le pennon Yewain.
 Là furent telement espars et ruet par terre li Englès
 [69] que il ne se peurent ravoier ne desfendre, et furent
 tout li prisonnier François rescous. Li sires de Pons
 premierement, qui en fu très ewireus et au quel li
 aventure fu plus belle qu'à nulz des aultres; car se li
 5 Englès l'eussent tenu jamais, il n'eust veu sa delivrance.
 Là furent pris messires Henris Haie, messires
 Meurisses Wis et pluseur aultre chevalier et escuier,
 et ossi li seneschaus de Poito, messires Thumas de
 Persi; et le prist uns prestres de Galles, chapellains

10 dou dit Yewain, qui s'appelloit messires David House.
Là furent priès que tout pris et mort, et se sauvèrent
à grant meschief messires Gautiers Huès, messires
Guillaumes de Ferrintonne et messires Petiton de
Courton et Jehan Cressuelle, qui afuient vers le forterèce
15 par une estragne voie, ensi que uns varlès les
mena, qui savoit le couvine de laiens, les entrées et
les issues. Si furent recueilliet de la dame de Subise
par une fausse porte, et leur jetta on une planche par
où il entrèrent en leur forterèce. Si recordèrent à la
20 ditte dame de Subise leur aventure et comment il
leur estoit mesavenu par povre soing. De ces nouvelles
fu la dame toute desconfortée, et vei bien que
rendre le couvenoit et venir en l'obeïssance dou roy
de France.

25 § 702. Ceste nuit fu tantost passée, car c'estoit en
temps d'esté, ou mois d'aoust, mais pour ce que il
faisoit noir et brun, la lune estoit en decours. Si se
tinrent li François et cil de leur costé tout liet et
grandement reconforté, et bien y avoit cause; car il
30 leur estoit avvenu une très belle aventure que pris le
capital de Beus, le plus renommé chevalier de toute
[70] Gascongne et que li François redoubtoient le plus
pour ses hautainnes emprises. De ceste avenue et
achievement eut Yewains de Galles grant grasse.
Quant ce vint à l'endemain dont la besongne avoit
5 estet le nuit, li dis Yewains et cil qui prisonniers
avoient, les fissent mener pour tous perilz eschiewer en
leur aultre navie devant le Rocelle, car envis les
eussent perdus; et puis s'en vinrent rengié et ordonné
devant le chastiel de Subise. Et mandèrent en leur
10 navie encores grant fuison de Genevois et arbalestriers;
si fissent grant samblant d'assallir la forterèce,
et s'en misent en bon arroi. La dame de Subise qui
veoit tout son confort mort et pris, dont moult li
anoioit, demanda conseil as chevaliers, qui là dedens

15 estoient retraits à saueté, monsigneur Gautier Huet,
 et monsigneur Guillaume de Ferrintonne et monsigneur
 Petiton de Courton. Li chevalier li respondirent:
 «Dame, nous savons bien que à le longe vous
 ne vous poés tenir; et nous sommes cheens enclos;
 20 si n'en poons partir fors par le dangier des François.
 Nous traitterons devers yaus que nous partirons
 sauvement sus le conduit le signeur de Pons;
 et vous demorrés en l'obeïssance dou roy de France.»
 La dame respondi: «Diex y ait part, puis que il
 25 ne poet estre autrement.» Adont li troi chevalier
 dessus nommet envoièrent un hiraut des leurs hors
 dou chastiel parler à Yewain de Galles et au signeur
 de Pons, qui estoient tout appareilliet et leurs gens
 pour assallir. Li dessus dit entendirent à ces trettiés
 30 volentiers et eurent grasse de partir tout li Englès
 qui dedens le fort estoient et de retraire par saufconduit
 là où mieus leur plaisoit, fust en Poito ou
 [71] en Saintonge; si se partirent sans plus attendre.
 Et la dame de Subize, ses chastiaus et toute sa terre,
 demora en l'obeïssance dou roy de France. Et li
 dis Yewains [de Galles] se retray en se navie devant
 5 le Rocelle qu'il tenoit pour assegie, quoi que compositions
 fust entre li et chiaus de le ville, que
 point ne devoient grever l'un l'autre. Et tint toutdis
 monsigneur le capital dalés lui, ne point n'avoit volenté
 d'envoier en France devers le roy jusques à
 10 tant qu'il oroît aultres nouvelles.

§ 703. Vous devés savoir que se li rois d'Engleterre
 et li Englès furent courouciet de le prise le
 capital de Beus, li rois de France et li François en
 furent moult resjoy et en tinrent leur guerre à plus
 15 belle, et à plus foible le poissance des Englès. Tantost
 apriès ceste avenue, li sires de Pons, li sires de Cliçon,
 li viscontes de Roem, li sires de Laval, li sires de
 Biaumanoir, Thiebaus dou Pont, Alyot de Calay et

une grande route de Bretons et de Poitevins d'une
20 alliance, qui bien estoient cinc cens hommes d'armes,
chevaucièrent caudement par devers Saint Jehan
l'Angelier, dont li captaus avoit estet chapitaine,
et exploitièrent tant que il vinrent devant et fissent
grant samblant de l'assallir. Cil de Saint Jehan furent
25 tout esbahi de leur venue, car il n'avoient nul gentil
homme, qui les consillast, et si veoient leur chapitaine
pris, et le plus grant partie des Englès; et ne
leur apparoit confors de nul costé. Si se rendirent et
ouvrirent leurs portes as dessus dis, parmi tant que
30 on ne leur devoit nul mal faire. De ce leur tint on
bien couvent. Et il jurèrent foy et seurté et toute
[72] obeïssance de ce jour en avant à tenir au roy de
France. Quant il eurent ce fait, il s'en partirent et
chevaucièrent ossi caudement par devers le cité d'Angouloime,
qui est belle et forte, et y apent uns biaux
5 chastiaus; mais il avoient perdu leur seneschal, monsieur
Henri Haie, et n'estoit là dedens de le partie
des Englès, qui les consillast ne confortast. Si furent
si esbahi, quant li sires de Cliçon et li sires de Pons et
li dessus dit approcièrent leur cité, que il n'eurent
10 nulle volenté d'yaus tenir, et entrèrent en trettiés
devers les dis François; et les aida à faire li sires de
Pons, pour tant qu'il y avoit plus grant fiance que
ens es Bretons. Si jurèrent feaulté et obeïssance au
roy de France; et entrèrent li Breton dedens le ditte
15 cité, et là se rafreschirent par un jour, et l'endemain
s'en partirent; si chevaucièrent viers Taillebourch,
sus le rivièrre de Charente, qui se tourna françoise
ossi. Et puis chevaucièrent devers le cité de Saintes
en Poito, où messires Guillaumez de Ferrintonne,
20 seneschaus de Saintonge, estoit retrais, li quelz dist
qu'il ne se renderoit mies si legierement, et fist clore
la cité et toutes manières de gens aler à leurs deffenses,
fust envis ou volenté. Quant li Breton veirent
ce, si se ordonnèrent et apparillièrent de grant

25 manière et commencèrent à assallir la ditte cité de
Saintes, et cil dedens à yaus deffendre par le conseil
dou dit monsigneur Guillaume et de ses gens, qui
pooient estre environ soissante armeures de fier. Et
y eut un jour tout entier grant assaut, mès riens n'i
30 perdirent. Si se retraisent au soir li Breton tout las
et travilliet en manechant durement chiaus de le ville,
et leur disent au partir: «Folle gent, vous vos tenés
[73] et cloés contre nous, et si ne poés durer que nous
ne vous aions. Et quant vous serés pris de force,
vostre ville sera toute courue et reubée et arse, et
serés tout mort sans merci.» Ces parolles entendirent
5 bien aucun homme de le ville, si les notèrent
grandement et les segnefièrent à l'evesque dou lieu,
qui en fist grant compte, et leur dist: «Se il avient
ensi que li Breton vous prommettent, vous n'en arés
mies mains: par le oppinion de monsigneur Guillaume
10 porions nous estre tout perdu sans nul recouvrier.»
Lors demandèrent cil de le cité à l'evesque
conseil, comment il poroient ouvrer pour le mieulz
sus cel estat. Li evesques leur dist, qui desiroit à estre
françois: «Prendés monsigneur Guillaume de Ferrintonne
15 et les plus notables de conseil, et les mettés
en prison, ou dittes que vous les occirés, se il ne
s'acordent à rendre le cité.» Ensi que li dis evesques
le consilla, fu fait. De nuit cil de Saintes prisent de
force leur senescal à son hostel et huit de ses escuiers,
20 et leur disent: «Signeur, nous ne nos sentons mies
fort assés pour nous tenir contre le poissance de ces
Bretons, car encores doivent il i estre de matin
rafreschi de nouvelles gens de par le connestable
qui se tient à Poitiers. Si volons que vous rendés
25 ceste cité ançois que nous y recevons plus grant
damage, ou briefment nous vous occirons.» Messires
Guillaumes et si compagnon veirent bien que deffence
n'i valoit riens; si leur dist: «Signeur, je vous lairai
couvenir, puis que ensi est que vous avés volenté

30 de vous rendre, mès mettés nous hors de vostres
trettiés, si ferés courtoisie et vous en sarons gré»; et
chil respondirent: «Volentiers.»

- [74] § 704. Quant ce vint l'endemain au matin, li sires
de Cliçon, li sires de Pons, li viscontes de Rohem, et
li baron qui là estoient fissent sonner leurs trompètes
pour assallir et armer et appareillier toutes gens et
5 traire avant et mettre en ordenance d'assaut. Evous
autres nouvelles qui leur vinrent envoies de par
chiaux de Saintes. A ces trettiés entendirent li signeur
de l'ost pour tant que ce leur sambloit honneurs de
conquerre une tele cité que Saintes est, et mettre en
10 l'obeissance dou roy de France, sans travailler ni blechier
leurs gens, qui leur estoit grans pourfis. Et ossi
il tiroient toutdis à chevaucier avant. Si furent cil
trettie oy, retenu et acordé; et se departirent messires
Guillaumes de Ferintonne et ses gens sauvement
15 sus le conduit le signeur de Pons, qui fist les
dis Englès conduire jusques en le cité de Bourdiaus.
Ensi eurent li François la bonne cité de Saintes, et
en prisent le feauté et l'ommage; et jurèrent li homme
de le ville à estre bon et loyal François de ce jour en
20 avant. Et puis s'en partirent, quant il s'i furent rafreschi
trois jours, et chevaucièrent devant Pons, qui
se tenoit encores englesce, quoi que li sires fust François,
et en estoit chapitainne messires Aymenions de
Bourch.
- 25 Mais quant chil de le ville se veirent ensi enclos de
tous lés des François, et que cil de Poitiers, de Saintes
et de Saint Jehan l'Angelier s'estoient rendu et tourné
François et que li dit Englès perdoient tous les jours,
et que li captaus estoit pris, par le quel toutes recouvrances
30 se peussent estre faites, il n'eurent nulle
volenté d'yaus tenir; mais se rendirent par composition
que tout chil qui le opinion des Englès voloient

[75] [tenir et] soustenir, se pooient partir sans damage et sans peril, et avoient conduit jusques à Bourdiaus. Si se parti sus cel estat messires Aymenions, qui l'avoit gardée plus d'an et demi, et avoech lui toute
5 se route, et se traist à Bourdiaus, [et li sire de Pons entra] en sa ville, où il fut recheus à grant joie. Et là fist on grans dons et biaux presens, afin que il leur pardonnast son mautalent, car il avoit dit et juret en devant que il en feroit plus de soissante de ses
10 gens meismes trenchier les testes; et pour celle doubte s'estoient il tenu si longement. Mais anchois que il y peüst entrer ne que il vosissent ouvrir leurs portes, il leur quitta et pardonna tout à le prière dou signeur de Cliçon et des barons, qui estoient
15 en se compagnie. Or parlerons nous de chiaus de le Rocelle.

§ 705. Chil de le Rocelle estoient en trettiés couvers et secrés devers Yewain de Galles, qui les avoit assegiés par mer, sicom chi dessus vous avés oy, et
20 ossi devers le connestable de France qui se tenoit à Poitiers, mès il n'en osoient nulz descouvrir; car encores estoit li chastiaus en le possession des Englès, et sans le chastiel il ne s'osassent nullement tourner françois. Quant messires Jehans d'Evrues, sicom
25 chi dessus est recordé, s'en parti pour conforter de tous poins chiaus de Poitiers, il y establi un escuier à garde, qui s'appelloit Phelippot Mansiel, qui n'estoit mies trop soutieulz; et demorèrent avoech lui environ soissante compagnons. En ce temps avoit
30 en le ville de le Rocelle un maieur durement agu et subtil en toutes ses coses et bon François de corage,
[76] sicom il le moustra. Car quant il vei que poins fu, il ouvra de sa soutilleté, et ja s'en estoit descouvers à pluseurs bourgeois de le ville, qui estoient tout de son acord. Bien sçavoit li dis maires, qui s'appelloit
5 sire Jehan [Cauderier], que cilz Phelippos, qui estoit

gardiens dou chastiel, comment qu'il fust bons
 homs d'armes, n'estoit mies trop soubtieulz ne perchevans
 sus nul malisce; si le pria un jour de disner
 dalés lui, et aucuns bourgeois de le ville. Chilz Phelippos
 10 qui n'i pensoit que tout bien, li acorda et y
 vint. Anchois que on s'assessist au disner, sire Jehans
 [Cauderier], qui estoit tous pourveus de son fait et
 qui enfourmé en avoit ses compagnons, dist à Phelippot:
 «Chastelains, j'ay recheu de puis hier unes
 15 lettres de par nostre chier signeur le roy d'Engleterre,
 qui bien vous touchent.»—«Et queles sont
 elles?» dist cilz. Respondi li maires: «Je les vous
 mousterai et ferai lire en vostre presence, car c'est
 bien raisons.» Adont ala il en un coffre et prist une
 20 lettre toute ouverte, anchienement faite, seelée dou
 grant seel le roy Edowart d'Engleterre, qui de riens
 ne touchoit à son fait; mais il li fist touchier par
 grant sens, et dist à Phelippot: «Vés le chi.» Lors
 li moustra le seel au quel cilz s'apaisa moult bien, car
 25 assés le recogneut; mais il ne savoit lire: pour tant
 fu il decheus. Sire Jehans [Cauderier] appella un
 clerch que il avoit tout pourveu et avisé de son fait,
 et dist: «Lisiés nous ceste lettre.» Li clers le prist
 et lisi ce que point n'estoit en le lettre, et parloit en
 30 lisant que li rois d'Engleterre commandoit au maieur
 [de le Rochelle] que il fesist faire leur moustre de
 tous hommes armés demorans en le Rocelle, et l'en
 [77] rescrisist le nombre par le porteur de ces lettres, car
 il le voloit savoir, et ossi de chiaus dou chastiel; car
 il esperoit temprement à là venir et arriver. Quant
 ces parolles furent toutes dites, ensi que on list une
 5 lettre, li maires appella ledit Phelippot, et li dist:
 «Chastellain, vous oés bien que li rois, vos sires, me
 mande et commande: siques de par lui, je vous
 commande que demain vous fachiés vostre moustre
 de vos compagnons en le place devant le chastiel. Et
 10 tantost apriès la vostre, je ferai la mienne, par quoi

vous le verés ossi, si vaurra trop mieulz, et en ceste
meisme place. Si en rescrirons l'un par l'autre la
verité à nostre très chier signeur le roy d'Engleterre.
Et aussi se il besongne argent à vos compagnons, je
15 crois bien oïl, tantost le moustre faite, je vous en
presterai, par quoi vous les paierés lor gages, car li
rois d'Engleterre, nos sires, le m'a mandé ensi en
une lettre close, que je les paie sus mon offisce.»
Phelippes qui adjoustoit en toutes ces parolles grant
20 loyauté, li dist: «Sires maires, de par Dieu, puis que
c'est à demain que je doy faire ma moustre, je le
ferai volentiers, et li compagnon en aront grant joie,
pour tant qu'il seront paiiet; car il desirent à avoir
argent.» Adont laissièrent il les parolles [sur tel estat]
25 et alèrent disner, et furent tout aise. Apriès disner
cilz Phelippos se retray ens ou chastiel de le Rocelle,
et compta à ses compagnons tout ce que vous avés
oy et leur dist: «Signeur, faites bonne chièr, car
demain tantos apriès vo moustre, vous serés paiiet de
30 vos gages; car li rois l'a ensi mandé et ordené au
maieur de ceste ville, et j'en ay veu les lettres.» Li
saudoiier qui desiroient à avoir argent, car on leur
[78] devoit de trois mois ou plus, respondirent: «Vechi
riches nouvelles.» Si commencièrent à fourbir leurs
bachinès, à roler leurs cotes de fier et à esclarchir
leurs espées ou armeures teles qu'il les avoient. Ce
5 soir se pourvei tout secretement sire Jehans [Cauderier]
et enfourma le plus grant partie de chiaus
de le Rocelle, que il sentoit de son acord, et leur
donna ordenance pour l'endemain, à savoir comment
il se maintenroient.

10 Assés priès dou chastiel de le Rocelle et sus le
place où ceste moustre se devoit faire, avoit vieses
maisons où nulz ne demoroit. Si dist li maires que
là dedens on feroit une embusche que quatre cens
hommes armés, tous les plus aidables de le ville, et
15 quant cil dou chastiel seroient hors issu, il se metteroient

ent[re] le chastel et yaus et les encloroient;
ensi seroient il attrapé, ne il ne veoient mies que
par aultre voie il les peuist avoir. Cilz consaulz fu
tenus, et cil nommé et esleu en le ville qui devoient
20 estre en l'embusche, et y alèrent tout secretement
très le nuit tout armé de piet en cap, et yaus enfourmé
quel cose il feroient. Quant ce vint au matin
apriès soleil levant, li maires de le Rocelle et li juret
et chil de l'offisce tant seulement, se traient tout desarmé
25 par couvreture pour plus legierement attraire
chiaux dou chastiel avant. Et se vinrent sus le place
où li moustre se devoit faire, et estoient monté cescuns
sus bons gros ronchins pour tantost partir, quant
la meslée se commenceroit. Li chastellains si tost que
30 il vei apparoir le maieur et les jurés, il hasta ses
compagnons, et dist: «Alons! alons! là jus en le place
on nous attent!» Lors se departirent dou chastiel
[79] tout li compagnon sans nulle souspeçon, qui moustrer
se voloient et qui argent attendoient. Et ne demorèrent
dedens le chastiel fors que varlet et meschines,
et vuidièrent le porte et [le] laissièrent toute ample
5 ouverte, pour ce que il y cuidoiient tantost retraire, et
s'en vinrent sus le place yaus remoustrer au maieur
et as jurés qui là estampoient. Quant il furent tout en
un mont, li maires, pour yaus ensonniier, les mist en
parolles, et disoit à l'un et puis à l'autre: «Encores
10 n'avés vous pas tout vostre harnas, pour prendre
plains gages, il le vous fault amender.» Et chil
disoient: «Sire, volontiers.» Ensi en genglant et en
bourdant, il les tint tant que li embusche sailli hors
armé si bien que riens n'i falloit, et se boutèrent
15 tantost entre le chastiel et yaus, et se saisirent de le
porte. Quant li saudoiiier veirent ce, si cogneurent bien
qu'il estoient trahi et deceu: si furent durement
esbahi et à bonne cause. A ces cops se parti li maires
et tout li aultre, et laissièrent leurs gens couvenir,
20 qui tantost furent mestre de ces saudoiiiers qui se

laissièrent bellement prendre, car il veirent bien que
deffense n’y valoit riens. Là les fisent li Rocellois tous
un à un desarmer sus le place, et les menèrent en
prisons en le ville en divers lieux, en tours et en
25 portes de le ville: dou plus n’estoient que yaus doi
ensamble.

Assés tost apriès ce, vint li maires tous armés sus
le place, et plus de mil homes en se compagnie. Si se
traist incontinent devers le chastiel qui en l’eure li
30 fu rendu; car il n’i avoit dedens fors menue gent,
mechines et varlès, en qui n’avoit nulle deffense;
mès furent tout joiant, quant il se peurent rendre, et
[80] on les laissa en pais. Ensi fu reconquis li chastiaus
de le Rocelle.

§ 706. Quant li dus de Berri et li dus de Bourbon
et ossi li dus de Bourgongne, qui s’estoient tenu
5 moult longhement sur le[s] marches d’Auvergne et
de Limozin, à plus de deus mil lanches, entendirent
ces nouvelles, que chil de le Rocelle avoient bouté
hors les Englès de leur chastiel et le tenoient pour
leur, si s’avisèrent que il se traoient celle part pour
10 veoir et savoir quel cose il vorroient faire. Si se
departirent de le marche où il s’estoient tenu, et
chevaucièrent devers Poito le droit chemin pour venir
à Poitiers par devers le connestable. Si trouvèrent
une ville en leur chemin en Poito c’on dist Saint
15 Maxiien, qui se tenoit englesce, car li chastiaus qui
siet au dehors de le ville estoit en le gouvrenance
d’Englès. Sitos que chil signeur et leurs routes furent
venu devant le ville, chil de Saint Maxiien se rendirent,
salves leurs corps et leurs biens, mès li chastiaus
20 ne se volt rendre. Dont le fisent assallir li dit
signeur moult efforciement, et là eut un jour tout
entier grant assaut, et ne peut ce jour estre pris. A
l’endemain de rechief, il vinrent assallir si efforchiement

et de si grant volenté, qu'il le present, et furent
25 tout chil mort qui dedens estoient; puis chevaucièrent
li signeur oultre, quant il eurent ordonné gens
de par yaus pour garder le ville, et vinrent devant
Melle, et le present et le misent en l'obeïssance dou
roy de France, et puis vinrent devant le chastiel de
30 Sevray. Chil de Sivray se tinrent deus jours, et puis
se rendirent, salve leurs corps et leurs biens. Ensi li
[81] signeur, en venant devers le chité de Poitiers, conqueroient
villes et chastiaus, et ne laissoient riens
derrière yaus, qui ne demorast en l'obeïssance dou
roy de France; et tant cheminèrent qu'il vinrent à
5 Poitiers où il furent recheu à grant joie dou connestable
et de ses gens et de chiaus de le cité.

§ 707. Quant li troi duch dessus nommé furent
venu à Poitiers et toutes leurs routes, qui se logièrent
là où environ sus le plat pays pour estre mieulz à
10 leur aise, li duc de Berri eut conseil qu'il envoieiroit
devers chiaus de le Rocelle pour sçavoir quel cose
il vorroient dire et faire, car encores se tenoient il si
clos que nulz n'entroït ne issoit en leur ville. Si y
envoia li dis dus certains hommes et messages pour
15 trettier et savoir mieulz leur entente. Li message de
par le duch de Berri et le connestable furent bellement
recheu, et respondu qu'il envoieiroient devers
le roy de France; et se li rois leur voloït acorder
che qu'il demandoient, il demorroient bon François.
20 Mais il prioient au duch de Berri et au connestable
que il ne se volsissent mie avanchier ne leurs gens,
pour yaus porter nul damage ne nul contraire, jusques
adont qu'il aroient mieus causé. Che fu tout che que
li message raportèrent. Cheste response plaisi [assés]
25 bien as dessus dis le duch de Berri et le connestable,
mès ils se tinrent tout quoi à Poitiers et sus le
Marche, sans riens fourfaire as Rocellois; et Yewains
de Galles par mer ossi les tenoit pour assegiés, comment

qu'il ne leur fesist nul contraire.

30 Or vous dirai de l'estat des Rocellois et sus quel
point et article il se fondèrent et perseverèrent. Tout
[82] premierement il envoièrent douse de leurs bourgeois
des plus souffissans et des plus notables à Paris
devers le roy de France, sus bon saufconduit que il
eurent dou roy alant et venant, anchois que il se
5 partesissent de le Rocelle. Li rois qui les desiroit à
avoir pour amis et pour ses obeïssans, les rechut
liement et oy volentiers toutes leurs requestes, qui
furent celes que je vous dirai. Cil de le Rocelle voloient
tout premierement, anchois que il se mesissent
10 en l'obeïssance dou roy, que li chastiaus de
le Rocelle fust abatus. En apriès il voloient que li
rois de France pour tous jours mès, ilz et ses hoirs, les
tenist comme de son droit demainne de le couronne
de France, ne jamais n'en fuissent eslongié pour
15 pais, pour accord, pour mariage ne pour alliance
quelconques il eüst au roy d'Engleterre ne à autre
signeur. Tierchement il voloient que li rois de France
fesist là forgier florins et monnoie d'otel pris et
aloy, sans nulle exception, que on forgoit à Paris.
20 Quartement il voloient que nulz rois de France, si
hoir ne si successeur, ne peüssent mettre ne assir
sus yaus ne sus leurs masniers taille ne sousside,
gabelle, ayde ne imposition nulle ne fouage ne cose
qui le ressembblast, se il ne l'acordoient ou donnoient
25 de grasce. Quintement il voloient et requeroient que
li rois les fesist absorre et dispenser de leurs fois et
sieremens qu'il avoient juret et prommis au roy
d'Engleterre, la quele cose estoit uns grans prejudisces
à l'ame, et s'en sentoient grandement cargié
30 en conscience. Pour tant il voloient que li rois à ses
despens leur impetrast du Saint Père le pape absolution
et dispensation de tous ces fourfais.

[83] Quant li rois de France oy leurs articles et leurs

requestes, si leur en respondi moult doucement qu'il
en aroit avis. Sur ce, li dis rois s'en conseilla par
pluiseurs fois as plus sages de son royaume, et tint
5 là dalés lui moult longement chiaus de le Rocelle,
mès finablement de toutes leurs demandes il n'en
peut riens rabatre, et couvint que il leur acordast
toutes, seelast, cancelast et confremast pour tenir à
perpetuité. Et se partirent dou roy de France [bien
10 content], chartré, burlé et seelé tout ensi comme il
le veurent avoir et deviser, car li rois de France les
desiroit moult à avoir en se obeïssance, et recommendoit
le Rocelle pour le plus notable ville que il
eust par delà Paris. Et encores à leur departement,
15 leur donna il grans dons et biaux jeuiaus et riches
presens pour reporter à leurs femmes. Dont se partirent
dou roy et de Paris li Rocellois, et se misent
au retour.

§ 708. Or retournèrent li bourgeois de le Rocelle
20 en leur ville, qui avoient sejourné, tant à Paris que
sus leur chemin, bien deus mois. Si moustrèrent à
chiaus qui là les avoient envoieés et à le communauté
de le ville, quel cose il avoient exploitié et impetré,
sans nulle exeption, toutes leurs demandes. De ce
25 eurent il grant joie, et [se] contentèrent grandement
bien dou roi et de son conseil. Ne demora de puis
mies trois jours que il misent ouvriers en oevre et
fisent abatre leur chastiel et mettre rés à rés de le
terre, ne onques n'i demora pière sus aultre, et
30 l'assamblèrent là en le place en un mont. De puis en
fisent il ouvrer as necessités de le ville et paver
[84] aucunes rues qui en devant en avoient grant mestier.
Quant il eurent ensi fait, il mandèrent au duc de
Berri que il venist là, se il li plaisoit, et que on le
recheveroit volontiers au nom dou roy de Franche, et
5 feroient tout che qu'il devoient faire. Li dus de Berri
y envoya monsigneur Bertran de Claikin, qui avoit

de prendre le possession procuration du roy de
France. Lors se parti de Poitiers à cent lances li dis
connestables, à l'ordenance dou duch de Berri, et
10 chevaucha tant qu'il vint en le ville de le Rocelle, où il
fu recheus à grant joie, et moustra de quoi procuration
dou roy, son signeur. Si prist le foy et l'ommage
des hommes de le ville, et y sejourna trois
15 jours, et li furent faites toutes droitures, ensi comme
proprement au roy, et y rechut grans dons et biaux
presens. Et ossi il en donna fuison as dames et as
damoiselles, et, quant il eut assés revelé et joué, il se
parti de le Rocelle, et retourna arrière à Poitiers.

Ne demora gaires de temps puissedi que li rois de
20 France envia ses messages devers Yewain de Galles,
en lui mandant et segnefiant que il le veroit volentiers,
et son prisonnier le captal de Beus. Encore ordonna
li rois en ce voiage, que li amiraus dou vaillant
roy Henri de Chastille, dan Radigho de Rous, se partesist
25 o toute sa navie et retournast en Espagne, car
pour celle saison il ne le voloit plus ensonniier. Ensi
se desfist li armée de mer, et retournèrent li Espagnol,
et furent, ains leur departement, tout sech
paiiet de leurs gages, tant et si bien que il se contentèrent
30 grandement dou roy de France et de son
paiement. Et Yewains de Galles, au commandement
et ordenance dou roy, prist le chemin de Paris, et là
[85] amena le captal de Beus, dont li rois eut grant joie,
et le quel bien cognissoit, car il l'avoit vu aultrefois:
se li fist grant chière et lie, et le tint en prison courtoise,
et li fist prommettre et offrir grans dons et grans
5 hiretages et grans pourfis, pour li rattraire à sen amour
par quoi il se fust retournés françois; mès li captaus
n'i volt onques entendre, mais bien disoit as barons
et as chevaliers de France, qui le visetoient et qui de
chou l'aparloient, que il se ranceneroit volentiers
10 si grandement que cinc ou sis fois plus que sa revenue
par an ne li valoit, mès li rois n'avoit point

conseil de ce faire. Si demora la cose en cel estat, et
fu de premiers mis ou chastiel dou Louvre, et là
gardés bien songneusement; et le visetoient souvent
15 li baron et li chevalier de France.

Or revenrons nous as besognes de Poito, qui ne sont
mies encores toutes furnies.

§ 709. Quant li connestables de France eut pris
le saisine et possession de le bonne ville de le Rocelle,
20 et il se fu retrais à Poitiers, si eurent conseil li
signeur que il se partiroient de là et venroient
devant aucuns chastiaus qui estoient en le marche
de le Rocelle, par quoi la ville, se il se partoient dou
pays, demorroit en plus segur estat. Car encores
25 estoient englès Marant, Surgières [et] Fontenay le
Conte, et couroient tous les jours chil de ces garnisons
jusques as portes de le Rocelle, et leur faisoient
moult de destourbiers. Si se partirent de Poitiers en
grant arroi li dus de Berri, li dus de Bourgongne, li
30 dus de Bourbon, li daufins d’Auvergne, li sires de
Sulli, li connestables de France, li mareschaus de
[86] France et bien deus mil lances, et s’en vinrent premierement
devant le chastiel de Benon. Si en estoit
chapitaine de par le capital uns escuiers d’onneur
de le conté de Fois, qui s’appelloit Guillonès de Paus,
5 et uns chevaliers de Naples, qui s’appelloit messires
Jakes, doi appert homme d’armes malement. Et
avoient là dedens avoech yaus des bons compagnons,
qui ne furent mies trop effraé, quant chil signeur
et li connestables les eurent assegiés, mès se confortèrent
10 en ce que bien lor sambloit qu’il estoient pourveu
assés de vivres et d’arteillerie. Si furent assali
pluiseurs fois, mès trop bien se deffendirent de deus
ou de trois assaus à che commencement qu’il eurent.
Assés priès de là siet li garnison de Surgières,
15 où il avoit bien soissante lances d’Englès, tous bons

compagnons et droite gent d'armes. Si s'avisèrent
un jour que de nuit il venroient resvillier l'ost des
François, et s'enventuroient se il pooient riens conquerir.
Si se partirent de leur fort, quant il fu tout
20 avespri, et chevaucièrent devers Benon, et se boutèrent
environ mienuit en l'ost et chevaucièrent si
avant qu'il vinrent sus le logeis dou connestable, et
là s'arrestèrent. Si commenchièrent à abatre et à decoper
et blechier gens qui de ce ne se donnoient
25 garde. Si en y eut moult de navrés et de mal appareilliés;
et par especial, ou logeis dou connestable,
fu occis uns siens escuiers d'onneur, que il amoit oultre
l'ensengne. Li hos s'estourmi, on s'arma tantost.
Chil se retraisent, quant il veirent que poins fu et
30 qu'il eurent fait leur emprise, et retournèrent sans damage
en leur garnison. Quant li connestables sceut
le verité de son escuier que tant amoit, que il estoit
[87] mors, si fu telement courouchiés que plus ne peut,
et jura que de là jamais ne partiroit, si aroit pris le
chastiel de Benon, et seroient sans merchi tout chil
mort, qui dedens estoient. A l'endemain, quant il
5 eut fait entierer son escuier, il commanda toutes ses
gens à armer et traire avant à l'assaut, et, pour mieulz
exploitier, il meisme s'arma et y ala. Là eut grant
assaut et dur et bien continué; et telement s'i esprovèrent
Breton et aultres gens, que li chastiaus de
10 Benon fu pris et conquis de forche, et tout chil qui
dedens estoient, mort et occis, sans prendre nullui
à merchi.

§ 710. Apriès che que li connestables de France
eut faite sen entente dou chastiel de Benon et de tous
15 ceulz qui dedens estoient, il donna conseil de traire
devant le chastiel de Marant à quatre lieues de le
Rocelle. Dou chastiel de Marant estoit chapitaine
uns Alemans qui s'appelloit Wisebare, hardi homme
durement, et avoit avoech lui grant fuison d'Alemans.

20 Mais, quant il veirent que cil signeur de France venoient
 si efforcement et que riens ne se tenoit devant
 yaus, et que chil de le Rocelle s'estoient tourné franchois,
 et que li connestables avoit tous mis à mort
 chiaus dou chastiel de Benon, si furent si effraé que
 25 il n'eurent nulle volenté d'yaus tenir; mès se rendirent,
 et le forterèce, et se tournèrent tout françois,
 et le jurèrent à estre bon de ce jour en avant, en le
 main dou signeur de Pons, que li connestables y
 envoia pour trettiier et pour prendre le saisine et
 30 possession, mès il y misent une condicion tant que
 on leur vorroit paiier de leurs gages, ensi que li Englès
 [88] les avoient paiiés bien et courtoisement, et, se
 on en estoit en defaute, il se pooient partir sans
 nulle reproce et traire quel part qu'il voloient: on
 leur eut ensi en couvent. Si demorèrent sus cel estat
 5 comme en devant, pour tenir et garder le forterèche,
 et puis passèrent li signeur oultre, et vinrent
 devant le chastiel de Surgières. Quant il furent là
 parvenu, il le trouvèrent tout vuit et tout ouvert;
 car chil qui l'avoient gardé toute le saison, pour le
 10 doubance dou connestable, s'en estoient parti et
 bouté en aultres forterèces en Poito. Si entrèrent
 li François dedens le chastiel de Surgières, et le
 rafreschirent de nouvelles gens, et puis chevaucièrent
 devant Fontenay le Conte, où la femme à monsigneur
 15 Jehan de Harpedane se tenoit, et avoech lui
 pluseurs bons compagnons, qui ne furent à che
 commencement noient effraé de tenir le forterèce
 contre les François.

§ 711. Quant li dus de Berri et li aultre duch et
 20 leurs routes et li connestables de France furent venu
 devant Fontenai le Conte en Poito, si assegièrent le
 ville et le chastiel par bonne ordenance, et chiaus
 qui dedens estoient; et puis ordonnèrent enghin et
 manière comment il les poroient conquerre. Si y

25 fissent pluseurs assaus, le terme qu'il y sissent; mais
 il ne l'avoient mies d'avantage, car il trouvoient
 chiaus de le garnison appers et legiers et bien ordonnés
 pour yaus deffendre. Si y eut là devant le
 ville de Fontenay pluseurs assaus, escarmuces et
 30 grans apertises d'armes et moult de gens blechiés.
 Car priès [que] tous les jours y avoit aucun fais
 [89] d'armes, et par deus ou par trois estours. Si ne pooit
 remanoir que il n'en y eüst [des mors et] des blechiés;
 et vous di que, se chil de Fontenai sentesissent
 ne euissent esperance que il peussent estre
 5 conforté dedens trois ne quatre mois, de qui que
 ce fust par mer ou par terre, il se fuissent assés tenu,
 car il avoient pourveances à grant fuison, et si estoient
 en forte place. Mais, quant il imaginoient le
 peril que il estoient là enclos et que de jour en jour
 10 on leur prommetoit que, se de force pris estoient, il
 seroient [tout] mort sans merchi, et se ne leur apparoit
 confors de nul costé, il s'avisèrent et entendirent
 as trettiés dou connestable, qui furent tel qu'il se
 pooient partir, se il voloient, et porter ent tout le
 15 leur, et seroient conduit jusques en le ville de
 Touwars, où tout li chevalier de Poito englès pour le
 temps se tenoient et s'estoient là recueilliet. Cilz trettiés
 passa et fu tenus, et se partirent cil de Fontenay
 qui englès estoient, et en menèrent leur dame avoech
 20 euls, et se retraisent sus le conduit dou connestable
 en le ville de Touwars, où il furent recueilliet. Ensi
 eurent li François Fontenai le Conte, le ville et le
 chastiel, et y ordonnèrent un chevalier à chapitaine,
 et vint lances desous lui, qui s'appelloit
 25 messires Renaulz de Lazi, et puis retournèrent devers
 le cité de Poitiers, et exploitièrent tant qu'il y vinrent,
 [et y furent receu à grant joye.]

§ 712. Quant cil signeur de France furent retret
 à Poitiers et rafreschi quatre jours, yaus et leurs chevaux,

30 il eurent conseil qu'il s'en partiroient et s'en
iroient devant Touwars où tout li chevalier de Poito
[90] se tenoient, chil qui soustenoient l'opinion dou roy
d'Engleterre, et bien y avoit cent, uns c'autres, et
metteroient là le siège et ne s'en partiroient, si en
aroient une fin, ou il seroient tout françois, ou il
5 demorroient tout englès. Si se partirent en grant
arroi et bien ordené de le cité de Poitiers, et estoient
bien trois mil lances, chevaliers et escuiers, et
quatre mil pavais parmi les Genevois. Si cheminèrent
tant ces gens d'armes qu'il vinrent devant Touwars,
10 où il tendoient à venir. Si y establirent et ordonnèrent
tantost leur siège grant et biel, tout à l'environ
de le ville et dou chastiel, car bien estoient gens
pour ce faire, et n'i laissoient nullui entrer ne issir,
ne point n'assalloient; car bien savoient que par
15 assaut jamais ne les aroient, car là dedens avoit trop
de bonnes gens d'armes, mais il disoient que là tant
seroient que il les affameroient, se li rois d'Engleterre,
de se poissance, ou si enfant ne venoient lever
leur siège. Quant li baron et li chevalier qui là
20 dedens enclos estoient, telz que messires Loeis de
Harcourt, li sires de Partenai, li sires de Cors, messires
Hughes de Vivone, messires Aymeris de Rochewart,
messires Perchevaus de Coulongne, messires
Renaulz de Touwars, li sires de Roussellon, messires
25 Guillaumez de Crupegnach, messires Joffrois d'Argenton,
messires Jakes de Surgières, messires Jehans
d'Angle, messires Guillaumez de Monttendre, messires
Mauburnis de Linières et pluseurs aultres que
je ne puis mies tous nommer, perchurent le manière,
30 et imaginèrent l'arroy et l'ordenance des François,
comment il estoient là trait et se fortefioient et
monteploient tous les jours, si eurent sur ce avis et
[91] conseil; car bien veoient que cil signeur qui assegié
les avoient, ne partiroient point, si en aroient leur
entente ou en partie. Si dist messires Perchevaus

de Coulongne, qui fu uns sages et imaginatis chevaliers
 5 et bien enlangagiés, un jour qu'il estoient tout
 ensamble en une cambre pour avoir conseil sus leurs
 besongnes: «Signeur, signeur, com plus gielle, plus
 destraint. A ce pourpos, vous savés que nous avons
 tenu nostre loyauté devers le roi d'Engleterre tant
 10 que nous avons pout, et que par droit il nous en doit
 savoir gré, car en son service et pour son hiretage
 aidier à garder et deffendre, nous avons emploiet
 et aventuré nos corps sans nulle faintise et mis toute
 nostre chavance au par daarrain. Nous sommes chi
 15 enclos, et n'en poons partir ne issir fors par dangier,
 et sur ce j'ai moult imaginé et estudié comment
 nous ferons et comment de chi à nostre honneur
 nous isterons, car partir nous en fault, et, se vous le
 volés oïr, je le vous dirai, salve tous jours le milleur
 20 conseil.» Li chevalier qui là estoient, respondirent:
 «Oïl, sire, nous le volons oïr.» Lors dist messires
 Perchevaus: «Il ne poet estre que li rois d'Engleterre
 pour qui nous sommes en ce parti, ne soit
 enfourmés en quel dangier chil François nous
 25 tiennent, et comment tous les jours ses hiretages se
 pert. Se il le voet laisser perdre, nous ne li poons
 garder ne sauver, car nous ne sommes mies si fort
 de nous meismes que pour resister et estriver contre
 le poissance dou roy de France; car encores nous
 30 veons en ce pays que cités, villes, forterèces et chastiaus,
 avoech prelas, barons et chevaliers, dames et
 communautés, se tournent tous les jours françois, et
 [92] nous font guerre, la quele cose nous ne poons longement
 souffrir ne soustenir: pour quoi je conseille
 que nous entrons en trettiés devers ces signeurs
 de France qui chi nous ont assegiés, et prendons
 5 unes triuwes à durer deus ou trois mois. En celle
 triewe durant, et au plus tost que nous poons,
 segnefions tout plainnement nostre estat à nostre
 signeur le roy d'Engleterre et le dangier où nous

sommes et comment ses pays se piert, et impetrons
10 en celle triewe devers ces signeurs de France que,
se li rois d'Engleterre ou li uns de ses enfans poent
venir, ou tout ensamble, si fort devant ceste ville,
dedens un terme expresse que nous y assignerons
par l'acord et ordenance de nous et d'yaus, que
15 pour combatre yaus et leur poissance et lever le
siège, nous demorrans englès à tous jours mès; et se
li contraires est, nous serons bon François de ce
jour en avant. Or respondés se il vous samble que
jou aie bien parlé.» Il respondirent tout d'une vois:
20 «Oïl, ce est la voie la plus prochainne par la quele
nous en poons voirement à nostre honneur et gardant
nostre loyauté issir.»

A ce conseil et pourpos n'i eut plus riens replikié,
mès fu tenus et affremés, et en usèrent en avant par
25 l'avis et conseil dou dessus dit monsigneur Percheval,
et entrèrent en trettiés devers le duch de Berri et le
conestable de Franche. Chil trettiet entre yaus
durèrent plus de quinze jours, car li dessus dit
signeur, qui devant Touwars se tenoient, n'en voloient
30 riens faire sans le sceu dou roy de France. Tant
fu alé de l'un à l'autre et parlementé, que chil de
Thouwars et li chevalier de Poito qui dedens estoient,
[93] et ossi chil qui devant seoient, demorèrent en segur
estat parmi unes triuwes qui furent là prises, durans
jusques au jour Saint Mikiel prochain venant, et, se
dedens ce jour li rois d'Engleterre où li uns de ses
5 filz, ou tout ensamble, pooient venir si fort en Poito
que pour tenir le place devant Touwars contre les
François, il demorroient, yaus et leurs terres, englès
à tousjours mès, et, se c'estoit que li rois d'Engleterre,
ou li uns de ses filz, ne tenoient le journée, tout chil
10 baron et chevalier poitevin, qui dedens Touwars
enclos estoient, devenoient [francois], et metteroient
yaus et leurs terres en l'obeïssance dou roy de France.
Ceste cose sambla grandement raisonnable à tous

- ceulz qui en oïrent parler. Nequedent, comment que
15 les triewes durassent et que il fuissent en segur estat
dedens [la dite ville de Thowart et ossi ou siège des
dis signeurs de France], ne se deffist mie pour ce
li sièges, mès [tous les jours que Dieux amenoit se
renforchoit, car par bonne deliberation et conseil,
20 comme on doibt entendre et presupposer], y envoioit
tous les jours li rois de France gens tous à
esliçon des milleurs de son royaume, pour aidier à
garder se journée contre le roy d'Engleterre, ensi
que ordonné estoit et que devise se portoit.
- 25 § 713. Au plus tos que li baron et li chevalier, qui
dedens Touwars assegiat estoient, peurent, il envoièrent
en Engleterre certains messages et lettres moult
doulces et moult sentans sus l'estat dou pays, et dou
dangier où il estoient, et que pour Dieu et par pitié
30 li rois y volsist pourveir de remède, car en lui en
touchoit plus qu'à tout le monde. Quant li rois
[94] d'Engleterre oy ces nouvelles, et comment si chevalier de
Poito li segnefioient, si dist que, se il plaisoit à Dieu,
il iroit personelment et seroit à le journée devant
Touwars et y menroit tous ses enfans. Proprement li
5 princes de Galles, ses filz, comment qu'il ne fust mies
bien heties, dist que il iroit, et deuist demorer ens
ou voiage. Adont fist li rois d'Engleterre un très grant
et très especial mandement de tous chevaliers et escuiers
parmi son royaume et hors de son royaume,
10 et le fist à savoir ou royaume d'Escoce, et eut bien
de purs Escos trois cens lances, et se hasta li dis rois
dou plus qu'il peut. Et li chei adont si bien que
toute le saison on avoit fait pourveances sus mer
pour son fil le duch de Lancastre, qui devoit passer
15 le mer et ariver à Calais, siques ces pourveances
furent contournées en l'armée dou roy, et li voiajes
dou duch de Lancastre brisiés et retardés. Onques
li rois d'Engleterre, pour ariver en Normendie ne

en Bretagne, ne nulle part, n'eut tant de bonnes gens
20 d'armes, ne tel fuison d'arciers qu'il eut là. Ançois
que li rois partesist d'Engleterre, il ordonna, present
tous les pers de son royaume, prelas, contes, barons
et chevaliers et consaulz des cités et bonnes villes,
que, se il moroit ne devioit en ce voiage, il voloit
25 que Richars, filz au prince de Galles, son fil, fust
rois et successères de lui et de tout le royaume
d'Engleterre, et que li dus de Lancastre, ses filz ne si
troi aultre fil, messires Jehans, messires Aymons ne
messires Thumas, n'i peussent clamer droit, et tout
30 che leur fist li rois, leurs pères, jurer solennelment
et avoir en couvent à tenir fermement devant tous
le[s] prelas, contes et barons, à ce especialment
[95] appellés. Quant toutes ces choses furent [ordonnées et]
faites, il se parti de Londres, et si troi fil; et ja la
plus grant partie de ses gens estoient devant, qui
l'attendoient à Hantonne ou là environ, où il devoient
5 monter en mer et où toute leur navie et leur
pourveance estoit. Si entrèrent li rois, si enfant et
toutes leurs gens, en leurs vaissiaus, ensi comme ordené
estoient. Quant il veirent que poins fu, et se
desancrèrent dou dit havene et commencièrent à
10 singler et à tourner devers le Rocelle. En celle flote
avoit bien quatre cens vaissiaus, uns c'autres, quatre
mil hommes d'armes et dis mil archiers.

Or vous dirai que il avint de celle navie et dou
voiage dou roy qui tiroit pour venir en Poito. Il
15 n'eust cure où il eust pris terre, [ou en Poitou], ou en
Bourdellois: tout li estoit un, mès que il fust oultre le
mer. Li rois, si enfant et leur grosse navie, waucrèrent
et furent sus le mer le terme de neuf sepmainnes
par faute de vent, ou contraire ou aultrement,
20 que onques ne peurent prendre terre en Poito,
en Saintonge, en Rocellois ne sus les marches voisines,
dont trop couroucié [et esmerveilliet] estoient.
Si singlèrent il de vent de quartier et de tous vens

pour leur voiage avancier, mais il reculoient otant
25 sus un jour que il aloient en trois. En ce dangier furent
il tant que li jours Saint Mikiel espira, et que li
rois vei et cogneut bien que il ne poroit tenir sa
journée devant Touwars pour conforter ses gens. Si
eut conseil, quant il eut ensi travilliet sus mer, que
30 je vous di, de retourner arrière en Engleterre, et que
il comptast Poito à perdu pour celle saison. Adont
dist li rois d'Engleterre de coer couroucié, quant il se
[96] mist au retour: «Diex nous aye, et Saint Jorge! il n'i
eut onques mès en France si mescheant roy comme
cilz à present est, et se n'i eut onques roy qui tant
me donnast à faire comme il fait.» Ensi et sus cel
5 estat, sans riens faire, retourna li dis rois en Engleterre,
si enfant et toutes leurs gens. Et, si tost comme
il furent retourné, li vens fu si bons et si courtois sus
mer et si propisces pour faire un tel voiage que il
avoient empris, que deus cens nefes, d'un voille,
10 marcheans d'Engleterre, de Galles et d'Escocce, arivèrent
ou havene de Bourdiaus sus le Garonne, qui
là aloient as vins. Dont on dist et recorda en pluseurs
lieus en ce temps que Diex y fu pour le roy de
France.

15 § 714. Si en sçavoit messires Thumas de Felleton,
qui estoit seneschaus de Bourdiaus, le journée
expresse pour yaus rendre as François, que li baron
et li chevalier, qui dedens Touwars se tenoient,
avoient [pris], et ossi que li rois d'Engleterre, ses sires,
20 en estoit segnefiés. Si le manda et segnefia, et avoit
mandet et segnefié certainement et seurement à
tous les barons de Gascongne qui pour englès se
tenoient, tant que par son pourcach et pour yaus
acquitter, li sires de Duras, li sires de Rosem, li sires
25 de Mouchident, li sires de Longuerem, li sires de
Condon, messires Bernardès de Labreth, sires de
Geronde, li sires de Pommiers, messires Helyes de

Poumiers, li sires de Chaumont, li sires de Montferrant,
messires Pières de Landuras, messires Petiton
30 de Courton et pluseur aultre, yaulz et leurs gens,
cescuns au plus qu'il en pooient avoir, estoient venu
[97] à Bourdiaus. Et parti de là li dis seneschaus en leur
compagnie, et ossi li seneschaus des Landes; et
avoient tant chevaucié qu'il estoient entré en Poito
et venu à Niorth, et là trouvèrent il les chevaliers
5 englès, monsieur d'Aghoriset, monsieur Jehan
d'Evrues, monsieur Richart de Pontchardon, monsieur
Hue de Cavrelée, monsieur Robert Mitton,
monsieur Martin l'Escot, monsieur Bauduin de
Fraiville, monsieur Thumas Balastre, monsieur
10 Jehan Trivet, Jehan Cressuelle, David Holegrave et
des aultres qui tout s'estoient là recueilliet, et ossi
monsieur Aymeri de Rochewart, monsieur Joffroi
d'Argenton, monsieur Mauburni de Linières et
[monsieur] Guillaumes de Monttendre, qui s'estoient
15 parti de Touwars et dou trettié des aultres signeurs
de Poito et retrait à Niorth avoech les Englès.
Quant il se trouvèrent tout ensamble, si furent plus
de douse cens lances, et approchièrent Touwars, et
se misent sus les camps sitos que il veirent que la
20 journée estoit inspirée, et que dou roy d'Engleterre
on n'ooit nulles nouvelles.

Vous devés sçavoir que, pour tenir se journée à
l'ordenance dou connestable dessus ditte, li rois de
France avoit là envoiïet toute la fleur de son royaume,
25 car il avoit entendu veritablement que li rois d'Engleterre
et si enfant y seroient au plus fort comme il
poroient. Si voloit ossi que ses gens y fuissent si fort
que pour tenir honnourablement leur journée: pour
quoi avoech le dit connestable estoient si doi frère, li
30 dus de Berri et li dus de Bourgongne, moult estoffeement
de chevaliers et d'escuiers, et ossi li dus de Bourbon,
li contes d'Alençon, messires Robers d'Alençon,
[98] ses frères, li daufins d'Auvergne, li contes de Boulongne,

li sires de Sulli, li sires de Craan et tant de
haus signeurs et de barons que uns detris seroit de
nommer; car là estoit li fleurs de gens d'armes de
5 toute Bretagne, de Normendie, de Bourgongne, d'Auvergne,
de Berri, de Tourainne, de Blois, d'Ango,
de Limozin et du Mainne, et encores grant fuison
d'estragniers, d'Alemans, de Thiois, de Flamens et
de Haynuiers, et estoient bien quinse mil hommes
10 d'armes et trente mil d'autres gens. Nonobstant leur
force et leur poissance, il furent moult resjoy quant
il sceurent et veirent que li jours Saint Mikiel estoit
passés et inspirés, et li rois d'Engleterre ne aucuns
de ses enfans n'estoient point comparut pour lever le
15 siège. Si segnefièrent ossi tantost ces nouvelles au roy
de France, qui en fu moult resjoïs, quant sans peril
ne bataille, mès par sages trettiés, il couvenoit que
cil de Poito et leurs terres fuissent en se obeïssance.

§ 715. Li Gascon et li Englès, qui estoient à Niorth,
20 et là venu et amassé, et se trouvoient bien douse cens
lances de bonnes gens, et savoient tous les trettiés
des barons et chevaliers de Poito, qui en Touwars
se tenoient, car notefiïet especialement leur estoit,
veirent que li jours estoit passés qu'il se devoient
25 rendre, se il n'estoient conforté, et que li rois
d'Engleterre ne aucuns de ses enfans n'estoient encores
point trait avant, dont on eüst oy ne eu nulles nouvelles,
dont il estoient moult courouchié. Si eurent
conseil entre yaus, comment il poroient perseverer et
30 trouver voie d'onneur que cil Poitevin, qui oblegiet
s'estoient enviers les François, demorassent toutdis
[99] de leur partie, car moult les amoient dalés yaus. Si
eurent sus ces besongnes [en le ville de Niorth] grans
consaulz ensamble. Finablement, yaus aviset et consilliet,
il segnefièrent, par lettres seelées, envoiies par
5 un hiraut, leur entente as Poitevins, qui en Touwars
se tenoient. Se devisoient et disoient ces lettres avoecques

salus et amistés, que, comme ensi fust que à
leur avis pour le milleur il s'estoient composé enviers
les François, par foy et sierement, de yaus mettre en
10 l'obeïssance dou roy de France [et de devenir tous
Franchois], se dedens le jour de le Saint Mikiel il
n'estoient conforté dou roy d'Engleterre, leur chier
signeur, ou aucun de ses enfans personelment, or
veoient que la defaute y estoit, et supposoient que
15 c'estoit par fortune de mer, et non aultrement. Toutes
fois il estoient là trait et venu à Niorth, à quatre
liewes priès d'yaus, et se trouvoient bien douse cens
lances, ou plus de bonnes gens d'estoffe. Si offroient
que, se il voloient issir de Touwars et prendre journée
20 de bataille pour combatre les François, il inventuroient
leurs corps avoecques l'iretage de leur signeur
le roy d'Engleterre.

Ces lettres furent entre les Poitevins volentiers oyes
et veues, et en sceurent li pluseur grant gré as Gascons
25 et as Englès, qui ensi leur segnefioient, et se
conseillièrent sur cestes grandement et longement,
mès, yaus conseillé, tout considéré et bien imaginé
leur afaire et les trettiés les quels il avoient jurés à
tenir as François, il ne pooient veoir ne trouver par
30 nulle voie de droit, que il fesissent aultre cose que
d'yaus rendre, puis que li rois d'Engleterre ou li uns
de ses filz ne seroit à le bataille que li Gascon voloient
[100] avoir personelement. En ce conseil et parlement
avoit grant vois li sires de Partenay, et volt, tele fois
fu, que on acceptast le journée des Gascons, et y
moustroit voie de droit et de raison assés par deus
5 conditions. La première estoit que il savoient de verité,
et ce estoit tout notore, que li rois d'Engleterre,
leurs sires, et si enfant et la grigneur partie de leur
poissance estoient sus mer, et que fortune leur avoit
estet si contraire que il n'avoient pout ne pooient
10 ariver ne prendre terre en Poito, dont il devoient
bien estre escusé, car outre pooir n'e[s]t riens. La

seconde raison estoit que, quoique il euissent juré et
 seelé as François, il ne pooient l'iretage dou roy
 d'Engleterre donner, anulliier ne alliier aucunement
 15 as François, sans son gré. Ces parolles et raisons
 proposées dou dit baron de Partenay estoient
 bien specifiies et examinées en ce conseil, mès tantost
 on y remetoit aultres raisons qui toutes les afoiblissoient.
 Dont il avint que li sires de Partenay issi
 20 un jour dou parlement et dist au partir que il demorroit
 englès, et s'en revint à son hostel. Mais li sires
 de Puiane et li sires de Tannai Bouton le vinrent, de
 puis qu'il fu refroidiés, requerre, et l'en menèrent de
 rechief où tous li consaulz estoit. Là li fu tant dit et
 25 remoustré, dont de l'un, puis de l'autre, que finalement
 il s'acorda à tous leurs trettiés, et s'escusèrent
 moult bellement et moult sagement par lettres enviers
 les barons et les chevaliers gascons et englès, qui à
 Niorth se tenoient, et qui leur response attendoient.
 30 Si les raporta li hiraus, et envoièrent avoecques
 leurs lettres seelées le copie dou trettié, ensi que il
 devoient tenir as François, pour mieulz coulourer
 [101] leur escusance. Quant Englès et Gascon veirent qu'il
 n'en aroient aultre cose, si furent moult couroucié,
 mais pour ce ne se departirent il mies si tretost de
 Niorth, ançois se tinrent il là bien un mois pour savoir
 5 encor plus plainnement comment il se maintenroient.
 Tantost apriès ce parlement parti et finé, qui
 fu en le ville de Touwars, li baron et li chevalier de
 Poito qui là estoient, mandèrent au duch de Berri,
 au duch de Bourgongne, au duch de Bourbon et au
 10 connestable de France, qu'il estoient tout appareilliet
 de tenir ce que juré et seelé avoient. De ces nouvelles
 furent li signeur de France tout joiant, et chevaucièrent
 en le ville de Touwars à grant joie, et se
 misent, yaus et leurs terres, en l'obeïssance dou roy
 15 de France.

§ 716. Ensi se tournèrent tout chil de Poito, ou
en partie, françois, et demorèrent en pais, et encores
se tenoient englès avoec Niorth, et se tinrent toute le
saison, Cisech, Mortagne sus mer, Mortemer, Luzegnon,
20 Chastiel Acart, la Roche sur Ion, Gensay, la
tour de la Broe, Merspin et Dieunée. Quant cil signeur
de France eurent fait leur emprise et pris le
possession de le ville de Touwars, li dus de Berri, li
dus de Bourgongne, li dus de Bourbon et la grigneur
25 partie des haus barons de France se departirent et
retournèrent en France, et li connestables s'en vint
à Poitiers.

A ce departement li sires de Cliçon s'en vint mettre
le siège devant Mortagne sus mer o toute sa charge de
30 gens d'armes, et se loga par devant, et leur prommist
que jamais de là ne partiroit, si les aroit, se trop
[102] grant infortuneté ne li couroit sus. De la garnison de
Mortagne estoit chapitains uns escuiers d'Engleterre,
qui s'appelloit Jakes Clerch, qui frichement et vassaument
se deffendoit, quant cil Breton l'assalloient.

5 Quant li dis escuiers vei que c'estoit acertes et que
li sires de Cliçon ne le lairoit point, si les aroit conquis,
et sentoit que sa forterèce n'estoit pas bien pourveue
pour tenir contre un lonch siège, et savoit encor
tous ces chevaliers de Gascongne et les Englès à
10 Niorth, il s'avisa que il leur segnefieroit. Si leur segnefia
secretement par un varlet, qu'il mist de nuit
hors de sa forterèce, tout l'estat en partie dou signeur
de Cliçon et le sien ossi. Chil baron et chil
chevalier gascon et englès furent moult resjoy de ces
15 nouvelles, et disent qu'il n'en vorroient pas tenir quarante
mil frans, tant desiroient il le signeur de Cliçon
à trouver sus tel parti. Si s'armèrent et montèrent as
chevaus, et issirent de Niorth bien cinc cens lances,
et chevaucièrent couvertement devers Mortagne. Li
20 sires de Cliçon, comme sages et bons guerriers, n'estoit
mies à aprendre d'avoir espies sus le pays pour

savoir le couvenant de ses ennemis, et encores quant
il les sentoit en le ville de Niorth; et ce li vint trop
grandement à point, car il eüst estet pris à mains,
25 ja n'en eüst on failli, se ce n'eüst esté uns de ses
espies qui estoit partis de Niorth avoech les Englès
et les Gascons, et qui ja sçavoit quel chemin il tenoient.
Mais cilz espies qui cognoissoit le pays, les
adevança et trota tant à piet que il vint devant Mortagne;
30 si trouva le signeur de Cliçon seant au souper
dalés ses chevaliers. Se li dist en grant quoité: «Or
tost, sires de Cliçon, montés à cheval et vous partés
[103] de chi et vous sauvés; car vechi plus de cinc cens
lances, englès et gascons, qui tantost seront sur vous
et qui fort vous manachent, et dient qu'il ne vous
vorroient mies ja avoir pris pour le deduit qu'il
5 aront dou prendre.» Quant li sires de Cliçon oy ces
nouvelles, si crut bien son espie, car jamais en vain
ne li eüst dit ces nouvelles. Si dist: «As chevaus!»
et bouta la table outre où il seoit. Ses chevaus li
fu tantost appareilliés, et ossi furent tout li aultre,
10 car il avoient de pourveance les sielles mises. Si
monta li sires de Cliçon, et montèrent ses gens sans
arroi et sans ordenance ne attendre l'un l'autre, et
n'eurent mies li varlet loisir de tourser ne de recueillir
tentés ne trés, ne cose nulle qui fust à yaus,
15 fors entente d'yaus fuir et d'yaus sauver. Et prisent
le chemin de Poitiers, et tant fist li sires de Cliçon
qu'il y vint et la plus grant partie de ses gens. Si recorda
au connestable de France comment il lor estoit
avenu.

20 § 717. Quant cil chevalier englès et gascons furent
parvenu jusques devant Mortagne et yaus bouté ens
es logeis le signeur de Cliçon, et point ne l'i trouvèrent,
si furent durement couroucié. Si demorèrent
là celle nuit et se tinrent tout aise dou bien
25 des François, et l'endemain il fisent tout le demorant,

tentes et trés, tourser et amener à Niorth, et
les aultres pourveances, vins, chars, sel et farine,
mener ens ou chastiel de Mortagne, dont il furent
bien rafreschi. Si retournèrent li dessus dit Englès et
30 Gascon en le ville de Niorth.

[104] De puis ne demora gaires de temps que li baron de
Gascongne et li chevalier qui là estoient, eurent conseil
de retourner vers Bourdiaus; car bien pensoient
que cel ivier on ne guerrieroit plus en Poito, fors que
par garnisons. Si ordonnèrent leurs besongnes, et
5 toursèrent et montèrent as chevaus et se partirent.
Si s'adrechièrent parmi la terre le seigneur de Partenai
et l'ardirent toute, excepté les forterèces, et
fisent tant par leurs journées que il vinrent à Bourdiaus,
et li englès chevalier demorèrent à Niorth.
10 Si en estoient chapitaines [uns chevaliers englès
nommés] messires Jehans d'Evrues, messires d'Aghorisès
et Jehans Cresuelle. De le Roche sur Ion estoit
chapitaine uns chevaliers englès qui s'appelloit
messires Robers, dis Grenake; de Luzegnon, messires
15 Thumas de Saint Quentin; et de Mortemer, la
dame de Mortemer et ses gens; et de Gensay, uns escuiers
englès, qui s'appelloit Jakes Taillour; et de Cisek,
messires Robers Miton et messires Martins l'Escot.
Si vous di que chil de ces garnisons chevaüçoient
20 dont d'un lés, puis de l'autre, et ne sejournoient
onques. Et tenoient toutes aultres forterèces françoises
en grant guerre, et herioient amerement le
plat pays et le rançonnoient telement que apriès yaus
il n'i couvenoit nullui envoier. De tout ce estoit bien
25 enfourmés li connestables de France, qui se tenoit à
Poitiers et s'i tint tout cel ivier sans partir; mais il disoit
bien que à l'esté il feroit remettre avant as Englès
tout che que il pilloient et prenoient sus le pays.

Or parlerons nous un petit des besongnes de
30 Bretagne.

§ 718. Li dus de Bretagne, messires Jehans de

- [105] Montfort, estoit durement coureciés en coer des
contraires que li François faisoient as Englès, [et volentiers
eüst conforté les dis Englès], se il peuist et
osast; mès li rois de France, qui sages et soubtis fu
5 là où sa plaisance s'enclinoit, et qui bellement savoit
gens attraire et tenir à amour où ses pourfis estoit,
avoit mis en ce un trop grant remède. Car il avoit
tant fait, que tout li prelat de Bretagne, li baron, li
chevalier, les cités et les bonnes villes estoient de son
10 acord, excepté messires Robers Canolles; mais cilz
estoit dou conseil et de l'acort dou duch, et disoit
bien que pour perdre tout che qu'il tenoit en Bretagne,
il ne relenquiroit ja le roy d'Engleterre ne ses
enfans, qu'il ne fust appareilliés en leur service.
15 Cilz dus qui appelloit le roy d'Engleterre son père,
car il avoit eu sa fille en mariage, recordoit moult
souvent en soi meismes les biaux services que li rois
d'Engleterre li avoit fais, car ja n'eüst estet dus de
Bretagne, se li confors et ayde dou roy d'Engleterre
20 et de ses gens ne l'i eüssent mis. Si en parla pluseurs
fois as barons et as chevaliers de Bretagne en
remoustrant l'injure que li rois de France faisoit au
roy d'Engleterre, la quelle ne faisoit mies à consentir.
Et cuidoit par ses parolles coulourées attraire ses
25 gens pour faire partie avoecques lui contre les François,
mès jamais ne les y eüst amenés; car il estoient
trop fort enrachiné en l'amour dou roy de France et
dou connestable qui estoit leurs voisins. Et tant en
parla as uns et as aultres que ses gens s'en commencièrent
30 à doubter. Si se gardèrent les cités, li chastiel
et les bonnes villes plus priès que devant, et fissent
grans gais. Quant li dus vei ce, il se doubta ossi de
ses gens, que de fait, par le information et requeste
[106] dou roy de France il ne li fesissent aucun contraire.
Si segnefia tout son estat au roy d'Engleterre, et li
pria que il li volsist envoier gens, par quoi il fust

5 soubdainnement aidies, se il besongnoit.

Li rois d'Engleterre, qui veoit bien que li dus
l'amoit et que ceste rancune que ses gens li moustroient,
nasçoit pour l'amour de lui, ne li eüst
jamais refuset, mais ordonna le signeur de Nuefville,
10 à quatre cens hommes d'armes et otant d'arciers,
pour aler en Bretagne et prendre terre à Saint Mahieu
de Fine Posterne, et là li tant tenir que li oroit aultres
nouvelles. Li sires de Nuefville obeï; sa charge de
gens d'armes et d'arciers li fu appareillie et delivrée.
15 Si monta en mer ou havene de Hantonne, et tournèrent
li maronnier vers Bretagne, li quel singlèrent tant
par l'ayde dou vent, que il arrivèrent ou havene de
Saint Mahieu et entrèrent en le ville; car li dus avoit
là de ses chevaliers tous pourvus, monsigneur Jehan
20 de Lagnigai et aultres, qui li fissent voie. Quant li
sires de Nuefville et se route eurent pris terre, et il
furent entré courtoisement en le ville de Saint Mahieu,
il disent as bonnes gens de le ville, qu'il ne s'esfreassent
de riens; car il n'estoient mies là venu pour
25 yaus porter contraire ne damage, mais les en garderoient
et deffenderoient, se il besongnoit et voloient
bien paier tout ce qu'il prenderoient. Ces nouvelles
rapaisièrent assés chiaus de le ville.

Or s'espardirent et semèrent les parolles par mi la
30 ducé de Bretagne, que li dus avoit mandé en Engleterre
confort, et estoient arrivet en le ville de Saint
Mahieu plus de mil hommes d'armes, de quoi tous li
[107] pays fu grandement esmeus et en grigneur souspeçon
que devant. Et s'assamblèrent li prelat, li baron, li
chevalier et li consaulz des cités et des bonnes villes
de Bretagne, et s'en vinrent au duch, et li remoustrèrent
5 vivement et plainnement que il n'avoit que
faire, se paisieusement voloit demorer ou pays, de
estre englès couvertement ne pourvuement, et, se il
le voloit estre, il le leur desist; car tantost il en

ordonneroient. Li dus, qui vei adont ses gens durement esmeus
10 et courouciés sur lui, respondi si sagement et
si bellement, que cette assamblée se departi par paix.
Mais pour ce ne partirent mies li Englès de le ville
de Saint Mahieu, ançois s'i tinrent toute le saison.
Si demorèrent les coses en cel estat; li dus en gait et
15 en soupeçon [de ses gens], et ses gens de lui.

§ 719. Quant la douce saison d'esté fu revenue et
qu'il fait bon hostoier et logier as camps, messires
Bertrands de Claiekin, connestables de France, qui
tout cel yvier s'estoit tenu à Poitiers et avoit durement
20 manechiet les Englès, pour tant que leurs garnisons,
qu'il tenoient encores en Poito, avoient trop
fort cel yvier guerriiet et travilliet les gens et le pays,
si ordonna toutes ses besongnes de point et d'eure,
ensi que bien le savoit faire, tout son charoi et son
25 grant arroi, et rassambla tous les compagnons d'environ
lui, des quelz il esperoit à estre aidiés et servis,
et se parti de le bonne cité de Poitiers à bien quinze
cens combatans, la grigneur partie tous Bretons, et
s'en vint mettre le siège devant le ville et le chastiel
30 de Chisek, dont messires Robers Mitton et messires
Martins Scot estoient chapitain. Avoech monsigneur
[108] Bertran estoient de chevaliers bretons, messires Robers
de Biaumanoir, messires Alains et messires Jehans
de Biaumanoir, messires Ernaulz Limozins, messires
Joffrois Ricon, messires Yewains de Lakonet, messires
5 Joffrois de Quaremel, Thiebaus dou Pont, Alains
de Saint Pol et Alyos de Calay et pluseur aultre bon
homme(s) d'armes. Quant il furent tout venu devant
Cisek, il environnèrent le ville selonch leur quantité,
et firent bon palis derrière yaus, par quoi soudainement
10 de nuit ou de jour on ne le peüst porter
contraire ne damage. Et se tinrent là dedens pour
tous asseurés et confortés que jamais n'en partiroient
sans avoir le forterèce, et y firent et y livrèrent

pluiseurs assaus.

15 Li compaignon, qui dedens estoient, se deffendirent
vassaument, tant que à che commencement riens n'i
perdirent. Toutes fois, pour estre conforté et lever le
dit siège, car il sentoient bien que à le longe il ne se
poroient tenir, si eurent conseil dou segnefier [leur
20 estat] à monsieur Jehan d'Evrues et as compaignons
qui se tenoient à Niorth. Si firent de nuit partir un
de leurs varlès, qui aporta une lettre à Niorth, et
y fu tantos acourus, car il n'i a que quatre lieues.
Messires Jehans d'Evrues et li compaignon lisirent
25 celle lettre et veirent comment messires Robers Mitton
et messires Martins l'Escot leur prioient que il les
vosissent aidier à dessegier de ces François, et leur
segnefioient l'estat et l'ordenance dou connestable si
avant qu'il le savoient, dont il se dechurent et leurs
30 gens ossi, car il acertefioient par leurs lettres et par
le parole dou message que messires Bertrans n'avoit
devant Chisek non plus de cinc cens combatans.

[109] Quant messires Jehans d'Evrues, messires d'Aghorissès
et Cressuelle sceurent ces nouvelles, si affremèrent
que il iroient celle part lever le siège et conforter
leurs compaignons, car moult y estoient tenu. Si
5 mandèrent tantost chiaus de le garnison de Luzegnon
et de Gensay, qui leur estoient moult prochain. Cil
vinrent à ce que il avoient de gens, leur garnison
gardée, et si s'assablèrent à Niorth. Là estoient
avoec les dessus dis messires Aymeris de Rochewart
10 et messires Joffrois d'Argenton, David Holegrave et
Richars Holme. Si se partirent de Niorth tout appareillié
et bien monté, et furent compté à l'issir hors
de le porte set cens et trois tiestes armées et bien
trois cens pillars bretons et poitevins. Si s'en alèrent
15 tout le pas, sans yaus fourhaster, par devers Chisech,
et tant s'exploitièrent que il vinrent assés priès, et se
misent au dehors d'un petit bois.

Ces nouvelles vinrent ou logeis dou connestable de France, que li Englès estoient là venu et arresté dalés
20 le bois pour yaus combatre. Tantost tout qu'oient li connestables fist toutes ses gens armer et tenir en leurs logeis, sans yaus amoustrer, et tout ensamble. Et cuida de premiers que li Englès deuissent de saut venir jusques à leurs logeis pour yaus combatre, mais
25 il n'en firent riens, dont il furent mal conseiliet, car, se baudement il fuissent venu, ensi qu'il chevaucioient, et yaus frapé en ces logeis, li pluseur supposent que il euissent desconfi le connestable et ses gens, avoeche que cil de le garnison de Chisek fuissent salli
30 hors, ensi qu'il firent.

Quant messires Robers Mitton et messires Martins l'Escot veirent apparant les banières et les pennons
[110] de leurs compagnons, si furent tout resjoy, et disent: «Or tos, armons nous, et nous partons de chi, car nos gens viennent combattre nos ennemis: s'est raisons que nous soions à le bataille.» Tantost furent
5 armé tout li compagnon de Cisek et se trouvèrent tout ensamble, et estoient bien soissante armeures de fier. Si firent avaler le pont et ouvrir le porte [et se mirent tout hors, et clore la porte] et relever le pont apriès yaus. Quant li François en veirent l'ordenance,
10 qui se tenoient armé et tout quoi en leurs logeis, si disent: «Veci chiaus dou chastiel qui sont issu et nous viennent combatre.» Là dist li connestables: «Laissiés les traire avant, il ne nous poeent grever; il cuident que leurs gens doivent venir pour nous
15 combatre tantos, mais je n'en voi nul apparant. Nous desconfirons chiaus qui viennent: si arons mains à faire.» Ensi que il se devoient, evous les deus chevaliers englès et leur route, tout à piet en bonne ordenance, qui viennent les lances devant
20 yaus, et escriant en fuint: «Saint Jorge! Ghiane!» et se fièrent en ces François: ossi il furent moult bien recueilliet. Là eut bonne escarmuce et dure, et

fait tammaint biau fait d'armes; car cil Englès qui
n'estoient que un petit, se combatoient sagement, et
25 detrioient toutdis, en yaus combatant, ce qu'il
pooient; car il cuidoient que leurs gens deuissent
venir, mais non fissent, de quoi il ne peurent porter
le grant fuison des François, et furent de premiers
chil là tout desconfi, mort et pris. Onques nulz des
30 leurs ne rentra ou chastiel, et puis se recueillièrent li
François tout ensamble.

[111] § 720. Ensi furent pris messires Robers Mitton
et messires Martins l'Escot et leurs gens de premiers,
sans ce que li Englès, qui sus les camps
estoient, en seussent riens. Or vous dirai comment
5 il avint de ceste besongne. Messires Jehans d'Evrues
et messires d'Aghorisès et li aultre regardèrent que il
y avoit là bien entre yaus trois cens pillars bretons et
poitevins que il tenoient de leurs gens. Si les voloient
emploier, et leur disent: «Entre vous, compagnon,
10 vous en irés escarmucier ces François pour yaus
attraire de leurs logeis, et si tretost que vous arés
assamblé à yaus, nous venrons sus ele en frapant, et
les metterons jus.» Il couvint ces compagnons obeïr,
puis que les chapitaines le voloient, mais il ne venoit
15 mies à aucuns à biel. Quant il se furent dessevré des
gens d'armes, il approchièrent le logeis des François,
et vinrent baudement jusques bien priès de là. Li
connestables et ses gens, qui se tenoient dedens
leurs palis, se tinrent tout quoi, et sentirent tantost
20 que li Englès les avoient là envoiés pour yaus attraire.
Si vinrent aucun de ces Bretons des gens le
connestable jusques as barrières de leurs palis pour
veoir quelz gens c'estoient. Si parlementèrent à yaus,
et trouvèrent que c'estoient tout Poitevin et Breton
25 et gens rassamblés; si leur disent li Breton de par le
connestable: «Vous estes bien mescheans gens, qui
vous volés faire occire et decoper pour ces Englès,

qui vous ont tant de maulz fais. Sachiés que, se
 nous venons au dessus de vous, nulz n'en sera pris à
 30 merci.» Cil pillart entendirent ce que les gens le
 connestable leur disoient; si commencièrent à murmurer
 ensamble, et estoient de coer la grigneur
 [112] partie tout françois, si disent entre yaus: «Il dient
 voir. Encores appert bien qu'il font peu de compte
 de nous, quant ensi il nous envoient chi devant
 pour combatre et escarmuchier et commenchie la
 5 bataille, qui ne sons qu'une puignie de povres gens,
 qui riens ne durrans à ces François; il vault trop
 mieulz que nous nos tournons devers nostre nation,
 que nous demorons englès.» Il furent tantost tout de
 cel accort et tinrent ceste oppinion, et parlementèrent
 10 as Bretons, en disant: «Issiés hors hardiement; nous
 vous promettons loyaument que nous serons des
 vostres, et nous combaterons avoecques vous, [à ces
 parolles le vous disons], à ces Englès.» Les gens le
 connestable respondirent: «Et quel quantité
 15 d'hommes d'armes sont il, chil Englès?» Li pillart
 leur disent: «Il ne sont en tout compte que environ
 set cens.» Toutes ces parolles et ces devises furent
 remoustrées au connestable, qui en eut grant joie, et
 dist en riant: «Chil là sont nostre; or tost à l'endroit
 20 de nous, soions tous nos palis, et puis issons
 baudement sus yaus; si les combatons. Chil pillart
 sont bonnes gens, qui nous ont dit la verité de lor
 ordenance. Nous ferons deus batailles sus elle, dont
 vous, messires Alain de Biaumanoir, gouvrenérés
 25 l'une, et messires Joffrois de Quaremiel l'autre. En
 cascune [ara] trois cens combatans, et je m'en irai
 assambler de front à yaus.» Chil doy chevalier respondirent
 qu'il estoient tout prest d'obeïr, et prist
 cascuns sa charge toute tele qu'il le devoit avoir; mais
 30 tout premierement il soièrent leurs palis rés à rés de
 le terre. Et, quant ce fu fait et leurs batailles ordenées
 ensi qu'il devoient faire, il boutèrent soudainnement

[113] oultre leurs palis et se misent as camps,
 banières et pennons devant yaus ventelant au vent,
 en yaus tenant tout serré, et encontrèrent premierement
 ces pillars bretons et poitevins, qui ja avoient
 5 fait leur marchiet et se tournèrent avoech yaus, et
 puis s'en vinrent combatre ces Englès, qui tout s'estoient
 mis ensamble quant il perchurent le banière
 dou connestable issir hors et les Bretons ossi; et
 cogneurent tantost qu'il y avoit trahison de leurs
 10 pillars et qu'il estoient torné françois. Nequedent
 pour ce il ne se tinrent mies à desconfi, mès moustrèrent
 grant chière et bon samblant de combatre
 leurs anemis. Ensi se commença la bataille desous
 Chisech des Bretons et des Englès, et tout à piet,
 15 qui fu grande et drue et bien maintenue. Et vint de
 premiers li connestables de France assambler à yaus
 de grant volenté. Là eut grant estecheis et grant
 bouteis de lances et pluseurs grans apertises d'armes
 faites; car, au voir dire, li Englès, ens ou regart des
 20 Franchois, n'estoient qu'un petit: si se combatoient
 si vaillamment que merveilles seroit à recorder, et
 se predoient priès de bien faire pour desconfire
 leurs ennemis. Là crioient li Breton lor cri: «Nostre
 Da[me]! Claiekin!» et li Englès: «Saint Jorge!
 25 Ghiane!» Là furent très bon chevalier dou costé des
 Englès, messires Jehans d'Evrues, messires d'Aghorisès,
 messires Joffrois d'Argenton et messires Aymeris
 de Rochewart, et se combatirent vaillamment, et y
 fisent pluseurs grans apertises d'armes. Ossi fisent
 30 Jehans Cressuelle, Richars Holme et Davis Holegrave;
 et de le partie des François, premierement messires
 Bertrans de Claiekin, messires Alains et messires Jehans
 [114] de Biaumanoir qui se tenoit sus une ele, et messires
 Joffrois de Quaremiel sus l'autre, et reconfortoient
 grandement leurs gens à l'endroit où il les veoiën[t]
 branler, et ce rafreschi, ce jour la bataille durant, par
 5 pluseurs fois les Bretons, car on vei bien l'eure

qu'il furent rebouté et reculé et en grant peril de
tout estre desconfi. De leur costé se combatirent
encores moult vassaument messires Joffrois Richou,
messires Yewains de Lakouet, Thiebaus dou Pont,
10 Selevestre Bude, Alains de Saint Pol et Alyos de Calay.
Chil Breton se portèrent si bien pour celle journée,
et si vassaument combatirent leurs ennemis que la
place leur demora, et obtinrent la besongne, et furent
li Englès tout mort ou pris, qui là estoient venu de
15 Niorth, ne onques nulz n'en retourna ne escapa. Si
furent pris de leur costet tout li chevalier et escuier
de nom, et eurent ce jour li Breton plus de trois
cens prisonniers, que de puis il rançonnèrent bien et
chier, et si conquissent tout lor harnois où il eurent
20 grant butin.

§ 721. Apriès celle desconfiture qui fu au dehors
de Chisek faite de monsigneur Bertran de Claiekin
et des Bretons sus les Englès, se parperdi tous li pays
de Poito pour le roy d'Engleterre, sicom vous orés
25 ensievant. Tout premierement il entrèrent en le ville
de Chisech, où il n'i eut nulle deffense, car li homme
de le ville ne se fuissent jamais tenu ou cas que il
avoient perdu leurs chapitaines, et puis se saisirent
li François dou chastiel, car il n'i avoit que varlès,
30 qui li rendirent tantost, salve leurs vies.

Che fait, incontinent et caudement il s'en chevauchièrent
[115] par devers Niorth et en menèrent la grigneur
partie de leurs prisonniers [avec iaux]. Si ne
trouvèrent en le ville fors les hommes qui estoient
bon François, se il osassent, et rendirent tantost le
5 ville et se misent en l'obeïssance dou roy de France.
Si se reposèrent là li Breton et li François et rafreschirent
quatre jours. Entrues vint li dus de Berri à
grant gens d'armes d'Auvergne et de Berri, en le cité
de Poitiers: si fu grandement resjoïs quant il sceut

10 que leurs gens avoient obtenu le place et le journée
devant Chisech, et desconfi les Englès, qui tout y
avoient esté mort ou pris.

Quant li Breton se furent rafreschi en le ville de
Niorth l'espasse de quatre jours, il s'en partirent et
15 chevauchièrent vers Luzegnon. Si trouvèrent le
chastiel tout vuit, car chil qui demoret y estoient de
par monsigneur Robert Grenake, qui estoit pris devant
Chisek, s'en estoient parti sitost qu'il sceurent
comment la besongne avoit alé. Si se saisirent li
20 François dou biau chastiel de Luzegnon, et y ordonna
li connestables chastellain et gens d'armes
pour le garder, et puis chevauça oultre à toute son
host par devers Chastiel Acart, où la dame de Plainmartin,
femme à monsigneur Guichart d'Angle, se
25 tenoit, car la forterèce estoit sienne.

§ 722. Quant la dessus nommée dame entendit
que li connestables de France venoit là efforciement
pour lui faire guerre, si envia un hiraute devers lui,
en priant que sus assurances elle peüst venir parler
30 a lui. Li connestables li acorda, et raporta le saufconduit
li hiraute. La dame vint jusques à lui, et le
[116] trouva logiet sus les camps: se li pria que elle peüst
avoir tant de grasse que d'aler jusques à Poitiers
parler au duch de Berri. Encores li acorda li connestables
pour l'amour de son mari, monsigneur Guichart;
5 et donna toute assurance à lui et à sa terre
jusques à son retour, et fist tourner ses gens d'autre
part par devers Mortemer.

Tant s'exploita la dame de Plainmartin, que elle
vint en le cité de Poitiers, où elle trouva le duch de
10 Berri: si eut accès de parler à lui, car li dus le rechut
moult doucement, ensi que bien le sceut faire.
La dame se volt mettre en genoulz devant lui, mais
il ne le volt mies consentir, ançois le volt oïr parler

15 tout en son estant. La dame commença sa parolle, et
dist ensi: «Monsieur, vous savés que je sui une
seule femme à point de fait ne de deffense, et veve
de vif mari, s'il plaist à Dieu; car mon signeur, messires
Guichars, gist prisonniers en Espagne, ens es
dangiers dou roy Henri. Si vous vorroie priier en
20 humilité que vous me feissiés celle grasce que, tant
que mon signeur sera prisonniers en Espagne, mi
chastiel et ma terre, mon corps et [mes biens, avec]
mes gens, puissent demorer en pais, par mi tant que
nous ne ferons point de guerre, et on ne nous en
25 fera point ossi.» A la prière de la dame volt entendre
et descendre à celle fois li dus de Berri, et li
acorda legierement. Car, quoi que ses maris, messires
Guichars, fust bons Englès, se n'estoit il point trop
hays des François; et fist delivrer tantos à la dame
30 lettres selonch sa requeste d'asseurances, de quoi
elle fu grandement reconfortée, et les envia, de puis
qu'elle fu retournée à Chastiel Achart, quoitusement
[117] par devers le connestable, qui bien et volentiers y
obeï.

Si vinrent li Breton de celle empainte devant
Mortemer, où la dame de Mortemer estoit, qui se
5 rendi tantos, pour plus grant peril eskiewer, et se
mist en l'obeïssance dou roy de France, et toute sa
terre ossi avoech le chastiel de Dieunée.

CHAPITRE C

§ 723. En celle saison ne demorèrent en Poito
plus de garnisons englesces que Mortagne sus mer,
10 Merspin et la tour de la Broe, [que tout ne fussent
francoises]. Voirs est que la Roce sur Ion se tenoit
encores, mès c'est sus les marces d'Ango et dou ressort
d'Ango.

En ce temps s'en vinrent mettre le siège li baron
15 de Normendie et aucun de Bretagne devant Becheriel,
et là eut bien dis mil hommes, qui s'i tinrent
toute le saison et plus d'un an, car il y avoit dedens
englès chevaliers et escuiers, qui trop bien en pensoient.
Par devant Becheriel furent fait pluseurs
20 grans apertises d'armes, et priès que tous les jours y
avenoit aucunes choses. Là estoient des Normans li
mareschaus de Blainville, li sires de Riville, li sires
d'Estouteville, li sires de Gravelle, li sires de Clères,
li sires de Hanbiie, li sires de Frauville, li sires
25 d'Ainneval; et de Bretagne, li sires de Lyon, li sires de
Dignant, li sires de Rays, li sires de Rieus, li sires de
Quintin, li sires d'Avaugour et li sires d'Ansenis et
pluseur aultre baron, chevalier et escuier des basses
marces, qui tout s'i tenoient [pour leur corps avanchier
30 et pour l'amour l'un de l'autre, et pour delivrer
le pays des Englès].

[118] Or parlerons nous dou connestable de France
comment il persevera. Quant il eut priès que tout
Poito raquitté et par tout mis gens d'armes et garnisons,
il s'en retourna à Poitiers devers les dus qui là
5 estoient, le duch de Berri, le duch de Bourgongne et
le duch de Bourbon; si fu li bien venus entre yaus et
à bonne cause, car il avoit en celle saison grandement
bien exploitié pour yaus. Si eurent conseil chil signeur
et li connestables de retourner en France et
10 de venir veoir le roy Charle, et donnèrent congiet à
la plus grant partie de leurs gens d'armes de raler
cescun sus son lieu et en sa garnison jusques adont
qu'il oroit aultres nouvelles. Si se departirent ces
gens d'armes, et s'en vinrent une partie des Normans
15 et des Bretons devant Becheriel au siège que
on y tenoit. Dou chastiel et de le garnison de Becheriel
estoient chapitainne doi chevalier d'Engleterre,
apert homme d'armes malement. Si les nommoit on
messires Jehans Appert et messires Jehans de Cornuaille.

20 Un petit plus bas en Constantin se tenoit
englesce Saint Salveur le Visconte. Si en estoit chapitains,
de par monsigneur Alain de Bouqueselle à qui
la garnison estoit et au quel li rois d'Engleterre l'avoit
donnet apriès le mort monsigneur Jehan Chandos,
25 [messires Thumas de Quatreton]. Avoech Quatreton,
qui estoit appert homme d'armes et hardis durement,
s'estoient mis et bouté et venu pour querre les armes
hors de Poito, où il avoient tout perdu, messires
Thomas Trivès, messires Jehans de Bouch, messires
30 Phelippes Pikourde et li troi frère de Maulevrier. Et
s'estoient tout par compagnie là aresté pour garnir
et garder la forterèce et la ville de Saint Salveur,
[119] pour l'amour de monsigneur Alain; car li Normant
le maneçoient durement, et disoient que il revenroient
par là, mais que il euissent acompli leur entente
de Becheriel.

5 Or retournèrent li troi duch dessus nommé, li connestables
de France, li sires de Cliçon et chil baron
de Bretagne en France devers le roy; si le trouvèrent
à Paris, et le duch d'Ango dalés lui. Si se fisent
grans recognissances, et s'eslargi li rois de quanqu'il
10 peut faire pour l'amour de ses frères et dou connestable,
et tint cour ouverte deus ou trois jours, et
donna grans dons et biaux jeuiaus là où il les sentoît
bien emploiiés.

En ce temps estoient en trettié de pais ou de
15 guerre li rois de France et li rois de Navare, et le
pourçaçoient, par l'avis et conseil de aucuns sages et
vaillans hommes dou royaume de France, li contes
de Salebruce et messires Guillaumes des Dormans, et
me samble que li rois de Navare, qui se tenoit à
20 Chierebouch, fu adont si consilliés que legierement il
s'acorda à le pais envers son serourge, le roy de
France, et vint li connestables de France en Normendie
droit à Kem, pour confremer celle pais et

amener le roy de Navare en France. Si fu ens ou
25 chastiel de Kem de tous poins la pais confremée et
jurée à tenir à tous jours mès. Et vint li rois de Navare
en France à Paris; mais li dus d'Ango, qui onques
ne le peut amer, s'en estoit partis et venus esbatre
en Vermendois, et veoir et viseter sa terre de Guise
30 en Tierasse, car point ne voloit parler au roy [Charle]
de Navare. Non obstant ce, li rois de France li fist
grant chière et bon samblant, et le tint tout aise dalés
[120] lui plus de douse jours, et li donna des biaux dons
et des riches jeuiaus et à ses gens ossi pour plus
grant conjunction d'amours. Et li pria que il li vosist
laisier deus biaux filz que il avoit, qui estoient si neveut,
5 Charle et Pière. Si seroient dalés son fil le
dauffin et Charle de Labreth, car aussi estoient il auques
d'un eage. Li rois de Navare, qui prenoit
grant plaisance en l'amour que ses serourges, li rois de
France, li moustroit et faisoit, li acorda à ses deus filz
10 demorer dalés lui, dont puis se repent, sicom vous
orés avant recorder en l'istore.

§ 724. Quant li rois de Navare eut sejourné assés
dalés le roy de France, tant que bon li eut samblé,
et que li dis rois de France li eut fait si bonne chière
15 que merveilles, et l'eut menet au bois de Vicennes, où
il faisoit faire le plus bel ouvrage dou monde, d'un
chastiel, de tours et de haus murs, il prist congiet, et
se parti de Paris, et chevaucha vers Montpellier, et
fist tant qu'il y parvint, où il fu recheus à grant joie,
20 car la ville de Montpellier et toute la baronnie pour
ce temps estoit sienne.

Nous nos soufferons un petit à parler dou roy
de Navare tant qu'à celle fois, et parlerons d'autres
incidenses qui escheïrent en France. En ce
25 temps et en celle meisme saison trespasa de ce
siècle li rois David d'Escocce en une abbeye dalés

Haindebourch en Escoce. Si fu ensepelis en une
aultre abbeye assés priès de là, que on appelle Donfremelin,
dalés le roy Robert, son père. Après ce roy
30 fu rois d'Escoce li rois Robers, uns siens neveux, qui
en devant en estoit seneschaus. Cilz [rois] Robers estoit
[121] uns lasques chevaliers, mais il avoit jusques à
onse biaux filz, tous bons hom[me]s d'armes, et ossi
il voloit user par conseil des besongnes d'Escoce, et
tint en très grant chierté tous chiaus que li rois, ses
5 oncles, avoit enhays, monsigneur Guillaume, conte
de Duglas, monsigneur Archebaut, son cousin, et
tout leur linage, car che sont loyal chevalier, et n'estoit
mies se entention que ja il se composast as Englès.
Mais en ce temps estoient triewes entre les Escos
10 et les Englès, qui avoient à durer encores quatre
ans. Si les tenoient bien li chevalier et li escuier de
l'un pays et de l'autre, mais ce ne faisoient mies li
villain qui se trouvoient ens es foires et marchiés sus
les frontières, ançois se batoient et navroient et souvent
15 occioient, et pilloient vaches, bues, pors, brebis
et moutons. Si toloit li plus fors au plus foible, et
quant les plaintes en venoient as rois et à leurs consaulz,
et que il s'en assambloient et mettoient sus
marce de pays, et li Englès se plaindoient des Escos,
20 car par especial par yaus venoient les incidenses, et
que il disoient que il avoient rompu leur seelé et
brisiet triewes, qui leur estoit grans blasmes et prejudisces,
il s'escusoient et respondoient qu'il ne
pooient brisier triewes, par celle condition, se banières
25 et pennons de signeurs n'i estoient, pour debat
de meschans gens enivrés en foires et en marchiés,
et pour pillage de biestail triewes ne se rompoient
mies. Si demoroient les coses en cel estat:
qui plus y avoit mis, plus y avoit perdu.

30 § 725. Bien estoit li rois d'Engleterre enfourmés
que il avoit perdu tout son pays de Poito, de Saintonge
[122] et de le Rocelle, et que li François estoient
grandement fort sur le mer de galées, de barges et
de gros vaissiaus, des quelz estoient chapitain avoech
Yewain de Galles et dan Radigho de Rous, le maistre
5 amiral et patron dou roy Henri d'Espagne, li contes
de Nerbonne, messires Jehans de Rais et messires
Jehans de Viane, et tenoient bien sus mer ces gens
sis vint gros vaissiaus sans leur pourveances, cargiés
de gens d'armes, de bidaus et de Genevois. Et estoit
10 li rois d'Engleterre enfourmés que ces gens waucroient
sus les bendes d'Engleterre pour entrer en
son pays, et faire, là où il prenderoient terre, un
grant fait. Si ordonna li rois le conte de Sallebrin,
monsigneur Guillaume de Nuefville et monsigneur
15 Phelippe de Courtenay à estre chapitainne de deus
mil hommes d'armes et otant d'arciers, et fissent leurs
pourveances en Cornuaille, et là montèrent il en
mer. Si singlèrent devers Bretagne, car ailleurs ne
pooient il arriver pour faire guerre qui leur vausist,
20 ne pour emploier leur saison. Et ossi il voloient savoir
l'entention dou duch et des barons de Bretagne,
se il se tenroient françois ou englès. Si eurent si bon
vent que de une flote il arrivèrent à Saint Malo de
l'Ille en Bretagne, et trouvèrent ou havene set gros
25 vaissiaus espagnolz de marcheans d'Espagne, cargiés
d'avoir, qui là gisoient à l'ancre. Si les ardirent li Englès,
et tout l'avoir qui dedens estoit, et misent à
mort tous les Espagnos qu'il y trouvèrent, et entrèrent
en le ville de Saint Malo et s'i logièrent de fait.
30 Le[s] gens de le ville n'en furent mies signeur, et
commenchièrent li Englès à courir là environ et à
faire guerre et à prendre vivres.

[123] Ces nouvelles s'espardirent tantost sus le pays, qui

en fu durement esmeus et en plus grant souspeçon
que devant sus leur duch et sus monsigneur Robert
Canolle, et disent generalment que il avoient mandés
5 les Englès et là fait venir et ariver, et que ce ne faisoit
mies à consentir. Et puis que li dus moustroït
clerement que il voloït estre englès et point [ne tenoit]
l'ordenance de son pays, il estoit tenus de perdre
sa terre. Si se cloïrent cités, villes et chastiaus, et
10 fist cascuns bon gait et bonne garde, ensi que pour lui.

Pour le temps de lors se tenoit li dus de Bretagne
ens ou chastiel de Vennes, de quoi chil de le cité et
dou bouch n'estoient mies bien asseget. Et messires
Robers Canolles se tenoit en son chastiel de Derval,
15 et le faisoit grandement et grossement pourveir
de toutes choses de vivres et d'artillerie et remparer
de tous pions, car bien imaginoit que li pays
seroit en guerre et que ses chastiaus aroit à faire. Et
quant il eut tout ce fait, il le recarga à un sien cousin
20 chevalier, qui s'appelloit messires Hues Broe, et
le laissa bien pourveu de toutes choses, et puis se
traist ou chastiel et en le ville de Brest, où li sires
de Nuefville, d'Engleterre, à toute sa charge de gens
d'armes, qui arrivet estoient l'anée devant à Saint
25 Mahieu de Fine Posterne, ensi que vous savés, estoit.
Si vint messires Robers Canolles dalés lui pour
avoir plus [grant] confort d'aide et de conseil, et ossi
Brest est uns des plus fors chastiaus dou monde.

§ 726. Ces nouvelles et les plaintes des barons et
30 des chevaliers de la duché de Bretagne vinrent à Paris
devers le roy de France, et li fu remoustré comment
[124] li dus avoit mandé grant confort en Engleterre
pour mettre les Englès en leur pays, ce que jamais ne
consentiroient, car ils sont et voellent domorer bon
et loyal François; et estoit sceu et tout cler que il voloït
5 ses forterèces et ses chastiaus garnir et pourveir

d'Englès. Li rois leur demanda quel cose en estoit
bonne à faire; il respondirent que il mesist sus une
[grosse et grant] charge de gens d'armes, et les envoiast
en Bretagne, et se hastast dou plus tost que il peuist,
10 ançois que li Englès y fuissent de noient plus fort, et
presissent chil que il y envoieiroit, le saisine et possession
de toutes cités, villes et chastiaus; car li dus
avoit fourfait sa terre. Ces parolles et ces offres des
barons et des chevaliers de Bretagne plaisirent grandement
15 au roy, et dist que c'estoient loyaus gens et
bonnes, et que il demorroit dalés yaus. Si ordonna
son connestable, monsigneur Bertran, à traire de celle
part à tel charge de gens d'armes que il vorroit prendre
et avoir, sans nulle exception, car il mettoit tout
20 en sa main. Li connestables obeï à l'ordenance dou
roy, ce fu raisons, et se hasta de faire celle armée et
chevaucie, car il touchoit, et s'en vint en le cité de
Angiers; si fist là son amas de gens d'armes. Si estoient
avoecques li li dus de Bourbon, li contes
25 d'Alençon, li contes du Perce, li daufins d'Auvergne,
li contes de Boulongne, li contes de Ventadour,
[li contes de Vendosme], li sires de Cliçon, li viscontes
de Rohem, li sires de Biaumanoir, li sires de
Rocafort et tout li baron de Bretagne. Si se trouvèrent
30 bien quatre mil lances, chevaliers et escuiers, et
bien dis mil d'autres gens. Si chevauchièrent devers
Bretagne.

[125] Ces nouvelles vinrent au duch de Bretagne qui se
tenoit encor à Vennes, comment François et Breton
venoient sur lui pour prendre et pour saisir de
force sa terre et son corps ossi, et estoient bien
5 quinze mil armeures de fier, et de toutes ces gens
d'armes estoient conduiseur et gouvreneur li connestables
et li dus de Bourbon. Avoech tout che, il
avoient d'acord tout le pays, cités, villes et chastiaus.
Si se doubta li dus grandement de soi meismes que il
10 ne fust pris et atrapés. Si se departi de Vennes et s'en

vint au cha[stiel] d'Auroy, à quatre lieues d'iluech, et
y sejourna sis jours tant seulement, et ne trouva mies
en son conseil que il y demorast plus, que on ne mesist
le siège devant lui. Et toutefois il ne savoit en

15 Bretagne plus nulle ville où il s'osast enclorre. Si laissa
là une partie de ses gens et la ducoise, sa femme, en
le garde d'un sien chevalier, qui s'appelloit monsigneur
Jehan Augustin, et puis chevaucha oultre vers
Saint Mahieu de Fine Posterne. Quant il fu venus
20 jusques à là, il cuida entrer en le ville, mais il se
cloïrent contre lui, et disent que point n'i enteroit.
Quant il vei ce, si se doubta encores plus que devant,
et prist le chemin de Konke sus le mer, et là entra il
en un vaissiel, et ses gens, et singla vers Engleterre.

25 Si arriva en Cornuaille. De puis il chevaucha tant que
il vint à Windesore, où li rois se tenoit, qui li fist
grant chière quant il le vei, car il l'appelloit son biau
fil. Li dus adont li recorda tout l'estat de Bretagne et
comment la besongne y aloit, et que pour l'amour de
30 lui il avoit perdu son pays, et l'avoient tout si
homme relenqui, excepté messires Robers Canolles.

Lors li respondi li rois, et li dist: «Biaus filz, ne
[126] vous doubtés que vous n'aiiés tousjours assés, car ja
[je] ne ferai pais ne acord à mon adversaire de France
ne as François, que vous ne doiés estre ossi avant
ou trettié que je serai, et demorrés dus de Bretagne,
5 malgré tous vos nuisans.» Chilz reconfors plaisi
grandement au duch de Bretagne. Si demora dalés le
roy et le duch de Lancastre et les barons d'Engleterre,
qui li fissent grant solas et grant confort.

O[r] parlerons de monsigneur Bertran de Claiekin
10 et des barons de France, comment il entrèrent en
Bretagne efforcement, et se misent en possession des
villes et des chastiaus, et obeïrent tout à lui, non à
monseigneur Robert Canolles, qui estoit demorés bail,
quant li dus se departi.

15 § 727. Li connestables qui avoit le commission dou
 roy de France de prendre et de saisir tout le pays de
 Bretagne, y entra efforcement à plus de quinze mil
 armeures de fier et tous à chevaus, et ne prist mies
 premierement le chemin de Nantes, mais celui de le
 20 bonne cité de Rennes et de le Bretagne bretonnant,
 pour tant que il estoient et ont esté toutdis plus favorable
 au duch de Bretagne, que li François appelloient
 le conte de Montfort, que li douce Bretagne.
 Quant li bourgeois sentirent venant sur yaus le connestable
 25 et les François si efforcement, si n'eurent
 mies conseil d'yaus clore, mès se ouvrirent, et [les]
 recueillièrent doucement, et se misent tantost en
 l'obeïssance dou roy de France. Li dis connestables
 en prist les fois et les hommages et les sieremens
 30 que il se tenroient estable, et puis passa oultre et
 s'en vint jusques à le bonne ville de Dignant. Chil
 [127] de Dignant fissent otel, et puis chevaucièrent jusques
 à le cité de Vennes, qui se ouvrirent ossi tantos, et se
 misent en l'ordenance dou connestable, et puis s'i
 rafreschirent li Breton et li François quatre jours. A
 5 leur [departement], il prisent le chemin dou Suseniot,
 un moult biau chastiel et maison de deduit pour le
 duch. Là y avoit aucuns Englès qui le gardoient de
 par le duch, li quel ne se veurent mies si tost rendre,
 mais se cloïrent et moustrèrent grant deffense.
 10 Quant li connestables fu venus jusques à là, et il
 vei le condition et manière des Englès qui dedens
 estoient, si dist qu'il ne s'en partiroit mies ensi. Si
 se loga et fist toutes ses gens logier, et, entrues que
 li varlet logoient, traire avant à l'assaut les gens
 15 d'armes, qui riens n'i conquissent ne gaegnièrent ce
 premier assaut, fors horions. Si se retraisent au soir
 à leurs logeis et se aisièrent de ce qu'il eurent. A
 l'endemain il assallirent encores; n'i fissent il riens,
 et les couvint là estre quatre jours, ançois que il
 20 peussent conquerre le chastiel. Finablement il fu

conquis et pris de force, et tout chil mort, qui
dedens estoient: onques piés n'en escapa; et donna
li dis connestables le chastiel dou Suseniot à un
sien escuier, bon homme d'armes, qui s'appelloit
25 Yewains de Mailli. Puis se deslogièrent li François
et chevaucièrent devers Jugon, une bonne ville et
bon chastiel, qui se rendirent tantost et se misent
en l'obeïssance dou roy de France, et puis Ghoy la
Forest, et puis la Roce d'Euriant, Plaremiel, Chastiel
30 Josselin, Phauet, Ghingant, Saint Mahieu de
Fine Posterne et pluseurs villes de là environ, Garlande,
Camperlé et Campercorrentin.

[128] Quant li contes de Sallebrin et messires Guillaumes
de Nuefville et messires Phelippes de Courtenay
et li Englès, qui se tenoient à Saint Malo de
l'Ille, entendirent que li connestables et li sires de
5 Cliçon et li baron de France et de Bretagne estoient
entré en Bretagne si efforciement qu'il y prenoient
cités, villes et chastiaus, et que tous li pays se tournoit
viers yaus, et se sentoient encores sus mer la grosse
navie d'Espagne et les François, si eurent conseil
10 que il se traitoient viers Brest: là seroient il, yaus et
leur navie, en plus grant segur, car li havenes de Brest
gist en bonne garde, et ossi il y trouveroient de leurs
compagnons le signeur de Nuefville et monsieur
Robert Canolles, qui là se tenoient sus le confort de
15 le forte place. Si aroient millieur conseil tout l'un pour
l'autre. Si cargièrent leurs vaissiaus et entrèrent ens,
et se departirent de Saint Malo de l'Ille, je ne vi
onques mieulz à point, car il euissent esté à l'endemain
aségié. A leur departement il fustèrent et
20 robèrent toute le ville de Saint Malo, et puis singlèrent
tant que il vinrent à Hainbon. Là furent il
un jour, et puis rentrèrent en mer et s'en alèrent
tout singlant devant Brest, et tant firent qu'il y parvinrent:
si y furent recheu à grant joie, et misent
25 toute leur navie ou havene de Brest. Si se logièrent

li signeur ou chastiel, et toutes leurs gens en le ville
ou en leur navie. Et li connestables de France s'en
vint à toutes ses routes jusques à Saint Malo de
l'Ille. Si fu moult courechies, quant il sceut que li
30 Englès s'en estoient parti, car il venoit là sus cel
entente et espoir d'yaus combatre ou assegier. Si
prist le saisine de le ville et les fois et sieremens, et
[129] y ordonna gens de par lui, et puis chevaucha o son
grant hoost devers le chastiel et le ville de Hainbon,
où il avoit environ sis vint Englès, qui le tenoient,
et les y avoit laissies li contes de Sallebrin, quant il
5 y fu, n'avoit point sis jours. Si en estoit chapitains
uns escuiers englès, qui s'appelloit Thommelin
Wisk.

§ 728. Tant chevaucha li connestables et toute se
route où bien avoit vint mil combatans, que il
10 vinrent devant le ville de Hainbon. Si trouvèrent les
portes closes et toutes gens appareillies, ensi que
pour yaus deffendre. Li connestables ce premier jour
se loga et fist logier toutes gens, et à l'endemain au
matin, à heure de soleil levant, sonner les trompètes
15 d'assaut, et quant il furent tout armé, traire
celle part et yaus mettre en ordenance pour assallir.
Et ensi fissent cil de Hainbon. Englès et Breton, qui
dedens estoient, s'appareillèrent tantost pour yaus
deffendre. Bien sçavoit li dis connestables que de
20 force, ou cas que tout chil, qui dedens Hainbon se
logoient, se vorroient mettre à deffense, jamais ne
les aroient, mès il y trouva un trop grant avantage,
je vous dirai comment. Au commencement de l'assaut,
il s'en vint jusques as barrières, le quasse
25 d'achier en le tieste tant seulement, et dist ensi à
chiaus de le ville de Hainbon, en faisant signe de le
main: «A Dieu le veu! homme de la ville, qui là
dedens estes, nous vous arons encor anuit, et enterons
en le ville de Hainbon, se li solaus y poet entrer;

30 mais sachiés que, se il en y a nulz de vous qui
 s'amoustre pour mettre à deffense, nous li ferons
 [130] sans deport trencier la tieste et tout le demorant de
 la ville, homme[s], femmes et enfans, pour l'amour
 de celi.» Ceste parolle effrea si les hommes [bretons]
 de le ville de Hainbon, que il n'i eut onques puissemi
 5 homme, qui se osast amoustrer ne apparoir
 pour mettre à deffense; ançois se traient tout
 ensamble, et disent as Englès: «Signeur, nous
 n'avons mies entention de nous tenir contre le connestable
 ne les signeurs de Bretagne; nous sommes
 10 cheens un petit de povres gens, qui ne poons vivre
 sans le dangier dou pays. Toutesfois nous vous
 ferons tant d'onneur, car vous estes tout bon compaignon,
 que de nous n'arés vous garde; vous n'en
 serés ne grevé ne conforté, et sur ce aiiés avis.»

 15 Quant la chapitaine et li Englès oïrent ces nouvelles,
 si ne leur furent mies trop plaisans, et se
 traient ensamble et consillièrent. Tout considéré et
 imaginé ou cas que il ne seroient conforté de chiaus
 de Hainbon, il n'estoient mies gens pour yaus tenir
 20 contre une tele host que li connestables de France
 avoit là devant yaus. Si eurent conseil que il trettierent
 un accord as François, que il renderoient le
 ville et on les lairoit partir, salve leurs vies et le
 leur. Si envoièrent un hiraut devers le connestable,
 25 qui remoustra toutes ces besongnes, qui raporta un
 saufconduit que li capitains de Hainbon et quatre
 des siens pooi[en]t bien segurement aler en l'ost pour
 oïr et savoir plus plainnement quel cose il voloient
 dire. Sus celle sauvegarde, Thommelins Wisk et
 30 quatre de ses compaignons vinrent devant les barrières
 parler as signeurs de l'ost. Là se porta trettiés
 et compositions, que tout li Englès qui dedens Hainbon
 [131] estoient, et tout li Breton ossi qui l'opinion dou
 conte de Montfort tenoient, se pooient segurement
 partir yaus et le leur, et traire dedens Brest, et non

5 aultre part. Ensi eut li connestables de France par
sens, nen par grant fait, le ville et le chastiel de
Hainbon, dont il ne volsist pas tenir cent mil frans,
et s'en partirent li Englès sus bon conduit, et en
portèrent tout le leur, et vinrent en Brest.

§ 729. Apriès le conquès de la ville et dou chastiel
10 de Hainbon, li connestables ne li signeur qui
avoech lui estoient, n'eurent mies conseil de traire
devant Brest, car bien savoient qu'il perderoient lor
painne; mais se avisèrent que il se retrairoient tout
bellement devers le bonne cité de Nantes en costiant
15 le rivière de Loire, et en conquerant et mettant en
leur subjection et ordenance encores aucunes villes
et chastiaus qui là estoient. Si laissièrent deus chevaliers
bretons à chapitaines en le ville de Hainbon
et grant gent d'armes, et puis s'en partirent. Si
20 prisent le chemin de Nantes, selonch la rivière de
Loire, et misent tout le pays en leur obeïssance,
que il trouvèrent, ne onques nulz n'i fu rebelles;
car, se il l'eussent trouvé, la commission dou connestable
donnée dou roy de France estoit tele que il
25 voloit que sans merci tout rebelle fuissent puni à
mort.

En ce temps faisoit li dus d'Ango un grant mandement
pour venir mettre le siège devant le Roce
sur Ion, que li Englès tenoient, la quele garnison
30 siet sus les marces d'Ango. Ossi li Englès, qui dedens
Brest estoient, eurent conseil et avis que il se
[132] retrairoient en mer, puis que li connestables de
France et li François les eslongoient, et s'en iroient
reposer et rafreschir viers Gredo et viers Garlande.
Et, se li navie dou roy de France passoit, ou des
5 Espagnolz, où il se peussent emploier, il se combateroient,
car ossi les pourveances de Brest commençoient
à amenrir, car il estoient trop de gens.

Si recargièrent la ditte forterèce à monsigneur Robert
Canolles, et rentrèrent en leur navie, et ne menoient
10 avoecques yaus nulz chevaus. Avoecques le gentil
conte de Sallebrin estoient d'Engleterre li sires de
Luzi, li sires de Nuefville, [messires Guillaumes de
Nuefville], ses frères, li sires de Multonne, li sires
de Filwatier, messires Bruians de Stapletonne,
15 messires Richars de Pontchardon, messires Jehans
d'Evrues, messires Thumas le Despensier et pluseur
aultre baron, chevalier et escuier. Trop s'estoient chil
dit signeur repenti, yaus tenu à Saint Malo et à Brest,
de che que il n'avoient amené leurs chevaus avoec
20 yaus, car, se eu les euissent, il disoient bien que il
euissent chevaucié sus le pays et contre les François.

Tant s'exploitièrent li connestables de France et
chil signeur de France et de Bretagne qui avoecques
lui estoient, en prenant leur tour et en revenant
25 devers Nantes, que il vinrent devant Derval, qui se
tenoit hiretages de monsigneur Robert Canolle; si
l'avoient en garde messires Hues Broe et messires
Reniers, ses frères. Si tost que li connestables et chil
baron de France et de Bretagne furent là venu, il
30 misent le siège environnement et firent grans bastides
de tous lés pour [mieuls] contraindre chiaus
de le forterèce.

[133] En ce temps s'avala li dus d'Ango atout grant
gent d'armes de Poito, d'Ango et du Mainne, et s'en
vint mettre le siège devant la Roce sur Ion, et là
avoit bien mil lances, chevaliers et escuiers, et
5 quatre mil d'autres gens, et se partirent dou connestable
de France par le mandement dou duch d'Ango,
et vinrent devant le Roche sur Ion tenir le siège
messires Jehans de Buel, messires Guillaumez des
Bordes, messires Loeis de Saint Juliien et Charuelz,
10 bretons, et leurs routes. Et devés savoir que en celle
saison toutes les guerres et le gens d'armes de

France, de quel marce que il fuissent, se traioient en Bretagne; car il n'avoient que faire d'autre part, et ossi li rois de France les y envoioit tous les jours.

- 15 Quant les nouvelles veritables furent sceues en l'ost dou connestable de France, que li contes de Sallebrin et tout li Englès, qui en Brest estoient, quant il furent devant Hainbon, estoient parti et retret en mer, si en furent moult joiant et en tinrent leur
- 20 guerre à plus belle, et s'avisèrent que il envoieroient une partie de leurs gens devant Brest et metteroient là le siège, car il estoient fort assés pour ce faire, et encloroient monsieur Robert Canolles dedens Brest tellement, que il n'en poroit issir pour venir conforter
- 25 ne consillier ses gens, qui en sa forterèce de Derval estoient. Si tretos que il eurent ce imaginé, il tinrent ce conseil à bon, et se departirent dou siège de Derval li sires de Clichon, li viscontes de Rohem, li sires de Lyon, li sires de Biaumanoir, li sires de
- 30 Raiys, li sires de Rieus, li sires d'Avangor, li sires de Malatrait, li sires dou Pont, li sires de Rocafort et bien mil lances de bonnes gens d'armes, et s'en
- [134] vinrent mettre le siège devant Brest et enclore monsieur Robert Canolle dedens, par si bonne [et si sage] ordenance que uns oizelès par terre n'en fust point issus, qu'il n'eust esté veus. Ensi tinrent
- 5 les gens le roy de France en celle saison quatre sièges en France, en Bretagne et en Normendie: li Normant devant Becheriel, li Breton devant Brest et Derval, et li Poitevin et li Angevin devant la Roce sur Ion.

- 10 § 730. Ce siège pendant devant Derval, y furent faites pluseurs assaus, escarmuces et paletis, et priès que tous les jours y avenoient aucun fait d'armes. Quant messires Hues Broe et ses frères, qui chapitainne en estoient, veirent le manière et ordenance

15 dou connestable et de ces signeurs de France, qui là
estoint grandement et estofeement, et qui moult les
appressoient, et se ne leur apparroit confors de nul
costet ne point de leur estat ne pooient segnefiier à
leur cousin monsigneur Robert Canolles, et avoient
20 entendu que li dus d'Ango estoit avalés moult priès
de là, qui trop fort les maneçoit, si eurent conseil
que il trettoient un respit et se metteroient en
composition devers le connestable, que, se dedens
quarante jours il n'estoient secouru et conforté de
25 gens fors assés pour lever le siège, il renderoient la
forterèce au connestable. Si envoiièrent sus assurances
parlementer ces trettiés en l'ost au dit connestable.
Li connestables en respondi que riens n'en
feroit sans le sceu dou duch d'Ango. Encores vorrent
30 bien chil de Derval attendre la response dou dit
duch; si fu segnefiés au duch tous li dis trettiés,
[135] ensi que il se devoit porter, mais que il l'acordast.
Li dus n'en volt de riens aler au contraire, mès en
rescrisi au connestable que ou nom de Dieu il le acceptast
ou cas que cil de Derval, pour tenir ce marchiet,
5 liveroient bons plèges. Sus cel estat furent il
quatre jours que il n'en voloient nuls livrer fors leur
seelé, mès li connestables disoit que, sans bons hostages,
chevaliers et escuiers, ils ne donroient nulle
souffrance. Finablement messires Hues Broe et ses
10 frères veirent et cogneurent bien que il ne fineroient
aultrement, se il ne livroient plèges. Si livrèrent
deus chevaliers et deus escuiers, qui furent tantost
envoiiet à le Roce sur Ion devers le duch d'Ango,
et fu ceste composition faite par ordenance tele, que
15 chil de Derval ne pooient ne devoient nullui recueillir
en leur forterèce, qui ne fust fors assés pour
lever le siège. Pour ce ne se desfist mies li principaus
sièges de Derval, mès y laissa li connestables
plus de quatre mil combatans de Bretagne, de Limozin,
20 d'Auvergne et de Bourgongne, et puis atout cinc

cens lances, il chevaucha vers le cité de Nantes, car
encor n'i avoit il point esté.

§ 731. Quant li connestables de France fu venus
jusques à Nantes, si trouva les portes de le cité closes
25 et une partie des bourgeois venu au devant de lui et
yaus mis entre les portes et les barrières, et n'i avoit
ouvert tant seulement que les postis. Là parlementèrent
li homme de Nantes moult longement au connestable,
et veurent veoir sa commission, et le fisent
30 lire. Quant il l'eurent oy, li connestables leur demanda
qu'il leur en sambloit, et se elle estoit point
[136] bonne. Il respondirent qu'il le tenoient bien à bonne,
et le voloient bien recevoir comme commissaire dou
roy de France, et jurer que il seroient toutdis et
demorroient bon François, et ne lairoient Englès nul
5 entrer en le cité, qui ne fust plus fors d'yaus, mais ja
il ne relenquiroient lor naturel signeur, qui tenoit
leurs fois et leurs hommages pour cose que il eüst
encores fait, sauf tant que à main armée, ne homme
qui fust avoecques lui, se il venoit jusques à là, il
10 ne soufferoient entrer en leurs portes, et, se il venoit
à acord devers le roy de France, il voloient estre
quittes de toutes obligations que faites aroient presentement
au connestable. Messires Bertrans, qui en
tout ce ne veoit fors que toute loyauté, leur respondi
15 que il ne le voloit autrement, et que, se li dus de
Bretagne vosist estre bons François et amis au roy de
France et à son pays, il y fust demorés en pais. Et
quant il se vorra recognoistre, il ara grasse de nostre
très chier et redoubté signeur le roy, [mais tant que
20 il tiengne ceste oppinion, il ne levera de Bretagne
nuls des pourfis]. Ensi entra li connestables de France
en le cité de Nantes, et y sejourna huit jours, et en
prist le saisine et possession, mais il n'i fist riens de
nouviel. Au ix^e jour, il s'en parti et s'en vint demorer
25 en un village dalés Nantes, en un moult biau manoir,

qui est au duch, seant sus le rivièrre de Loire.
Si ooit tous les jours nouvelles des sièges qui se tenoient
en Bretagne, et ossi dou duch d'Ango, qui
seoit devant Roce sur Ion, et dou roy de France, qui
30 moult l'amoit pour tant qu'il entendoit si parfaitement
à ses besongnes.

[137] § 732. Vous avés bien chi dessus oy parler et
recorder dou duc de Bretagne, comment il se departi
de son pays et s'en ala en Engleterre requerre
ayde et confort dou roy, en quel nom il avoit perdu
5 tout son pays. Bien sçavoit cilz dus que les besongnes
pour lui en son pays se portoient assés petitemment.
Si exploita tant devers le roy, que li rois ordonna son
fil le duch de Lancastre à passer mer atout deus mil
armeures de fier et quatre mil arciers, et de ces gens
10 d'armes seroient conduiseur et gouvreneur ses filz et
li dus de Bretagne, et devoient arriver ou havene de
Calais, pour passer parmi Pikardie, et avoient entention,
se li temps ne leur estoit contraires, que il se
metteroient entre Loire et Sainne et s'en iroient rafreschir
15 en Normendie et en Bretagne, et conforteroient
les forterèces qui se tenoient englesces, Becheriel,
Saint Salveur, Brest et Derval, et combateroient
le[s] François où que ce fust, se contre yaus se voloient
mettre ne ahatir de combatre. Dont, pour
20 faire et furnir ce voiage, li rois d'Engleterre ordonna
à faire toute la saison un ossi grant et ossi estoffé
appareil que en grant temps on eüst point veu en
Engleterre pour passer le mer, tant que de belles et
grosses pourveances et de grant fuison de charroi,
25 qui porteroient parmi le royaume de France tout ce
qu'il lor seroit de nécessité, et par especial moulins à
le main pour mieurre bled et aultres grains, se il trouvoient
les moulins perdus et brisiés, et fours pour
cuire, et toute ordenance de guerre pour avoir appareillié
30 sans dangier. Et me fu dit que bien trois ans

en devant, li Englès avoient esté sus ce voiage, comment
que point ne fuissent passet. Et cuida li dus de
[138] Lancastre passer la mer l'anée que la bataille fu à
Jullers dou duch de Braibant contre le duch de Jullers
et monsieur Edouwart de Guerles. Car si doy
cousin de Jullers et de Guerles li avoient offert
5 tel confort que douse cent lances, chevaliers et escuiers,
et que pour courir parmi le royaume de
France jusques ens es portes de Paris. Mais la mort
de monsieur Edouwart de Guerles et l'ensonniement
que li dus de Jullers eut pour ceste besongne,
10 et le mort et le prise des bons chevaliers, qui furent
d'une part et d'autre, retardèrent ce voiage qui point
ne se fist à la première entente dou roy d'Engleterre
et dou duch de Lancastre. Nequedent, toutdis de puis,
li dus de Lancastre et li consaulz dou roy d'Engleterre
15 avoient entendu [à] appareillier les pourveances
si grandes et si belles, que merveilles seroit à penser.
Et mandoit li rois d'Engleterre par tout gens, là où
il les pensoit à avoir par leurs deniers paiier, en
Flandres, en Braibant, en Haynau et en Alemagne,
20 et eut li dus de Lancastre [de purs Escos] bien trois
cens lances. Si venoient à Calais li estragnier qui
mandé et priet estoient dou roy, et là se tenoient
attendant le passage des deus dus de Lancastre et de
Bretagne, et là leur estoient paiiet et delivret tout leur
25 gage pour sis mois. Si passèrent tout bellement l'un
apriès l'autre de Douvres à Calais les pourveances des
dus et des barons d'Engleterre. Si ne furent mies ces
coses si tost achievées.

Entrues se hastèrent les guerres de Bretagne, car li
30 rois de France estoit tous certefiés que li Englès en
celle saison efforciement passeroient en France. Si
faisoit ossi pourveir en Pikardie cités, villes et chastiaus
[139] très grossement, car bien savoit que li Englès
prendroient leur chemin par là. Et fist commander
sus le plat pays que cascuns, dedens un terme qui mis

y fu, eüst retret le sien ens es forterèces, sus à estre
5 abandonné tout ce que on trouveroit.

Encores se tenoit li sièges dou duch d'Ango
devant le Roce sur Ion, mais il estoit si lointains
de tous confors que il veoient bien que longement
il ne se pooient tenir. Dont il avint que messires
10 Robers Grenake, uns chevaliers englès, qui chapitaine
en estoit, se mist en composition devers
les gens le duch d'Ango, car li dis dus se tenoit à
Angiers. Et fu la composition tele que, se dedens un
mois il n'estoient secouru de gens fors assés pour
15 lever le siège, il renderoient la ville et le chastiel, et
s'en partiroient, salve le leur et leurs corps, et leur
donroit on conduit jusques à Bourdiaus. Cilz termes
inspira; nulz ne vint pour conforter le chastiel de le
Roce sur Ion; si le rendirent li compaignon qui le
20 tenoient, as gens le duch d'Ango, et s'en partirent
messires Robers Grenake et li sien, et passèrent oultre,
et furent conduit jusques bien priès de Bourdiaus,
ensi que couvens portoit. Si furent chil de
Poito et d'Ango et du Mainne durement liet et resjoy
25 dou reconquès de la Roce sur Ion.

§ 733. En ce temps avint en Bretagne que li sires
de Cliçon, li viscontes de Rohem, li sires de Rocafort
et li sires de Biaumanoir se departirent dou
siège de Brest une matinée, atout cinc cens lances,
30 et chevaucièrent tant que il vinrent à Konke, une petite
forterèce sus mer, de la quele messires Jehans
[140] de la Ghingay, uns chevaliers englès et de l'ostel le
duch de Bretagne, estoit chapitains, et avoit avoecques
lui pluseurs compaignons, qui se misent tantost
en ordenance de deffense quant il veirent les
5 Bretons. Là eut ce jour grant assaut et dur, et pluseurs
hommes navrés et blechiés et mors d'un lés et
de l'autre. Finablement li Breton assallirent si vassaument,

et si bien s'i esprouvèrent, que de force
il conquissent la ville de Konke, [et y furent tout
10 mors li Englès qui là estoient, excepté le chapitainne
et sis hommes d'armes qu'il retinrent pour prisonniers.
Si remparèrent les Bretons le ville de Konke]
et le rafreschirent de nouvelles gens à leur entente,
et puis s'en partirent; si en menèrent leurs prisonniers,
15 et retournèrent au siège de Brest.

§ 734. Entrues que ceste chevaucie se fist dou
signeur de Cliçon et des dessus dis à Konke, et que
leur host fu un petit esclarcie de gens à l'un des
costés dou siège de Brest, se bouta une espie dou
20 soir en le ville de Brest, qui venoit droit de Derval,
et qui là estoit envoiées parler à monsigneur Robert
Canolle, de par ses cousins monsigneur Hue Broe et
son frère, li quelz dist et compta au dit monsigneur
Robert Canolles toute la besongne de son biau chastiel
25 de Derval, comment il en aloit. Quant messires
Robers oy ces nouvelles, si n'en fu mies mains pensieus,
et eut pluseurs imaginations en lui sur trois
ou quatre jours, comment il s'en poroit chevir; car
de perdre si nicement son biau chastiel de Derval,
30 que tant amoit et qui tant li avoit cousté, ce li seroit
trop dur, et toutesfois il n'i pooit veoir tour ne
[141] adrèce que il ne le perdesist, se il n'i mettoit aultre
remède. Si avisa que il tretteroit devers ces signeurs
de France et de Bretagne, que il metteroit Brest en
composition que, se dedens un mois il n'estoient
5 secouru, aidié et conforté de gens fors assés pour
combatre le connestable et se poissance, il renderoient
Brest as François. Quant cil trettié furent
entamé de premiers et parlementé, onques li sires de
Cliçon, ne li baron qui au siège estoient, n'en vorrent
10 riens faire sans le sceu dou connestable. Mais
il donroient bien un chevalier et deus escuiers des
gens monsigneur Robert conduit que, sus asseurances,

il alaissent parler au dit connestable, qui se
tenoit dalés Nantes.

- 15 Ceste response et ordenance plaisi bien au dit
monsigneur Robert Canolles, et y envia un chevalier
des siens et deus escuiers, qui vinrent sans peril,
sus bon conduit, parlementer au dit connestable et
proposer ces trettiés. Li connestables de France fu
20 adont si bien consilliés que dou rechevoir ces trettiés
et chiaus de Brest en composition, mais que de tenir
leur journée et leur marchié il delivrassent bons
ostages, aultrement non. Sus tel estat retournèrent
chil de Brest, et comptèrent au dit monsigneur
25 Robert tout ce que vous [avés] oy. Messires Robers,
qui tiroit à mander le conte de Sallebrin et les barons
d’Engleterre qui estoient sus mer en se compagnie,
li quel, il n’en faisoit mies doubte, quant il leur aroit
segnefiïet tout l’estat, venroient à celle journée, et
30 qui grant desir avoit ossi de venir en son chastiel de
Derval, se acorda à celle composition, et livra bons
ostages et souffissans, tant que li connestables et li
[142] Breton s’en tinrent pour content, et se desfist li
sièges de Brest; et se retraisent toutes [ces] gens
d’armes sus le pays devers Nantes, en attendant les
journées qui devoient estre de Derval et de Brest;
5 car aultrement li connestables ne donnoit nullui
congiet, se il n’estoit especialment escrips et mandés
dou roy de France.

- Si tretost que messires Robers Canolles peut, il se
departi de Brest et s’en vint bouter en son chastiel
10 de Derval, de quoi si cousin furent moult resjoy de
sa venue. Quant li connestables et li sires de Cliçon
sceurent ces nouvelles que il s’estoit là boutés, si
n’en furent mies mains pensieu, car il sentoient monsigneur
Robert subtil et cauteleus, si ne savoient
15 comment il se vorroit maintenir de le composition
que ses gens avoient fait. Et encores de rechief il

se contentoient mal sus monsigneur Hue Broe et sen
frère, de ce que il l'avoient recheu, car, par le
teneur de leur trettié et dou seelé de leur composition,
20 il ne pooient ne devoient nullui recevoir ne
recueillir en leur forterèce, se il n'estoient fort
assés pour combatre les François.

§ 735. Avant que messires Robers Canolles se
departesist de Brest, il escripsi unes lettres et seela.
25 En ces lettres estoit contenus tous li estas de Brest,
et comment la journée estoit prise et acceptée des
François pour yaus combatre, u de rendre le chastiel
de Brest, la quele cose il feroit moult envis, se
amender le pooit. Quant il eut tout ce fait, il carga
30 la lettre à un chevalier des siens, et li dist: «Entrés
en une barge, et nagiés viers Garlande. Je croi que
[143] là environ vous trouverés le conte de Sallebrin et
nos gens: se li donnés ces lettres, et li contés de
bouche comment la cose va.» Li chevaliers avoit
respondu qu'il est[oit] tous près, et ja estoit partis
5 de Brest, et tant avoit nagié que il avoit trouvet le
conte de Sallebrin et toute sa navie, où bien avoit
sis vint vaissiaus d'une flote, sans les barges et les
hokebos; se li moustra ces lettres de monsigneur
Robert, et li compta avoech che tout le fait ensi que
10 il aloit et qu'empris estoit. Quant li contes de Sallebrin
fu enfourmés de che, si dist que il seroit à le
journée, se il plaisoit à Dieu, et devant encores. Si
ne fist nul lointain sejour, mais se desancra, et toute
sa navie, et s'adreça pour venir à Brest. [Et tant
15 s'exploita par le confort de Dieu et du vent, que il vint
assés près de Brest]; et ancrèrent ou havene de Brest,
et puis avisèrent place et terre qui n'estoit mies trop
lonch de leur navie, où il se misent et ordenèrent
par batailles bien et faiticement, et se trouvèrent
20 bien deus mil combatans et otant d'arciers. Si disent
entre yaus que il estoient fort assés pour attendre le

connestable et se poissance, et yaus combatre.

Ensi se tenoient là li Englès, qui moustroient que
il voloient tenir leur journée, et tous les soirs
25 retournoient en leur navie. Quant il eurent là esté
environ sis jours, et il veirent que nulz ne venoit,
il prisent un hiraut et l'enfourmèrent de che que il
voloient qu'il desist, et qu'il chevauçast viers le
connestable et les François, qui se tenoient en le
30 marce de Nantes. Li hiraus se departi de l'ost des
Englès et tant s'exploita que il vint devers le connestable
et le signeur de Cliçon; se fist son message bien
[144] et à point, et dist ensi: «Mi signeur, li contes de
Sallebrin et si compagnon m'envoient devers vous
et vous segnefient que il leur est venu à cognissance
que une journée est prise devant Brest de monsigneur
5 Robert Canolle et de vous, et ordenance de
bataille; sachiés que il sont venu jusques à là et vous
attendent tout prest pour combatre et de delivrer
leurs hostages et le chastiel de Brest.» A ceste
parolle respondi li connestables, et n'i mist point
10 trop longement, et dist: «Hiraus, vous retournerés
devers vos mestres et leur dirés de par nous qu'il
viegne et traient avant; nous les combaterons bien
et volentiers.» Li hiraus respondi que volentiers
leur diroit ensi. Si se parti et monta à cheval, et exploita
15 tant que il revint en l'ost de se[s] mestres et
leur fist ceste response.

Li contes de Salebrin pensa sus ceste parolle, et
puis se conseilla à ses compagnons, car là estoient
sis ou set baron de grant prudense, li sires de Luzi,
20 li sires de Nuefville, messires Phelippes de Courtenay,
messires Bruians de Stapletonne et les aultres.
Si se porta consaulz entre yaus que li hiraus retourneroit
vers les François et leur diroit de par yaus
que c'estoient gens de mer qui n'avoient point leur
25 chevaus. Si n'estoit mies cose deue ne raisonnable

que il alaissent plus avant à piet, mais, se il lor
voloient envoier leurs chevaus, il traoient vers
yaus volentiers, et, se il ne voloient faire l'une
pareçon ne l'autre, il renvoiassent leurs ostages, [car]
30 il y estoient tenu.

Li hiraus se parti de rechief de ses mestres et
chevauçà tant que il vint devers le connestable, qui
[145] tantost le recogneut et qui li demanda de ses maistres
quels nouvelles: «Sire, se vous mandent ensi par
moy mi signeur et mestre, et dient que ce sont gent
de mer qui n'ont nulz de leurs chevaus et qui mies
5 ne sont uset d'aler trop lonch à piet: si venés vers
yaus, ou envoiés leur vos chevaus, et il venront
droit chi, et, se ce ne volés faire, si leur renvoiés
leurs hostages, car il dient que en avant vous n'avés
nulle cause dou tenir.» Quant li connestables oy
10 ceste parolle, si en respondi tantost, et dist: «Hiraus,
nostre cheval nous besongnent, ce n'est pas tant que
à yaus requeste raisonnable, et puis que il ne voelent
traire avant et qu'il s'escusent que ce sont gent de
mer, nous ne sommes pas ne ossi ne sont il ou lieu
15 ne en le place où la journée fu trettie et pourparlée;
si leur dirés, quant vous retournerés vers yaus, que
nous leur ferons tant d'avantage que nous irons là
sus le place et ou propre lieu, et là viegnent, ensi
qu'il voelent, et il seront combatu.»

20 Sus ceste response se departi li hiraus, et s'en revint
à Brest devers ses mestres et leur fist relation de
toutes les parolles que vous avés oyes, et sur ce il
eurent avis et conseil. Depuis ne demoura gaires de
temps que li connestables, li dus de Bourbon, li
25 contes d'Alençon, li sires de Cliçon, li sires de Laval
et tout chil baron de France et de Bretagne, où bien
avoit quatre mil lances et quinse mil d'autres gens,
s'en vinrent à une journée priès de Brest où li Englès
estoient, et là s'arrestèrent et logièrent en moult fort

30 lieu, et puis le segnefièrent as Englès comment il
estoyent là venu et sus le lieu droitement, ce disoient,
où li trettiés de chiaus de Brest avoit esté acordés,
[146] et leur mandoient que, se li venoient là, il seroient
combattu, et, se ce ne faisoient, il avoient perdu
leurs hostages.

Quant li contes de Sallebrin et si compaignon
5 entendirent ces nouvelles, si veirent bien que li
François y aloient soutieusement et qu'il n'avoient
nulle volenté d'yaus combatre. Si leur segnefièrent
par leur hiraut, avoech le hiraut françois qui ces
parolles avoit aportées, que, se il voloient traire
10 encores avant les deus pars de le voie, il se travailleroient
bien tant que tout à piet il iroient la tierce
part, et, se il ne voloient faire ceste pareçon, il
venissent à piet le moitié dou chemin, et il iroient
l'autre, et, se l'une ne l'autre ne voloient faire, il
15 renvoiasent leurs hostages, car il n'avoient nulle
cause dou detenir, mais avoient par droit d'armes
bien fait leur devoir, et estoient en volenté dou faire
et tenir leur journée.

§ 736. Ensi alant et venant se demenèrent ces
20 coses et se degastèrent; ne pour pareçon que li
Englès peussent ne sceussent faire, li François ne
veurent traire plus avant que vous avés oy. Quant li
Englès veirent ce, si rafreschirent le chastiel de Brest
de bonnes gens d'armes, de pourveances et d'arteillerie,
25 et puis entrèrent en leur navie et se desancrèrent,
et prissent le mer par devers Saint Mahieu
de Fine Posterne; car devant Derval ne pooient il
nullement venir à toute lor navie, et à piet ossi il n'i
fuissent jamais alé. Avoech tout ce, messires Robers
30 Canolles, qui dedens Derval se tenoit, leur avoit
escript que en riens il ne se travaillassent pour lui et
[147] qu'il se cheviroit bien tous seulz contre les François.

En ce propre jour et priès sus une heure que li
Englès partirent et rentrèrent en leurs vaissiaus, se
departirent ossi li Breton et li François dou lieu où
5 il s'estoient arresté, et en menèrent les hostages de
Brest. Ensi se desrompi ceste assamblée, et s'en
vinrent li connestables et ses gens devant Derval
pour tenir leur journée. Mais messires Robers Canolles
leur manda bien que il n'avoient là que faire
10 de sejourner pour cose que il deuissent avoir son
chastiel, ne il ne s'i avoient que faire d'attendre pour
trettie ne composition nulle qui faite en fust, car
nulle n'en tenroit, et le raison qu'il y mettoit, il
disoit que ses gens ne pooient faire nul trettie sans
15 son sceu, et ce que fait en avoi[en]t estoit de nulle
vaille. Ces paroles esmervilloient bien le connestable,
le signeur de Cliçon et les barons de France et de
Bretagne, et disoient li plus sage et li plus usé
d'armes que la cose ne pooit estre ne demorer ensi,
20 et que li trettiés que messires Hues Broe et ses frères
avoient fais, estoient bon. Si segnefièrent tout cel
estat au duch d'Ango, qui se tenoit à Angiers, et la
cautele que messires Robers Canolles y avoit trouvé.
Adont li dessus nommés dus se departi d'Angiers à
25 tout grant gent d'armes, et ne cessa de chevaucier si
fu venus devant Derval.

§ 737. Nous nos soufferons un petit à parler, car
la matère le requiert, dou duch d'Ango et dou siège
de Derval, et parlerons de monsigneur de Lancastre
30 et dou duch de Bretagne, qui estoient arivet à Calais
à trois mil hommes d'armes et sis mil arciers et
[148] bien deus mil d'autres gens. En celle route avoit largement
de purs Escos bien trois cens lances, qui
servoient le roy d'Engleterre pour ses deniers. De
toutes ces gens d'armes et de l'host estoit connestables
5 messires Edouwars, li sires Despensiars, uns
des grans barons de toute Engleterre, friche, gentil

et vaillant chevalier et grant chapitaine de gent
d'armes, et l'avoit li rois d'Engleterre pourveu de cel
offisce; et estoient marescal de l'host li contes de
10 Warvich et li contes de Sufforch. Là estoient des barons
d'Engleterre li contes de Stafort, li sires de
Persi, li sires de Ros, li sires de Basset, li sires
Latimiers, li sires de Boursier, li sires de la Poule, li
sires de Maune, li sires de Gobeheim, filz au gentil
15 signeur dont ceste hystore chi en devant fait bien
mention, messires Loeis de Cliffort, li sires de Ware,
messires Hues de Cavrelée, messires Gautiers Hues,
messires Guillaumez de Biaucamp, filz au conte de
Warvich, messires Guillaumes Helmen, messires
20 Mahieus de Gournay, messires Thumas Fouke, li
sires de Walles, li sires de Willebi, messires li Chanonnes
de Robertsart et pluseurs aultres bons chevaliers
que je ne puis mies tous nommer. Encores y
estoit des capitaines messires Jehans de Montagut,
25 messires Richars de Pontchardon, messires Symons
Burlé et messires Gautiers d'Evrues.

En ce temps estoit chapitains de le ville de Calais
messires Nicole Tamwore, et de Ghines, messires
Jehans de Harleston, et d'Arde, li sires de Gommegnies.
30 Quant li dus de Lancastre et li dus de Bretagne
et chil signeur, et leurs gens, se furent rafreschi en le
ville de Calais, et toute leur ordenance fu preste, et
[149] leurs charois cargiés, et leurs chevaus fierés, il se
partirent un merkedi au matin, banières desploies,
et passèrent devant Ghines et Arde, et ossi devant le
chastiel de le Montoire, que Hondecourte, uns chevaliers
5 de Pikardie, gardoit; mais li Englès ne s'i arrestèrent
onques pour assallir, ançois passèrent oultre et
s'en vinrent logier sus celle belle rivière qui keurt à
Hoske. Là se tinrent il une nuit, et comprendoit
leur host tout jusques à Bavelinghehen et jusques à
10 l'abbeye de Likes. Quant ce vint au matin, il se departirent,
et puis se misent au chemin, et chevaucièrent

au dehors de Saint Omer.

En le ville de Saint Omer estoit li viscontes de
Miaus atout grant fuison de gens d'armes. Bien vinrent
15 courir aucun Englès et une compagnie d'Escos
jusques as barrières, mais riens n'i fourfisent ne jamais
n'eussent fait, anchois en reportèrent leur cheval
des saiettes et des viretons des arbalestriers. Si
s'en vinrent li Englès logier celle seconde journée sus
20 les mons de Horfaut, et à l'autre jour passèrent il
devant Tieruane, où li sires de Saintpi et li sires de
Brimeu et messires Lyonniaus d'Arainnes et li sires de
Pois, et bien deus cens lances de François estoient.
Si passèrent li Englès oultre sans riens fourfaire, et
25 chevaucioient li Englès en trois batailles moult ordonneement,
et n'aloient le jour non plus de trois ou de
quatre lieues, et se logoient de haute nonne, et tous
les soirs se retrouvoient ensamble, et point ne se
desfouchoient, mais attendoient moult courtoisement
30 l'un l'autre. La première bataille estoit des mareschaus,
la seconde des deus dus, dou duch de Lancastre
et dou duch de Bretagne; et puis cheminoit
[150] tous li charois qui portoit [et menoit] toutes leurs
pourveances, et puis l'arrieregarde faisoit li connestables.
Et se joindoient toutes ces batailles ensamble,
ne nulle ne se desfoucoit ne issoit de son pas; ne ossi
5 nuls chevaliers ne escuiers, tant fust appers ne bons
homs d'armes, n'osast courir ne faire issue de ses
compagnons, se il ne li fust commandé ou acordé
des chapitaines de se route et par especial des
marescaus.

10 Si tretost que li rois de France sceut que chil doi
duch et leurs gens estoient entré en son pays et
chevaucioient, il envoya caudement en Bretagne apriès
le connestable et le signeur de Cliçon et les bons
chevaliers et escuiers qui là se tenoient, que il s'en
15 retournassent en France, car il les voloit grandement

ensonniier. Et par especial li rois remandoit le signeur
de Cliçon, le viscomte de Rohem, monsigneur
Jehan de Buel, messire Guillaume des Bordes et
monsigneur Loeis de Saint Julien et aucuns chevaliers
20 et escuiers [bretons], ables et legiers et bien travaillans;
car il voloit faire poursievir les Englès. Et si
voloit bien li dis rois que messires Bertrans, ses
connestables, et li dus de Bourbon et li contes d'Alençon
demoraissent encores dalés son frère le duc
25 d'Ango, tant que aucune fins se fust approcie de
chiaux de Derval.

Or avint entrues que cil qui mandé estoient dou
roy, misent le temps et les jours de retourner de Bretagne
en France, et d'avoir leur establissement et leur
30 ordenance savoir où cascuns devoit aler, emploièrent
aussi leur temps grandement li dus de Lancastre
et li dus de Bretagne et leurs gens d'entrer en France
[151] et de courir le pays sis lieues de large à deus eles de
leur host pour plus largement trouver vivres et pourveances,
car il n'en prenoient nulles des leurs, mès
qu'il en peussent recouvrer des nouvelles où que
5 fust.

§ 738. Ensi passoient li Englès le pays, et furent
devant Aire, et escarmucièrent as barrières, et puis
retournèrent amont devers le conté de Saint Pol en
chevaucant en Artois. Si ardirent une partie dou
10 pays le jone conte de Saint Pol, et furent devant le
ville de Dourlens, et y livrèrent grant assaut, et se
misent li dit Englès en grant painne pour le conquerre
et pour l'avoir, car il le sentoient riche de
l'avoir dou pays qui là estoit retrais et aportés, et si
15 n'estoit pas, ce leur sambloit, tenable à tant de bonnes
gens d'armes qu'il estoient. On voelt bien dire et
maintenir que il l'eussent eu et conquis de force, se
n'eussent esté li gentil homme dou pays, qui là dedens

estoyent retrait et qui avoient oy dire que il
20 aroient l'assaut. Si passèrent li Englès oultre quant il
eurent là fait leur emprise, et chevaucièrent viers la
cité d'Arras, et vinrent li doý duch, as quels tout li
demorant obeïssoient, logier et s'arrestèrent en l'abbeye
25 dou Mont Saint Eloy, à deus liewes petites de le
cité d'Arras. Là se reposèrent il et rafreschirent un
jour et deus nuis, et puis chevaucièrent oultre en
prenant le chemin de le rivière de Somme, et firent
tant que il vinrent à Bray sus Somme. Là s'arrestèrent
il et misent en ordenance pour assallir, et l'approchièrent
30 toutes gens, et y eut moult grant assaut, et
là fu li Chanonnes de Robertsart bons chevaliers, et
[152] fist, en joustant à une porte as gens d'armes qui là
estoyent, pluseurs apertises d'armes. Et eüst esté
pris et retenus uns siens escuiers, qui s'appelloit
Esporon, se il n'eüst esté, car il fu abatus entre piés
5 à l'entrée de le porte, et le tiroient ens li François
qui là estoient. Mais li dis Chanonnes, en joustant
de son glave et montés sus son coursier, recula tous
chiaux qui là estoient et rebouta en le ville, et en
abati ne sçai cinc ou sis.

10 En le ville de Bray sur Somme avoit adont grant
garnison de chevaliers et d'escuiers de là environ, et
tout s'i estoient retrait, car bien sçavoient que c'estoit
li passages des Englès, ne onques ne passèrent en
France, que il ne tenissent che chemin. Toutesfois il
15 ne conquissent riens adont à Bray.

Si prisent leur retour vers Saint Quentin, et entrèrent
en ce biau et ce plain pays de Vermendois. Se
fremissoient toutes gens devant yaus, et rançonnoient
villes et pays à non ardoir et à vivres, et cheminoient
20 si petites journées que trois ou quatre liewes le jour.
De Saint Quentin estoit chapitains messires Guillaumes
des Bordes, et là le trouva li sires de Bousies,
qui s'en aloit à Ribeumont pour aidier à garder la

25 forterèce, car il y avoit part de par sa femme, la
 fille au signeur de Cin: se li pria que il li volsist delivrer
 dis arbalestriers. Messires Guillaumes le fist volentiers.
 Si issirent hors de le ville à le porte [que on
 ouvry et] qui oevre vers Laon, et n'eurent point cheminet
 deus lieues, quant il trouvèrent monsigneur
 30 Jehan de Buel qui s'en aloit à Laon pour estre chapitains
 de le cité; là l'envoioit li dis rois de France. Si
 se fisent grans recognissances chil chevalier, quant il
 [153] se trouvèrent, et parlementèrent sus les camps ensamble,
 et entendî messires Jehans de Buel que li Englès
 devoient passer ce jour dalés Ribeumont; si dist
 que il iroit là avoech le signeur de Bousies. Si
 5 chevaucièrent encores avant. Sicomme il estoient à
 demi lieue petite de Ribeumont, il trouvèrent les
 mainnies et le harnas et charoy de monsigneur Hue
 de Cavrelée. Si ferirent tantost à yaus en escriant
 leurs cris, et les ruèrent jus et en occirent la grignour
 10 partie, et en menèrent le harnas dedens le ville de
 Ribeumont. Là trouvèrent il le signeur de Chin, qui
 tantost estoit venus par une aultre porte, et bien
 soissante lances avoecques lui. Si se fisent grant samblant,
 quant il se trouvèrent. Là estoit messires
 15 Jehans des Fosseus, li sires de Soize, li sires de Clari et
 pluseur chevalier et escuier de celle marce et de sus
 le rivièrre d'Oize, et tout s'estoient trait à Ribeumont,
 car il avoient entendu que li Englès devoient passer
 par là.

20 § 739. Ensi que cil chevalier et escuier de Pikardie
 se tenoient là sus le [païs et le] place et devant leurs
 hosteuls en le ville de Ribeumont, nouvelles leur
 viennent de le gaite dou chastiel, que une route
 d'Englès approçoient, où bien pooient estre environ
 25 cent bachinet, et y avoit quatre pennons. Si tretost
 que chil chevalier et escuier sceurent ce, il montèrent
 as chevaus et prisent leurs targes et leurs lances,

et fisent ouvrir la porte et la barrière, et s'en vinrent
au cours des esporons en une gaskière nouvellement
30 arée dou binoir, où chil Englès estoient arresté. Là
vinrent chil François à chevaucant, le banière le
[154] signeur de Chin tout devant et trois ou quatre pennons
qu'il avoient tous desvolepés, en escriant leurs
cris, et se plantèrent en ces Englès, qui s'ouvrirent
tout, quant li François vinrent, et les laissièrent passer
5 tout oultre, et puis se remisent ensamble de
bonne façon. Si commença la bataille de deus cens
hommes ou environ, forte et dure et bien combatue,
et y eut fait pluseurs grans apertises d'armes
d'un lés et de l'autre. Là estoit li sires de Chin, qui
10 s'appelloit messires Gilles, uns fors et durs chevaliers
et bons homs d'armes, qui mies ne s'espargnoit,
et tenoit une mace à manière d'une plommée, dont
il servoit ces Englès les horions si grans sus leurs bachinès,
que cilz estoit moult fors et moult durs que
15 il ne ruoit par terre. Ossi li plus fors de l'estour estoit
tous sur lui, et y prist et rechut tamaint pesant horion,
et fu abatus ce jour entre piés; mès uns siens filz
bastars li fist un grant service, car il le releva et
mist par deus fois à cheval. Finablement li François
20 obtinrent le place, et furent li Englès qui là estoient
tout mort ou pris; petit s'en sauvèrent. Et rentrèrent
li chevalier et li escuier dedens Ribeumont, et là
amenèrent leurs prisonniers. Ce fu environ heure de
remontière, et tantost à heure de vespres, li doi duch
25 et leur grandes routes furent tout rengiet devant
Ribeumont. Si estoient moult couroucié li Englès de
ce que on avoit combatu leurs compagnons, mors et
pris, et point n'i avoient esté. A l'endemain au matin
il passèrent oultre sans plus riens faire, et prisent le
30 chemin de Laon. Quant cil de Ribeumont veirent
qu'il passoient oultre et que point n'aroient d'assaut,
si vuidièrent par une porte, et chevaucièrent à le
[155] couverte, hors dou chemin des Englès, messires

Jehans de Buel et se route, et messires Gerars de
Lore et li sires de Soize et pluseur compaignon de le
marce qui, au rencontre desous Ribeumont avoient
5 esté, et fisent tant que il vinrent sus le mont de Laon,
où il furent receus à grant joie.

§ 740. Li dus de Lancastre et li dus de Bretagne et
leurs routes s'en vinrent logier à Vaus desous Laon,
et s'i tinrent trois jours et s'i rafreschirent, yaus et
10 leurs chevaux, car il trouvèrent le marche grasse et
plainne de tous vivres, car il estoit en temps de vendenges,
et si rançonnoient le pays et gros villages à
non ardoir, parmi vins et sas de pain et bues et moutons,
que on leur aportoît et amenoit en leur host.
15 A ce que li Englès moustroient, il ne desiroient aultre
cose que il peussent avoir la bataille; mais li rois
de France, qui doubtoit les fortunes, ne s'i voloît
nullement assentir ne acorder que ses gens se combattissent:
se les faisoit il costiier et [le plus qu'on
20 pouoit] heriier de cinc cens ou de sis cens lances,
qui tenoient les Englès si cours et en tel doubte que
il ne s'osoient desfoukier. En le cité et sus le mont
de Laon avoit bien trois cens lances de Bretons et de
François, qui veoient les Englès desous yaus à Vaus;
25 mais onques de soir, de nuit ne de matin, ne les
resvillièrent. Si se deslogièrent li duch et leurs gens,
et prisent le chemin de Soissons, car il s[ie]voient
toutdis les rivières et le plus cras pays. Li sires de
Clichon, li sires de Laval, li viscontes de Rohem, li
30 viscontes de Miaus, messires Raoulz de Couci, messires
Raoulz de Rainneval, messires Jehans de Viane,
[156] messires Jehans de Buel, messires Guillaumes des Bordes,
li sires d'Antoing, li sires de Hangest et bien quatre
cens lances de bonnes gens les poursievoient toutdis
sus costière, ensi qu'il aloient, et chevauçoient, tel
5 fois estoit, sus ele si priès l'un de l'autre que il se
fuissent bien trouvé et rencontré, se il volsissent, et

parloient à le fois l'un à l'autre. Dont il avint que
 messires Henris de Persi, uns des grans barons d'Engleterre,
 chevaçoit les camps avoecques se route,
 10 et messires Guillaumes des Bordes et messires Jehans
 de Buel faisoient une aultre route, et tenoit cascuns
 son chemin sans point issir dou froais. Là dist messires
 Henris de Persi, qui chevaçoit un biau coursier,
 en regardant sus senestre, à monsigneur Aymeri
 15 de Namur, fil au conte: «Il fait biau voler: que ne
 volés vous, quant vous avés eles?»—«Sire de Persi,
 sire de Persi, dist messires Aymeris, qui un petit issi
 de son conroy en fretillant son coursier, vous dittes
 voir; li volz est biaux à vous et, se j'en ere creus,
 20 nous voleriens jusques à là.»—«Par Dieu, Aymeri,
 je t'en croy bien; or esmues tes compagnons au
 voler: si y ara bon gibier.» Ensi en bourdant, chevaça
 li sires de Persi une espasse de temps, costiant
 les François, et li plus prochains de lui à qui il parloit,
 25 c'estoit messires Aymeris, li bastars de Namur,
 un moult friche et gentil chevalier et bon homme
 d'armes. Trop souvent le jour se fuissent trovét
 François et Englès, et rencontré sus les camps, se il
 volsissent, mais et li un et li aultre chevaçoient sagement.
 30 Si fu en ce voiage la terre dou signeur de
 Couci toute deportée, ne on n'i fourfist onques riens,
 car li gentilz sires de Couci estoit hors dou pays et se
 [157] dissimuloit de ceste guerre pour la cause de sa
 femme, ma dame Ysabel, fille au roy d'Engleterre. Si
 estoit escusés de l'une partie et de l'autre.

§ 741. En ce voiage et en le marce de Soissons,
 5 assés priès d'un village que on dist Ouci, mescheï il
 trop grandement à l'un des bons chevaliers de toute
 la route dou duch de Lancastre et qui le plus s'estoit
 trouvés en devant en grosses besongnes d'armes
 et durs rencontres, monsigneur Gautier Huet. Car
 10 une nuit il avoit fait le gait en lor host, siques sus le

jour, ensi qu'il est d'usage, il s'estoit retrais en son
 logeis et se desarmoit pour un petit reposer. Ce propre
 matin, messires Jehans de Viane, messires Jehans
 de Buel, li viscontes de Miaus et bien sis vint lances
 15 de François vinrent escarmucier l'ost à l'un des lés
 où li gais avoit esté, ensi comme en rifflant oultre
 sans arrester. Messires Gautier Hues oy ces nouvelles,
 ensi que on li ostoit ses cauces d'achier, et
 estoit ja demi desarmés. Il eut si grant quoite, et si
 20 fretilleusement monta à cheval, qu'il n'estoit vestis
 que de une sengle cote de fier, et n'eut mies loisir
 de prendre ses plates; mès, la targe au col et la
 lance ou poing, s'en vint en cel estat à l'escarmuce.
 Evous un chevalier de France qui s'appelloit messires
 25 Jehans del Mans, hardi et vaillant chevalier,
 durement armés de toutes pièces, bien fort monté,
 le targe au col et la lance ou poing, qui avise monsieur
 Gautier Huet, et broche cheval des esporons,
 et s'en vient sur lui et le fiert de son glave si roidement
 30 que les armeures que il avoit, ce n'estoient
 mies gramment, ne li vallirent onques riens, mais li
 [158] fist passer son glave tout oultre le corps et l'abati là à
 terre navré à mort. Quant ses gens veirent ce, si
 furent trop desconfi, et, à ce que je oy dire, son pennon
 le sievoit tout envolepé, mais onques ne fu desvolepés.
 5 Là eurent li François celle matinée pour
 yaus et des bons prisonniers, et s'en partirent sans
 damage. Trop furent li doi duch, [li baron et li chevalier
 d'Engleterre] couroucié de la mort à monsieur
 Gautier Huet; mais amender ne le peurent
 10 tant que à ceste fois. Si chevaucièrent de puis
 mieulz ensamble et plus sagement, en cheminant
 vers la cité de Rains et sus la rivière de Marne.

§ 742. Nous retournerons à parler dou duch d'Ango
 et dou connestable de France, qui se tenoient en ce
 15 temps devant Derval en Bretagne, et de monsieur

Robert Canolles, et vous compterons comment ne par
quele cause cilz sièges se desfist. Li dus d'Ango, li
dus de Bourbon, li connestables de France et tout li
signeur qui là estoient, tenoient le chastiel de Derval
20 à avoir acquis pour yaus par deus raisons. La première
estoit que messires Hues Broe et ses frères
avoient juret et seelet et prommis, et de ce livret
ostages, chevaliers et escuiers, que il ne devoient ne
pooient nullui recueillir en leur forterèce, qui ne
25 fust ossi fors comme il estoi[en]t. La seconde raison
estoit que dedens quarante jours il devoient rendre
le chastiel de Derval as signeurs de France, se li Englès
ne venoient là en le place si fors que pour yaus
combatre et lever le siège, des queles choses il estoient
30 tout en deffaute. Messires Robers Canolles s'escusoit
et mettoit toutdis avant que ses gens ne pooient faire
[159] nulz trettiés sans son accord, et que tout li trettiet
qu'il avoient fait, estoient de nulle vaille; ne de lui
on ne pooit estraire aultre response. Et mandoit bien
[au duch d'Ango et] au connestable que il n'avoient
5 que faire de là sejourner pour son chastiel, car ja,
tant qu'il viveroit, n'en seroi[en]t en saisine. Li dus
d'Ango de ces responces estoit tous merancolieus. Si
s'avisa une fois que il asseeroit monsigneur Robert
par une aultre voie, et li manda bien acertes que, se
10 il ne li rendoit le chastiel, ensi que drois et raisons
le voloient, il fust tous seurs qu'il feroit mourir ses
ostages. Messires Robers li remanda, ensi que bien
estoit en se poissance, de faire ensi tout ce qu'il
disoit, mais il fust segurs que, se il les faisoit morir,
15 il avoit laiens en son chastiel des bons chevaliers
françois prisonniers, des quelz il pooit avoir grans
raençons, mais il les feroit morir ossi.

Ceste response prist li dus d'Ango en si grant despit
que, sans point d'attente, il manda les ostages
20 qui issu de Derval estoient, deus chevaliers et deus
escuiers, bien gentilz hommes, et les fist mener dou

plus priès dou chastiel qu'il peut, et là furent decolé;
ne pour prière ne pour parolle que aucun baron
de l'host peussent ne sceussent faire, il n'en furent
25 point deporté. Quant messires Robers Canolles, qui
estoit amont as fenestres de son chastiel, vei ce, si fu
ensi que tous foursenés, et fist incontinent une longe
table lancier hors des fenestres, et là amener trois
chevaliers et un escuier, que il tenoit prisonniers,
30 dont il avoit refusé dis mil frans: si les fist monter
sus celle table l'un apriès l'autre, et par un ribaut
coper les tiestes et reverser ens es fossés les corps
[160] d'un lés et les tiestes d'autre. De quoi vraiment,
tout considéré, ce fu grans pités que, pour l'oppinion
d'yaus deus, huit gentil homme furent ensi mort. Et
depuis en furent moult courechiet et li une partie et
5 li aultre.

§ 743. Assés tost apriès celle herredie et ce cruel
fait acompli, de quoi toutes manières de bonnes gens,
qui parler en oïrent, eurent pitié et compassion, li
signeur se partirent, et se desfist li sièges de devant
10 Derval, et se traient devers France toutes manières
de gens d'armes avoecques le duch d'Ango et le connestable,
car il avoient entendu que li dus de Lancastre
et li dus Jehans de Bretagne y chevaudoient
efforciement et estoient ja sus le rivière de Marne.
15 Si exploitièrent tant les chapitaines que il vinrent
à Paris devers le roy, qui les rechut à grant
joie; et fu par especial durement resjoïs de la venue
dou connestable, car il avoit en lui très grant
fiance.

20 En ce temps estoit retournés à Paris li sires de Cliçon,
car li rois l'avoit mandé pour avoir colation devant
lui, present ses frères, qui tout troi estoient venu
à Paris et le connestable, sus l'estat des Englès, et se
on les combateroit ou non; car pluseur baron et

25 chevalier dou royaume de France et consaulz des
bonnes villes murmuroient l'un à l'autre et disoient en
puble que c'estoit grans inconveniens et grans vitupères
pour les nobles dou royaume de France, où tant
[a de] baron, chevalier et escuier dont la poissance
30 est si renommée, quant il laissoient ensi passer les
Englès à leur [aise], et point n'estoient combatu, et
[161] que de ce blasme il estoient vituperé par tout le
monde.

§ 744. Quant tout chil signeur li plus especial
dou conseil le roy furent assamblé, il se misent en
5 une cambre, et là ouvri li rois sa parolle sus l'estat
dessus dit, et pria moult douchement que il en fust
loyaument consilliés, et volt oïr de cascun l'entente
au tour et quele raison il y mettoit dou combatre
ou non combatre. Premièrement li connestables en
10 fu requis dou dire et demandés que il en vosist dire
à son avis le milleur qui en estoit à faire, pour tant
que il avoit estet le plus en grosses besongnes et
petites arrestées contre les Englès. Moult longement
s'escusa et n'en voloit respondre, si aroient si signeur
15 qui là estoient, parlé: li dus d'Ango, li dus de
Berri, li dus de Bourgongne et li contes d'Alençon.
Non obstant ses escusances, il fu tant pressés que il
le couvint parler. Si parla par l'amendement d'yaus
tous, ensi que bien sceut dire ou commencement de
20 son langage, et dist au roy: «Sire, tout chil qui
parollent des Englès combatre, ne regardent mies le
peril où il en poeent venir, non que je die nullement
que il ne soient combatu, mais je voeil que
ce soit à nostre avantage, ensi que bien le scevent
25 prendre, quant il leur touche; et l'ont pluseurs fois
eu à Creci, à Poitiers, en Gascongne, en Bretagne,
en Bourgongne, en France, en Pikardie et en Normendie,
les queles victores ont trop grandement
adamagié vostre royaume et les nobles qui y sont;

30 et les ont tant enorgueillis que il ne prisent ne
 amirent nulle nation fors la leur, par les grans raençons
 [162] que il en ont pris et eus, de quoi il sont enrichi
 et enhardi. Et veci mon compaignon le seigneur de
 Cliçon, qui plus naturellement en poroit parler que je
 ne face, car il a esté avoech yaus nourris d'enfance:
 5 si cognoist trop mieulz les conditions et leurs
 manières que nulz de nous. Si li pri, et ce soit vostre
 plaisir, chiers sires, que il me voeille aidier à parfurnir
 ma parole.» Adont regarda li rois de France
 sus le seigneur de Cliçon, et li pria droitement en
 10 en grant amour, pour mieulz complaire à monsigneur
 Bertran, que il en vosist dire sen entente. Li
 sires de Cliçon ne fu mies esbahis de parler, et
 dist que il le feroit volentiers, et porta grant couleur
 au connestable, en disant que il consilloit bien le
 15 roy et moult loyaument, et tantost i mist raison
 pour quoi: «A Dieu le veu, mi seigneur, Englès sont
 si grant d'eulz meismes et ont eu tant de belles journées,
 que il leur est avis que il ne poeent perdre;
 et en bataille ce sont les plus confortées gens dou
 20 monde; car, com plus voient grant effusion de
 sanch, soit des leurs ou de leurs ennemis, tant sont
 il plus chaut et plus arresté de combatre, et dient
 que ja ceste fortune ne morra tant que leurs rois
 vive, sique, tout consideré, de mon petit advis, je ne
 25 conseille pas que on les combate, se il ne sont pris
 à meschief, ensi que on doit prendre son ennemi.
 Je regarde que les besongnes dou royaume de France
 sont maintenant en grant estat, et que ce que li Englès
 y ont tenu par soutieusement guerrier, il l'ont
 30 perdu. Dont, chiers sires, se vous avés eu boin conseil
 et creu, si le creés encores.»—«Par ma foy,
 dist li rois, sires de Cliçon, je n'en pense ja à issir,
 [163] ne à mettre ma chevalerie et mon royaume en peril
 d'estre perdu pour un pan de plat pays, et de chi
 en avant je vous recarge avoech mon connestable

tout le fais de mon royaume, car vostre opinion me
 5 samble bonne. Et vous, qu'en dittes, mon frere
 d'Ango?»—«Par ma foy, respondi li dus d'Ango,
 qui vous consilleroit autrement, il ne le feroit pas
 loyaument. Nous guerrierons tous jours les Englès,
 ensi que nous avons commenchié; quant il nous
 10 cuideront trouver en l'une partie dou royaume, nous
 serons à l'autre, et leur torrons tous jours à nostre
 avantage ce petit que il y tiennent. Je pense si bien
 à exploitier parmi l'ayde de ces deus compagnons
 que je voi là, que ens es marches d'Aquitaines et
 15 de le Haute Gascogne dedens brief terme on pora
 bien compter ce qu'il y tenront, à peu de cose.»
 De ces parolles fu li rois tous resjoïs, et demorèrent
 sus cel estat à non combatre les Englès, fors par
 le manière que il y ont devisé.

20 Apriès ce conseil, se departirent dou roy et de
 Paris li connestables, messires Oliviers et bien cinc
 cens lances, et chevaucièrent vers Troies, car li Englès
 aloient che chemin, et avoient passé et rapassé
 à leur aise la rivière de Marne; et quant il trouvoient
 25 un pont desfait sur quelque rivière que fust,
 il avoient avoecques yaus ouvriers et carpentiers,
 qui tantost en avoient un ouvré et carpenté, mès
 que il euissent le bois, et oïl on lor amenoit devant
 yaus, car il avoient gens de tous offices amenés
 30 avoech yaus d'Engleterre. Si furent li doi duch et
 leurs routes devant le ville de Vertus et devant Espernay,
 et rançonnèrent à vivres tout che pays de là
 [164] environ, et trouvèrent grant pillage et grant pourfit
 sus celle bielle rivière de Marne, dont il estoient tout
 signeur et mestre, car nulz ne leur aloit au devant.
 Si montèrent tout contremont vers Chaalons en Campagne,
 5 mais point ne l'approcièrent de trop priès,
 et prisent le chemin de Troies. En le cité de Troies
 estoient ja venu li dus de Bourgongne, li dus de
 Bourbon, li connestables, li sires de Cliçon et leurs

routes, où bien avoient douse cens lances. Si se tenoient
10 là en garnison, en attendant les Englès, qui
ardoient et destruisoient tout le pays d'environ.

§ 745. En ce temps se fist la delivrance dou conte
[Jehan] de Pennebruch, qui estoit ens es dangiers et
en le prison dou roy Henri de Castille, li quels fu pris
15 sus mer devant le Rocelle, ensi que vous avés oy
recorder, et la quele delivrance se fist par le moien
tel que je vous dirai. Messires Bertrans de Claiekin,
connestables de France, tenoit une terre en Chastille
dou don le roy Henri, en recompensant les biaux
20 services qu'il li avoit fais, la quele terre est appelée
Surie et valoit par an au dit connestable bien dis
mil frans, siques il fu trettiet que messires Bertrans
rendi au roy Henri la ditte terre de Surie pour le
corps dou conte de Pennebruch; et li contes se
25 rançonna envers le connestable à sis vint mil frans
et paiier tout à une fois; et en finèrent li Lombart
de Bruges. Or furent chil trettié et chil marchié
trop sagement fait et demené des gens le dit conte,
ensi qu'il apparu: vous orés comment. Il ne devoient
30 riens paiier, si aroient les gens le connestable remis
le corps dou conte sain et sauf, sans nul peril, en le
[165] ville de Calais. Si se departi li dis contes sus cel
estat d'Espagne, et passa parmi Navare et entra ou
royaume de France, et chevauça avoech ses gens
tout parmi, sus le conduit dou connestable. Si avint
5 que, en chevauçant et cheminant, une très grant
maladie le prist, mès toutdis aloit avant, et le couvenoit
porter en litière. Tant ala, et [si] la maladie
le demena que il le couvint arester et alitter en le
cité d'Arras, et là morut. Ensi perdi messires Bertrans
10 son prisonnier et sa raençon, et li hoir dou
conte et si plège en furent quitte.

En ce temps se refist uns aultres trettiés et pareçons

de terre et d'un prisonnier, ce gentil chevalier,
monsigneur Guichart d'Angle, entre le roy Henri
15 dessus nommé et monsigneur Olivier de Mauni,
neveu dou connestable de France. Li rois d'Espagne
avoit donné au dit monsigneur Olivier une terre en
Castille, que on appelloit Grette, qui bien valoit
quatre mil frans par an. Cilz messires Oliviers estoit
20 à marier; si avisa en France un moult hault et biel
mariage pour lui, en Pikardie, de la fille au signeur
de Roie, de qui li pères estoit prisonniers et en grans
dangiers en Engleterre devers le roy. Messires Oliviers
fist trettier devers le linage dou signeur de Roie
25 comment il poroit avoir sa fille. On li respondi que,
se il pooit tant faire par moiens, que il delivrast le
signeur de Roie, il aroit la fille qui estoit taillie de
tenir trois mil frans par an de revenue, car li pères
estoit mais uns vieus chevaliers. Adont messires
30 Oliviers de Mauni exploita sus cel estat et mist gens
en oevre, et fu demandé au roy d'Engleterre le quel
des prisonniers qui estoient en Espagne il avoit plus
[166] chier à donner et veoir sa delivrance, pour le baron
de Roie, ou monsigneur Guichart d'Angle, ou monsigneur
Othe de Grantson. Li rois d'Engleterre respondi
que il s'enclinoit plus à monsigneur Guichart
5 d'Angle que à monsigneur Othe. Quant on sceut sen
intention, messires Oliviers de Mauni fist trettier
devers le roy Henri, et rendi celle terre de Grette que
il tenoit, pour monsigneur Guichart et Guillaume,
son neveu. Et tantost se fist li escanges dou baron
de Roie pour ces deus. Si revint li sires de Roie en
10 France, et messires Oliviers de Mauni espousa sa
fille, et puis tint toute la terre le signeur de Roie, car
il ne vesqui mies puis longement. Et messires Guichars
et ses neveux furent delivré, et ralèrent en Engleterre,
où il furent liement receu; et retint li rois de
15 son conseil et dalés lui monsigneur Guichart, li quelz
renonça à tout ce que il tenoit en Poito, et remanda

sa femme et ses enfans et les fist passer mer et venir
en Engleterre. Avoech la renontiation il remercia
grandement le duch de Berri de ce que il avoit tenu
20 sa femme et sa terre en pais, le temps qu'il avoit esté
prisonniers en Castille.

§ 746. En ce temps s'avisa li papes Grigores XI^{ez}
qui se tenoit en Avignon, par le promotion d'aucuns
25 cardinaulz, que il envoieroit deus prelas, souffisans
hommes et bons clers, en legation en France pour
trettier pais, acord ou respit entre les parties de
France et d'Engleterre. Si furent esleu et ordonné li
archevesques de Ravane et li evesques de Carpentras
30 de faire ce voiage, li quel tantost se departirent d'Avignon
en grant arroi, et chevaucièrent par mi France,
[167] et exploitièrent tant qu'il vinrent à Paris où benignement
il furent recheu dou roy de France et dou
duch d'Ango. Si leur remoustrèrent sus quel estat il
estoint parti d'Avignon, et là envoiet dou pape et
5 dou Saint Collège. Li rois et li dus d'Ango entendirent
à leurs parolles volentiers et consentirent
assés que il chevauçassent vers les Englès, le duch
de Lancastre et le duch de Bretagne, par quoi il
sceuissent de leur entente aucune cose; et leur fu dit
10 encore que à Troies en Champaigne, il trouveroient
le connestable et le seigneur de Cliçon, qui estoient
recargié dou fait des guerre[s], et as quelz il en apertenoit
à parler.

Adont cil doi legal de rechief montèrent à cheval,
15 [et toutes leurs routes], et chevaucièrent viers Troies.
Si exploitièrent tant qu'il y parvinrent, et là trouvèrent
le duch de Bourgogne, le duch de Bourbon, le
connestable et fuison de grans seigneurs, des quelz il
furent li bien venu, et remoustrèrent as deus, au
20 connestable et au seigneur de Cliçon, pour quoi il estoient
là venu et qui les y avoit envoiés. Chi[l] doi

signeur respondirent que dou tout à yaus n'en apertenoit
mies, et que otant en touchoit il as Englès de
leur partie, comme il faisoit à yaus, mais volentiers,
25 puis que il plaisoit au roy de France et que nos
Sains Pères le mandoit, il y entenderoient. Ensi se
tinrent li doi legal en le cité de Troies trois jours,
tant que li dus de Lancastre et li dus de Bretagne et
li Englès furent venu devant Troies, et là se logièrent
30 sus celle rivière de Sainne bien et faiticement. Et
vinrent li doi marescal escarmucier as barrières as
gens d'armes qui là estoient, et courir devant les
[168] portes; et à le porte de Bourgongne revint li connestables,
li sires Despensiers, faire ossi sen envaye, et
descendi à piet devant les barrières, et vint main à
main combatre as chevaliers qui là estoient; et y fu
5 li sires Despensiers très bons chevaliers, et y fist
pluiseurs apertises d'armes. Entrues que li doych
estoit là arresté et qu'il laissoient leurs gens couvenir
d'escarmucier et de courir le pays d'environ
Troies, issirent li doi legal, et vinrent en leurs tentes
10 remoustrer as dus, le duch de Lancastre et le duc de
Bretagne, pour quoi il estoient là venu et qui les y
avoit envoiés. Et commenchièrent si courtoisement
à entamer leurs trettiés, que li langages en plaisoit
grandement as dessus dis, comment qu'il n'en peuissent
15 riens faire et que à yaus riens n'en apertenoit,
et je vous dirai la raison pour quoi.

§ 747. Li rois d'Engleterre et ses consaulz ont
toutdis eu cel usage, et encor le tiennent que, quant
il ont envoiét et mis hors gens d'armes de leur pays
20 pour entrer en France principaument, on les rechargoit
as chapitaines, fuissent enfant dou roy, cousin
ou baron d'Engleterre ou d'aulture pays, puis que
ensonniier les voloient d'un si grant fais que livrer
gens d'armes et archiers pour faire leur voiage, et ches
25 chapitaines, quelz qu'il fuissent, il traioient à part à

conseil, et leur faisoient solennellement jurer trois choses,
 et font encores, les quelz sieremens, sus estre deshonnouré,
 il n'oseroient enfreindre. [Le premier], c'est
 que le voiage qui leur est cargiés, il le trairont à
 30 chief à leur loyal pooir; secondement que cose qu'il
 aient à faire ne secré que on leur ait dit, il ne
 [169] reveleront à homme dou monde fors à yaus meismes;
 tiercement, que il se maintenront si bellement et si
 quoiement, qu'il ne feront rumeur nulle, entre
 yaus quelconques, siques, à ce pourpos li doy duch
 5 dessus nommé, qui chapitaine et gouvreneur estoient
 de toutes ces gens d'armes, et qui, au partir
 d'Engleterre, avoient juret ensi que li aultre font et
 ont fait dou temps passet, et qui sçavoient bien où
 il estoient cargiet d'aler, ne pooient respondre à ces
 10 trettiés que chil doy legal proposoient, li archevesques
 de Ravane et li evesques de Carpentras, fors
 couvertement, ne point en leur poissance n'estoit,
 jusques à tant qu'il euissent trait à chief leur emprise,
 de donner ne de accepter triewes ne respit, ne
 15 d'entendre à nulle pais quelconques. Ossi il n'en estoient
 mies en volenté, mais se dissimuloient envers
 les legaus moult sagement, et toutdis aloient avant
 sus le royaume, et ardoient villes, maisons et petis
 fors, et pilloient et rançonnoient gens, abbeyes et
 20 pays; ne onques, pour trettiet qui proposet y fuissent,
 leur voiage faisant, il ne s'en desrieulèrent de
 riens, mais chevauchièrent toutdis en bonne ordenance
 et en bon arroi par mi le royaume de France.
 Ossi il estoient sagement poursivi dou connestable
 25 de France, dou signeur de Cliçon, dou visconte de
 Rohem, dou visconte de Miaus et de plus de mil
 lances, chevaliers et escuiers, tous à election, des
 milleurs dou royaume de France et les plus soubtilz
 de guerre, qui les tenoient si cours qu'il ne s'osoient
 30 desfouchier; car, se li baron de France et de Bretagne
 y euissent point veu de leur avantage au combattre

ou par trop esparsément logier ou chevaucier,
[170] il ne les eussent ja en riens espargniés pour cose
que li legal fuissent là, qui toutdis aloient de l'un à
l'autre, pour veoir se il trouveroient nul moïien; mès
nennil, car onques gens n'alèrent mieulz ensamble
5 qu'il fissent, ne par plus sage ordenance.

§ 748. Ensi chevaucièrent li dus de Lancastre et li
dus de Bretagne parmi le royaume de France et menèrent
leurs gens, ne onques ne trouvèrent à qui
parler par manière de bataille; si ne demandoient il
10 aultre cose; et envoioient souvent leurs hiraus devers
les signeurs qui les poursievoient, en requerant
bataille et en donnant et faisant pluseurs pareçons,
mès onques li François n'en veurent riens accepter,
ne election ne pareçon, que li Englès leur
15 feissent, ne peut venir à effect. Mais il les costioient
une heure à diestre, l'autre à seniestre, ensi que les
rivières s'adonnoient; et se logoient priès que tous
les soirs ens es fors et en es bonnes villes, où il se
tenoient tout aise, et li Englès as camps, qui eurent
20 pluseurs disettes de vivres et en l'ivier des grans
froidures; car en Limozin, en Roerge et en Aginois
il trouvèrent moult povre pays, et n'i avoit si grant
ne si joli de leur route qui dedens cinc jours ou sis
mengassent point de pain. Bien souvent ce leur avint
25 de puis qu'il furent entré en Auvergne; car il estoient
poursievi, sus le fin de leur chevaucie, de plus de
trois mil lances; si n'osoient aler fourer, fors tout
ensamble. Toutes fois en che meschief, il passèrent
toutes les rivières qui sont courans oultre le Sainne
30 jusques à Bourdiaus, le Loire, Aillier, le Dourdonne
et Garone et pluseurs aultres grosses rivières qui
[171] descendent des montagnes en Auvergne. Mais de
leur charoi, qui en voelt oïr nouvelles, je le vous
dirai: il n'en peurent pas la tierche part remettre en
le cité de Bourdiaus, tant par les chevaus qui leur

5 faillirent, que pour les destrois des montagnes où il
ne pooient passer. Et si leur morurent pluseur chevalier
et escuier des froidures et des povretés qu'il prissent
en l'ivier sus le chemin, car il fu li Noëlz passés
ançois que il rentrassent en le cité de Bourdiaus, et
10 en y eut encores des bons chevaliers, qui y conchurent
des maladies, de quoi il morurent de puis, et
par especial li connestables de lor ost, li sires Despensiers,
qui fu moult plains et moult regretés de
tous ses amis, car che fu uns gentilz coers et vaillans
15 chevaliers, larges et courtois: Diex li face bonne
merchi!

CHAPITRE CI

§ 749. Ensi fu traitte ceste grant chevaucie à chief,
et rentra ossi en le cité de Thoulouse auques en ce
temps li dus d'Ango et li connestables de France avoecques
20 lui. Dont se departirent toutes gens d'armes,
mais li dus d'Ango à leur departement disoit à chiés
des signeurs, que tantost à le Paske il retournaissent
devers lui, car il voloit faire se chevaucie moult grande
et moult estoffée, ossi bien que li dus de Lancastre avoit
25 fait la sienne en le Haute Gascongne, et tout li avoient
en couvent que il feroient ce qu'il li plairoit. Si se tinrent
li doi legal dalés lui et dalés le connestable, qui
souvent aloient de l'un à l'autre en istance de ce que
volentiers il euissent amenet ces parties à ce que
30 acors [ou respis] se fust pris entre les François et les
Englès, et n'avoient point trövet, en devant ce que
[172] il fust venus à Bourdiaus, le duch de Lancastre en si
bon parti pour y entendre, qu'il le trouvèrent. Mais
de premiers, quant li legal vinrent devers lui à Bourdiaus,
il s'escusa moult bellement que il n'i pooit
5 encores entendre, ne donner response où on se peuist
en riens confier, jusques à tant que il aroit tout l'estat

segnefiïet à son signeur de père. Si ne furent mies
ces choses si tost faites; mais tout l'ivier et le quaresme
et jusques au may, li dus d'Ango fist faire ses pourveances
10 grandes et grosses, et dist que il voloït aler
en le Haute Gascongne veoir aucuns rebelles à lui qui
estoient des arrierefiés de Gascongne et qui ne voloient
obeïr au roy de France; ossi n'avoient il fait
au prince de Galles. Et fu li princes, dou temps qu'il
15 se tenoit en Acquitainnes, trop de fois temptés pour
faire à ces signeurs de le Haute Gascongne guerre,
et l'eüst fait, la saison que il ala en Espagne, se li
voïages ne li eüst brisiet; et de puis de plus en plus
il eut tant à faire que il n'i peut entendre. Et voloït
20 li contes de Fois ses gens porter et tenir frans, et
disoit que li drois en apertenoit à lui, non au roy de
France ne au roy d'Engleterre.

§ 750. Tantost apriès Paskes revinrent devers le
duch d'Ango toutes manières de gens d'armes de
25 France, de Bourgongne, de Bretagne, d'Ango, de
Poito et du Mainne, et estoit li mandemens dou duch
assignés en le ville et en le cité de Pieregorch. Si vinrent
là tout cil qui mandé et escript en furent, et
par especial il y eut bien mil lances de purs Bretons.
30 Quant il furent tout assamblé, il se trouvèrent dis
mil hommes d'armes et trente mil de piet sans les
[173] Genevois arbalestriers, où il avoit bien mil et cinc
cens. Là estoient avoech le duch li connestables de
France, li sires de Cliçon, li viscontes de Rohem, li
sires de Laval, li sires de Biaumanoir, messires Jehans
5 d'Ermignac, li contes de Pieregorch, li contes de
Commignes, li sires de Labreth, li viscontes de Quarmaing,
li contes de Laille, li dauffins d'Auvergne, li
sires de la Barde, messires Bertrans de Taride et tant
de grans signeurs que jamais ne les aroie tous nommés.
10 Et quant il se departirent de Pieregorch, il chevaucièrent
en grant arroi et poissant, et trambloient

toutes gens devant yaus, et disoit on communement
par toute Gascongne, que li dus d'Ango aloit mettre
le siège devant Baione. Si vinrent tout premierement
15 devant une ville que on clame Saint Silvier: si
en est uns abbes sires. Si s'arrestèrent par devant li
dus d'Ango et toutes ses gens, et firent grant samblant
de l'assallir et de drechier engiens, car il en menoient
fuisson avoecques yaus. Li abbes de Saint Silvier, qui
20 estoit uns moult sages homs, s'umelia grandement
devers le duch d'Ango et le connestable, et remoustra
moult sagement que c'estoit uns homs d'eglise qui
n'estoit mies tailliés ne en volenté de gherriier, et
que il n'estoient pas singulierement là venu pour
25 lui, mès pour aultres signeurs qui estoient plus grant
de lui. Si leur prioit que il volsissent chevaucier oultre
et laisser sa terre en composition, et que il feroit
volentiers tout ensi que li aultre. Li dus d'Ango et li
connestables et leurs consaulz regardèrent qu'il disoit
30 assés: si le firent obligier selonch sa parolle et livrer
bons ostages que on envoia à Pieregorch, et jurer que,
se li aultre se mettoient en l'obeïssance dou roy de
[174] France, ilz s'i metteroient aussi. Par ensi demora il en
souffrance, et toute sa terre.

Puis chevaucièrent ces gens d'armes noblement et
richement montés et en grant arroi, et exploitièrent
5 tant que il vinrent devant une cité qui s'appelle
Lourde, de la quele uns chevaliers estoit chapitains
de par le conte de Fois, qui s'appelloit messires Pières
Ernaulz de Berne. Là s'arrestèrent toutes ces gens
d'armes et l'assegèrent fortement et estroitement,
10 et y furent plus de quinze jours, et firent drecier leurs
engiens par devant, qui onniement jettoient et qui
chiaux dedens moult travilloient. Trop volentiers se
fuissent rendu les gens de Lourde, mais li chevaliers
ne le voloient consentir, et disoit qu'il estoient fort
15 assés pour yaus tenir, mais finalement non furent,
car la cité fu assallie si très fort et par si grant

ordenance que elle fu prise et conquise, et entrèrent ens
toutes gens d'armes et aultres. Si fu li dis chevaliers
mors, car onques ne se volt rendre, et trop vaillamment
20 se deffendi. Si fu la cités de Lourde toute
courue et pillie, et y eut mors grant fuison des bonhommes
et pris à raençon.

§ 751. Apriès le conquès et destruction de la cité
de Lourde, chevaucièrent ces gens d'armes et leurs
25 routes oultre, et entrèrent en la terre le visconte de
Chastielbon; si fu toute courue, arse et destruite, car
li François estoient moult grant fuison; et puis entrèrent
en la terre dou signeur de Chastiel Nuef: si
fu toute courue ossi sans point espargnier. Puis
30 chevaucièrent amont vers Berne, et entrèrent en le
terre le signeur de l'Escut, et vinrent devant une
[175] ville et un fort chastiel que on dist Saut, dont messires
Guillonès de Paus, de le conté de Fois, estoit
chapitains, apert homme d'armes durement. Si s'arrestèrent
là li François, et y misent le siège, et y furent
5 moult longement, et pluseurs grans assaus y
fisent et livrèrent.

Li contes de Fois, qui estoit en son pays, regarda
que cilz pays de ses arrierefiés se perdoit, et bien
savoit que il en devoit hommage au roy de France
10 ou au roy d'Engleterre, mais il n'estoit mies encores
discerné au quel des deus ce devoit estre. Si eut avis
et conseil de trettier devers le duch d'Ango et son
conseil, et prier que il vosist mettre ces coses en
souffrance et ces terres en composition, parmi tant que
15 cilz qui seroit li plus fors dedens le moiene d'aoust
devant Montsach en Gascogne, ou li rois de France
ou li rois d'Engleterre ou personnes de par yaus, à
celui il recongnisteroit hommage et obeïssance, et
feroit recognoistre tous chiaus de ces terres en debat,
20 et pour ce intimer et acomplir en cause de plus

grant seurté, il livreroit bons plèges, sis chevaliers
et sis escuiers. Li dus d'Ango fu adont si consilliés
que il entendî à ces trettiés et les accepta, et retourna
arrière à Pieregorch, mais il ne donna à nulz de ses
25 gens d'armes congiet, ançois les tenoit sus le pays,
pour tant que il voloît estre fors à le journée qui assignée
estoit devant Montsach. A ces trettiés faire dou
costé le conte de Fois rendirent grant painne li abbes
de Saint Silvier et li sires de Marsen. Tout ce sceurent
30 bien li dus de Lancastre et li dus de Bretagne,
qui se tenoient à Bourdiaus, et ja estoient retourné
une partie de leurs gens en Engleterre.

[176] Li archevesques de Ravane et li evesques de Carpentras,
qui legal estoient, travilloient fort que uns
respis fust pris et acordés entre le duch d'Ango et le
duch de Lancastre, et exploitièrent tant que li dus de
5 Lancastre envoia quatre de ses chevaliers à Pieregorch,
pour parler au duc d'Ango et au connestable et à leur
conseil. Chil chevalier furent li sires d'Aubeterre, li
Chanonnes de Robertsart, messires Guillaumes Helmen
et messires Thumas Douville. Si furent chil quatre
10 chevalier recheu, avoech les trettieus dou duch
d'Ango, moult douchement, et rendoit li connestables
de France [grant painne] à che que unes triewes fuissent
prises entre ces parties. Tant fu parlementé,
pourtrettié et alé de l'un à l'autre, que unes triewes
15 furent prises à durer jusques au daarrain jour d'aoust,
et cuidièrent adont li Englès, dont il furent decheu,
que la journée de Montsach deuist estre enclose en
le triewe.

§ 752. Quant ceste triewe fu acordée par l'ayde et
20 pourcach des legaus dessus nommés, li dus de Lancastre
et li dus de Bretagne s'ordonnèrent à partir et
retourner en Engleterre, car il avoient ja esté priès
d'un an hors, et ossi toutes leurs gens le desiroient.

Et se tiroit li dus de Bretagne que il peuist avoir une
25 armée à par lui pour ariver en Bretagne et conforter
aucunes forterèces qui se tenoient en son non, et
lever le siège de Becheriel; car moult desiroit à oïr
nouvelles de sa femme, que il avoit laissiet ou chastiel
d'Auroy en le garde de monsieur Jehan Augustin,
30 siques ces choses aidièrent moult à ce que li dus
de Lancastre se parti. Si institua et ordonna, à son
[177] departement, à estre grans seneschaus de Bourdiaus
et de Bourdelois, monsieur Thumas de Felleton,
et pria et requist as barons [de] Gascongne, qui pour
li se tenoient, que il vosissent obeïr à lui comme à
5 son lieutenant, et telement et si diligamment consillier
que il n'i eussent point de blasme, ne ils point de
damage. Il li eurent tout en couvent de bonne volenté,
et sus cel estat se departi, et toute sa route,
et s'en retournèrent en Engleterre. De ce departement
10 ne furent mies courouchié li dus d'Ango, li
connestables ne li signeur de France, qui à Pieregorch
se tenoient; car leur intention de le journée de
Montsach en fu grandement embellie.

Or parl[er]ons un petit dou siège de Becheriel, qui
15 s'estoit tenus un an et plus, sans chiaus de le garnison
estre noient rafreschi ne aidié; car il estoient si
priès gardé de tous costés que riens ne lor pooit venir,
et se ne lor apparoit confors de nulle partie. Quant
il veirent que leurs pourveances commençoient ja à
20 afoiblir et que longement ne pooient demorer en cel
estat, il s'avisèrent qu'il tretteroient un respit devers
ces signeurs de France et de Normendie, qui là tenoient
le siège, que, se il n'estoient conforté de gens
fors assés pour combatre les François dedens le jour
25 de le Toussains, il renderoient le forterèce. Si envoièrent
un hiraut promouvoir ce trettié. Li mareschaus
de Blainville et li signeur qui là estoient, respondirent
à ce commencement que nuls [traictiés]
n'apertenoit à yaus à donner ne à oïr, sans le sceu

30 dou roy de France, mais volentiers il envoieroient
devers lui et li segnefieroient tout cel estat. Li hiraus
raporta ceste response as chapitaines de Becheriel,
[178] monsieur Jehan Appert et monsieur Jehan de
Cornuaille: si leur plaisi bien ceste response et ossi
que il envoiassent hasteement devers le roy de France.
Finablement il y envoièrent, et rescrisi li rois à ses
5 mareschaus, monsieur Loeis de Sausoirre et monsieur
de Blainville, et les barons qui là estoient,
que de toutes compositions il en fesissent à leur
ordenance, et qu'il les tenoit et tenroit à bonnes.
Dont fu perseverés li trettiés devant pourparlés et
10 acordés, et donnés respis à chiaus dedens, et chil
dedens à chiaus dehors, à durer jusques à le Toussains.
Et, se là en dedens li un[s] des filz le roy d'Engleterre
ou li dus de Bretagne ne venoient si fort que
pour lever le siège, il devoient rendre le chastiel de
15 Becheriel as François, et de che livroient il bons
ostages, chevaliers et escuiers, tant que li signeur de
France et de Normendie, qui là se tenoient, s'en
contentèrent bien. Ensi demora li chastiaus de Becheriel
en composition, et segnefièrent tout leur
20 estat li doi chevalier qui dedens estoient, au plus
tost qu'il peurent, au roy d'Engleterre et au duch de
Bretagne, et ossi as contes et as barons d'Engleterre.
Si sambla as Englès que il avoient journée [encores]
assés: si le misent en noncaloir, excepté li dus de
25 Bretagne, à qui il touchoit plus que à nul des aultres,
car li chastiaus se rendoit de lui et de son
hiretage.

§ 753. Or revenons à le journée de Montsach. Voirs
est que quant la moienne d'aoust deubt approchier,
30 li dus d'Ango s'en vint devant le ville de Montsach,
et là se loga et fist logier ses gens par grande et
[179] bonne ordenance, et avoit en devant priés et mandés
gens de tous costés, chevalier[s] et escuiers, efforcement.

Avoech tout che li rois de France y envoia
grant gent d'armes, et me fu recordé que trois jours
5 devant la moienne d'aoust et trois jours apriès, il y
eut bien quinse mil hommes d'armes, chevaliers et
escuiers, et bien trente mil d'autres gens. Nulz ne se
comparut, car il n'i avoit nul grant chief ou pays,
excepté monsigneur Thumas de Felleton, qui fu trop
10 grandement esmervilliés de celle journée, et le debati
longement et par pluseurs raisons. Et vint en l'ost,
quant la moienne d'aoust fu passée et la journée inspirée,
parler moult aviseement au duch d'Ango et au
conestable sus assurances, et leur remoustra bien
15 et sagement que li dus de Lancastre et li dus de Bretagne
avoient donné le respit par mi che que la journée
de Montsach devoit estre ens enclose, mès on li
prouva tout le contraire; car, à verité dire, il y eut
trop peu parlé pour les Englès, car li trettiés de le
20 composition ne faisoit point de mention de Montsach.
Si couvint monsigneur Thumas de Felleton,
volsist ou non, retourner à Bourdiaus et souffrir [ceste
cose] à laiier passer. Ensi vint en ce temps de ces
arrierefiés. Li contes de Fois entra ou service et en
25 l'obeïssance dou roy de France, et tout li baron et li
prelat, qui dedens estoient; et en prist li dus d'Ango
les fois et les hommages; et quant il s'en senti bien
au dessus, il renvoia les ostages qu'il tenoit en Pieregorch
au conte de Fois, et puis s'en retourna à Toulouse,
30 quant il eut pris le saisine et possession de le
ville et dou chastiel de Montsach, que moult recommenda
en coer, et le fist de puis remparer et rapareillier,
[180] et dist que de Montsach il feroit sa cambre et
son gardecorps.

§ 754. Tantost apriès le revenue de Montsach à
Thoulouse, et que li dus d'Ango et li baron, qui
5 avoecques lui estoient, s'i furent un petit reposet et
rafreschi, li dis dus d'Ango remist une aultre chevaucie

sus de ces propres gens qu'il avoit tenu toute le
saison, et dist qu'il vorroit chevaucier vers le Riole et
vers Auberoce, car là estoit encores uns grans pays à
10 reconquerre, qui ne desiroit aultre cose. Si se departi
de Thoulouse le XVII^e jour de septembre, l'an de
grasce mil trois cens settante et quatre, ossi estoffeement
ou plus que quant il fu en le Haute Gascongne,
et estoient avoecques lui par manière de service li
15 abbes de Saint Silvier, li viscontes de Chastielbon, li
sires de Chastiel Nuef, li sires de l'Escut et li sires de
Marsen, et fissent tant par leurs journées qu'il vinrent
devant le Riole. Tous li pays trambloit devant. Chil de
le Riole, qui ne desiroient aultre cose qu'il fuissent
20 françois, se ouvrirent tantost et se misent en l'obeïssance
dou roy de France. Ossi fissent cil de Langon,
de Saint Malkaire, de Condon, de Saint Basille, de
Prudaire, de Mautlyon, de Dion et de Sebillach, et
bien quarante villes fremées que fors chastiaus, qui
25 à point de fait se tournèrent, et la daarraïne ville ce
fu Auberoce; ne riens ne se tenoit ne duroit en celle
saison devant les François, et legière cose estoit à
faire, car il desiroient à yaus rendre, et se ne leur
aloit nuls au devant.

30 En ce temps que ces chevaucies se faisoient, estoient
en le marche de Pikardie revenu li doi trettieure legal
[181] et se tenoient à Saint Omer, et avoient leur messages
alans et venans en Engleterre devers le roi et son
conseil, et ossi à Paris devers le roy de France, pour
impetrer un bon respit, et en ce respit durant c'estoit
5 leur entencion qu'il metteroient toutes parties en
acord. Et, à ce que j'entendi adont, il estoient volentiers
oy dou roy d'Engleterre et de son conseil, car
il veoient que par toutes les metes et limitations [où]
il tenoient terres, villes, chastiaus et pays se perdoient
10 à peu de fait pour yaus, et se n'i savoient [comment
donner conseil ne comment remediier. Et par especial
trop fort desplaisoit au roy d'Engleterre en

coer de che que li dus de Bretagne avoit ensi et à
petite ocquison perdu son hiretage pour l'amour
15 de lui. Si travillièrent tant chil doi legal que li rois
d'Engleterre acorda que ses filz li dus de Lancastre
paseroit mer et venroit à Calais pour oïr et savoir
plainnement quel cose li François voloient dire. Ossi
li rois de France acorda et seela que ses frères, li dus
20 d'Ango, venroit contre lui à Saint Omer, et par le
moïen des discrètes et venerables personnes l'archevesque
de Ravane et l'evesque de Carpentras, il se
lairoient gouvrenier et consillier, siques, si tretost que
li dus d'Ango et li baron de France et de Bretagne
25 eurent achievé ceste daarrainne chevaucie devant
ditte, il furent quoiteusement remandé dou roy de
France et escript que tantost et sans delay il retournaissent
en France, et qu'il avoit accordé son frère
à estre contre celle Toussains à Saint Omer, car li dus
30 de Lancastre devoit estre à Calais; et ossi il touchoit
grandement as barons de Bretagne pour le fait de
Becheriel. Li dus d'Ango, li connestables, li sires de
[182] Cliçon et li aultre se departirent de Roerge au plus
tost qu'il peurent, les lettres dou roy veues et oyes,
sans tourner à Thoulouse, et donnèrent congiet toutes
manières de gens d'armes de lointaines marces,
5 et ne retint avoecques lui li dus fors les Bretons; si
s'en retourna en France, où il fu grandement festés
et conjoys, et toute sa compagnie, dou roy et de
tout son conseil.

§ 755. En ce temps estoient les marces de Pikardie
10 trop bien garnies de bonnes gens d'armes, car messires
Hues de Chastillon, mestres des arbalestriers,
qui nouvellement estoit retournés d'Engleterre, se tenoit
en garnison à Abbeville atout grant fuison de
gens d'armes et tous bons compagnons, et desiroit
15 grandement [de soy contrevengier] pour ses contraires
et desplaisirs que on li avoit fais en Engleterre

nouvellement; car, ensi que dit est en ceste hystore,
il fu pris au dehors d'Abbeville par embusche de monsigneur
Nicole de Louvaing qui ne le voloit mettre

20 a finance, mais il trouva voie et tour par le pourcach
de ma dame sa femme, comment il fu delivrés
par l'ayde d'un maronnier de l'Escluse en Flandres,
qui se mist en l'aventure de li aler querre en le marce
de Northombreland, et fist tant toutes fois qu'il le ramena
25 en Flandres. Je m'en passerai assés briefment,
car la matère en seroit trop longue à demener. Mais,
quant il fu revenus, on li rendi son office, ensi que
devant, de estre nommés monsigneur le Mestre. Si
se tenoit en le bonne ville d'Abbeville, et chevaüoit
30 à le fois ens et hors, ensi que le mieulz li plaisoit.

De Dieppe sus mer estoit chapitaine messires

[183] Henris des Isles, uns moult appers chevaliers; de Boulongne,
messires Jehans de Lonchvillers; de Moustruel,
messires Guillaumes de Nielle; de Rue, li chastellains
de Biauvais; et toutes ces garnisons de là

5 environ françoises estoient très bien pourveues de
bones gens d'armes, et bien besongnoit, car li Englès
estoient ossi fort sus [le marce]. Pour ce temps estoit
chapitains de Calais messires Jehans de Burlé, et ses
lieutenans, messires Gautiers d'Evrues; de Ghines
10 messires Jehans de Harleston, et d'Arde, li sires de
Gommegnies.

Or avint que messires Gautiers d'Evrues, messires
Jehans de Harleston et li sires de Gommegnies furent
en parlement et en conseil ensamble de chevaucier,

15 et l'acordèrent l'un à l'autre, et fissent leur assamblée
et leur amas dedens le bastide d'Arde, et s'en
partirent au point dou jour bien largement huit vint
lances, et chevaucièrent viers Boulongne. Che propre
jour au matin, estoit partis de Boulogne messires
20 Jehans de Lonchvillers à soissante lances, et avoit
chevauciet viers Calais pour trouver aucune aventure.
Ensi que tout le pas il s'en retournoit, et pooit estre

environ deus lieues priès de Boulongne, il encontra
sus son chemin le signeur de Gommegnies et se route.

25 Sitos que li Englès les perchurent, il furent moult
resjoy, et escriièrent leur cri, et ferirent chevaus des
esporons, et se boutèrent entre yaus, et les espardirent
et en ruèrent jus jusques à quatorse qu'il retinrent
pour prisonniers. Li aultre se sauvèrent par leurs
30 bons coursiers et par l'avantage qu'il prisent, et rentrèrent
tout à point en le ville de Boulongne. Si furent
il cachiet jusques as barrières. Apriès celle cache,
[184] li Englès se recueillièrent et se misent au chemin pour
revenir vers Arde, par une adrèce que on dist ens ou
pays l'Eveline et tout droit devers Alekine, un biau
vert chemin.

5 Ce propre jour avoit fait sa moustre messires Hues
de Chastillon, que on dist monsigneur le Mestre; et
avoit avoecques lui toutes ces chapitaines de là
environ, et estoient bien quatre cens lances. Li jones
contes de Saint Pol, messires Galerans, estoit nouvellement
10 revenus de sa terre de Loerainne, et
n'avoit mies à Saint Pol sejourné trois jours, quant
par devotion il s'estoit partis pour aler en pelerinage
à Nostre Dame de Boulongne. Si oy [dire] sus son
chemin que monsigneur le Mestre et chil François
15 chevauoient; se li vint en avis que ce li seroit
blasmes et virgongne, puis que il savoit leurs gens
sus le pays qui chevauoient, se il ne [se] mettoit en
leur compagnie, et n'i volt trouver nulle excusance,
ensi que uns jones chevaliers qui se desire à avancier
20 et qui quiert les armes. Et s'en vint ce propre jour
au matin avoech monsigneur [Hue] de Chasteillon et
les aultres compagnons, qui furent tout resjoy de sa
venue. Si chevaucièrent liement ensamble celle matinée
viers Arde, qui riens ne savoient des Englès
25 ne li Englès d'yaus, et cuidoient li François que li
Englès fuissent en Arde, et vinrent jusques à là. Et
fisent leur moustre et leur coursée devant les barrières;

et, quant il eurent là esté une espasse, il s'en
retournèrent et prissent le chemin devers Likes et devers

30 Tournehen.

§ 756. Si tretost que li François se furent parti de
[185] devant Arde et mis au retour en chevaçant moult
bellement, uns Englès issi de le ville d'Arde et se mist
à voie couvertement à l'aventure, pour savoir se jamais
il trouveroit leurs gens pour recorder ces riches
5 nouvelles. Et tant ala et tant vint de lonch et de travers,
que sus son chemin d'aventure il trouva le seigneur
de Gommegnies, monsigneur Gautier d'Evrues
et monsigneur Jehan de Harleston. Si s'arresta à euls
et yaus à lui, et leur [compta] comment li François
10 chevaçoient et avoient fait leur moustre devant Arde.
«Et quel chemin tiennent il?» dist li chevaliers.—«Par
ma foi, mi seigneur, il prisent le chemin pour
aler vers Likes; car encores, depuis que je me fui
partis, je les ay veus sus le mont de Tournehen, et
15 croi qu'il ne sont pas lonch de chi. Tirés sus destre
en costiant Likes et Tournehen, je espoir que vous
les trouverés, car il chevaucent tout le pas.» Adont
recueillièrent cil troi chevalier toutes leurs gens et
remisent ensamble, et chevaucièrent tout le pas, le
20 banière dou seigneur de Gommegnies tout devant et
les deux pennons des deus aultres chevaliers dalés.

Ensi que li François eurent passé Tournehen, et
qu'il tiroient à aler viers Likes, il oïrent nouvelles de
chiaux dou pays et furent segnefiïet que li Englès
25 chevaçoient et estoient hors d'Arde. Si en furent
trop malement joiant, et disent qu'il ne demandoient
ne queroient aultre cose, et faisoient trop durement
grant enquête où il en poroient oïr nouvelles, car il
faisoient doubte que il ne les perdesissent; et furent
30 sus un estat une espasse, que il se departiroient en
deus chevaucies pour yaus trouver plus prestement,
et puis brisièrent ce pourpos et disent, tout consideret,
[186] que il valoit mieulz que il chevauçassent tout
ensamble. Si chevaucièrent tout ensamble baudement,

barrières et pennons ventelant, car il faisoit
 bel et joli, et trop estoit courouciés li contes de Saint
 5 Pol qu'il n'avoit là tout son arroi et especialment sa
 banière, car il l'eüst boutée hors, et fretilloit telement
 de joie, qu'il sambloit qu'il n'i deuist ja à
 temps venir. Et passèrent oultre l'abbeye de Likes et
 prisent droitement le chemin que li Englès tenoient.
 10 Si vinrent à un bosket deseure Likes, et là s'arrestèrent
 et rechainglèrent leurs chevaus, et firent en che
 dit bosket une embusche de trois cens lances, des
 quelz messires Hues de Chastillon estoit chiés, et fu
 ordonnés li contes de Saint Pol à courir, et cent
 15 lances, chevaliers et escuiers, avoecques lui. Assés
 priès de là, au lonch d'une haie, estoient descendu
 li Englès, et avoient rechenglé leurs chevaus, et fu
 ordonnés messires Jehans de Harleston à courir à
 tout quinze lances pour ouvrir l'embusche des François;
 20 et se parti avoecques se route, et l'avoient li
 sires de Gommegnies et messires Gautiers d'Evrues,
 au departement, bien avisé que, se il venoit sus les
 coureurs des François, que il se fesist cachier, et de
 che se tenoit il tous enfourmés. Ensi chevauçà messires
 25 Jehans de Harleston et vint sus le conte de Saint
 Pol et se route qui estoient tout bien monté. Sitos
 que li Englès furent venu jusques à yaus, il firent leur
 moustre, et tantost se misent au retour pour revenir
 à leurs compagnons, qui les attendoient au lonch de
 30 le haie en très bonne ordenance [et tout à piet], leurs
 archiers pardevant yaus. Quant li contes de Saint
 Pol les vei fuir, il fu un petit trop aigres d'yaus
 [187] poursievir, et feri cheval des esporons, la lance ou poing,
 et dist: «Avant, avant! il ne nous poeent escaper.»
 Lors veissiés desrouter ces François et mettre en
 cache apriès ces Englès, et les cachièrent jusques au
 5 pas de le haie. Quant li Englès furent là venu, il
 s'arrestèrent, et ossi firent li contes de Saint Pol et se
 route, car il furent recueilliet de ces gens d'armes et

de ces archiers, qui commenchièrent à traire saiettes
à effort et à navrer chevaus et abatre chevaliers et
10 escuiers. Là eut un petit de bon estour, mais tantost
il fu passés; car li contes de Saint Pol ne chil qui
avoecques lui estoient, n'eurent point de durée à ces
Englès. Si fu li dis contes pris d'un escuier de la
ducé de Guerles, et en celle route li sires de Pois, li
15 sires de Clari, messires Guillaumes de Nielle, messires
Charles de Chastillon, messires Lyonniaus d'Arainnes,
li sires de Cipoi, chastellain de Biauvais, messires
Henris des Isles, et Jehans, ses frères, messires Gauwiné[s]
de Bailluel et plus de soissante bons prisonniers,
20 chevaliers et escuiers.

§ 757. Droitement sus le point de celle desconfiture,
evous venir à frapant monsigneur Hue de Chastillon
et se banière, et estoient bien trois cens lances,
et chevauchièrent jusques au pas de le haie, où li
25 autre s'estoient combatu, et encor en y avoit qui se
combatoient. Quant li sires de Chastillon vei le
manière que li contes de Saint Pol et se route estoient
ruet jus, si n'eut mies desir ne volenté d'arrester,
mais feri cheval des esporons, et se parti, et se banière.
30 Li aultre, par droit d'armes, n'eurent point de
blasme se il le sievirent, quant c'estoit leurs sires et
[188] leurs chapitains. Ensi se departirent là trois cens
hommes tous bien montés et tailliés, se li hardemens
fust en yaus, de faire une bonne besongne et de
reskeure le journée, et le jone conte de Saint Pol, au
5 quel ceste aventure fu moult dure, et à tous les bons
chevaliers et escuiers qui avoecques lui furent pris.

Sachiés bien que au commencement, quant li
Englès veirent venir sus yaus celle grosse route, tous
bien montés et appareilliés de faire un grant fait, il
10 ne furent mies bien à segur de leurs prisonniers ne
d'yaus meismes; mais, quant il les veirent partir et

moustrer les talons, il furent grandement reconforté
et n'eurent nulle volenté adont de cachier chiaus qui
fuioient, mais montèrent as chevaus et firent monter
15 leurs prisonniers, et tantost fu nuis. Si retournèrent
ce soir en le garnison d'Arde, et se tinrent tout aise
et tout joiant de che qu'il eurent. Che propre soir
après souper, acata li sires de Gommegnies le conte
de Saint Pol à son mestre qui pris l'avoit, et l'en fist
20 fin de dis mil frans. Ensi fu li contes de Saint Pol
prisonniers au signeur de Gommegnies. A l'endemain,
cascuns des chapitaines retourna où il devoit
aler, messires Jehans de Harleston à Ghines, et messires
Gautiers d'Evrues à Calais, et leurs gens, et en
25 menèrent leurs prisonniers et tout leur butin.

Ces nouvelles s'espardirent jusques en Engleterre,
et vinrent au roy, et li fu dit que ses chevaliers, li
sires de Gommegnies, avoit eu sus un jour rencontre
et bataille as François, et si bien s'i estoit portés que
30 ilz et si compagnon avoient desconfi les François, et
tenoit le conte de Saint Pol à prisonnier. De ces
nouvelles fu grandement resjoïs li rois d'Engleterre
[189] et tint ce fait à grant proèche, et manda par ses
lettres et par un sien escuier au signeur de Gommegnies,
que il le venist veoir en Engleterre et li amenast
son prisonnier. Li sires de Gommegnies obéï,
5 che fu raisons, et recarga Arde à ses compagnons,
et puis s'en parti, le conte de Saint Pol en se compagnie.
Si vinrent à Calais, et là se tinrent tant
qu'il eurent vent pour passer oultre, et, quant il
l'eurent, il entrèrent en un passagier. Si arrivèrent,
10 ce propre jour qu'il montèrent, à Douvres. De puis
exploitièrent il tant qu'il vinrent à Windesore, où li
rois se tenoit, qui rechut le signeur de Gommegnies
en grant chierté. Tantos li sires de Gommegnies,
quant il li eut fait la reverense, ensi que on doit faire
15 à un roy, li presenta et li donna le conte de Saint Pol,
pour tant qu'il sentoît bien que li rois le desiroit à

avoir pour deus raisons. Li une estoit que li rois n'avoit
point amet son signeur de père le conte Gui,
pour tant que sans congiet il s'estoit partis d'Engleterre
20 et que très grant painne avoit mis à la guerre
renouveler; l'autre, que il en pensoit bien à ravoir
ce vaillant chevalier et ce grant chapitaine de gens
d'armes monsigneur le capital de Beus, qui gisoit en
prison en le tour dou Temple à Paris, ens es dangiers
25 dou roy de France. Si remercia li rois liement
le signeur de Gommegnies de ce don et de ce present,
et li fist tantost delivrer vint mil frans. Ensi
demora li jones contes de Saint Pol en prison courtoise
devers le roy d'Engleterre, recreus sus sa foy
30 d'aler et de venir par mi le chastiel de Windesore et
non issir de le porte sans le congiet de ses gardes; et
li sires de Gommegnies retourna à Arde entre ses
[190] compagnons. Si paia bien aise de l'argent le roy
d'Engleterre l'escuier de Guerles, qui pris avoit le
signeur de Lini, conte de Saint Pol.

§ 758. Tantost apriès ceste aventure, furent les
5 triewes prises et acordées entre le roy de France et
le roy d'Engleterre, et ne s'estendoient, à ce premier,
fors tant seulement entre Calais et le rivière
de Somme, et furent ensi prises et données par avis
pour les signeurs de France chevaucier segurement
10 en le marce, où li parlement devoient estre, car toute
celle saison il n'en tinrent nulles ens es lointaines
marces, et par especial en Bretagne et en Normendie.
Si vint li dus d'Ango à Saint Omer en grant arroy, et
cil doy legal trettieur avoecques lui, et n'i vint mies
15 si simplement qu'il n'eust en se compagnie plus de
mil lances de Bretons, dont li connestables de France,
li sires de Cliçon, li viscontes de Rohem, li sires de
Laval, li sires de Biaumanoir et li sires de Rocafort
estoint chief. Si se tenoient ces gens d'armes pour
20 les embusches ou plat pays environ Bailluel et le

Crois en Flandres, et prenoient leurs sauls et leurs
gages, et paioient tout ce qu'il prenoient, sans riens
grever le pays, mais il se tenoient là en celle instance
qu'il ne s'asseuroient mies trop parfaitement en es
25 Englès.

En ce temps se mist li sièges devant Saint Salveur
le Visconte en Normendie, et li mist premierement
par mer messires Jehans de Viane, amiraus de mer.
En se compagnie estoient li sires de Rays et Yewains
30 de Galles, et la navie [du roy] dan Henri de Castille: si
en estoit amiraus dan Radigho de Rous, de Louwars.

[191] Li dus d'Ango, quant il deubt venir à Saint Omer,
manda en Haynau son biau cousin monsigneur Gui
de Blois pour lui acompagnier, li quels y vint moult
estoffement, quatre chevaliers en se compagnie,
5 dont li dus d'Ango li sceut grant gré, quant il le
trouva si honnourable et si appareillié, car il ne l'avoit
priiet qu'à trese chevaus, et il y vint à trente.
Ossi li dus de Lancastre vint à Calais, et là se tint
un temps, et eut grant merveille pour quoi tant de
10 gent d'armes de Bretons se tenoient en le marce de
Saint Omer. On li dist que li dus d'Ango, ses cousins,
ne s'asseuroit point bien en lui, et qu'il n'i avoit
aultre visce. De quoi li dus de Lancastre en crolla
le tieste, et dist: «Se il le fait pour ce, il n'est mies
15 bien consilliés; car en pais doit estre paix, et en
guerre guerre.» Si commenchièrent à aler de l'un à
l'autre li doi trettieur et à mettre raisons et pareçons
avant, et à entamer matère de paix ou de respit, et
toutdis aloit li saisons aval.

20 Or vint li termes qu'il couvenoît chiaus de Becheriel
rendre ou estre conforté, siques, si tretost que li
jours deubt approcier, li rois de France escrii devers
le connestable et le signeur de Cliçon, et leur
manda que il se presissent priès pour iestre à le journée,
25 si en vaurroit la besongne mieulz. Et ossi il voloît

que ses gens y fuissent si fort que, se li Englès y
 venoient, qui de poissance vosissent lever le siège,
 on les peuist combatre. Si tretost que cil doi signeur
 furent segnefiïet [de l'entention] dou roy de France,
 30 il le remoustrèrent au duc d'Ango, et li dus d'Ango
 leur acorda de partir, et une quantité de leurs gens,
 et les aultres demorer. Si se partirent, et exploitièrent
 [192] tant par leurs journées qu'il vinrent au siège de Becheriel,
 où toutes gens d'armes s'arivoient, par l'ordenance
 dou roy de France, de Bourgongne, d'Auvergne,
 de Poito, de Saintonge, de Berri, de Campagne,
 5 de Pikardie, de Bretagne et ossi de Normendie,
 et eut là, au jour que li compositions devoit
 clore, devant Becheriel plus de dis mil lanches, chevaliers
 et escuiers, et y vinrent li François si efforcement,
 pour tant que on disoit que li dus de Bretagne
 10 et li contes de Sallebrin estoient sus mer à bien
 dis mil hommes parmi les archiers; mès on n'en vei
 onques nul apparant. De quoi chil de Becheriel furent
 moult couroucié, quant si longhement que plus
 de quinze mois s'estoient tenu et si vaillamment, et
 15 si n'estoient aultrement conforté. Toutes fois il leur
 couvint faire et tenir che marchié, puis que juré et
 couvenencié l'avoient, et que à ce il s'estoient oblegié
 et livré bons ostages. Si rendirent et delivrèrent
 au connestable de France la ditte forterèce de Becheriel,
 20 qui est belle et grande et de bonne garde, et
 s'en partirent messires Jehans Appers et messires
 Jehans de Cornuaille et leurs gens, et en portèrent
 ce qui leur estoit. Tout ce pooient il faire par le trettié
 de le composition, et s'en vinrent sus le conduit
 25 dou connestable à Saint Salveur le Visconte, et là se
 boutèrent. Si recordèrent as compagnons de laiens
 comment il avoient finet as François.

§ 759. Si tretost que li connestables de France et
 li sires de Cliçon et li doi mareschal de France, qui

30 là estoient, eurent pris la saisine et possession de
Becheriel, caudemment il s'en vinrent mettre le siège
[193] devant Saint Salveur le Visconte. Ensi furent la ville
et li chastiaus de Saint Salveur le Visconte assegié
par mer et par terre. Si fissent tantost chil baron de
Bretagne et de Normendie, qui là estoient, lever et
5 drechier grans mangonniaus et grans engiens devant
le forterèce, qui nuit et jour jettoient grans pières et
grans mangonniaus as tours, as garittes et as crestiaus
de le ville et dou chastiel, qui durement cuvrioient
et travilloient. Et bien souvent sus le jour li chevalier
10 et li escuier de l'ost s'en alèrent escarmucier as
barrières à chiaus de dedens, et li compagnon de le
garnison ossi s'esprouvoient à yaus. Si en y avoit
souvent par telz fais d'armes des mors, des navrés
et des blechiés. Quatreton, uns hardis et appers homs
15 d'armes, qui chapitains en estoit de par monsieur
Alain de Bouqueselle, estoit durement curieus et
songneus d'entendre à le forterèce, car trop eüst esté
courouciés, se par sa negligense il eüssent recheu
damage ne encombrer. Avoecques lui estoient et
20 avoient esté toute la saison messires Thumas Trivés,
messires Jehans de Bouch et messires Phelippes
Picourde et li troi frère de Maulevrier, qui ossi en
tous estas en faisoient bien leur devoir; et se y estoient
de rechief revenu messires Jehans Appers et
25 messires Jehans de Cornuaille et li compagnon qui
parti estoient de Becheriel. Si se confortoient l'un
par l'autre, et leur sambloit qu'il estoient fort assés
pour yaus tenir un grant temps, et pensoient que li
dus de Bretagne par mer les venroit rafreschir et
30 combatre les François, ou à tout le mains li dus de
Lancastre, qui estoit à Calais, les mettroit en son
trettie de triewes ou de respit, par quoi li François
[194] ne seroient mies signeur d'une si belle forterèce
que Saint Salveur est. Ensi en considerant ces choses
à leur pourfit, se tenoient vaillamment li compagnon

qui dedens estoient, et se donnoient dou bon temps,
5 car il avoient vins et pourveances assés. La cose del
monde qui plus les grevoit, c'estoit li grant enghien
de l'ost, qui continuelment, nuit et jour, jettoient,
car li grosses pières de fais leur desrompoient et
effondroient les combles et les tois des tours. Ensi se
10 tinrent il tout cel ivier, et li dus d'Ango à Saint
Omer, et li dus de Lancastre à Calais.

§ 760. Tant alèrent de l'un à l'autre, amoienant
les besongnes, li doi prelat et legal dessus nommet,
que il appocièrent ces trettiés, et que li doi duch
15 d'Angho et de Lancastre s'acordèrent à ce que d'yaus
comparoir à Bruges l'un devant l'autre, car au voir
dire, li trettieur aloient à trop grant painne de Saint
Omer à Calais et de Calais à Saint Omer. Et quant il
avoient tout alé et tout venu, se ne faisoient il riens;
20 car, sus trois ou quatre journées que il mettoient tant
en alant et retournant qu'en parlant as parties, se
muoient [bien] nouvel conseil.

Quant li dus de Lancastre se deut partir de Calais,
li dus de Bretagne, qui s'estoit là tout le temps tenus
25 avoecques lui, prist congiet et retourna en Engleterre
et raporta nouvelles des trettiés au roy et sus
quel estat il estoient. A ce retour qu'il fist, il exploita
si bien au roy d'Engleterre, parmi les bons moiens
qu'il eut, monsieur Alain de Bouqu[es]elle, cambrelent
30 dou roy, que li rois li [acorda et] delivra deus
mil hommes d'armes et quatre mil archiers, et par
[195] especial en se compagnie, pour mieulz exploitier de
ses besongnes, monsieur Aymon, son fil, conte de
Cantbruge, monsieur le conte de le Marce, monsieur
Thumas de Hollande, qui de puis fu conte de
5 Kent en Engleterre, ainsnet fil de la princesse, le sieigneur
Despensier, qui pas n'estoit encores mors,
mais il morut au retour de ce voiage, le sieigneur de

Manne, messires Hughe de Hastinghes, monsigneur
Bruiant de Stapletonne, monsigneur Symon Burlé,
10 monsigneur Richart de Pontchardon, monsigneur
Thumas Tinfort, le signeur de Basset, monsigneur
Nicole Stammore, monsigneur Thumas de Grantson,
et pluseurs aultres. Si fisent leurs pourveances à
Hantonne et là montèrent en mer; et quant il se partirent,
15 il avoient entention que de venir combatre
sus mer le navie dou roy de France, qui gisoit devant
Saint Salveur, mais il eurent vent contraire qui
les bouta en Bretagne: si prisent terre devant Saint
Mahieu de Fine Posterne. Si tost que il furent hors
20 de leurs vaissiaus, il se traient devers le chastiel qui
siet au dehors de la ville: si l'assallirent fortement
et diversement, et le conquisent de force, et furent
mort tout chil qui dedens estoient. Adont se rendi la
ville de Saint Mahieu au duch de Bretagne. Si entrèrent
25 li Englès dedens le ville de Saint Mahieu: si y
attraissent leurs pourveances là dedens et s'i
rafreschirent.

Or vinrent ces nouvelles au connestable de France,
au signeur de Cliçon et as barons de France et de
30 Normendie et de Bretagne, qui devant Saint Salveur
se tenoient, que li dus de Bretagne efforciement estoit
arivés à Saint Mahieu et avoit ja pris le ville et
[196] le chastiel. Si eurent conseil entre yaus comment il
s'en poroient chevir. Dont fu regardé pour le milleur
et segur estat que on envoieiroit, contre yaus faire
frontière, trois cens ou quatre cens lances, qui les
5 ensonnieroient, et herieroient leurs coureurs, se il
s'abandonnoient de trop avant chevaucier ou pays,
et toutdis tenroient il le siège devant Saint Salveur,
et ne s'en partiroident, ensi qu'en pourpos l'avoient,
si l'aroient conquis. Adont furent ordonné principaument
10 quatre baron de Bretagne, li sires de Cliçon,
li viscontes de Roem, li sires de Laval et li
sires de Biaumanoir, à frontière faire contre les Englès.

Si s'en vinrent à Lambale, et là se tinrent.

- Li dus de Bretagne, li contes de Cantbruge, li
15 contes de le Marce, li sires Despensiers et li baron
[et li chevalier] d'Engleterre, qui estoient arrivet à
Saint Mahieu de Fine Posterne, ne sejournerent
gaires en le ville de puis que elle fu rendue, mais s'en
vinrent devant Saint Pol de Lyon, et là s'arrestèrent.
20 Si l'assallirent fortement et le prisent de force;
si fu toute courue et essillie, et de là il s'en vinrent
devan[t] Saint Brieu de Vaus, une ville malement
forte, et l'assegierent et avoient grant entention dou
prendre, car il misent mineurs en oevre, qui s'ahatirent
25 que dedens quinze jours il exploiteroient si bien,
qu'il feroient reverser un tel pan dou mur, que sans
dangier il enteroient bien en le ville.

- § 761. Quant li Englès, qui dedens Saint Salveur
estoient, entendirent que li dus de Bretagne et li
30 contes de Cantbruge et grant fuison de signeurs
d'Engleterre, estoient efforciement arrivet en Bretagne,
[197] si en furent moult joiant; car il en cuidièrent grandement
mieulz valoir et que par yaus fust cilz sièges
levés. Si s'avisèrent, car il leur besongnoit, qu'il
tretteroient devers ces signeurs de France, à fin que
5 il euissent un respit un mois ou cinc sepmainnes, et,
se là en dedens il n'estoient conforté, il renderoient
le ville et le chastiel de Saint Salveur. Au voir dire,
il ne pooient en avant; car il estoient si travilliet et
cuvriiet des engiens qui nuit et jour jettoient, qu'il
10 n'osoient aler parmi la ville ne le chastiel, mais se
tenoient ens es tours. Et avint une fois que Quatreton,
le chapitainne, gisoit en une tour sus un lit, car
il estoit moult dehetiés: si entra une pière d'engien
en celle tour par une trelle de fier que elle rompi.
15 Et fu adont avis proprement à Quatreton que li tonnoires
fust descendus laiens, et ne fu mies assecurés

de sa vie; car celle pière d'engien qui estoit ronde,
 pour le fort tret que on li donna, carola tout autour
 [de le tour] par dedens, et quant elle cheï, elle effondra
 20 le planchier et entra en une autre estage, ensi
 que Quatreton recorda de puis à ses compagnons,
 siques, pour yaus oster de ce dangier, fust par pais
 ou par bataille, entre yaus il se consillièrent pour le
 millieur que il tretteroient unes triewes. Si le fisent
 25 et envoièrent par un hiraut querre un saufconduit
 au connestable que il peussent segurement venir parlementer
 en l'ost: on leur acorda, et le reporta li
 hiraus tout seelé. Dont vinrent en l'ost [traictier]
 messires Thumas Trivès et messires Jehans de Bouch
 30 au connestable et au duch de Bourbon, qui là estoient.
 Si exploitièrent si bien que uns respis lor fu acordés
 par tel manière, que se dedens la close Paske il
 [198] n'estoient conforté dou duc de Bretagne personnelment,
 il rend[er]oient la forterèce, et c'estoit environ le
 miquaresme, et ce terme pendant, on ne leur devoit
 faire point de guerre, et ossi il n'en feroient point; et
 5 se defaute estoit que dou duch de Bretagne il ne fussent
 conforté et secouru dedens le jour qui expresseement
 y estoit mis, il liv[re]roient presentement bons
 hostages pour rendre la forterèce. Ensi demora Saint
 Salveur en composition, et li doi duch d'Angho et de
 10 Lancastre et leurs consauls estoient à Bruges, qui savoient
 et qui ooient tous les jours nouvelles de Bretagne
 et de Normendie; et par especial li dus d'Ango
 les avoit plus fresches que n'eüst ses cousins, li dus
 de Lancastre: si s'avisait selonch ce. Là estoient li
 15 doi legal moien pour toutes parties, qui portoient
 tous les jours de l'un à l'autre ces trettiés; et quant
 on estoit sus voie d'acord, Bretagne et Espagne desrompoient
 tout. Je vous diray pour quoi et comment
 li dus de Lancastre ne se voloit nullement assentir à
 20 trettié de paix ne à composition nulle, se li dus de
 Bretagne ne ravoit tout entirement la ducé de Bretagne,

ce que li rois de France avoit applikiet à l'iretage
de France et au demainne par l'acort de tous
les barons, les prelas, les cités et les bonnes villes de
25 Bretagne. Or regardés se ce n'estoit point fort à oster,
Chastille, que on entent Espagne, quant li rois de
France voloit que tout outreement elle demorast au
roy Henri, dont li dus de Lancastre se tenoit hoirs
de par ma dame se femme, qui avoit estet fille au roy
30 dan Pietre et dont li dessus dis dus s'escrisoit sires
et rois, et des armes il s'esquarteloit. Et avoit li rois
de France juré solennelment que jamès pais ne feroit
[199] au roy d'Engleterre, que li rois Henris de Chastille ne
fust ossi avant en le pais comme il seroit. D'autre
part, li rois d'Engleterre avoit ensi juré au duch de
Bretagne, quel trettié qu'il fesist au roy de France,
5 il reseroit en son hiretage de Bretagne, siques ces
coses estoient fortes à desrompre et à brisier. Mès li
doi legal, qui sage et avisé estoient et bien enlangagié
et volentiers oy de toutes les parties par leur attemprée
promotion, et qui consideroient bien toutes ces
10 choses, disoient que, se il plaisoit à Nostre Seigneur, il
trouveroient bien entre ces ordenances aucun moien
par quoi il se departiroient par acord.

Or revenrons nous au fait de Bretagne et as guerres,
qui y estoient fortes et dures.

15 § 762. Vous devés savoir, comment que Saint
Salveur le Visconte et li Englès, qui dedens estoient,
se fuissent mis sus certains articles de composition,
li connestables de France et li baron de Bretagne et
de Normendie, qui à siège avoient là esté tout l'ivier,
20 ne se deslogièrent mies pour ce, mais s'i ordonnèrent
et establirent plus fort assés que devant, et segnefièrent
tout leur estat au roy de France en remoustrant
sus quel parti il gisoient et comment li dus
de Bretagne, que il appelloient Jehan de Montfort,

25 estoit [arrivés] efforciement ou pays, et pooient bien
estre Englès dis mil combatans, et esperoient que
il les venroient combatre pour reskeurre le ville et
le chastiel de Saint Salveur. Li rois de France, qui
ne voloit mies que ses gens fuissent entrepris, ne que
30 il receuissent, par faute de poissance, blasme ne
villonnie avoech grant damage, manda et escrii par
[200] tout là où il pensoit à recouvrer de droite fleur de
gens d'armes, en Flandres, en Braibant, [en Haynnau],
en Hesbain, en le ducé de Guerles, en Bar, en
Loerainne, en Bourgongne et en Champagne, que
5 tout fuissent au plus estoffeement qu'il pooient à
celle journée devant Saint Salveur le Visconte en
Constantin. Tout baron, chevalier et escuier et gens
d'armes, qui mandé ou priet en estoient, obeïrent
et s'appareillièrent dou plus tost qu'il peurent, et se
10 misent à voie et à chemin par devers Normendie,
pour estre à celle journée.

Ce terme pendant et ces coses faisans, toutdis
parlementoient li doi duc d'Ango et de Lancastre à
Bruges, et ossi leurs consaulz. Et ossi, d'autre part,
15 li sièges se tenoit grans et fors dou duch de Bretagne
et dou conte de Cantbruge et des barons et des
chevaliers d'Engleterre devant Saint Brieu de Vaus.
Entrues que il estoient là à siège et qu'il esperoient
fort à conquerre la ville par le fait de leurs mineurs
20 qui ouvroient en leur mine, li quel s'estoient ahati
qu'il leur renderoient le ville dedens quinze jours,
nouvelles leur vinrent de chiaus de Saint Salveur en
remoustrant comment de lonch temps il avoient esté
assegié et le dangier que il avoient souffiert, de quoi
25 sus le fiance de leur confort il s'estoient mis en
composition; et couvenoit le ville et le chastiel rendre
as François, se, dedens la close Paske qu'il attendoient,
li sièges n'estoit levés; et pour ce tenir et
acomplir, il avoient livré bons ostages. Li dus de
30 Bretagne, li contes de Campbruge, li contes de le

Marce, li sires Despensiers et li baron qui là estoient,
eurent bien mestier d'avoir avis et conseil de ceste
[201] cose et comment à leur honneur il en useroient. Si
eurent sur ce avis et pluseurs imaginations. Li aucun
disoient que ce seroit bon que on alast les François
combatre, et li autre disoient le contraire, car plus
5 honnorable [et proufitable] leur estoit de tenir leur
siège devant Saint Brieu de Vaus, puis que si avant
l'avoient mené qu'il le devoient dedens sis jours
avoir, que soudainn[em]ent yaus partir [de là] et faire
une nouvelle emprise, et que encores, apriès le conquès
10 de Saint Brieu de Vaus, tout à temps po[r]oient
il retourner à Saint Salveur. Tant fu cils pourpos demenés
et debatus que finalement, tout considéré
et d'une sieute, il s'acordèrent à tenir le siège devant
Saint Brieu de Vaus, et leur sambla le plus
15 pourfitable.

§ 763. Messires Jehans d'Evrues, comme hardis
et entreprendans chevaliers et bons homs d'armes de
le partie des Englès, estoit pour ce temps en l'isle de
Camperlé, et avoit toute celle saison fait sa route à
20 par lui et fortefiit une motte à deus lieues priès de
le ville de Camperlé, que on appelloit ou pays le
Nouviel Fort. Et avoit li dis messires Jehans d'Evrues,
parmi l'ayde de ses gens et le retour et mansion de
ce Nouviel Fort, où il tenoit assés bonne garnison,
25 telement travilliet et heriit et guerriit le pays, que
nuls n'osoit aler de ville à autre; ne on ne parloit
d'autre cose en toute celle marce ne en l'isle de
Camperlé, que de ce Nouvel Fort; et proprement li
enfant en Bretagne et les jones fillettes en avoient
30 fait une cançon que on y chantoit tout communement.
Se disoit la cançons ensi:

[202] Gardés vous dou Nouviau Fort,
Vous qui alés ces alues;

Car laiens prent son deport
Messires Jehans d'Evrues.

5 Il a gens trop bien d'acort,
Car bon leur est viés et nues;
N'espargnent foible ne fort;
Tantost aront plains les crues
De le Mote Marciot
10 D'autre avoir que de viés oes;
Et puis menront à bon port
Lor pillage et leur conquès.

Gardés vous dou Nouviau Fort,
Vous qui alés ces alues;
15 Car laiens prent son deport
Messires Jehans d'Evrues.

Cliçon, Rohem, Rocafort,
Biaumanoir, Laval, entrues
Que li dus à Saint Brieu dort,
20 Chevauchiés les frans alues.
Fleurs de Bretagne, oultre bort
Estre renommée sues,
Et maintenant on te mort,
Dont c'est pités et grans duelz.

25 Gardés vous dou Nouviau Fort,
Vous qui alés ces alues;
Car laiens prent son deport
Messires Jehans d'Evrues.

30 Remoustre là ton effort,
Se conquerir tu les poes;
Tu rendras maint sourcot
A nos mères, se tu voes.
En ce pays ont à tort
Pris moutons, pors et cras bues;
[203] Or paieront leur escot
A ce cop, se tu t'esmues.

Gardés vous dou Nouviau Fort,
Vous qui alés ces alues;
5 Car laiens prent son deport
Messires Jehans d'Evrues.

Ensi estoit messires Jehans d'Evrues par sa chevalerie
criés et renommés ou pays, et tant se montepliièrent
ces canchons, que elles vinrent en le cognissance
10 de ces signeurs de Bretagne, qui se tenoient
à Lambale. Si commencièrent à penser sus et
à dire: «A Dieu le veu! li enfant nous aprenderont
à guerrier. Voirement n'est chou pas chose bien
seans que nous savons nos ennemis si priès de nous,
15 qui ont toute celle saison robet et pilliet le pays, et
si ne les alons point veoir? Il nous couvient chevaucier
viers ce Nouviau Fort, et tant faire que nous
l'aions et messire Jehan d'Evrues dedens: il ne nous
poet nullement escaper, qu'il ne soit nostres, et nous
20 rendra compte de tout son pillage.»

Adont s'esmurent chil signeur et leurs gens une
partie, et une partie en laissièrent en Lambale pour
le garder, et chevaucièrent environ deus cens lances
viers le Nouviau Fort, et firent tant qu'il y vinrent.
25 Si s'arrestèrent par devant et l'environnèrent de
tous lés, afin que nuls n'en peüst issir, et se misent
tantos en ordenance pour assallir, et messires Jehans
d'Evrues et ses gens en bon arroi pour yaus deffendre.
Là eut par trois jours grant assaut, et des
30 bleciés d'une part et d'autre, et telement l'avoient
empris li sires de Cliçon et chil baron de Bretagne,
[204] que de là ne partiroient, si aroient conquis ce Nouviau
Fort et chiaus qui dedens estoient. Il n'en euissent
jamais falli que voirement ne l'euissent il eu,
car li Nouviaus Fors n'estoit mies tels que pour tenir
5 à le longe contre telz gens d'armes, et l'euissent eu
très le premier jour, se n'eüst esté leur bonne et
aperte deffense et la bonne artilerie qui dedens

estoit, et dont il l'avoient pourveue.

§ 764. Entrues que cil baron de Bretagne estoient
10 devant ce Nouviau Fort, assés priès de Camperlé, et
qu'il herioient et appressoient durement monsigneur
Jehan d'Evrues, trois nouvelles en un moment vinrent
au duch de Bretagne, au conte de Campbruge,
au conte de le Marce et as barons d'Engleterre, qui
15 devant Saint Brieu de Vaus estoient. Les premières
furent teles que leur mineur avoient perdu leur mine
et que il leur en couvenoit refaire une nouvelle,
se on voloit avoir le ville par mine, la quele cose leur
fu trop grandement desplaisans, et en estoient tout
20 pesant et merancolieus, quant Chandos, li hiraus,
leur aporta les secondes nouvelles, qui venoit tout
droit de Bruges et dou duch de Lancastre. S'envoioit
par ses lettres closes au duch de Bretagne, à son frère
de Cantbruge et au conte de le Marce le manière et
25 l'ordenance dou trettié et sus quel estat il estoient
entre lui et le duch d'Ango, quant li dis Chandos
parti de Bruges. La tierce nouvelle fu, qui tous les
resvilla, comment li sires de Cliçon, li viscontes de
Rohem, li sires de Biaumanoir, li sires de Laval et
30 li sires de Rocafort avoient enclos et assegié monsigneur
Jehan d'Evrues en son Nouviel Fort, et le faisoient
[205] assallir telement et si fortement qu'il estoit
en peril d'estre pris et en grant aventure.

Quant li dus de Bretagne oy ce, si dist: «Or tost
as chevaus! chevaçons quoiteusement celle part.
5 J'aroie ja plus chier la prise de ces cinc chevaliers
que de ville ne de cité qui soit en Bretagne: che
sont chil, avoech messire Bertran de Claiekin, qui
m'ont plus fait à souffrir et les quels je desir plus à
tenir. Nous ne les poons avoir plus aisiement que ens
10 ou parti où il sont, et nous attenderons là, je n'en
fai mies doubte, mais que nous nos hastons; car il

desirent à avoir le chevalier messire Jehan d'Evrues,
qui vault bien que on le sekeure et oste de dangier.»
A ces parolles evous ces signeurs tantos armés et
15 montés et une partie de leurs gens, et se partent,
cescuns qui mieus mieulz, sans attendre l'un l'autre;
et escuier et varlès commencièrent à tourser et à
sievir leurs mestres. Ensi soudainnement se desfist li
sièges de Saint Brieu de Vaus.

20 § 765. Certes li dus de Bretagne, [li contes de
Cantbruge], li contes de le Marce, li sires Despensiers
et [chil baron et] chil chevalier d'Engleterre
avoient si grant haste et tel desir de venir devant ce
Nouviau Fort pour trouver leurs ennemis, qu'il ne
25 fissent tout le chemin que reslaissier, et que leur coursier
estoient tout mouilliet de sueur. Mais onques ne
se peurent ne sceurent tant haster, que li sires de
Cliçon et li baron de Bretagne, qui devant le Nouviau
Fort estoient, ne fuissent segnefiit de ces nouvelles,
30 et leur fu dit ensi: «Or tos, signeur, montés sus
vos chevaus et vous sauvés: autrement vous serés
[206] pris à mains, car vechi le duch de Bretagne, le conte
de Campbruge et toutes leurs gens qui viennent.»
Quant cil signeur oïrent ces nouvelles, si furent
moult esbahi et à bonne cause. Or eurent il d'avantage
5 tant que leur cheval estoient ensellé; car, se il
ne le fuissent, il ne l'eussent point esté à temps, tant
estoient il et furent hasté. Et si tretos qu'il furent
monté, et qu'il se partoient, il regardèrent derrière
yaus et veirent le grosse route et espesse dou duch
10 de Bretagne, qui venoient les grans galos. Adont
sceurent bien cheval qu'esperon valoient en le route
le signeur de Cliçon, car, quanques il pooient brochier,
il brochoient le chemin de Camperlé, et li dus
de Bretagne et se route apriès. Che aida moult au
15 signeur de Cliçon et à se compagnie, et leur fist grant
avantage que leur cheval estoient fresch et chil dou

duch de Bretagne travilliet: aultrement il euissent
esté rataint sur le chemin.

Li sires de Cliçon et ses gens trouvèrent les portes
20 de Camperlé toutes ouvertes; si leur vint grandement
à point, et entrèrent ens, et à fait qu'il entroient,
il descendoient et prenoient leurs lances, et
s'ordonnoient as barrières pour deffendre et attendre
leurs compagnons, mais li plus lointains n'estoit mies
25 le trait d'un arch lonch. Si furent tout recueillié, et
se sauvèrent par grant aventure, et levèrent les pons
et cloïrent les barrières et les portes de Camperlé.
Evous le duch de Bretagne, le conte de Campbruge
et les barons et les chevaliers d'Engleterre tous
30 venus, qui font leur course et leur moustre devant
les barrières, et, ensi que il venoient, il s'arrestoient
et descendoient de leurs chevaus, qui estoient tout
[207] blanch de sueur. Là voloit li dus de Bretagne que
tantos on les assallist, mais il li fu dit: «Sire, il
vault trop mieuls que nous nos logons et regardons
par quele ordenance nous les assaurrons, que nous
5 nos hastons avoecques le traveil que nous avons. Il
sont enclos; il ne vous poeent nullement escaper, se
il n'en volent en l'air. Camperlé n'est pas si forte
contre vostre host que vous ne le doiiés avoir.»
Adont se logièrent toutes manières de gens, et se
10 misent en bonne ordenance tout autour de le ville;
car, quant il furent tout venu, il se trouvèrent gens
assés pour ce faire. Ensi fu messires Jehans d'Evrues
delivrés de grant peril et de grant dangier, et ses
nouviaux fors ossi.

15 § 766. Ce premier jour entendirent li Englès à
yaus logier bien et faiticement, et disoient li signeur
que il ne vosissent estre autre part que là, tant avoient
grant plaisance en ce que il sentoient les barons de
Bretagne, que le plus desiroient à tenir enclos dedens

20 Camperlé. Si se tinrent ce premier jour tout aise, et
la nuit ossi, et fissent bon gait. A l'endemain environ
soleil levant, il se misent en ordenance pour assallir,
et se traient tout devant Camperlé.

Bien savoient li sires de Cliçon et li aultre qu'il
25 seroient assalli et que on leur feroit dou pis que on
poroit. Si estoient yaus et leurs gens ossi ordonné
selonch ce et mis en bon couvenant; car il estoient
bien gens, puis qu'il avoient un peu d'avantage, qui
n'estoient mies legier à desconfire. Là ot ce jour jusques
30 à haute nonne fort assaut et dur, et n'i avoit
homme ne femme en le ville de Camperlé, qui ne
[208] fust ensonniés d'aucune cose faire, ou de porter
pières et dessoler les pavemens ou d'emplir pos
plains de cauch ou d'aporter à boire as compagnons
qui se deffendoient et qui de sueur estoient tout
5 moulliet. En cel estat furent il jusques en le nuit par
trois ou par quatre assaus, et en y avoit de chiaus de
l'host, en assallant, aucuns bleciés et navrés. A l'endemain,
on refist tout otel, et assallirent li Englès ce
secont jour jusques à le nuit. Li sires de Cliçon et li
10 baron qui là estoient et qui en ce dangier se veoient,
et qui en sus de tous confors se sentoient, n'estoient
mies à lor aise. Si regardèrent que trop mieulz leur
valoit à yaus rendre et paiier raençons, que attendre
l'aventure d'estre pris, car bien cognissoient que longement
15 ne se pooient tenir en cel estat. Si faisoient
doubte que, se il estoient pris de force, trop grant
meschiés ne lor avenist, car par especial il se sentoient
fort hay dou duch, pour tant que il li avoient
esté trop contraire. Si envoièrent devers le duch de
20 Bretagne un hiraut qui bien remoustra leur entente
avoech lettres de creance qu'il portoit. Li dus à leur
offres ne volt onques entendre, mais [en] respondi
tantost, et dist: «Hiraus, retournés et leur dittes de
par mi, que je n'en prendrai ja nul [à merci], se il
25 ne se rendent simplement.» Dont dist li hiraus, je

ne sçai se il en estoit cargiés [de parler] si avant, je
croi bien que oïl: «Chiers sires, ce seroit grans durtés,
se pour loyaument servir leur signeur il se mettoient
en tel dangier.»—«Leur signeur! respondi

30 li dus de Bretagne, il n'ont aultre signeur que moy,
et, se je les tieng, ensi que j'ai bien esperance que je
le ferai, je leur remousterai que je sui leurs sires,
[209] siques, hiraus, retournés, vous n'en porterés aultre
cose de moy.» Li hiraus retourna et fist sa response
à ses signeurs tout ensi, ne plus ne mains, que vous
avez oy.

5 De ces nouvelles ne furent mies li sires de Cliçon
ne li aultre bien resjoï, car tantost il reurent l'assaut
à l'[end]emain, et leur couvint raler à leur labeur
ensi que devant, et ensi qu'il faut gent d'armes qui
sont en dur parti; car très le premier jour euissent
10 il esté pris et conquis, se très vassaument il ne se
fuissent deffendu. Finablement il regardèrent qu'il ne
se pooient tenir, que dedens cinc ou sis jours [de
force] il ne fuissent pris, et encores ne sçavoient
il se on les minoit ou non: c'estoit une cose qui
15 bien faisoit à ressongnier pour yaus. Si eurent un
aultre conseil de trettié, lequel il misent avant et
envoièrent devers le duch de Bretagne, que, se dedens
quinse jours il n'estoient secouru et conforté
par quelconques manière que ce fust, il se renderoient
20 simplement en le volenté dou duch. Quant
li dus de Bretagne oy ces trettiés, se li furent plus
plaisans assés que li aultre, et s'en conseilla au conte
de Campbruge et as barons d'Engleterre qui là estoient.
En ce conseil il y eut pluseurs parolles retournées,
25 et regardoient [trop] fort, en imaginant les
aventures, de quel part confors leur poroit venir.
Mais nullement il ne li savoient veoir ne trouver, se
ce n'estoit dou costé de Saint Salveur le Visconte, où
li connestables de France et li François estoient
30 efforciement. De ce faisoient il la grigneur doubte, et

pour un tant il s'assentirent à ce trettié, mais il ne
veurent donner que huit jours de souffrance: encores
[210] ne le faisoient il mies volontiers, et furent tout joiant
li sires de Cliçon et si compaignon, quant il les peurent
avoir.

§ 767. Ensi demorèrent chil cinc baron de Bretagne
5 en souffrance, et la ville de Camperlé ossi, et
toutdis se tenoit li sièges. Si devés bien croire et savoir
qu'il n'estoient mies à leur aise, quant il se sentoient
en tel dangier que en le volenté de leurs ennemis,
et par especial dou duch qui les haïoit à mort et
10 qui bien disoit que ja n'en prenderoit nulle raençon.
De leur fortune et de leur aventure se doubtoit
bien li rois de France, et avoit cinc ou sis coureurs
à cheval, nuit et jour alans et venans de Paris en
Bretagne et de Bretagne à Paris, et qui dou jour à
15 l'endemain raportoient nouvelles de cent ou de
quatre vins liewes lonch, par les chevaus dont il se
rafreskissoient de ville en ville; et en tel manière il
avoit aultres messagiers, qui ensi s'exploitoient de
Bruges à Paris et de Paris à Bruges, par quoi tous les
20 jours il savoit les trettiés qui là se faisoient. Si tretost
qu'il sceut l'avenue de Camperlé, il se hasta d'envoier
devers son frère le duch d'Ango, et li manda
estroitement, à quel meschief que ce fust, il fesist
clore ces trettiés et presist triewes as Englès pour
25 toutes les metes et limitations de France, et li segnefia
la cause pour quoi. Tantost li dus d'Ango, qui avoit
les legaus en le main, mist main à l'uevre et acorda
unes triewes sus quel estat il estoient, à durer jusques
au premier jour de may l'an mil trois cens settante et
30 sis, et eurent en couvent li doi duch de retourner à
le Toussains à Bruges, et devoit li dus de Lancastre
[211] amener avoecques lui le duch de Bretagne, et li dus
d'Ango prommetoit que il seroit pour lui en tous
estas, et le metteroit à accort de la ducé de Bretagne

envers son frère le roy de France.

- 5 Tantost la chartre de le triewe fu escripte, grossée
et seelée, et dou duch de Lancastre à deus de ses
chevaliers delivrée, les quelz on appelloit l'un monsieur
Nicole Carnessuelle et l'autre monsieur
Gautier Oursewich. Li dus d'Ango, pour haster la
10 besongne et pour ces deus chevaliers moustrer le
chemin, prist deus des sergans d'armes de son frère
le roy, et leur dist: «Hastés vous, et faites haster ces
chevaliers, et renouvelés vous de chevaus par tout où
vous venés, et ne cessés nuit ne jour, tant que vous
15 aiiés trouvé le duch de Bretagne.» Avoech tout che,
il en pria et fist prier par les legaus les deus chevaliers
especialment, et ossi [leurs sires] li dus de Lancastre
leur recarga. Si exploitièrent tant et si vighereusement
que sus cinc jours il furent de Bruges
20 devant Camperlé, et trouvèrent le duch de Bretagne,
qui jeuoit as eschès au conte de Campbruge dedens
son pavillon. Si s'agenouillèrent devant lui et devant
le conte, et les saluèrent en englès.

- Li doi chevalier furent li très bien venu de ces signeurs
25 pour tant qu'il venoient de leur frère le duch
de Lancastre, et demandèrent des nouvelles. Tantost
messires Nicoles Carnessuelle mist avant la chartre
de le triewe, où li commission estoit enexée, et commandoit
li dus de Lancastre, qui plain pooir et auctorité
30 avoit ou lieu dou roy d'Engleterre, son père,
que, en quel estat qu'il fuissent, il se partesissent
tantos et sans delay. Or regardés se ceste cose vint
[212] bien à point pour les barons de Bretagne, qui estoient
enclos en tel dangier en Camperlé, qui n'avoient
mais c'un jour de respit. Onques cose ne cheï si bien
à gens qu'il leur en cheï.

- 5 Vous devés savoir que li dus de Bretagne fu estragnement
courouciés, quant il oy ces nouvelles, et
crolla la tieste et ne parla en grant temps, et le premier

parler qu'il dist, ce fu: «Maudite soit li heure,
quant onques je m'acordai à donner triewe à mes
10 ennemis!» Ensi se deffist li sièges de Camperlé, vosist
ou non li dus de Bretagne, par le vertu de le chartre
de le triewe et de le commission dou duch de Lancastre.
Si se deslogièrent tantost tout courouchié, et
se retraisent vers Saint Mahieu de Fine Posterne, où
15 toute leur navie estoit. Quant li sires de Cliçon, li
viscontes de Rohem, li sires de Laval et li aultre [qui
en Camperlé estoient], veirent ce departement et
sceurent par quele condition, car li dus d'Ango leur
en envia lettres, si furent trop grandement resjoy;
20 car au matin la compagnie volsist avoir paiiet deus
cens mil frans, et il fuissent à Paris.

§ 768. Ensi se desrompi ceste armée dou duch de
Bretagne, faite en Bretagne, et retournèrent li contes
25 de Campbruge, li contes de le Marce, li sires Despensiars
et tout li Englès en Engleterre, et li dis dus
s'en vint au chastiel d'Auroy, où la ducoise sa femme
estoit, qu'il desiroit moult à veoir, car il ne l'avoit
veu, plus d'un an avoit. Si se tint là un terme dalés
lui, et regarda à ses besongnes, et fist tout à loisir ses
30 ordenances, et puis s'en retourna en Engleterre et
en mena sa femme avoecques lui. Ossi li dus de Lancastre
[213] retourna à Calais et de là en Engleterre, sus
l'entente que de revenir à Bruges à le Toussains qui
venoit. D'autre part ossi li dus d'Ango s'en vint à
Saint Omer, et se tint là toute le saison, se ce ne
5 fu un petit qu'il s'en vint esbatre à Guise en Tierasse,
où ma dame sa femme estoit, ensi que sus son hyretage,
et puis retourna tantost à Saint Omer, et li doi
legal tretteur se tinrent à Bruges.

Or revenons à chiaus de Saint Salveur, qui estoient
10 mis en composition devers le connestable de France.
Li Englès, quant il se partirent de Bretagne, il cuidièrent

que cilz sièges se deuist ossi bien lever, que
 il s'estoient levé de devant Camperlé; mais non fist.
 Ançois y eut au jour, qui estimés y estoit, plus de
 15 dis mil lances, chevaliers et escuiers. Quatreton,
 messires Thumas Trivés, messires Jehans de Bouch
 et li compaignon qui dedens estoient, à leur pooir
 debatirent assés la journée, car il avoient oy parler
 de le triewe. Si se voloient ens enclore ossi, mais li
 20 François ne l'entendoient grain ensi; ançois disoient
 que la première couvenance passoit la daarraine ordenance,
 et qu'il avoient mis ou trettié de leur composition
 que, se li dus de Bretagne proprement ne venoit
 lever le siège, il se devoient rendre et mettre leur
 25 garnison en le volenté dou connestable. «Encores
 est li dus ou pays, ce disoient li François; pour
 quoi ne trest il avant? Nous sommes tout pourveu et
 appareillié de l'attendre et dou combatre, et vous
 demandons par vostre serement, se vous li avés point
 30 segnefiit. Il disoient bien: «Oïl.»—«Et pourquoi
 dont ne trait il avant?» Il respondoient: «Il
 maintient, et ossi font nos gens, que nous sommes
 [214] ou trettiet de le triewe.» Li François disoient qu'il
 n'en estoit riens, et les avisa li connestables en tant,
 se il ne rendoient la forterèce ensi que oblegié
 estoient, tout premierement il feroient morir leurs
 5 hostages, et puis les constrainderoient d'assaus plus
 que il n'eussent onques fait. Bien estoit en leur poissance
 dou conquerre; et quant par force il seroient
 conquis, il fuissent tout certain que on n'en prenderoit
 jamais nul à merci, que tout ne fuissent mort.
 10 Ces parolles esbahirent Quatreton et les compaignons,
 et eurent conseil sur ce et regardèrent, tout considéré,
 que confors ne leur apparoit de nul costé, et
 ne voloient mies perdre leurs hostages, siques finablement
 il se rendirent, et s'en partirent sauvement
 15 et emportèrent tout le leur, et reurent leurs hostages,
 ce fu raisons. Si entrèrent en une nef et misent tout

leur harnas en une aultre, et puis singlèrent vers
Engleterre, et li connestables de France prist le saisine
de Saint Salveur le Visconte, ou nom dou roy
20 de France. Adont se departirent toutes gens d'armes,
et se retraist cascuns en son lieu, li duch, li conte, li
baron et li chevalier; et les compaignes fissent leurs
routes à par yaus, qui se retraisent en Bretagne et
sus le rivièrre de Loire. Là les envia li rois de France
25 reposer jusques à tant que il oroit autres nouvelles.

CHAPITRE CII

§ 769. Ces gens de compaignes qui avoient appris à
pillier et à rober et qui ne s'en savoient abstenir,
fissent en celle saison trop de maus ens ou royaume
de France, tant que les plaintes en vinrent au roy.
30 Li rois, qui volentiers eüst adrechiet son peuple et
qui grant compassion en avoit, car trop li touchoit
[215] la destruction de son royaume, n'en savoit que faire.
Or fu adont regardé en France que li sires de Couci,
qui ja avoit demoret hors sis ans ou environ, et qui
estoit uns friches et gentils chevaliers de grant providense
5 et de grant sens, seroit remandés; car on li
avoit oy dire pluseurs fois que il clamoit à avoir
grant droit à la ducé d'Osterice par la succession de
sa dame de mère, qui soer germainne avoit esté dou
duch darraînement trespasé, et cils qui pour le
10 temps possessoit de la ducé d'Osterice, n'estoit que
cousins germains plus lointains assés de droit linage
que li sires de Couci ne fust. Si fu proposé au conseil
dou roy de France que li sires de Couci s'aideroit
bien de ces compaignes, et en feroit son fait [en Osterice],
15 et en deliveroit le royaume de France.

Adont fu remandés li gentilz sires de Couci, messires
Engherans, qui s'estoit tenus en Lombardie un

grant temps et de puis sus la terre dou patrimonne,
 et fait guerre pour la cause de l'Eglise as signeurs de
 20 Melans et as autres, ossi as Florentins et as Pisains,
 et si vaillamment s'i estoit portés que il en avoit
 [grandement] le grasce et le renommée dou Saint
 Père le pape Gregore XI^e. Quant il fu revenus en
 France premierement devers le roy, on li fist grant
 25 feste, et le vei li rois moult volentiers, et li demanda
 des nouvelles: il l'en dist assés. De puis revint li
 sires de Couci en sa terre, et trouva ma dame sa
 femme, la fille dou roy d'Engleterre, à Saint Goubain.
 Si se fisent grans recognissances ensamble, ce
 30 fu raisons, car il ne s'estoient veu de grant temps.
 Ensi petit à petit se racointa li sires de Couci en
 France, et se tint dalés le roy qui le vei moult volentiers.
 [216] Adont li fu demandé couvertement dou signeur
 de la Rivière et Nicolas le Mercier, qui estoient
 [instruit] quanques li rois pooit faire, se il se vorroit
 point cargier ne ensonnier de ces Bretons et des
 5 compaignes pour mener en Osterice. Il respondi que
 il en aroit avis; si s'en consilla à ses amis et le plus
 en soi meismes. Si en respondi sen entente que volentiers
 s'en ensonnieroit, mais que li rois y vosist
 mettre aucune cose dou sien et li prester ossi aucune
 10 finance pour paiier leurs menus frès et pour acquerre
 amis et les passages tant en Bourgongne, comme en
 Aussai, et sus le rivière dou Rin, par où il les couvenoit
 passer et aler, se il voloient entrer en Osterice.
 Li rois de France n'avoit cure quel marchié il fesist,
 15 mais que il veist son royaume delivré de ces compaignes:
 se li acorda toute sa demande, et fina pour
 lui devers les compaignes, et leur delivra grant argent
 mal emploié, ensi que vous orés recorder temprement;
 car onques gens ne s'acquittèrent pis envers
 20 signeur, qu'il s'acquittèrent devers monsigneur de
 Couci. Il prisent son or et son argent, et se ne li
 fisent nul service.

§ 770. Environ le Saint Michiel, l'an mil trois cens
settante et cinc, se departirent ces compaignes et ces
25 gens d'armes, Bretons et aultres de toutes nations,
dou royaume de France, et passèrent parmi Loerainne,
où il fissent moult de destourbiers et de damages,
et pillièrent pluseurs villes et chastiaus et
fuison dou plat pays, et eurent de l'or et de l'argent
30 à leur entente de chiaus de Mès en Lorraine. Quant
chil d'Ausay, qui se tenoient pour le duch de
[217] Lussembourch et de Braibant, en veirent le manière, si
se doubterent de ces males gens, que il ne leur feissent
à souffrir, et se cloïrent, et mandèrent li baron
d'Ausay au signeur de Couci et as barons de Bourgongne
5 qui avoecques lui estoient, le signeur de
Vregi et aultres, que point ne passeroient parmi leur
pays ou cas qu'il se vorroient ensi maintenir. Li sires
de Couci mist son conseil ensamble, car il avoit là
grant fuison de bonne chevalerie de France, monsigneur
10 Raoul de Couci, son oncle, le visconte de
Miaus, [le signeur de Roye, monsigneur Raoul de
Raineval], le signeur de Hangest, messire Hue de
Roussi et fuison d'autres, siques, yaus consilliet, il
regardèrent que li signeur et li pays d'Ausay avoient
15 droit. Si prièrent moult doucement as chapitains des
compaignes et as Bretons et Bourghegnons, que il
vosissent courtoisement passer et faire passer leurs
gens parmi Ausay, par quoi li pays leur fust ouvers,
et qu'il peussent faire leur fait et leur emprise. Il
20 l'eurent tout en couvent volentiers, mais de puis il
n'en tinrent riens. Toutes fois, au passer et à l'entrer
en Aussai, il furent assés courtois.

Or parlerons des parlemens qui furent assignet à
Bruges. Il est verités que à le Toussains, li dus de
25 Lancastre et li dus de Bretagne, pour le partie dou
roy d'Engleterre, y vinrent moult estoffeement et en
grant arroy. Ossi fissent li dus d'Ango et li dus de
Bourgongne, et remoustroit cascuns de ces signeurs

sa grandeur et sa poissance.

- 30 Si fist li dus de Bourgongne en ce temps une très
grande feste de joust, en le ville de Gand en Flandres,
de cinquante chevaliers et de cinquante escuiers de
[218] dedens. Et furent à celle joust grant fuison de haus
signeurs et de nobles dames, tant pour honnourer
le duch de Bourgongne que pour veoir l'estat des
dus qui là estoient: le duch d'Ango, le duch de Lancastre
5 et le duch de Bretagne. Si y furent li dus de
Braibant et ma dame sa femme, et li dus Aubers et
sa femme, et la duchoise de Bourgongne. Si furent ces
joustes bien festées et dansées, et par quatre jours
joustées; et tint adont là li contes de Flandres grant
10 estat et poissant, en honnourant et exauchant la
feste de son fil et de sa fille, et en remoustrant sa
rikèce et sa poissance [à ces signeurs estraingniers de
Franche], d'Engleterre et d'Alemagne. Quant ces
joustes furent passées et li signeur retrait, si retournèrent
15 à Bruges li dus d'Ango, li dus de Bourgongne
et leurs consaulz d'Engleterre. Ossi fissent li dus de
Lancastre, li dus de Bretagne et li consaulz d'Engleterre
et li doi legal trettieur. Si se commencièreent à
entamer et à proposer parlement et trettiet, et li doi
20 legal à aler de l'un à l'autre, qui portoient ces parolles,
qui peu venoient à effet; car cescuns se tenoit si fiers
et si grans, que raisons n'i pooit descendre. Li rois
d'Engleterre demandoit coses impossibles pour lui,
ce que li François n'eussent jamais fait: toutes les
25 terres que li rois de France ou ses gens avoient conquis
sur lui, et tout l'argent qui estoit à paiier quant
la devant ditte pais fu brisie, et delivré le capital [de
Bues] hors de prison. D'autre part li rois de France
voloit avoir la ville, et le chastiel de Calais, abatue,
30 quel trettié qu'il fesist, et de cel argent tout l'opposite;
mais toute la somme entièrement que li rois ses
pères et ils avoient d'argent paiiet, il voloit ravoir, ce
[219] que li rois d'Engleterre n'eust jamais fait, l'argent

rendu ne Calais abatue. Si furent grant temps sus cel
estat, et li legal aloient proporsionnant et à leur
pooir amoienant ces demandes, mès elles s'approçoient
5 trop mal. Se furent les parties, tant de France
comme d'Engleterre, un grant temps en Flandres,
et fui adont ensi enfourmés que finablement Bretagne
et Espagne rompirent tous les trettiés. Si furent
les triewes ralongies jusques au premier jour d'avril
10 mil trois cens settante et sis, et se departirent de
Bruges tout cil duch: li un s'en alèrent en Engleterre,
et li aultre en France, et li legaulx demorèrent à Bruges;
mais cascade de ces parties devoient à le Toussains
renvoier gens pour yaus, qui aroient plain pooir et
15 auctorité, otel comme li doi roy aroient, se il y
estoient personnelment, de faire pais et acord ou de
donner triewes.

§ 771. Or revenons au signeur de Couci, qui
estoit en Aussai, et avoit deffiiet le duch d'Osterice
20 et tous ses aidans, et li cuidoit faire une grant
guerre, et moult s'en doubtoient li Ostrisien. Nequedent,
comme très vaillans gens d'armes et que bon
guerrier qu'il sont et soutil, il alèrent et obvièrent
grandement à l'encontre de ces besongnes, car,
25 quant il sentirent le signeur de Couci et ses gens et
ces compaignes approcier, euls meismes ardirent et
destruisirent au devant d'yaus bien trois journées
de pays.

Quant cil Breton et ces compaignes furent oultre
30 Aussai et sus le rivièrre de Rin, et il deurent approcier
les montagnes qui departent Aussai et Osterice, et il
[220] veirent un povre pays et trouvèrent tout ars et desrobé,
non pas pays de tel ordenance comme il est
sus le rivièrre de Marne et de Loire, et ne trouvèrent
que genestes et broussis, et que plus aloient avant et
5 plus trouvoient povre pays ars et desrobé d'yaus

meismes, et il avoient apris ces biaux vignobles et
ce gras pays de France, de Berri et de Bretagne, et
ne savoient que donner leurs chevaux, si furent
tout esbahi. Si s'arrestèrent sus le rivière de Rin ensamble
10 les compagnes, et eurent parlement les chapitaines
des Bretons et li Bourghegnon ensamble,
pour savoir comment il se maintenroient. «Et comment,
disent il, est tel cose la ducé d'Osterice? Li
sires de Couci nous avoit donné à entendre que c'estoit
15 li uns des gras pays dou monde, et nous le trouvons
le plus povre: il nous a deceu laidement. Se
nous estions delà celle rivière de Rin, jamais ne le
porions rapasser, que nous ne fuissions tout mort et
pris et en le volenté de nos ennemis les Alemans,
20 qui sont gens sans pitié. Retournons, retournons en
France; ce sont mieulz nos marces. Mal dehait ait
qui ja ira plus avant!» Ensi furent il d'acord d'yaus
logier, et se logièrent tout contreval le Rin, et firent
le seigneur de Couci logier tout en mi yaus, li quelz
25 tantos, quant il vei ceste ordenance, se commença à
doubter qu'il n'i eust trahison. Se leur dist moult
doucelement: «Seigneur, vous avés pris mon or et
mon argent, dont je sui grandement endebtés, et
l'argent dou roy de France, et vous estes oblegié par
30 foy et par sierement que de vous acquitter loyaument
en ce voiage: si vous en acquittés. Aultrement, je sui
li plus deshonnourés homs dou monde.»—«Sires
[221] de Couci, respondirent à ce premiers les chapitaines
des compagnes et li Bourghegnon, la rivière
de Rin est encores moult grosse ne on ne le poet
passer à gué sans navire. Nous sejournerons chi:
5 entrués venra li biaux temps. Nous ne savons les chemins
en ce pays. Passés devant, nous vous sievrons.
On ne met mies gens d'armes ensi hors d'un bon
pays, que mis nous avés. Vous nous disiés et affiiés
que Osterice est uns des bons et des gras pays dou
10 monde, et nous trouvons tout le contraire.»—«Par

ma foy, respondi li sires de Couci, c'est mont,
mais ce n'est mies chi à l'entrée. Par delà ceste rivière,
et oultre ces montaignes que nous veons, trouverons
nous le bon pays.»—«Or passés dont devant,
15 et nous vous sievrons.» Ce fu toute la plus courtoise
response que il peut à celle heure avoir d'yaus,
mais se logièrent, et le signeur de Couci en mi yaus,
et par tel manière que, se il s'en vosist adont estre
partis, il ne peuist, tant estoit il priès gettiés. De la
20 quel cose il avoit grant doubte, et ossi avoient tout
li Pikart, li Englès, li Haynuier et li François, des
quelz il y avoit bien trois cens lances.

Or vinrent nouvelles en l'ost que li dus d'Osterice
se voloit acorder et composer au signeur de Couci,
25 et li voloit donner une belle terre, qui vault bien
vint mil frans par an, que on clame la conté de
Fuiet. Voirement en furent ils aucuns trettiés; mès il
ne continuèrent point, car ce sambloient au signeur
de Couci et à son conseil trop petites offres.

30 § 772. Quant li sires de Couchi vey que ces gens
que il avoit là amenés, ne vorroient aler plus avant,
[222] et que il ne li faisoient que respondre à le traverse,
si fu durement merancolieus, et s'avisa de soi
meismes, comme sages et imaginatis chevaliers, que
ces compaignes le poroient deshonnourer, car, se de
5 force il le prenoient, il le poroient delivrer au duc
d'Osterice et vendre pour la cause de leurs gages, car
voirement demandoient il argent sus le temps à
venir, se on voloit que il alaissent plus avant. Et, se
ensi estoit que il le delivraissent par celle manière as
10 Alemans, jamais il ne s'en veroit delivrés. Si eut
conseil secret à aucuns de ses amis, à trop de gens ne
fu ce mies, que il s'embleroit d'yaus et se metteroit
au retour. Tout ensi comme il le pensa et imagina,
il le fist, et se parti de nuit en abit descogneu, et

15 chevaucha lui troisieme tant seulement. Toutes manieres
de gens d'armes et de Bretons et ses gens ossi, excepté
cinc ou sis, cuidoient que il fust encores en ses logeis,
et il estoit ja eslongiés et hors de tous perilz
bien deus journées, et ne tenoit nul droit chemin,
20 mais il fist tant qu'il s'en revint en France. Si fu
durement li rois de France esmervilliés; ossi furent
li dus d'Ango, li dus de Berri, li dus de Bourgongne
et moult d'autres signeurs, quant il le veirent [en ce
parti] revenu, et il le cuidoient en Osterice: ce leur
25 sambla uns drois fantosmes. Et li demandèrent de
ses besongnes comment il en aloit, et dou duch d'Osterice
son cousin quel chièr il li avoit fait. Li sires
de Couci ne fu mies esbahis de remoustrer son afaire,
car il estoit richement enlangagiés et [avait] escusance
30 veritable. Si cogneut au roy et à ces dus toute
[le] verité, et leur compta de point en point l'estat des
compagnes et comment il s'estoient maintenu et quel
[223] cose il avoient respondu, et tant fist, et de voir, que
il demora sus son droit, et les compagnes en leur
blasme. Et se tint en France dalés le roi et ses frères,
et tantost apriès Paskes il eut congiet dou roy de
5 France d'aler jouer en Engleterre et de mener y sa
femme la fille dou roy d'Engleterre, et eut adonques
[aucuns] trettiés secrés entre lui et le roy de France,
qui ne furent mies sitost ouvert. Et fu adont regardé
en France des plus sages que c'estoit uns sires de
10 grant prudense, bien tailliés de trettiier pais et acord
entre les deus rois, et que on n'avoit en lui veu fors
que toute loyauté. Se li fu dit: «Sires de Couci,
c'est li entention dou roy et de son conseil que vous
demorés dalés nous en France; si nous aiderés à consillier
15 et à trettier devers ces Englès, et encores vous
prions nous, que en ce voiage que vous ferés, couvertement
et sagement, ensi que bien le sarés faire, vous
substanciés dou roy d'Engleterre et de son conseil
sus quel estat on poroit trouver paix ne acord entre

20 yaus et nous.» Li sires de Couci eut ensi en couvent;
si se appareilla dou plus tost qu'il peut, et
parti de France, et ma dame sa femme et tout leur
arroy. Si exploitièrent tant que il vinrent en
Engleterre.

25 § 773. Or parlons de ces compagnons qui se tinrent
pour trop decheu, quant il sceurent que li sires
de Couchi leur estoit escapés et retournés en France.
Si disoient li aucun que il avoit bien fait, et li aultre
disoient que il s'estoit fais et portés grant blasme. Si
30 se misent au retour et revinrent en France, en ce bon
pays qu'il n'appelloient mies Osterice, mais leur
[224] cambre. Quant li sires de Couci eut esté une espasse
en Engleterre dalès le roy son [grant] seigneur, qui li
fist bonne chièr et à sa fille ossi, et il eut viseté le
prince de Galles, son frère, qui gisoit malades à
5 Londres, et estoit en mains de surgiiens et de medecins,
et ossi viseté ses aultres frères le duch Jehan
de Lancastre et ma dame sa femme, le conte de
Campbruge et monsigneur Thumas le mainsnet, et le
jone Richart, fil dou prince, qui estoit en le garde et
10 doctrine de ce gentil et vaillant chevalier monsigneur
Guichart d'Angle, il prist congiet à tous et à toutes,
et laissa là sa mainsnée fille la damoiselle de Couci
et sa femme, et puis s'en retourna en France.

En ce temps paia li rois Edouwars d'Engleterre as
15 barons et as chevaliers de son pays son jubilé, car il
avoit esté cinquante ans rois. Mais ançois fu trespasés
messires Edowars ses ainsnés filz, princes de
Galles et d'Aquittaines, la fleur de toute chevalerie
dou monde en ce temps et qui le plus avoit esté fortunés
20 en grans fais d'armes et acompli de belles
besongnes. Si trespassa li vaillans homs et gentilz
princes de Galles ens ou palais de Wesmoustier dehors
la cité de Londres. Si fu moult plains et regretés,

et sa bonne chevalerie moult regretée, et eut li gentilz
25 princes à son trespas la plus belle recognissance
à Dieu et la plus ferme creance et repentance, que
on vei onques grant signeur avoir. Ce fu le jour de
le Trinité, en l'an de grasce Nostre Signeur mil trois
cens settante et sis. Et pour plus autentiquement et
30 reveramment faire la besongne, et que bien avoit
dou temps passé conquis par sa bonne chevalerie
que on li fesist toute l'onneur et reverense que on
[225] poroit, il fu embausumés et mis en un vaissiel de
plonch et là tous ensepelis, excepté le viaire, et ensi
gardés jusques à le Saint Michiel, que tout li prelat,
conte, baron et chevalier d'Engleterre furent à son
5 obsèque à Wesmoustier.

§ 774. Sitos que li rois de France fu segnefiés de
la mort de son cousin le prince, il li fist faire son
obsèque moult reveramment en la Sainte Capelle dou
palais, et y furent si troi frère et grant fuison de
10 prelas, de barons et de chevaliers dou royaume de
France; et dist bien li rois de France et afrema que
li princes de Galles avoit regné poissamment et
vassaument.

Or vint li Toussains, que li rois d'Engleterre envoia
15 as parlemens à Bruges, ensi que ordenance se
portoit, monsieur Jehan de Montagut, le signeur
de Gobeheim, l'evesque de Halfort et le doien de
Saint Pol de Londres; et li rois de France, le conte
de Salebruce, le signeur de Chastillon et monsieur
20 Phillebert de l'Espinace; et toutdis estoient là li doi
legal trettieur. Si se tinrent chil signeur et chil trettieur
tout le temps à Bruges, et peu exploitièrent, car
toutes leurs coses tournoient à noient; car li Englès
demandoient, et li François ossi.

25 En ce temps estoit li dus de Bretagne en Flandres
dalés son cousin le conte Loeis de Flandres, le quel

il trouvoit assés traittable et amiable, mès point ne
s'ensonnioit de ces trettiés.

Environ le quaremiel se fist uns secrés treti[é]s entre
30 ces François et ces Englès, et deurent li Englès leurs
trettiés porter en Engleterre, et li François en France,
[226] cascuns devers son signeur le roy, et devoient retourner,
ou aultre commis que li roy renvoieroient,
à Moustruel sus mer; et sus cel estat furent les triewes
ralongies jusques au premier jour de may. Si en alèrent
5 li Englès en Engleterre, et li François [revinrent]
en France, et raportèrent leurs trettiés, et recordèrent
sus quel estat il estoient parti l'un de l'autre.
Si furent envoiïet à Moustruel sus mer, dou costé des
François, li sires de Couci, li sires de le Rivière, messires
10 Nicolas Brake et Nicolas le Mercier, et dou
costé des Englès, messires Guichars d'Angle, messires
Richars Sturi et Joffrois Cauchiés. Et parlementèrent
cil signeur et ces parties grant temps sus le
mariage dou jone Richart, fil dou prince, et de ma
15 demoiselle Marie, fille dou roy de France, et revinrent
arrière en Engleterre, et raportèrent leurs trettiés,
et ossi li François en France, et furent les triewes
ralongies un mois.

§ 775. Nous avons oubliïet à recorder comment
20 li rois d'Engleterre, le jour de le Nativité Nostre Seigneur,
l'an dessus dit, tint en son palais, à Wesmoustier,
une grant feste et solennele, et y furent,
par mandement et commandement dou roy, tout li
prelat, [li duc], li conte, li baron et li chevalier
25 d'Engleterre. Et là fu eslevés Richars, li filz dou prince, et
le fist li rois porter devant lui, et le ravesti, present
tous les dessus dis, de l'iretage et royaume d'Engleterre
à tenir apriès son dechès, et l'assist dalés lui, et
fist jurer tous prelas, contes, barons et chevaliers et
30 officiiers des cités et des bonnes villes des pors et

des passages d'Engleterre, que il le tenroient à signeur
[227] et à roy. Apriès ce, li vaillans rois encheï en une
foiblèce, de la quele il morut en l'anée, ensi que vous
orés [recorder] temprement. Mais nous perseverrons
de ces parlemens et de ces trettiés, qui ne vinrent à
5 nul pourfit.

§ 776. A ces parlemens et secrés trettiés qui furent
assigné en le ville de Moustruel, furent envoiet
de par le roy de France li sires de Couci et messires
Guillaumes des Dormans, canceliers de France: si s'en
10 vinrent tenir à Moustruel. De le partie des Englès
furent renvoiet à Calais li contes de Sallebrin, messires
Guichars d'Angle, li evesques de Halfort et li
evesques de Saint David, cancelier d'Engleterre. Et
estoit là li trettieur qui aloient de l'un à l'autre, et
15 qui portoient les trettiés, li archevesques de Ravane
et li evesques de Carpentras. Et furent toutdis leur
parlement et leur trettié sus le mariage devant dit,
et offroient li François, avoecques leur dame, fille
dou roy de France, douse cités ou royaume de
20 France, c'est à entendre en la ducé d'Aquittaines, mais
il voloient avoir Calais abatue. Si se desrompirent
cil parlement et cil trettié, sans riens faire, car onques
pour cose que cil trettieur seussent dire, prier ne
remoustrer, ces parties ne se veurent ou osèrent onques
25 asseurer sus certaine place, entre la ville de Moustruel
et Calais, pour yaus comparoir l'un devant
l'autre. Si demorèrent les choses ensi, et ne furent les
triewes plus ralongies, mais la guerre renouvelée, et
retournèrent li François en France.

30 Quant li dus de Bretagne vei ce, qui se tenoit à
Bruges dalés son cousin le conte de Flandres, et li
[228] legal furent là retourné, qui disent qu'il ne pooient
riens faire, si escrisi devers le conte de Sallebrin et
monsieur Guichart d'Angle, qui estoient à Calais,

que à tel jour, atout gens d'armes et archiers, il fuissent
5 contre lui, car il s'en voloit raler en Engleterre,
et il se doubtoit des embusces sus les frontières de
Flandres et d'Artois, siques li dessus dit, li contes de
Sallebrin et messires Guichars d'Angle, se departirent
de Calais à cent hommes d'armes et deus cens archiers,
10 et vinrent requerre bien avant en Flandres
le duch de Bretagne, et le ramenèrent sauvement à
Calais.

§ 777. Quant Nostre Saint Père le pape Grégoire
XI^e senti et entendit que la pais entre le roy de
15 France et le roy d'Engleterre ne se pooit trouver
pour moien ne pour trettié que on sceuist ne peüst
mettre avant, se li fu une cose moult desplaisans, et
dist à ses frères les cardinaus que il se voloit partir
d'Avignon et qu'il se ordonnaissent, car il voloit aler
20 tenir son siège à Romme. Li cardinal ne furent mies
trop resjoy de ces nouvelles et li debatirent ce qu'il
peurent par pluseurs voies raisonnables, et li
remoustrèrent bien que, se il aloit là, il metteroit
l'Eglise en grant tourble. Non obstant toutes parolles,
25 il dist que il avoit ce de veu et qu'il iroit, comment
que ce fust. Si se ordonna et les constraindi au partir
avoecques lui; toutes fois, quant il veirent qu'il n'en
aroient aultre cose, il se misent avoecques lui et
montèrent en mer à Marseille, et singlèrent tant qu'il
30 vinrent à Genuenes. Là se rafreskirent, et puis entrèrent
de rekief en leurs galées, et exploitièrent tant
[229] par leurs journées qu'il vinrent à Romme. Si furent
li Rommain grandement resjoy de leur venue, et
tous li pays de Rommagne. Par celle motion que li
dessus dis papes fist, avinrent depuis grans tourbles
5 en l'Eglise, sicom vous orés recorder cha apriès,
mais que ceste hystore dure jusques à là.

§ 778. Toute celle saison que cil trettié et parlement
de paix qui point n'avinrent, furent à Bruges,
li rois de France avoit ses pourveances et sen armée
10 fait faire sur mer et appareillier très grossement, et
avoit entention d'envoier ardoir en Engleterre; et
estoient ses gens pourveu de gallées et de gros vaissiaux
que li rois Henris d'Espagne leur avoit envoiés,
et l'un de ses [maistres] amiraus, qui s'appelloit dan
15 Ferrans Sanses de Touwars. Et li amiraus de France
estoit pour le temps messires Jehans de Viane;
avoecques lui estoit messires Jehans de Rays et pluseur
appert chevalier et escuier de Bourgongne, de
Campagne et de Pikardie [et d'aulture part]. Si waucroient
20 ces gens marins sus mer, et n'attendoient
aulture cose que nouvelles leur venissent que la guerre
fust renouvelée, et bien s'en doubtoient en Engleterre,
et l'avoient les chapitaines des isles d'Engleterre,
de Gernesie, de Grenesée et de Wisk segnefiit
25 au conseil dou roy d'Engleterre, car li rois estoit ja
moult malades, et ne parloit on point à lui des besongnes
de son royaume, fors à son fil le duch de
Lancastre, et estoit si très foibles que li medecin
n'i esperoient point de retour. Si fu envoiés à
30 Hantonne messires Jehan d'Arondiel, atout deus
cens hommes d'armes et trois cens arciers, pour
[230] garder le havene, le ville et le frontière contre les
François.

Quant li dus de Bretagne, ensi que contenu et devisé
est chi devant, fu ramenés à Calais dou conte de
5 Sallebrin et de monsigneur Guichart d'Angle, il entendit
que li rois, ses sires, estoit durement malades et
afoiblis. Si se parti dou plus tost qu'il peut et monta
en mer, et demorèrent encores à Calais li contes de
Sallebrin et messires Guichars d'Angle. Si prist terre
10 à Douvres li dis dus, et puis chevauça viers Londres,
et demanda dou roy, où il estoit. On li dist que il
gisoit [moult] malades en un petit manoir royal, qui

est là sus le [rivière de] Tamise, à cinc liewes englesces
de Londres, que on dist Cenes. Là vint li
15 dus de Bretagne: si y trouva le duch de Lancastre,
le conte de Campbruge et monsigneur Thumas le
mainstet, et ossi le conte de le Marce, et n'attendoient
dou roy fors l'eure de Dieu; et ossi estoit là
sa fille, ma dame de Couci, qui moult estoit astrainte
20 de coer de grant dolour et anguisse, de ce que elle
veoit son signeur de père en ce parti.

Le jour devant la vigile Saint Jehan Baptiste, en
l'an de grasce Nostre Signeur mil trois cens settante
et set, trespasa de ce siècle li vaillans et li preus rois
25 Edouwars d'Engleterre: de la quele mort tous li pays
et li royaumes d'Engleterre fu durement désolés; et
ce fu raisons, car il leur avoit estet bons rois. Onques
n'eurent tel ne le pareil puis le temps le roy Artus,
qui fu ossi jadis rois d'Engleterre, qui s'appelloit à
30 son temps la Grant Bretagne. Si fu li rois embaulsumés
et mis et couchiés sus un lit moult reveramment
et moult poissamment, et portés ensi au lonch de le
[231] cité de Londres de vint et quatre chevaliers vestis de
noir, si troi fil et le duch de Bretagne et le conte de
le Marce derrière lui, et ensi alant pas pour pas, à
viaire descouvert. Qui veist et oïst en ce jour les
5 grans lamentations que li peuples faisoit, les plours,
les cris et les regrés qu'il disoient et qu'il faisoient,
on en eüst grant pitié et grant compassion au cuer.
Ensi fu li nobles rois aportés au lonch de Londres
jusques à Wesmoustier, et là mis jus et ensepelis
10 dalés ma dame sa femme, Phelippe de Haynau,
royne d'Engleterre, ensi qu'en leur vivant avoient
ordonné. Et fu fais li obsèques dou roy si noblement
et si reveramment que on peut onques, car
bien le valli; et y furent tout li prelat, li conte, li
15 baron et li chevalier d'Engleterre, qui pour ce temps
y estoient.

Apriès cel obsèque, on regarda que li royaumes
d'Engleterre ne pooit estre longement sans roy, et
que pourfitable estoit pour tout le royaume de couronner
20 tantost le roy qui estre le devoit, et le quel li
vaillans rois, qui mors estoit, avoit ordonné et raveni
dou royaume très son vivant. Si ordonnèrent là li
prelat, li conte, li baron, li chevalier et les communautés
d'Engleterre, et assignèrent un certain jour et
25 bien brief, que on couronneroit l'enfant, le jone Richart,
qui fils avoit estet dou prince, et furent à ce
tout d'acord.

En celle sepmainne que li rois estoit trespasés,
retournèrent de Calais en Engleterre li contes de Sallebrin
30 et messires Guichars d'Angle, qui furent moult
tristre et fort courouchié de la mort le vaillant roy;
mès souffrir leur convint, puis que Diex le voloit
[232] ensi. Si furent tout li pas clos en Engleterre, ne nulz
n'en partoît, de quel costé que ce fust, pour tant que
on voloit mettre toutes les besongnes dou pays en
bonne et estable ordenance, ançois que la mort dou
5 vaillant roy fust sceue.

Or vous parlerons de l'armée françoise, qui estoit
sus mer.

§ 779. Droitement la vigile Saint Pière et Saint
Pol, vinrent li François prendre terre à un port en
10 le conté d'Exesses, vers les marces de la conté de
Kent, à une assés bonne ville plainne de peskeurs
et de maronniers, que on dist Rie. Si le pillièrent et
robèrent et ardèrent toute entierement, puis rentrèrent
en leurs vaissiaus et rentrèrent en mer, et prirent le
15 parfont et les costières de Hantonne, mès point n'i
approcièrent à celle fois.

Quant les nouvelles en vinrent à Londres, où tous
li pays s'assambloit pour couronner leur signeur le

jone Richart, si en furent toutes gens durement
20 esmeu, et disent ensi li signeur et toutes gens d'un
acord: «Il nous fault haster de couronner nostre
roy, et puis aler contre ces François, ançois que il
nous portent plus grant damage.» Si fu couronnés
ou palais, et en le capelle de Wesmoustier, à roy
25 d'Engleterre li jones Richars, le VIII^e jour dou mois
de jule l'an dessus dit, en l'onsime an de son eage;
et fist ce jour li dis rois Richars neuf chevaliers et
cinc contes. [Les chevaliers ne sçay je mie bien nommer;
si m'en tairay, mais les contes vous nommeray:
30 premierement] monsigneur Thumas, son oncle,
conte de Boukinghem; monsigneur Henri, signeur
[233] de Persi, conte de Northombrelande; monsigneur
Thumas de Hollandes, son frère, conte de Kent;
monsigneur Guichart d'Angle, son mestre, conte de
Hostidonne; et le signeur de Montbrai, conte de
5 Notinghen.

Tantost apriès celle feste et le couronnement dou
roy, on ordonna li quel iroient à Douvres pour là
garder le passage, et li quel iroient d'autre part. Si
furent esleu li contes de Campbruge et li contes de
10 Boukinghen, li doi frère, d'aler à Douvres, à tout
quatre cens hommes d'armes et sis cens archiers, et
li contes de Sallebrin et messires Jehans de Montagut,
ses frères, à une aultre ville et bon port, que on
dit Pesk, atout deus cens hommes d'armes et trois
15 cens archiers.

Or vous parlerons des François, comment il exploitièrent,
entrues que ces ordenances se fissent et li couronnemens
dou jone roy, où on detria environ dis
ou douse jours, ançois que chil signeur fuissent et
20 leurs gens où il devoient aler, excepté messires Jehans
d'Arondiel. Chilz [là] fu toutdis tous quois
avoech ses gens et se charge à Hantonne, et bien il [y]
besongna; car, se il n'i eüst esté en l'estat que je vous

di, la ville eüst esté destruite des François, car il
 25 vinrent prendre terre en l'isle de Wiske, et là s'arrestèrent,
 et misent leurs chevaus hors de leurs nefs,
 pour courir sus le pays, et y coururent et ardirent
 ces villes que je vous nommerai: Lemonde, Dartemonde,
 Pleumonde et Wesmue, qui estoient bon
 30 gros village. Si les pillièrent et robèrent, et y prisent
 sus le pays et ens es dittes villes pluseurs riches
 hommes à prisonniers, et puis s'en retournèrent à
 [234] leur navie et misent ens tout leur conquès et leurs
 chevaus, et rentrèrent ens, et se desancrèrent, et s'en
 alèrent vers Hantonne. Si cuidièrent là arriver de
 l'autre marée, et vinrent devant le havene, et firent
 5 grant samblant de prendre terre. Messires Jehans
 d'Arondiel et ses gens, qui estoient tout avisé de leur
 venue, car il les avoient veu nagier sus mer et prendre
 lor tour pour ariver et prendre terre à Hantonne,
 estoient tout ordené et armé et mis en bataille devant
 10 le havene. Là eut un petit d'escarmuce, et veirent
 bien li François que il n'i pooient riens conquerir:
 si se retraisent et se boutèrent en mer, en costiant
 Engleterre et en revenant vers Douvres. Si singlèrent
 tant, que il vinrent à un autre port que on dist Pesk,
 15 où il y a une bonne ville, et veurent là prendre terre;
 mais messires Guillaumes de Montagut, contes de
 Sallebrin, et messires Jehans, ses frères, et leurs gens
 leur furent au devant et se misent ordonneement en
 bataille pour yaus attendre. Là eut un petit escarmuciet,
 20 mais ce ne fu point gramment; car il rentrèrent
 en mer et singlèrent [aval] en costiant Engleterre
 et en approchant Douvres. Là sont pluseur
 village sus coste seans sus mer, qui, en leur venant,
 eüssent esté tout ars et gasté, mais li contes de
 25 Sallebrin et ses frères et leurs gens les poursievoient
 et costioient as chevaus; et quant il voloient
 prendre terre, chil leur estoient au devant, qui leur
 deffendoient vaillamment, et remoustrèrent bien que

c'estoient droites gens d'armes et de bonne ordenance,
30 et qui avoient à garder l'onneur de leur pays.

§ 780. Tout ensi en costiant Engleterre, messires
[235] Jehans de Viane et messires Jehans de Rays et li amiraus
d'Espagne herrioient le pays et mettoient grant
entente et grant painne à ce que il peussent prendre
terre sus Engleterre à leur plus grant avantage. Et
5 tant alèrent en cel estat, qu'il vinrent à un bon gros
village sus mer, et où il y a une bonne riche priorie,
que on dist Lyaus. Là estoient les gens dou pays
venu et recueillié avoeques le prieus de Lyaus et deus
chevaliers, par le quel conseil il se voloient ordonner
10 et combatre, se li François venoient. Li chevalier
estoient nommet messires Thomas Cheni et messires
Jehans Afasselée. Là ne peurent li contes de Sallebrin
ne ses frères venir à temps, pour les divers chemins
et le mauvais pays qui est entre Lyaus et le marce,
15 où il se tenoient. Là vinrent à ce port li dessus dit
François et leurs gallées moult ordonneement et ancrèrent
dou plus priès de terre qu'il peurent, et prirent
terre, vosissent ou non li Englès, qui leur deffendirent
ce qu'il peurent. Là eut à l'entrer en la
20 ville grant hustin et force escarmurce et pluseurs
hommes navrés des François à ce commencement
par le trait; mais il estoient si grant fuison qu'il
reculèrent leurs ennemis, li quel se recueillièrent moult
faiticement en une place devant le moustier, et attendirent
25 leurs ennemis, li quel s'en vinrent sus yaus
hardiement combatre main à main très ordonneement.
Là furent faites pluseurs grans apertises
d'armes des uns et des aultres, et se deffendirent li
Englès moult bien selonch leur quantité, car il n'estoient
30 que un petit ens ou regard des François: si se
prendoient priès de bien faire la besongne. Ossi li
François avoient, avoeques le bon desir, grant entente
[236] d'yaus porter damage. Là obtinrent il le place,

et furent li Englès desconfi, et en y eut bien deus
cens mors et grant fuison de pris des plus notables,
riches hommes de le marce, qui là estoient venu
5 pour leur corps avancier; et furent pris li doi chevalier
et li prieus. Si fu li ville de Lyaus toute courue,
arse et destruite, et aucun petit village marcissant
illuech. Et puis, quant la marée fut revenue, il
estoient ja rentré en leurs vaissiaus, il se desancrèrent,
10 et si se partirent de Lyaus et en menèrent leur
pillage et leurs prisonniers, par les quels il sceurent
la mort dou roy d'Engleterre et le couronnement
dou roy Richart.

Adont messires Jehans de Viane s'avança de segnefiier
15 ces nouvelles au roy de France. Si fist partir un
sien chevalier et trois escuiers, qui portoient lettres
de creance, en une grosse barge espagnole qui traversa
la mer, et vint arriver au Crotoi desous Abbeville:
là prisent il terre, et montèrent as chevaus, et
20 chevaucièrent viers la cité d'Amiens sans entrer en
Abbeville, et exploitièrent tant par leurs journées que
il vinrent à Paris. Là trouvèrent il le roy [de France],
le duch de Berri, le duch de Bourgongne et le duch
de Bourbon, et grant fuison de nobles signeurs: si
25 fisent leur message bien et à point, et furent bien
creu parmi les lettres de creance qu'il portoient.

Quant li rois de France sceut le mort de son adversaire
le roy d'Engleterre, et le couronnement dou roy
Richart, si ne fu mies mains pensieus que devant,
30 non que ce li touchast noient, mais il se voloit
acquitter de le mort son cousin le roi d'Engleterre,
le quel, le paiz durant, il appelloit frère; et
[237] li fist faire son obsèque ossi poissamment et ossi
notablement, en le Sainte Chapelle de Paris, que dont
que li rois d'Engleterre eust esté ses cousins germains,
et là remoustra li rois de France qu'il estoit
5 plains de toute honneur, car il s'en fust bien passés

à mains, se il volsist.

Or parlerons nous de monsigneur Jehan de Viane,
et compterons comment il persevera.

§ 781. Apriès le desconfiture de Lyaus, ensi que
10 vous avés oy, [les François] rentrèrent en leur navie et
singlèrent devers Douvres, où tous li pays estoit assamblés,
et là estoient li doi oncle dou roy, li contes
de Campbruge et li contes de Boukinghen, et bien
quatre cens lances et huit cens arciers, et euissent
15 volentiers veu que li François se fuissent avancié
pour là prendre terre. Et avoient ordené ensi qu'il
ne leur deve[e]roient point à prendre terre pour combatre
mieux à leur aise; car il se sentoient fors assés
pour yaus recueillir. Si se tenoient tout quoi en le
20 ville, ordonné par manière de bataille, et veoient
bien avant en le mer la navie monsigneur Jehan de
Viane, qui approçoit et venoit avoech le mer tout
droit vers Douvres. Si se tenoient li signeur et li Englès,
qui là estoient, pour tout conforté qu'il venroient
25 jusques à là et que il aroient bataille; et furent
voirement devant le havene et droit à l'entrée, et
n'eurent point conseil de prendre là terre, mais tournèrent
leurs singles, et s'en vinrent de celle marée
tout droit devant Calais, et là ancrèrent. De quoi cil
30 de le ville de Calais furent moult esmervilliet, quant
il les veirent si soudainement là venir, et se coururent
[238] tantost armer et appareillier, car il cuidoient
avoir l'assaut, et cloïrent leurs portes et leurs barrières,
et furent en grant effroi; car messires Hues de
Cavrelée, qui pour ce temps estoit chapitaine de
5 Calais, n'i estoit point, mais il revint au soir, car en
che propre jour, il avoit chevaucié hors devant Saint
Omer, en se compagnie messires Jehan de Harleston,
gouvreneur de Ghines, et li sires de Gommegnies,
chapitaine d'Arde. Si fu fais nouviaux chevaliers en

10 celle chevaucie li ainsnés filz le signeur de Gommegnies,
messires Guillaumes: si retournèrent au
soir sans riens faire, fors yaus moustrer ces chapitaines
en leurs garnisons: si trouva, ensi que je
vous di, messires Hues de Cavrelée celle grosse navie
15 de France et d’Espagne devant Calais. Si fisent bon
ghet et grant, celle première nuit, et à l’endemain,
toute jour furent il armé, car il cuidièrent avoir l’assaut
et le bataille. On supposoit adont en France, et
ossi le cuidièrent bien adont li Englès de Calais, que
20 ceste armée par mer deuist assegier Calais; mais,
quant il eurent là esté à l’ancre huit jours, au
VIII^e jour leur leva uns vens qui les prist soudain[ne]ment,
et les couvint par force partir, tant estoit li
vens fors et durs et mauvais, et li fortune de le mer
25 perilleuse. Si se desancrèrent et levèrent les singles, et
se misent aval vent. Si furent moult tost eslongié, et
vinrent de celle course prendre terre et ferir ou havene
de Harflues en Normendie. Ensi se desrompi
pour celle saison li armée de mer dou roy de France;
30 ne je n’ai point oy parler qu’il en fesissent plus en
grant temps.

[239] § 782. Vous avés bien oy parler et recorder comment
messires Jehans de Graili, dis captaus de Beus,
fu pris devant Subise en Poito de l’armée Yewain
de Galles et Radigho de Rous, et comment il fu
5 amenés à Paris comme prisonniers et mis en le tour
dou Temple, et là bien gardés. Trop de fois li rois
d’Engleterre et ses consaulz offrirent pour li le conte
de Saint Pol et encores trois ou quatre [chevaliers]
prisonniers, qu’il n’eussent mies rendus pour cent
10 mil frans, mais li rois de France n’en voloit riens
faire; car il sentoit le capital de Beus trop durement
un bon chapitaine de gens d’armes et grant guerrier,
et que par lui, se il estoit delivrés, se feroient
trop de belles recouvrances et recueilloites de gens

15 d'armes, car, sus cinc jours ou huit, uns tel chevaliers
comme le captal, estoit bien tailliés, par se hardie
emprise, d'entrer en un pays et de courir et de
porter cent mil ou deus cens mil frans de damage.
Se le voloit tenir en prison, et li prommettoit bien
20 que jamais ne partiroit de là, se il ne se tournoit françois;
mais, se il voloit estre françois, il li donroit en
France si grant terre et si belle revenue, que bien li
deveroit souffire, et le marieroit hautement et richement.
Li captaus respondoit que ja, se il plaisoit à
25 Dieu, ne feroit ce marchié; et puis remoustroit courtoisement
as chevaliers qui le venoient veoir, comment
on ne li faisoit mies le droit d'armes, quant par
bataille et en servant loyaument son signeur, ensi que
tout chevalier doient faire le leur, il estoit pris, et on
30 ne le voloit mettre à finance, et que ce on vosist remoustrer
au roy de France que on ne li faisoit mies
la cause pareille que li rois d'Engleterre et si enfant
[240] avoient dou temps passet fait à ses gens, tant de monsigneur
Bertran de Claiekin que des autres des plus
nobles de tout le royaume de France, qui n'estoient
mies mort en prison, ensi que on li faisoit morir et
5 perdre son temps villainnement. Li chevalier de
France qui le venoient veoir, au voir dire, en avoient
pité et disoient bien qu'il remoustroit raison; et par
especial, li escuiers qui l'avoit pris, qui s'appelloit
Pières d'Auviller, qui moult apers homs d'armes estoit
10 et qui eu n'en avoit pour se prise que douse cens
frans, disoit bien que on faisoit au captal tort, quant
on ne le mettoit à finance courtoise, selonch son
estat; et en avoit tel pité, où il en ooit parler et comment
il faisoit ses regrés, qu'il amast mieulz que il ne
15 l'eust onques pris.

Si fu en especialité remoustré au roy et priiet par
pluiseurs bons chevaliers de son royaume, que il
vosist estre plus douls au captal que il n'avoit esté;
car, par droit d'armes, toutes gens disoient que on

20 li faisoit tort. Li sires de Couci, sicom je fui adont
enfournés, y trouva un moien, car li rois de France
qui adont se rafrena un petit, demanda quel grasce
on li poroit faire; et li dis sires de Couci respondi et
dist: «Sire, se vous li faisiés jurer que jamais ne
25 s’armast contre le royaume de France, vous le poriés
bien delivrer, et se feriés vostre honneur.»—«Et
nous le volons, dist li rois, mais qu’il le voeille.»
Adont fu demandé à monsigneur le capital s’il se vorroit
obligier en ceste composition; li captaus respondi
30 qu’il en aroit avis. En ce terme qu’il s’en devoit
aviser, tant de merancolies et d’abusions le prisent
et aherdirent de tous lés, qu’il en entra en une petite
[241] maladie frenesieuse, et ne voloit ne boire ne mengier.
Si afoibli [du corps] durement, et entra en une
langueur qui le mena jusques à mort. Ensi morut prisonniers
li captaus de Beus. Se li fist faire li rois de
5 France son obsèque moult honnourablement et ensepelir,
pour le bien et pour la vaillance dou dit
capital, et ossi il estoit dou sanch et dou linage dou
roy, dou costé dou conte de Fois et d’Arragon, par
quoi il y estoit le plus tenus.

10 § 783. En celle saison que la guerre de France et
d’Engleterre fu renouvelée, et que messires Jehans de
Viane, sicom chi dessus est dit, couri et ardi en Engleterre,
et qu’il eut esté devant Calais et qu’il se fu
retrai en Normandie, messires Hues de Cavrelée,
15 capitaine de Calais, et messires Jehans de Harleston,
capitaine de Ghines, et li sires de Gommegnies,
capitaine d’Arde, avoecques leurs gens, couroient
souvent sus le pays devant Saint Omer, devant
Tieruane, en le conté de Saint Pol, en le conté
20 d’Artois et de Boulongne; ne riens ne demoroit devant
yaus dehors les forterèces, que tout ne fust pris
et pilliet et amenet en leurs garnisons; de quoi les
plaintes en estoient venues et venoient encores tous

les jours au roy de France. Li rois, à qui ces choses
25 desplaisoient et qui voloit obviier à ce, s'en conseilla
à aucuns de son royaume, comment on poroit à ces
garnisons englesces, estans en le marce d'Artois et de
Calais, porter damage. On li dist que la bastide [d'Arde]
estoit bien prendable, mais que on y alast caudemment
30 sans ce que chil de Calais en sceussent riens; car on
avoit entendu par aucuns [chapitaines et] compagnons
[242] de le garnison qui s'en estoient descouvert,
que elle n'estoit point bien pourveue d'artillerie;
car li sires de Gommegnies, qui chapitains en estoit,
en avoit esté moult negligens. Ces parolles plaisirent
5 moult bien au roy, et dist que il y enveroient hastement.
Lors li fu dit que ce fust secretement, par quoi
nouvelles n'en fussent ou pays devant ce que on fust
venu là; et, se on pooit tant faire que on l'eust françoise,
on ne se doubtoit noient que on ne deüst
10 tout reconquerre jusques as portes de Calais; et, se
on estoit signeur des frontières, on aroit miller
avantage pour contraindre Calais.

Adont li rois, tous avisés et pourvus de son fait,
mist sus une grande assamblée de gens d'armes, et
15 escrii à son frère le duch de Bourgongne qu'il se
traisist à Troies en Campagne, et là fesist ses pourveances,
car il voloit qu'il fust chiés de toutes ces gens
d'armes. Li dis dus obeï au commandement dou roy,
ce fu raisons, et s'en vint à Troies, et là vinrent tout
20 li Bourghignon qui en furent priet et mandet, et ossi
delivret et paiet tout sech de leurs gages pour trois
mois. D'autre part, li rois fist son mandement, à
Paris, des Bretons et des François, et là furent ossi
tout prestement paiet de leurs gages, et des Vermendisiens
25 et Artisiens en le cité d'Arras. Adont s'avalèrent
li dus de Bourgongne et ses gens de Troies et
vinrent à Paris; si se misent là ensamble Bourghignon,
Breton et li François, et sceurent adont aucuns
des chapitains, et ne mies tous, quel part il devoient

30 aler. Si se departirent sus le darrainne sepmainne
d'aoust, et s'en vinrent à Arras en Pikardie, et de là
à Saint Omer. Si se trouvèrent bien vint cinc cens
[243] lances de bonne estoffe, pourveu de quanques il
apertenoit as gens [d'armes, et toute fleur de gens]
d'armes, chevaliers et escuiers. Si se departirent de
Saint Omer sus un samedi moult ordonneement et
5 arreement, et s'en vinrent devant Arde.

Cil de le garnison d'Arde ne s'en donnoient de
garde, quant il les veirent tous rengiés et ordonnés
devant leur ville, et si belles gens d'armes, et si grant
fuison que c'estoit grans merveilles. Là estoient
10 avoech le duch de Bourgongne, que je ne l'oublie,
tout premiers, banerès bourghegnons, le conte de
Geneve, le conte de Grantpret, monsigneur Loeis
de Chalon, le signeur de le Rivière, le signeur de
Vregi, monsigneur Thiebaut dou Noefchastiel, messires
15 Hughe de Viane, Pière de Bar, le signeur de
Sombrenom, le signeur de Poises, le signeur d'Englure,
le signeur de Rougemont; et puis banerès bretons,
le signeur de Cliçon, le signeur de Biaumanoir,
le signeur de Rocafort, le signeur de Rieus, messires
20 Charles de Dignant; banerès normans, le signeur de
Blainville, mareschal de France, le signeur de Hanbiie,
le signeur de Riville, le signeur d'Estouteville,
le signeur de Graville, le signeur de Clères, le signeur
d'Ainneval, le signeur de Friaucville; banerès françois,
25 monsigneur Jakeme de Bourbon, monsigneur
Hue d'Antoing, le conte de Dammartin, messire
Charles de Poitiers, le senescal de Haynau, le signeur
de Wavrin, le signeur de Helli, le signeur de le Fère,
l'evesque de Biauvais, monsigneur Hue d'Amboise,
30 le signeur de Saint Digier; Vermendisians, le signeur
d'Aufemont, le signeur de Moruel, le visconte des
Kesnes, le signeur de Fransures, le signeur de Rainneval;
[244] Artisiens, le visconte de Miaus, le signeur de
Villers, le signeur de Cresèkes; et là estoient tout

chil baron en tel arroi et si bien acompagné, que
merveilles seroit à recorder. Si se logièrent li pluseur
5 de fueillies, et li aultre de nient fors au nu chiel,
car il voloient moustrer qu'il ne seroient mies là longement
et qu'il assauroient continuellement, car il
fisent drechier et appareillier leurs canons, qui portoient
quarriaus de deus cens de pesant.

10 § 784. Quant li sires de Gommegnies se vei ensi
environnés de telz gens d'armes et de si grant fuison,
dont il ne se donnoit garde, et si sentoit sa forterèce
mal pourveue d'artillerie, si se commença à esbahir,
et demanda conseil à ses compagnons comment il
15 s'en cheviroit, car il ne veoit mies que longement
[contre telz gens d'armes] il se peuist tenir. Avoecques
lui estoient troi chevalier de Haynau, assés appert
homme d'armes, messires Eustasses, sires de Viertain,
et messires Pières, [ses frères], et messires Jakemes
20 dou Sart, et pluseur bon escuier et apert, qui
estoient en bonne volenté d'yaus deffendre.

Che premier jour que li François furent venu devant
Arde, s'en vint li sires de Hangès, uns moult
apers chevaliers vermandisiens, armés de toutes
25 pièces, le lance ou poing, montés sus un coursier,
courir jusques as barrières d'Arde, et dist, quant il
fu là venus en fretillant et remuant son coursier, par
quoi il ne fust avisés dou trait: «Entre vous, Haynuier
englès, que ne rendés vous ceste forterèce à
30 monsieur de Bourgongne?» Adont respondirent
doi escuier frère qui là estoient, Yreus et Hustins
[245] dou Lay: «Nous ne le renderons pas ensi, non.
Pensés vous que nous soions desconfi pour ce que
vous estes chi venu grant fuison de gens d'armes?
Dittes au duch de Bourgongne qu'il ne l'ara pas si
5 legierement qu'il cuide.» Adont respondi li sires de
Hanghet, et dist: «Sachiés que, se vous estes conquis

par force, ensi que vous serés, il n'est mies doute, se
nous vous assallons, il n'i ara homme nul pris à
merchi; car je l'ay ensi oy dire monsigneur le duch
10 de Bourgongne.» A ces parolles retourna li sires de
Hanghet.

§ 785. Je vous voeil recorder comment cil d'Arde
finèrent. Là estoit en l'ost li sires de Rainneval, cousins
germaines au signeur de Gommegnies, qui savoit
15 en partie l'entention dou duch. Si s'avança de venir
vers son cousin, et fist tant que il y eut assurances
d'yaus deus, et parlementèrent dedens la ville d'Arde
moult longement ensamble; et là remoustra li sires
de Rainneval au signeur de Gommegnies, en grant
20 especialité et fiance de linage, comment li dus et tout
chil de l'ost le maneçoient et ses gens ossi, non pas
pour prendre raençon se par force estoient conquis,
mais de tous faire morir sans merchi: se li prioit qu'il
se vosist aviser et laisser consillier et rendre le
25 forterèce; si s'en partiroient ilz et ses gens sauvement, et
se osterioient de grant peril, car confors ne secours
ne leur apparroit de nul costé. Tant le preeca et sermonna
que sus assurances il l'amena parler au
duch de Bourgongne et au signeur de Cliçon. Là entrèrent
30 en trettiés, et n'en volt adont li sires de Gommegnies
riens avoir en couvent sans le sceu de ses
[246] compagnons. Si retourna dedens Arde, et remoustra
as chevaliers et escuiers qui là estoient, toutes les
parolles et raisons de quoi on l'avoit aresné, et comment
on les maneçoit: si voloit savoir quel cose il
5 en diroient. Li aucun li consilloient dou rendre, et li
aultre non, et furent plus de deus jours en fait contraire,
et disoient bien li aucun qu'il se porteroient
trop grant blasme, se il se rendoient si legierement
sans estre assalli, et que jamais ne seroient en nulle
10 place creu ne honneré. Li sires de Gommegnies respondoit
que il avoit oy jurer moult especialment le

duch de Bourgongne que, se on aloit jusques à l'assallir,
jamais à yaus rendre ne la forterèce, il ne venroient
à temps qu'il ne fussent tout mort, se de force
15 il estoient pris: «Et vous savés, signeur, que cheens
n'a point d'arteillerie, qui ne fust tantost alevée.» Là
disoient li compaignon: «Sire, vous en avés mal
songnié; c'est par vostre negligense.»

Adont s'escusoit li sires de Gommegnies, et disoit
20 que ce n'estoit mies sa defaute ne sa coupe, mais
celle dou roy [d'Engleterre, le roy] Edowart et de son
conseil, car il leur avoit bien dit et moustré en celle
anée par pluseurs fois, comment dedens Arde il en
estoit mal garni: «Et, se de ce il ont esté negligent,
25 ce n'est mie ma coupe, mais la leur, et m'en
vorroie bien escuser par yaus.» Que vous feroi je
lonch parlement de ceste aventure? Tant fu trettié et
pourparlé, parmi l'ayde et pourchac dou signeur de
Rainneval, qui fist tant, que Arde se rendi. Et s'en
30 partirent chil qui partir vorrent, et especialment li
quatre chevalier et tant li compaignon saudoier, et
furent conduit jusques à Calais de monsigneur Gauwinet
[247] de Bailluel. Si demorèrent chil de le nation de
le ville sans riens pierdre dou leur, et en prisent li
François la saisine et possession, li sires de Cliçon et
li mareschaus de France. Si furent moult resjoï li
5 François et tous li pays de la prise d'Arde.

§ 786. Ce propre jour que Arde se rendi, tout
 caudement s'en vinrent quatre cens lances devant un
 aultre petit fort, que on dist le Planke, où il avoit
 Englès qui le gardoient. Si furent environné de ces
 10 gens d'armes, et leur fu dit qu'il ne savoient que
 faire de tenir, car Arde s'estoit rendue, et fuissent
 tout segur que, se il se faisoient assallir, il seroient
 tout mort sans merchi. Quant cil de le Planke oïrent
 ces nouvelles, si furent esbahi moult durement, et se
 15 conseillèrent entre yaus, et regardèrent que il n'estoient
 que un petit de compagnons et n'avoient mies
 trop forte place: si valoit trop mieulz que il se rendesissent
 salves leurs vies et le leur, puis que Arde estoit
 rendue, que il feissent pieur marchié. Si rendirent
 20 la forterèce, salve leurs vies et le leur, et furent conduit
 outre parmi ce trettié pour le peril des rencontres
 jusques à Calais; puis prisent li François le
 saisine de le Planke, et disent entre yaus que bien il
 le tenroient parmi l'ayde d'Arde et des aultres forterèces
 25 qu'il prenderoient encores. A l'endemain s'en
 vinrent li François devant Bavelinghehem, un chastiel
 biel et fort en le conté de Ghines, que li Englès
 tenoient, et n'i furent mies tout à celle empainte,
 car li dus de Bourgongne estoit encores demorés
 30 derrière et entendoit as ordenances de Arde et au
 regarder quels gens y demorroient, et comment on le
 poroit tenir contre les Englès. Chil qui vinrent devant
 [248] Bavelinghehem, estoient bien douse cens combatans:
 si environnèrent le chastiel et fissent grant
 samblant de l'assallir. A Bavelinghehem avoit fossés
 5 et grans rouleis, ançois que on peüst venir jusques as
 murs; mais chil François, targiet et paveschiet, passèrent
 outre et rompirent les rulleis et pertruisièrent
 les murs. Quant li Englès, qui dedens estoient, se
 veirent assalli de tel façon et entendirent que cil
 10 d'Arde et de le Planke s'estoient rendu, si furent

tout esbahi et entrèrent en trettiés devers ces François.
Finablement il rendirent le chastiel, salve leur
vies et le leur, et deurent estre conduit jusques à
Calais, ensi qu'il furent, et li François prisent le
15 possession de Bavelinghehem, qui s'en tinrent tout
joiant.

En apriès, on vint devant un autre petit fort que on
appelle le Haie, mais on trouva que li Englès s'en
estoient parti et avoient bouté le feu ens. Adont s'en
20 vint li dus de Bourgongne, et en se compagnie tout
chil baron dessus nommé, et leurs routes, devant
Oudruich, un biau chastiel et fort, douquel troi
escuier englès, que on dist les trois frères de Maulevrier,
estoient chapitain et gardien, et avoient
25 avoecques yaus de bons compagnons. Quant li dus
de Bourgongne et ses gens furent venu jusques à là,
il l'environnèrent, et leur fu demandé à chiaus dou
fort se il se renderoient, et que cil d'Arde et de
Bavelinghehem estoient rendu. Il respondirent que il
30 n'en faisoient compte et qu'il ne savoient riens de
cela et que point ne se renderoient ensi. Quant on
oy ceste response, adont se logièrent toutes manières
[249] de gens, ce fu par un merkedî, et le joedi toute jour
on regarda comment on les poroit assallir.

Cilz chastiaus de Oudruich siet sus une mote, environnés
de fossés plains d'aigue bien parfons, qui
5 n'estoient mies legier à passer; mais li Breton s'afioient
que bien les passeroient. Adont fist li dus de
Bourgongne drecier ses canons et traire ne sçai cinc
ou sis quariaus pour plus effraer chiaus de dedens.
Si en y eut de ces quariaus qui, par force de trait,
10 passèrent outre les murs et les pertruisièrent. Quant
cil dou chastiel veirent la forte artellerie que li dus
avoit, si se doutèrent plus que devant, mais toutdis
jusques au dimence fisent il grant samblant d'yaus
tenir et deffendre.

15 Entrues ordonnèrent li François, et avoient ja ordené
toute lor besongne pour avoir l'avantage d'yaus
assallir, grant fuison de bois, de mairiens, de velourdes
et d'estrain pour raemplir les fossés, et
estoit ja les livrées parties pour aler assallir et
20 delivrées, ensi que usages est en telz besongnes, et savoit
cescuns quel cose il devoit faire, et ja jettoient li
kanon, dont il y avoit jusques à set, quariaus de deus
cens de pesant, qui pertruisoient les murs, ne riens
ne duroit devant yaus, quant li troi frère de Maulevrier
25 se misent en trettiet envers le duc, et m'est avis
qu'il rendirent la forterèce, salves leurs vies et le leur,
et furent conduit des gens le duch de Bourgongne
jusques à Calais.

Vous devés savoir que messires Hues de Cavrelée,
30 capitaine de Calais, et les gens de celi ville furent
moult esmervilliet, quant si soudainnement il se veirent
en leur marce desgarni de cinc chastiaus, et leur
[250] vint trop grandement à desplaisance, et par especial
de le bastide d'Arde, qui leur avoit esté dou temps
passé uns grans escus et confors contre les Artisiens,
et n'en savoient que supposer, car li sires de Gommegnies,
5 comment que en devant il l'amaissent,
creissent et honnourraissent tant qu'à merveilles, il
estoit maintenant tout hors de leur grasce, et en
murmuroient li aucun villainnement sus se partie
et tant, que, lui estant à Calais, il s'en donna bien de
10 garde et perchut bien que li Englès le regardoient
fellement sus costé, tant qu'il en parla et s'en conseilla
à monsigneur Hue de Cavrelée. Messires Hues
le conseilla loyaument, et li dist: «Sire de Gommegnies,
nullement je ne vous oseroie conseiller dou
15 contraire pour vostre honneur que vous n'alés en
Engleterre, et remoustrés tout le fait, ensi qu'il va, au
duch de Lancastre et au conseil dou roy, par quoi
vous en soiies escusés de yaus et dou pays, et que
vous en demorés sus vostre droit et à vostre honneur.

20 On piert bien par fait de guerre plus grant cose que
la bastide d'Arde ne soit, ne Bavelinghehem ne Oudruich.
Si remoustrés vostre escusance de bonne façon,
car vous arés assés à faire à vous escuser contre
le pays; car toutes gens ne sevent mies comment, en
25 tel parti d'armes, on se poet ne doit maintenir: si
en parollent li aucun, tel fois est, plus largement qu'à
yaus n'apertiegne.»

§ 787. Li sires de Gommegnies retint en grant
bien tout ce que messires Hues de Cavrelée li dist, et
30 ordonna ses besongnes pour passer oultre en Engleterre,
et renvoia monsigneur Guillaume, son fil, le
[251] signeur de Vertain et son frère, messire Jakeme dou
Sart et tous les compagnons de Haynau, qui retournoient
simple et couroucié, ensi que compagnon et
gens d'armes qui ont perdu leur saison pour un grant
5 temps; et li sires de Gommegnies passa oultre en
Engleterre: si se remoustra au duch et au conseil dou
roy. Se li fu dit à ce commen[cement] que il avoit mal
exploitié, et fu grandement acqueilliés de chiaus de
Londres de le communauté, qui ne considèrent mies
10 toutes choses, ensi que elles poeent avenir; mais li dus
de Lancastre ses escusances à porter oultre li aida
telement, que il demora sus son droit; car on trouva
bien que dou rendage d'Arde il n'avoit recheu or ne
argent, et que tout ce que il en fist, ce fu par composition
15 et trettié, et pour eskiewer plus grant damage
pour lui et pour ses compagnons.

Or vous parlerons dou duch de Bourgongne, comment
il persevera.

§ 788. Quant li dus de Bourgongne eut fait ceste
20 chevaucie en le marce de Pikardie, en celle saison
qui fu moult honnourable pour lui et pourfitable
pour les François de le frontière d'Artois et de Saint

Omer, il ordonna en cascun de ces chastiaus, dont
il tenoit le possession, chapitaines et gens d'armes
25 pour le tenir; et par especial en le ville d'Arde il y
establi à demorer le visconte de Miaus et le seigneur
de Saint Pi. Chil le fissent remparer et fortefiier malement,
comment que elle fust forte assés devant.

Li rois de France, qui de ces nouvelles fu trop
30 grandement resjoïs, et qui tint à belle et bonne ceste
chevauchie, envoya tantost ses lettres à chiaus de
[252] Saint Omer, et commanda que la ville d'Arde fust
bien garnie et pourveue de toutes pourveances largement
et grandement. Tout fu fait ensi que il le commanda;
si se desfist ceste chevauchie. Mais li sires de
5 Cliçon et li Breton ne desrompirent point leur route,
mais retournèrent dou plus tost qu'il peurent vers
Bretagne, car nouvelles estoient venues au seigneur
de Cliçon et as Bretons, yaus estant devant Arde, que
Janekins, dis Clerc, uns escuiers d'Engleterre et bons
10 homs [d'armes, estoit yssus] d'Engleterre et venus en
Bretagne et mis les bastides devant Brest: pour quoi
li Breton retournèrent dou plus tost qu'il peurent,
et en menèrent messire Jakeme de Werchin, le seneschal
de Haynau, avoecques yaus, et li dus de
15 Bourgongne s'en retourna en France dalés le roy son
frère.

En ce temps, se faisoit une grande assamblée de
gens d'armes en le marce de Bourdiaus au mandement
dou duch d'Ango et dou connestable; car il
20 avoient une journée arrestée contre les Gascons englès,
de la quele je parlerai plus plainnement, quant
j'en serai enfournés plus veritablement.

VARIANTES

§ 669. Assés tost.—*Ms. d'Amiens*: Dont il avint que sitost que messires Bertrans fu creés connestables, il les ordonna à cevacier contre les Englèz et à aller garder les frontières du Mainne et d'Angho, car messires Robers Canolles et ses routtes tiroient à cevauchier celle part. Si se partirent de Paris et dou roy li doi dessus dit, à grant exploit et à grant fuission de gens d'armez, et toudis leur en croissoit, car li roys leur en envoioit de tous lés. Si s'en vinrent li connestablez de Franche et messires Oliviers de Clichon en l'evesquet du Mans, et se loga li dis connestables en le cité du Mans, et li sires de Clichon en une autre garnison assés priès de là; et pooient y estre li Franchois bien cinc cens lanches de bonne gens d'estoffe. Si aprennent tous les jours dou convenant des Englès, et entendirent que il n'estoient mies bien d'accord et s'espardoient par le fait d'un chevalier englèz, qui estoit en leur route et bien acompaigniés, lequel on clammoit messire Jehan Mestroude. Chils chevaliers n'estoit point dou chemin ne de le tenure des autrez, et desconsilloit le chevauchie à tous les compaignons de leur costé et disoit qu'il travilloient leur corps et riens ne faisoient, et que briefment il se retrairoit en Engleterre, car il ne faisoit sus l'ivier nul hostoiier. Nonobstant ce, messires Robiers Canolles et pluisieurs des autres chevaliers ne volloient mies tenir son pourpos, quoyqu'il en descoragast pluisieurs, mès volloient achiefver leur emprise à leur loyal pooir, et avoient entendu que li connestablez de France se tenoit en le chité du Mans atout gens d'armes et en vollenté que d'iaux combattre, siques messires Robers Canolles, pour tant qu'il n'avoit encorres sus tout son voiaige de France sceu à qui combattre ne respondre, s'avisa qu'il venroit combattre les Franchois. Si segnefia son desir et sen entente as compaignons qui estoient adont sus le rivière de Loire, et par especial à monseigneur Hue de Cavrelée, qui se tenoit à Saint Mor sur Loire et à monseigneur Robert Cheny, et leur manda qu'il traissent avant, car il combateroit monsigneur Bertran et monsigneur Olivier de Clichon et les Franchois; et d'autre part ossi il le manda à

monsigneur Thummas de Grantson et à monsigneur Joffroy Ourselée et à monsigneur Gillebert Griffart et à Jehan Cressuelle et à monsigneur Robert Ceni, mès oncques si secretement ne sceut faire son mandement ne ordonner ceste besoingne pour remettre ses gens enssemble, que messires Bertrans et li sires de Clichon ne fuissent tout aviset de leur chevauchie, et s'ordonnèrent seloncq chou, et se partirent un jour de le chité du Mans; et estoient bien quatre cens lanches de bonnes gens d'armes, et vinrent au devant de monsigneur Thummas de Grantson et de se route, qui estoient bien deus cens lanches et otant d'archiers, et s'en venoient à exploit deviers l'abbeïe où messires Robers Canolles et leur grosse route gisoient. Si trouvèrent d'encontre, à un villaige et sus un passage que on appelle ou païs Pont Volain, les Francois, le connestable de Franche et le signeur de Clichon et leurs gens qui estoient tous pourvus de leur fait. Quant li Englès virent lors ennemis, il ne daignièrent reculer ne fuir, mès se missent en arroy et en ordonnance de bataille bien et faiticement. Là eut des premiers venues grans joustes et tammaint homme reverssé à terre, de l'une part et de l'autre; et si trestost que les lanches leur furent fallies, il se traissent as espées et as haches, et puis se ferirent l'un dedens l'autre et se donnèrent grans horions sans yaux espargnier. Là eut bataille et hustin ossi dur et ossi fort, gens pour gens, que on eüst veu de piecha, et se prenoit chacuns mout priès de bien faire le besoingne. Bien est voirs que li archier d'Engleterre au commencement traissent as Francois pour yaux bersser et ouvrir, mès il estoient si fort armé que li très ne les greva oncques de riens. Là furent bon chevalier messires Bertrans de Claiequin et li sirez de Clichon, et y fissent tamainte[s] belles appertises d'armes et tinrent leurs gens en bon estat. Finablement li Englès furent là desconfi et ruet jus, et demora la place as Francois; et y furent pris messire Thummas de Grantson et messires Gillebers Griffars, et messires Joffrois Ourselée, et Hues li Despenssierz, fils à monsigneur Huon le Despenssier, et pluisseurs autrez chevaliers et escuiers, et en y eut bien mors sour le place set vint. Puis retournèrent li Francois deviers le chité du Mans, et enmenèrent leurs prisonniers, dont il avoient bien sis vint, tous gentilz hommes, ossi tout leur pillage. Ceste besoingne fu à Pont Volain sur le marce d'Ango et du Mainne, l'an mil trois cens et settante, le X^e jour d'octembre. F^{os} 171 r^o et v^o.

P. 1, l. 2: ravestis.—*Ms. A* 8: revestus. F^o 338 r^o.—*Ms. B* 4: advertis.

P. 1, l. 10: chevauçà.—*Ms. A* 8: chemina.

- P. 2, l. 4: et tenure.—*Ms. A 8*: ne de l'accort. F^o 338 v^o.
- P. 2, l. 7: en vain et à petit.—*Ms. A 8*: à point.
- P. 2, l. 14: Joffrois d'Urselée.—*Ms. A 8*: Geffroy Oursellée.
- P. 2, l. 16: en sus.—*Ms. A 8*: arrière.
- P. 2, l. 17: Alains.—*Ms. A 8*: Alains de Bouqueselle.
- P. 2, l. 20: remesissions.—*Ms. A 8*: recueillissons.
- P. 3, l. 2: Asneton.—*Ms. A 8*: Assueton.
- P. 3, l. 3: discort.—*Ms. A 8*: desaccort.
- P. 3, l. 9: il le segnefièrent.—*Ms. A 8*: il segnefièrent celle besoingne.
- P. 3, l. 24: se trouvèrent.—*Ms. A 8*: tournèrent.
- P. 3, l. 30: ascourça.—*Ms. A 8*: escourcy.
- P. 3, l. 32: ou pays le.—*Ms. A 8*: le pas.
- P. 4, l. 1: courut sus et envay.—*Ms. A 8*: coururent sus et les envaïrent.
- P. 5, l. 3: li plus.—*Ms. A 8*: les pluseurs. F^o 339 r^o.

§ 670. Apriès celle.—*Ms. d'Amiens*: Quant les nouvellez vinrent à monsigneur Robert Canolle et à monseigneur Alain de Bouqueselle et as autres compaignons englès, que messires Thummas de Grantson et se route avoient estet rencontré au Pont Volain, et là rués jus des Francois, si en furent durement courouchié, ce fu raisson; et pour tant eurent il conseil qu'il se retrairoient et qu'il ne chevauceroient adont plus avant. De ceste avenue fu adont entre les Englès mout de parolles encouppés messires Jehans Mestreourde, et dissent li pluisseur qu'il estoit trop grandement cause de leur dammaige. Enssi se desrompi ceste chevauchie de monsigneur Robert Canolle, et se retraist au plus tost qu'il peut avoecques ses gens en Bretaingne devers Derval, un sien castiel, fort mout malement, et donna à toutes ses gens congiet. Si rapasèrent le mer chacuns au plus briefment qu'il peurent, et s'en rallèrent en Engleterre, et se retrairent ens es marches dont il estoient parti; mès messires Alains de Bouqueselle s'en vint en le Basse Normendie en Constantin, à Saint Sauveur le Visconte, qui estoit à lui, car apriès le mort de monsigneur Jehan Camdos, li roys englès li donna. Si se tint là li dis messires Alains un grant tamps, et puis rapassa le mer et revint en Engleterre deviers le roy. Quant messires Bertrans de Claiequin et

li sires de Clichon virent que li Englès estoient retrait et leur cevaucie toute anullée, et que il n'aparoit point que ceste yvier il se remesissent ensamble, si donnèrent à toutes leurs gens congiet, et puis s'en revinrent en Franche deviers le roy, qui les festia et reçut liement, che fu bien raisson, car il avoient bien gardé et deffendu le frontière contre les Englès. Et amenèrent li dessus dit les chevaliers englès prisons qu'il tenoient, à Paris, et les recrurent bellement sur leurs fois, et les laissièrent aller et venir et chevauchier partout sans villain regart ne contrainte, ainsi que tout gentil homme par raisson doivent faire li uns de l'autre, et sicomme Englès et Francois en leur gherre ont eu toudis cel usage; car mout courtois toudis ont il estet li ungs à l'autre: che ne sont mies li Allemant, car il sont dur et auster à leurs prisonniers, et les tiennent et mettent en ceps, en fiers, en buies et en grisillons, et leur font grieftés dou corps souffrir, à le fin qu'il em puissent plus presser de finanche.

De ceste avenue de Pont Volain et de le desconfiture des Englès acquist li connestables de Franche en se nouvelleté grant grasce de toutes gens, et meysmement li roys et tout si frère l'en honnourèrent mout. En ce tamps que il estoit nouvellement revenus à Paris, trespassa de ce siècle chil preux chevaliers franchois qui ja estoit tous vieux, qui bien est ramenteu chy dessus en ceste histoire en pluisseurs lieux, messires Ernoux d'Audrehen; et fu li roys de Franche à son obsèque à Paris, et ossi y eut grant fuisson de prelas, de contes et de barons, car il avoit estet ung grant temps marescaux de Franche, et bien s'estoit acquités en son offisce et en toutes places où il s'estoit trouvés. Fos 171 v^o et 172 r^o.

P. 5, l. 10: de Claiequin.—*Ms. A 8*: du Guesclin.

P. 5, l. 18: buies.—*Ms. A 8*: prisons.

P. 6, l. 11: ou.—*Ms. A 8*: dedens le. F^o 339 v^o.

P. 6, l. 24: et grant travel à.—*Ms. A 8*: à sa delivrance de.

P. 6, l. 26: Quarentin.—*Ms. A 8*: Quarenten.

§ 671. En ce temps.—*Ms. d'Amiens*: Or vous parlerons d'une grant aventure qui advint adont à ce baron de Limozin, monsieur Raimmon de Maruel, qui s'estoit tournés franchois. Enssi qu'il s'en raloit en son pays, il fu avisés et espîés sus le chemin des gens monsieur Hue de Cavrelée, adont senescaux de Limozin, et tant poursuiwis que pris et arestés et menés

ent en Poito prisonniers, et mis en un fort castiel en le garde de monsigneur Thummas de Perssi, senescal de Poito, qui le prise dou dessus dit chevalier segnefia tantost au roy englès, pour savoir quel cose il volloit que on en fesist. Li roys, qui fu mout joieant de le prise monsigneur Rammon, manda à monsigneur Thummas qu'il li fuist envoiiés; car il le volloit pugnir si crueusement que tout li autre y prenderoient exemple; et de tout ce fu enfourmés messires Rammons en se prison, que li roys englès le volloit avoir pour lui faire morir. Si en estoit à grant destrèce de coer: c'estoit bien raison. Touttesfois, comme sages chevaliers et ymaginans, regarda le peril où il estoit et que de lui tant qu'au monde n'estoit noient: si s'aquitta et parlamenta si bellement et si meurement à un escuier englès qui le gardoit, et li prommist et li jura sus se loyauté, mès qu'il le volsist delivrer de ce peril, qu'il li partiroit toute se terre et revenue, moiet à moiet, et l'en ahireteroit lui et son hoir. Li Englès regarda qu'il n'estoit mies bien rice homs, et que cils li prommetoit grant proffit; si le convoita, et le delivra finablement et se mist avoecq lui en aventure, et ceminèrent une nuit bien set grans lieuwes tout à piés parmy ung bois. A l'endemain il fissent tant qu'il vinrent à le Roce de Pousoi, où messires Guillaummes dez Bordes et Caruel estoient. Si recorda messire Rammons sen aventure et comment li escuiers l'avoit sauvé. De ce furent li dessus dit moult joiant, et loèrent Dieu quant ensi il estoient escappet. Si furent là cinc jours dallés yaux. Entrues envoiea messires Raimmons en son pays querre chevaux et gens, et puis se parti et revint entreus ses amis qui en eurent grant joie, mès il faisoit otant honnourer l'escuier englès qui l'avoit gardé que soy meysmes, et li vot tenir ses couvens et li donner le moiet de son hiretaige; mès cilz ne veult, et dist que ce seroit trop pour lui. Si prist tant seulement deus cens livres de revenue sus le terre le seigneur de Maruel, et demora depuis toudis avoecq lui, et fu bons Franchois.

En ce tamps, et environ le Noël mil trois cens et settante, trespasa de ce siècle li pappes Urbains V^{ez}, qui tant fu preudons, bons clers et hardis, et qui bien tint et garda à son pooir les drois de l'Eglise. Si fu esleus après lui en plain concitoire en Avignon li cardinaux de Biaufort à estre pappez, et le fu. Si i rendi li dus d'Ango, qui estoit adont à Villeneuve dallés Avignon, grant painne à se creation. Si fu creés à Saint Père le V^e jour de jenvier et appellez Grigoires XI^{emez}. De ces nouvelles furent li roys de Franche et tout li royalme moult joyant, pour tant qu'il le sentoient bon Franchois et loyal. Assés tost apriès se creation, eut Rogiers de Biaufort, ses frères, grace de

lui venir veoir, qui estoit prisonniers au comte de Camtbruge de le prise de Limoges, et ossi eut messires Jehans de Villemur.

En ce tamps estoit en grant tretiet de pais ou de gerre li rois de Franche et li roys de Navarre pour aucunez terrez que li roys de Navarre demandoit à avoir et à tenir ou royaumme de Franche. Si s'en ensonnioient par cause de moiien li comtes de Salebruche et messires Guillaummez des Dormanz; tant fu parlementé et allé de l'un à l'autre que on les acorda, car on remonstra au roy de Franche qu'il valloit mieux qu'il se laiaist à dire et aucune [chose] aller du sien, qu'il ewist guerre à son serourge, le roy de Navarre, car il avoit gerré assés as Englès. Si descendi li roys de Franche à l'opinion de ses gens, et pardonna au roy de Navarre son mautalent; et vint li dessus diz roys à Paris, où il fu grandement festiiez. Assés tost apriès fu acordés li mariages de ma dammoissele Jehanne de France, qui fu fille au roy Phelippe et de la roynne Blanche serour au roy de Navarre, au fil le roy Piere d'Aragon, et fu mout honnerablement envoiée celle part, car elle estoit ante dou roy de France. Si s'en volloit li roys acquitter enssi qu'il fist moult grandement; mès elle trespassa sour le cemin: Dieu en ait l'ame!

En ce tamps et en celle saison, vinrent certainnez nouvelles en Gascoingne et en Aquittainne de par le roy Edouwart d'Engleterre, qui senefioit moult doucement à tous contes, viscontes, barons, chevaliers et communautéz des bonnes villez que, se li prinches de Galles, ses filz, les avoit de riens pressés ou grevés ou voloit faire, il leur amenderoit plainnement à leur vollenté; et, se chil qui estoient retourné franchois par povre avis ou maise infourmation, se volloient recongnoistre et retraire à lui comme en devant, il leur pardonnoit tout son mautalent, et leur donnoit terme quatre mois de pourveanche pour yaux adviser; et du resort il volloit qu'il en fuist sour douse prelas et douse barons d'Aquittaine et douse barons d'Engleterre, et tout ce que cil trente et sis ordonneroient, il le tenroit ferme et estable à tous jours mès, et le feroit jurer ses enfans à tenir, et toutes plaintes, grieftés, expressions, que ses filz li prinches ou si offiscyer avoient fait, dont on voroit avoir amendement et restorier, il en feroit plainne satisfaction, tant qu'il deveroit bien souffire. Et en avant il se vouloit rieuller, ordonner et deduire par l'avis et conseil des barons de Gascoingne et d'Aquittainne; et quittoit et anulloit tous fouages, tous cens et toutes expressions: et n'en volloit nulle, car il estoit rices et puissans assés pour yaux maintenir et gouvrenier sans nul avantage. Telz paroles et tretiés de pès entre lui et chiaus d'Aquittainne fist li roys englès adont jeter

et semer ens es ces terrez dessus dites, et les fist publier tout parmi le païs, les chités [et] les bonnes villes, et estoient ces lettres bien escriptez et grossées et scellées par seaux autentiques dou roy englèz premierement et des plus grans d'Engleterre. Mès, quoyqu'il fust segnefiés et publiés, je n'oy oncques dire que nulx s'en retournast englès, qui devenu estoient franchois; mès se retournèrent tous les jours franchois, si tost qu'il pooient avoir un peu de laisseur pour venir en France. F^o 172 r^o et v^o.

P. 7, l. 6: et menés ent.—*Ms. A 8*: et amenez.

P. 7, l. 12: punition.—*Ms. A 8*: vengeance.

P. 7, l. 24: gardoit.—*Ms. B 4*: regardoit.

P. 7, l. 31: je vous ay en couvent sus ma.—*Ms. A 8*: où je suis, je vous ai en couvent et promet par ma.

P. 8, l. 7: parolle, li creanta.—*Ms. A 8*: responce, luy jura. F^o 340 r^o.

P. 8, l. 15: esconser.—*Ms. A 8*: destourner.

P. 8, l. 17: diroit.—*Ms. A 8*: pourroit penser.

P. 8, l. 18: estoit.—*Ms. A 8*: avoit.

P. 8, l. 30: Et li voloit m. R. donner.—*Ms. A 8*: Et baillier li voloit m. R.

§ 672. En ce temps.—*Ms. d'Amiens*: En ce temps trespasa li ainsés filx dou prince de Galles, Edouwars, dont vous poés bien savoir que li prinches et la princesse furent durement courouchiés. Adont fu regardé et avisé ou conseil dou prinche pour tant que se maladie ne li allegoit point, que il se partesist dou païs et en rallast en Engleterre: espoir li airs li serroit plus pourfitables que chils de Gascoingne et le remeteroit en santé ou kas qu'il en avoit estés nouris et fais de jonèce; che fu tout li remède que li surgien et li medechin sceurent prendre ne aviser sus sa maladie. Si en respondi li prinches: «Dieux y ait part!» Si ordonna on tantost naves et vaissiaux sus le rivière de Geronde pour lui, pour le princesse, pour Richart, leur joine fil, et pour toutes leurs gens.

Ainschois que li prinches de Gallez departesist d'Acquittainne, il s'en vint à Bourdiaux, et manda là tous les barons de Gascoingne, qui estoient demoré dallés lui, et ossi chiaux de Poito et de Saintonge: premierement le seigneur de Duras, monsieur Berart de Labreth, seigneur de Geronde, monsieur le capital de Beus, le seigneur de Longeren, le seigneur de

Courton, le seigneur de Rosen, le seigneur de Pummiers et sen frère, le seigneur de Mulciden, le seigneur de Lespare, monsigneur Aimmeri de Tarsce, monsigneur Ghuicart d'Angle, le seigneur de Pons, monsigneur Loeys de Halcourt, le seigneur de Parthenay, le seigneur de Puiane, le seigneur de Tannai Bouton et pluisseurs autrez; et quant il furent tout venut, il les fist venir en une cambre devant lui, et là estoient dallés lui si doi frère, li dus de Lancastre et li conte de Cantbruge, et ossi li contes de Pennebroucq. Là leur remonstra il moult bellement et sagement comment en toute honneur et en pais à son pooir il lez avoit maintenus et gouvrenés. Or estoit il ensi ordonnés que de retourner en Engleterre, mès il leur lairoit ses deus frèrez, et par especial le duc de Lancastre. Si prioit à tous et requeroit que il volsissent obeïr à lui, sicomme il avoient fait à li dou tamps passet, et li tenissent foy et loiauté en tous kas, si s'aquiteroient enviers Dieu et le roy son père, et li aidaissent à garder et à deffendre leur hiretaige que li Francois à grant tort leur empechoient. Tout chil baron et chevalier dessus nommet li jurèrent et se obligièrent par fois et par sierement que ossi feroient il. Adont prist li prinches moult doucement congiet à yaux, et se parti assés tost depuis de Bourdiaux, et entra en son vaissiel qui estoit moult bien appareilliet pour lui et madame la princesse, sa femme, et Richart leur fil, et entrèrent leurs gens en autres nefes ordonnées pour yaux: si estoient bien trois cens hommes d'armes et cinc cens archiers, qui aidèrent le prinche à reconduire, afin que nulx meschiés ne durs encontres ne li presist sour le mer. Or lairons nous à parler dou prinche qui singla tant qu'il arriva en Cornuaille en Engleterre, et parlerons de son frère le duc de Lancastre et des seigneurs dessus nommés, qui estoient demourés à Bourdiaux. Apriès le departement dou prinche de Galles, si firent faire le obsèque moult reveramment de Edouwart, fil au dit prinche de Galles, qui estoit nouvellement trespasés, ensi que vous avés oy. F^o 172 v^o.

P. 9, l. 10: et phisicien.—*Ms. A 8*: et medecins.

P. 9, l. 11: se assenti moult bien à ce conseil.—*Ms. A 8*: s'i accorda assez bien.

P. 10, l. 6: couvent.—*Ms. A 8*: convenance. Fol. 340 v^o.

P. 10, l. 10: et le baisièrent tout en le bouche.—*Ms. B 4*: et baisièrent tout li un après l'autre.

P. 10, l. 13: ains.—*Ms. A 8*: mais.

P. 10, l. 15: leur.—*Ms. A 8*: son.

§ 673. Assés tost apriès.—*Ms. d'Amiens*: Assés tost apriès chou que li prinches de Galles fu retrès en Engleterre, et entroes que li dus de Lancastre et li baron de Gascoingne entendoient à faire le obsèque dou fil le prince, et qu'il regardoient entre yaux là où il se poroient traire pour emploier leur saison et grever lors ennemis, se partirent de le chité de Pieregort une grande route de Bretons, qui là s'estoient tenu en garnisson tout le temps, et chevauchièrent deviers un castiel merveilleusement fort, que on appelle Mont Paon. Si en estoit sires messires Guillaume de Mont Paon, et se tenoit pour englês. Si tost que chil Breton furent venu jusques à là, desquels Bretons estoient cappitaine messires Guillaumes de Loncval, messires Jehans de le Housoie, messires Loeis de Mailli et li sires d'Arsi, à petit de fait et de parlement, et me samble, seloncq ce que je fui adont infourméz, que li dessus dis messires Guillaumes de Mont Paon les mist en le fortrêche, et se tourna franchois. Ces nouvelles vinrent au duc de Lancastre et as barons de Gascoingne et de Poito, qui estoient adont à Bourdiaux. Quant il en seurent le verité, si en furent durement courouchiet, et regardèrent que tantost et sans delay il se traitoient deviers Mont Paon et y meteroient le siège et n'en partiroyent jammès, si le raroient à leur vollenté, combien qu'il deuist couster. Si fist li dus Jehans de Lancastre, comme chiés et souverains de toute la ducé d'Acquitaine, une prière et un mandement à toutes gens d'armes, barons, chevaliers et escuiers, qu'il fuissent, dedens un brief jour qu'il i mist, à Bregerach; car il s'en alloit devant Mont Paon. A ce mandement ne volt nus desobeïr, mais se partirent de leurs hostels toutes manières de gens d'armes, et vinrent à Bregerach et à Bourdiaux au jour qui y fu assignés. Dont s'esmurent li dus de Lancastre, li contes de Cantbruge, li comtes de Pennebrucq, li sires de Duras, li sirez de Courton, li captaus de Beus, li sires de Lesparre, li sires de Pummiers, li sires de Longeren, li sirez de Chaumont, messire Loeis de Halcourt, messire Guichars d'Angle, li sires de Pons, li sirez de Partenay, li sires de Puiane, messires Jakes de Surgières, li sires de Tannai Bouton et tout li autre baron, chevalier et escuier, et estoient bien set cens lances de bonne gent d'estoffe et deus mil hommes autres parmy les archiers. Si chevauchièrent et cheminèrent moult areement et ordonneement par deviers Mont Paon, et fissent tant par leur exploit qu'il y vinrent. Si se logièrent tout à l'environ; li estoient gens assés pour faire y et bastir grand siège. F^{os} 172 v^o et 173 r^o.

P. 11, l. 2: Si le fist.—*Ms. A 8*: Et le fist faire.

P. 11, l. 17: dou quel messires Guillaumes de Mont Paon.—*Ms. A 8*: dont un chevalier.

P. 11, l. 23: se rendi et tourna.—*Ms. A 8*: se tourna et rendi.

[P. 12](#), l. 15: l'Estrade.—*Ms. A 8*: l'Estrau. F^o 341 r^o.

P. 12, l. 22: Fraiville.—*Ms. A 8*: Framville.

P. 12, l. 30: feroient morir à grant painne.—*Ms. A 8*: feroit morir de male mort.

§ [674](#). Quant li dus.—*Ms. d'Amiens*: Par devant le ville et le castiel de Mont Paon s'amanagièrent et hebregièrent li Englès, et li Gascons de leur costé ossi bien et ossi fort et par ossi bonne ordonnance que don qu'il y dewissent demourer un an; car il sentoient en le fortrèce bons chevaliers et escuiers et bien tailliés dou garder et dou deffendre. Si ordonnèrent encorre li dessus dit instrumens et atournemens d'assaus grans et fors durement, et faisoient leurs gens priesque tous les jours aller assaillir, traire, lanchier et escarmuchier à ceux de le fortrèche, qui moult bien se deffendoient, et plus y perdoient li assallant que li assis, car messires Guillaumes de Lonchval, messires Alains de le Houssoie, messires Loeis de Mailli et li sirez d'Arssy estoient droite gent d'armes pour yaux souffissamment acquiter en telz besoingnes, et ossi il en fissent bien leur devoir, tant que li dus de Lancastre et ses gens qui estoient plus de trois mil combatans, y sisent plus de neuf sepmaines. En ce tamps et le siège pendant devant Mont Paon, s'avisa uns bons escuiers bretons qui s'appelloit Selevestre Rude, et hardi homme durement, et estoit chils cappittainne et souverains d'une autre fortrèce qui se nomme Sainte Basille, et regarda en soy meysmes que chil chevalier breton, qui se tenoient dedens Mont Paon, gisoient assés honnerablement, et que tous les jours il avoient parti et fait d'armes, et c'estoit tout ce qu'il demandoit: si se parti à dis hommes d'armes seullement de sa garnison, et s'en vint de nuit tout à chevauchant, et fist tant qu'il vint jusques à Mont Paon. Si trestost que chil de le garde sceurent que c'estoit Selevestre Bude et se route, qui venoit là pour querre les armes et aider ses compaignons, si en eurent grant joie et le missent en le forterèce et ses gens ossi, et le conjoïrent li chevalier breton et li compaignon qui là estoient, grandement, et le remercièrent moult de sa venue. F^o 173 r^o.

[P. 13](#), l. 10: lés.—*Ms. A 8*: costez.

P. 13, l. 16: de belourdes.—*Ms. A 8*: autres choses.

P. 14, l. 15: y.—*Ms. A 8*: vers eulx. F^o 341 v^o.

P. 14, l. 28: gas.—*Ms. A 8*: fable.

§ 675. Si com je vous.—*Ms. d'Amiens*: Ensi se tint li sièges des Englès devant le castiel de Mont Paon, où il y eut fait maintes bellez appertisses d'armes, maint assaut et mainte escarmuce, et priesque tous les jours se venoient combattre chil dou castiel à leur barrière à ciaux de hors, et là en y avoit des blechiés souvent des uns et des autres. Enssi se tinrent il ung grant temps mout honnerablement: si estudioient li signeur, qui devant seoient nuit et jour, comment il pewissent aprochier le fin de leur siège et yaux emploier ailleurs, et fissent à l'un des lés à leur avis apporter et achariier grant fuisson de bois et de velourdes et de faghos et jeter ens es fossés et terre par dessus, et raemplir tant que on pooit bien aprochier les murs. Si tost que cela fu fait et qu'il eurent l'avantaige pour venir traire, lanchier et combattre à ce costé à chiaux dou fort, il estoient trop pourveu de grans escaufaus et mantiaus bien ouvrés et fort carpentés, où il pooient bien [estre] en chacun vint hommez d'armes et quarante archiers. Si les fissent par roes et enghiens amener et aprochier jusques as murs, tous garnis et emplis de gens d'armes, d'archiers et d'artillerie. Si commencièreent chil à traire par dedens le fortrèche et à assaillir durement; car ou piet de ces escaffaux avoit autrez hommes atout grans pilz et haviaux, qui piketoient et brisoient le mur et tout à le couverte, car d'amont on ne les pooit grever. Là eut ung très fort asaut et trop dur, car on ne poroit ymaginer coumment chil de dedens se deffendoient vaillamment et corageusement, et estoient sur les murs armé et paveschiet contre le tret, et faisoient là merveilles d'armes; mès ce qui les greva et esbahy, che fu par le picketer desoubs ou mur, car on y fist ung grant trau. Si n'estoit ils nulx qui y osast entrer; car il y avoit à l'encontre par de dedens grant fuisson de bonnes gens d'armes, qui trop bien gardoient et deffendoient le passage et lanchoient à l'encontre mout vistement tonniaux, et les emplissoient de terre pour estouper ces pertruis. Enssi dura ung jour tout entier li assaus, et convint les Englès departir pour le cause de la nuit, mais il pourveirent bien de bonne gent d'armes et d'archiers leurs escaufaus et leurs instrumens d'asaut, par quoy chil dou fort ne leur fesissent nul contraire, et les retrayrent à ce dont par les roes ens sus dou mur, et s'arestèrent tout li seigneur de l'ost que à l'endemain on

yroit assaillir plus fort que devant. Cette nuit se renforchièrent li Francois dou plus qu'il peurent, et restoupèrent les pertruis dou mur; mès bien perçurent li chevalier breton qui là estoient et Selevestre Bude, que il ne se poroient longement tenir. Si aurent tamainte imagination à savoir quel cose il feroient, se il demoroient ou se il se partiroient. Toutteffois tout considéré et pour leur honneur, il demourèrent, et dissent que il avoient pluz chier à atendre l'aventure de Dieu et y estre pris par biau fait d'armez, que ce qu'il leur fuist reprochie nulle vilonnie.

Quant ce vint à l'endemain environ soleil levant, li dus de Lancastre fist sonner sez trompettez. Si s'armèrent toutes gens, et se traist chacuns à se livrée, et puis aprochièrent le castiel, et entrèrent dedens les escaufaus toutes nouvellez gens, hommez d'armes et archiers, et puis furent par les roes amenés jusques as murs. Si commencèrent li archier à traire fort et roit, et les gens d'armez à combattre. Là eut, je vous dis, fait mainte belle appertisse d'armes, et trop bien se deffendirent chil dou fort. Entroes que on entendoit à l'assaillir et que priès tout chil de l'ost estoient à l'assaut, messires Guillaumes de Mont Paon, qui ces Bretons avoit mis dedens le fortrèce, regarda le peril et le parti où il estoient, et que nullement à le longe il ne se pooient tenir, et que, se il estoient pris, de se vie estoit noiens, si s'avisa qu'il s'embleroit des autres et se partiroit sans congiet et les lairoit finer au mieux qu'il poroient: si monta sus un courssier, et fist ouvrir une posterne à l'opposite de l'asaut et se mist as camps, et se sauva par telle manière, et toudis duroit li assaux. Quant ce vint environ primme, li picketeur, qui estoient au darrain estage de l'escauffault, avoient tant ouvré et picketé, que il fissent reverser un pan dou mur, dont n'y eut ens es chevaliers bretons que esbahiz. Si se traissent avant et fissent signe qu'il volloient parler et tretiier d'acort. Li dus de Lancastre, qui en vit le manière, y envioea monsieur Guichart d'Angle, et fist cesser l'assaut; car bien li sambla qu'il les aroit, quant il vorroit. Sitost que li marescaux d'Acquittainne fu là venus, il li dissent: «Monsieur Guichart, nous nos vollons rendre sauve nos corps et le nostre, et nous partirons de chy, et vous lairons le fortrèce.»—«Signeur, signeur, respondi messires Ghuicars, il n'yra mies enssi. Vous avez tant cousté, argué et courouchié monsieur de Lancastre que je croi bien qu'il ne vous prendra à nul merchy.» Dont respondirent li chevalier breton, et dissent: «Monsieur Guicart, nous sommes saudoiiers gaegnans nos saudées au roy de France, et qui loyaument nous vollons acquitter envierz no signeur, sicomme vous feriés

pour le vostre; si vous requérons que vous nous menés justement au droit d'armes, enssi que chevalier et escuier doivent faire l'un l'autre, et que vous vorriés que on vous fesist, ou les vostre, se vous estiés ou parti où nous sommes.» Dont respondi messires Guichars, et dist: «J'en iray vollentiers parler à monsigneur de Lancastre, et savoir quel cose il l'em plaira à fere, et tantost retourray.» Adont se parti messires Guicars, et s'en vint au dit ducq qui n'estoit mies loing de là, et li remoustra comment li chevalier de Mont Paon se volloient partir et laisser leur fortrèche. Dont respondi li dus, et dist: «Maugré en aient il! Sachiés, messire Guichars, qu'il ne s'en partiront pas enssi, mès demoront deviers my et en me vollenté.»—«Monsigneur, dist li marescaux, vostre vollenté serra telle qu'il passeront parmy courtoise raenchon; car, se il se sont tenu et ont gardé le forterèce vaillamment et à leur pooir, on ne leur en doit savoir nul mauvais gré, et ou parti où il sont poevent vos gens escheïr tous les jours, siques vous leur ferez le droit d'armes.»—«Monsigneur, ce dist li captaus de Beus, messires Guicars dist bien et l'en creés, car il vous consseil à vostre honneur.» Adont se rafrenna un peu li dus de Lancastre, et li dist: «Messire Guicart, je le vous acorde, mès nullement je ne voeil que messires Guillaume de Mont Paon soit mis ou tretiet.»—«Sire, dist li marescaux, de par Dieu!» Adont s'en revint il là où li chevalier breton l'atendoient, et leur dist: «Certes, signeur, à grant dur j'ai empetré deviers monsigneur que vous soiiés pris et mis à raenchon convignable par droit d'armes, sans vous trop presser; toutteffois vous le serés; mès monsigneur Guillaume de Mont Paon ne voet nullement li dus pardonner son mautalent, mès le voet avoir à faire son plaisir.» Dont respondirent li chevalier breton, qui ja estoient enfourmet que chils s'estoit partis, et dissent: «Messire Guicart, nous parlons de nous tant seullement. De monsigneur Guillaume ne savons nous riens, et quidons mieux qu'il soit hors que ceens ou que dedens, et vous jurons que nous ne savons où il est ne quoi devenus. Par raison vous ne nous en devés demander plus avant.»—«C'est voirs,» dist messires Guichars. Adont fist on retraire touttez mannièrez de gens assallans. Si se vinrent li chevalier françois et li hommes d'armes, qui là estoient avoecq yaux, rendre et mettre en le prison le duc de Lancastre, qui les prist vollentiers et qui envoya tantost dedens Mont Paon querre et cerchier, se on poroit trouver le chevalier dessus nommet; mès il raportèrent que nennil et qu'il s'estoit partis très le matin. De ce fu li dus de Lancastre mout courouchiés, mès amender ne le peut. Si envoiea de rechief par dedens le fort monsigneur Guicart d'Angle prendre

le saisinne et le possession dou castiel, et y estaubli à demourer le seigneur de Muchident et monseigneur le soudich de Lestrade et cent hommez d'armes et deus cens archiers pour le garder, lequel chevalier dessus noummet le fissent remparer et fortefiier par les hommes dou pays mieux que devant, et en fissent une grosse garnison et qui mout grevoit et cuvrioit chiaux de Pieregorch avoecq le garnison de Bourdelle qui se tenoit englesse. F^{os} 173 r^o et v^o, 174 r^o.

P. 15, l. 12: pis.—*Ms. A 8*: pics.—*Mss. B 1 et B 4*: pilz.

P. 15, l. 23: par mi ce mur trauet.—*Ms. A 8*: premierement.

P. 16, l. 14: Guillaume.—*Ms. A 8*: Guillaume de Mont Paon. F^o 342, r^o.

P. 17, l. 1: abrisier.—*Ms. A 8*: abregier.

P. 17, l. 11: païsans.—*Ms. A 8*: maçons.

§ 676. Apriès le reconquès.—*Ms. d'Amiens*: Apriès le prise de Mont Paon, se departirent li signeur, et leur donna li dus de Lancastre de revenir ung tierme, tant qu'il les manderait, à leurs maisons. Si s'en rallèrent li signeur de Gascoingne en leur pays, pour garder lors fortrèces à l'encontre dou conte d'Ermignach et dou signeur de Labreth et des compaingnes de leur costé qui leur faisoient grant guerre. Ensi estoit li pays entouilliés li uns sur l'autre: li fors foulloit le foible, li voisins desroboit et tolloit son voisin quanqu'il avoit; un jour tenoit les camps li Englès, et l'autre li Franchois, ne on ne vit oncques tel guerre, ne on ne se savoit en quoy apoier; et avint pluisseurs fois que, quant li Englès venoient devant une fortrèche franchoise et il les requeroient à rendre, il s'en tournoient englès; et sitost qu'il estoient parti, et li Franchois revenoient, il se retournoient franchois. Dont par celle manière et par tel variement tamainte ville en fu violée, robée, arse et gastée, et tamains castiaux abatus et reverssés pas terre, et tamains homs mors et perdus sans merchy. F^o 174 r^o.

P. 17, l. 22: espardre.—*Ms. A 8*: estendre.

P. 17, l. 26: à avoir besongne.—*Ms. A 8*: avoir à besoingnier.

P. 18, l. 5: Charuels.—*Ms. A 8*: Carlouet le Breton.

P. 18, l. 6: adamagoient.—*Ms. A 8*: dommageoient.

P. 18, l. 11: doubtance.—*Ms. A 8*: doubte. F^o 342 v^o.

§ 677 et 678. Assés tost et Cilz chastiaus.—*Ms. d'Amiens*: Or vous diray dou signeur de Pons en Poito qu'il en avint. Assés tost apriès chou que on fu revenu de Mont Paon, il se tray franchois, dont li seigneur d'Engleterre eurent grant merveille, car il avoit estet ja grant plenté en leurs chevauchies. Et si trestost qu'il fu tournés franchois, il envoya souffissamment deffier le ducq de Lancastre et tous ses aidans, liquelx dus fu de ceste aventure durement courouchiés, car li sirez de Pons li estoit ungs grans bourdons en son pays; et quoyque li sires de Pons fust tournéz franchois, ma damme sa femme se tint englesce, et dist que ja ne relenquiroit le roy d'Engleterre, et ses maris avoit tort, quant il estoit devenus franchois. Enssi se portoient lez parchons. Si envioea li dus de Lancastre saisir le ville de Pons en Poito, et i mist grant garnison de par lui et fuisson de bonnes gens d'armes, et en fist souverain et cappitaine monseigneur Aimmenon de Bouch, un hardi et sceur chevalier durement. Enssi se tenoit li ville de Pons et la damme englesse, et li sires estoit franchois, et couroit tous lez jours jusques as barrières de sa ville. F^o 174 r^o.

P. 18, l. 28: est là uns grans sires malement.—*Ms. A 8*: estoit malement grant seigneur.

P. 18, l. 31: de le ville... englès.—*Ms. A 8*: qui se voloient tenir englès, qui demouroient en la dite ville de Pons.

P. 19, l. 13: en l'autre.—*Ms. A 8*: dedens les autres.

P. 19, l. 18: les.—*Ms. A 8*: qui les.

P. 19, l. 20: cité.—*Ms. A 8*: ville.

P. 20, l. 2: ou de.—*Mss. A 8 et B 4*: pour aidier à.

P. 20, l. 16: de le cité... Touars.—*Ms. A 8*: de Touars et de la cité de Poitiers. F^o 343 r^o.

P. 21, l. 4: pertruisièrent.—*Ms. A 8*: percièrent.

§ 679 et 680. Nous retourrons et Quant li Englès.—*Ms. d'Amiens*: Or revenrons à monsigneur Bertran de Claiequin, connestable de Franche, qui s'estoit tenus à Paris dallés le roy ung grant temps après le revenue de Pont Volain, où il avoit rués jus les Englès, sicomme chi dessus est recordé. Si regarda que pour emploier son tamps, il se traitroit en le Langhedoc et feroit guerre as fortereches qui englesces se tenoient, car encorres y en avoit pluisseurs en Auviergne, en Limozin, en Roherge, en Quersin et en

Pieregorch, sans le pays de Poito, de Saintonge et de le Rocelle; et par especial il y avoit un chevalier englès en La Millau sus le marce de Rodès et de Montpellier, qui s'appelloit messires Thummas de Wettevalle, qui là gisoit trop honnerablement, car il tenoit le garnison et avoit tenu plus d'un an et demy contre les Franchois, et ossi Le Roche Vaublère, quoyque li pays d'environ fust tous tournés franchois; et faisoit li dis chevaliers avecques ses gens pluseurs belles yssuez, et gaegnoit moult souvent sour le pays pourveances et prisonniers à fuison, dont les plaintes venoient au duc d'Ango et au roy de Franche. Se dist ly connestables qu'il se traitroit celle part et que ce ne faisoit mies à souffrir. Si fist ung très grant mandement à estre à Bourges en Berri dedens un jour qu'il i assigna. Entroes qu'il ordonnoit ses besoingnes et qu'il se pourveoit de gens d'armes, se departirent de Poito et dou ducq de Lancastre li contes de Cantbruges et li contes de Pennebroucq, et revinrent arrière en Engleterre, car li roys les remanda; et messires Bertrands de Claiequin exploita fort et songneusement, et se parti dou roy et s'en vint vers Orlyens. Si le sieuwoient toutes manières de gens d'armes, et vint à Bourges, et là trouva il le duc de Berri. Si ne fissent gaires long sejour, mès se partirent de Bourges et passèrent tout le pays à grant exploit, et entrèrent en Auviergne, et s'en vinrent premierement devant une cité que on appelle Uzès, que li Englès tenoient, qui se nommoient à monseigneur Thummas de Wettevalle chi dessus. Si s'avisa li connestablez qu'il n'yroit plus avant, si aroit pris la garnison d'Uzès, car elle grevoit trop le pays, et si avoit adont avecques lui toute le fleur de le chevalerie de Franche ou en partie: le ducq de Berri, le ducq de Bourbon, monseigneur Robert d'Allenchon, conte du Perche, le conte de Saint Pol, messire Wallerant de Lini, son fils, le dauffin d'Auviergne, messire Hugu Daufin, le conte de Bouloingne, messire Jehan de Bouloingne, le seigneur de Biaugeu, Ainbaut dou Plasciet et grant fuison de bonnes gens d'armes, et estoient bien deus mil lances. Si s'atrayrent tout chil seigneur et leurs routes devant Uzès, et le fissent assaillir fortement et durement, et y eut pluseurs grans assaus et durs et faite tamainte appertisse d'armes, car li seigneur et li chevalier qui là estoient, ne s'espargnoient nient pour leur honneur, mès entroient en es fossés qui estoient grans et parfons et plains d'aighe, et y avoient fait ruer grant fuison de faghos et d'estrain, sour quoy il passoient et venoient comme bon chevalier et appert li ungs par l'autre, ensi que par envie, jusques au piet dou mur, et montoient contremont, les targes sour lor testes. Ensi et en

cel estat s'aquitoient il trop bien de l'assaillir, et ossi cil de le fortrèche d'iaux deffendre, car ils jettoient pierres et baus et gros mangonniaux, dont il les reculloient comme avanchiés qu'il fuissent, et les reboutoient à grant meschief jusques ens es fossés. A l'un de ces assaux fu en grant peril messires Wallerans de Lini, car il montoit contremont sa targe sour sa teste, armés de toutes pièces et vestus d'un jake de kamoukas très rice et bien ouvré; mès il fu ravallés d'une pierre par tel manière que on le reverssa ens es fossés, et tourna jusques ou bruech, et ne s'en fuist jammès partis, qui ne l'eust secourut. Mès li contes de Saint Pol, ses pères, et se bannière estoient là en present: si saillirent tantost avant à le recousse, chevalier et escuier, et le traissent hors de l'aighe et du broecq où il estoit si entouilliés que on ne savoit de quel coulleur ses jaques estoit. En tel dangier et en tel aventure en y eut pluseurs celle journée, car oncques gens ne se deffendirent plus aigrement ne plus vassaument comme cil qui dedens Uzès estoient. Quant li connestables de France eut consideret les grans assaus et certains que leurs gens faisoient, qui point ne s'espargnoient, et comment en vain il se travilloient, si lez fist retraire arrière, et chascun aller à son logeis pour yaux rafrescir et reposer, et ils meysmes se retrayst, et vint en le tente monsigneur de Berri. Là furent mandé li plus grant partie des seigneurs pour avoir conseil comment il se maintenoient, car li dis connestablez leur remoustra qu'il avoient ja esté là plus de quinze jours et assaiié le garnison de pluseurs assaux; mès, à ce qu'il pooit connoistre, elle estoit imprenable, car elle estoit forte, et si avoit dedens trop bonne gens d'armes et grant fuison: si leur pria tout autour que chascuns en volsist dire sen intention. A ce dont estoit nouvellement venus en Auvignon deviers le saint pape Gregoire XI^e li dus d'Ango. Si avoit mandé le ducq de Berri, son frère, et le ducq de Bourbon, le conte du Perche, le conte de Saint Pol, le conte de Bouloingne, le dauffin d'Auvergne et aucun de ces seigneurs qui là estoient, qu'il le venissent veoir pour avoir conseil comment apriès les Pâques dont il estoient mout prochain, il se poroient maintenir; car il ne volloit mies que ces chevauchies ne chil conquès se fesissent sans lui. Si estoient enclin chil signeur à yaux très deviers Auvignon et venir veoir le dist ducq et savoir quel cose il voroit dire et ordonner. Si fu consilliet que chil signeur se partiroient et venroient tout en Avignon excepté le connestable et li Breton, mès chil là chevauceroient deviers Roherge et Limozin et tenroient les camps à leur pooir. Si se deslogièrent de devant Uzès toutes manières de gens d'armes, et descendirent par routes deviers Avignon sicomme dessus

est. Et li connestables li sires de Clichon, li viscontes de Rohem, messires Loeis de Sausoire, marescaux de Franche, li sires de Laval, li sires de Biaumannoire et grant fuison de bonnes gens d'armes de Bretaigne se retraissent plus amont deviers Limozin, et là se missent en le route dou connestable chil baron de Limozin, messires Loeis de Melval, messires Raimmons de Maroeil et li sires de Pierre Bufière, qui estoient tourné franchois.

Tantost apriès le Pasque que on compta en ce tamps l'an mil trois cent settante et un, et que chil signeur dessus nommet eurent estet en Auvignon veoir le pape Grigoire et tenu leur pasque avoecq lui et parlet au duc d'Ango, il se departirent et s'en revinrent deviers le connestable qui seoit devant La Millau, où messires Thummas de Wettevalle se tenoit et estoit tenus ung grant tamps mout honnerablement; mès li dus d'Ango, quoyque vollentiers y fuist allés, n'y ala mies adont, car li rois de Franche, ses frères, li manda, entres qu'il estoit en Avignon, qu'il venist parler à lui. Si s'avala li dis dus deviers Lions sus le Rosne pour venir en Franche; et lis dus de Berri, li dus de Bourbon, li comtes de Saint Pol, li comtes du Perche, li comtes de Bouloingne, li daufins d'Auviergne, li sires de Sulli, li sires de Biaugeu et li autre chevalerie de Franche se traissent en Auviergne et vers Roherge où li connestable de Franche se tenoit à siège devant La Millau où il y eut pluisseurs assaux, escarmuches et paletes, et dura li dis sièges mout avant en l'esté. Finablement chil de le garnison furent si astraint qu'il ne peurent plus souffrir, car li dis chevaliers englès, qui là s'estoit tenus plus de vint mois, considera que tous li pays d'environ estoit rendus et tournés franchois, si ne pooit avoir secours ne confort de nul costé, pour quoy il commencha à traitier deviers le connestable et les seigneurs qui là estoient, que il renderoient le forterèce, se on le volloit laisser partir et tous les siens, sauve leurs corps et leurs biens. Li signeur de France entendirent ad ce tretiet, et se passa, et partirent li dit Englès de La Millau sauvement, yaux et le leur, et furent conduit jusques en Poitou, que oncques n'y eurent point de damage.

Apriès le reconquès de La Millau, dont tous li pays fu resjois grandement, car ceste forterèce leur avoit porté trop de contraire, se traissent li Franchois devant Le Roce Vaublère qui point ne se tint trop longement, mès se rendirent par composition ensi que li dessus dit, et furent pris à merchy. En apriès reprist li connestables aucuns petits fors sus les marches de Roherge, d'Auviergne et de Quersin, que li Englès avoient fortéfyé, et en

delivra auques tout le pays parmy le confort des dessus dis seigneurs qui estoient en se route, puis s'en vint devant le cité d'Uzès, et le assega comme en devant de tous poins. En ce tamps repassa li dus d'Ango parmy Auviergne, qui avoit estet en Franche et viseté le roy Carle, son frère. Si se rafresci à Clermont en Auviergne et envoyea ses gens devant Uzès, où il y eut maint assaut et mainte escarmuche. Finablement chil qui dedens estoient et qui gardé l'avoient, le rendient par composition sauve leurs corps tant seullement: nulle autre cose n'en portèrent. Apriès le prise et le reconket d'Uzès, ces gens d'armes se departirent et passa oultre li dus d'Ango deviers Montpellier et viers Toulouze, où le plus il se tenoit, et li connestables revint en Franche et li plus grant partie des autres seigneurs dessus nommés. F^{os} 174 r^o et v^o, 175 r^o.

P. 21, l. 26 *et partout*: de Claiekin.—*Ms. A 8*: du Guesclin.

P. 22, l. 8: encores de nouviel les.—*Ms. A 8*: encores les.

P. 22, l. 9: tenoient ou.—*Ms. A 8*: tenoient de nouvel ou.

P. 22, l. 11 *et partout*: Ussel.—*Mss. A 8 et B 4*: Uzès.

P. 22, l. 28: le assegièrent.—*Ms. A 8*: se logièrent. F^o 343 v^o.

P. 23, l. 3: des chiés.—*Ms. A 8*: chiefz.

P. 23, l. 6: fisent.—*Ms. A 8*: orent parlé.

P. 23, l. 14: que.—*Ms. A 8*: quant.

P. 24, l. 1: non.—*Ms. A 8*: et non.

P. 24, l. 10: acquitta.—*Ms. A 8*: acquist.

P. 24, l. 17: voirs.—*Ms. A 8*: verité. F^o 344 r^o.

P. 24, l. 31: lavés.—*Ms. A 8*: loez.

P. 24, l. 31: amises.—*Ms. A 8*: paroles.

§ 681 et 682. Li rois d'Engleterre et Apriès celle desconfiture.—*Ms. d'Amiens*: En ce tamps faisoit ung très grant appareil pour passer le mer li dus de Lancastre, et avoit son passage segnefié à ses deus cousins germains, le duc de Guerle et le ducq de Jullers, qui le devoient servir à mil lanches et entrer ou royaume ou lés deviers Tieraisse à si grant effort que pour combattre tout chiaux qui contre eux se metteroient; et devoient ossi y estre, il en estoient priet et mandé, messires Robers de Namur, li comtez de

Saumes en Ardane et tout chil de l'empire, qui avoecques yaux estoient aliet. Et, quoyque ceste armée et emprise se mesist avant pour li, li roys d'Engleterre l'ordonnoit ou nom de son fil, le ducq de Lancastre, qui point n'estoit ou pays, ainschois estoit en Gascoingne, où il guerioit là fortement et avoit guerriet tous le tamps depuis le departement dou prinche son frère. Mès on l'atendoit de jour en jour, car li roys l'avoit remandé, et estoient ses pourveanches sus le Geronde ou havene devant Bourdiaux. Or avint que ceste armée ne se fist point sicomme li roys et ses conssaux l'avoient empensé à faire, pour le cause de ce que en celle saison, ou mois d'aoust, une grosse assamblée de gens d'armes se mist sus en l'empire entre le ducq Wincelin de Braibant et de Luxembourcq qui en fu chiés de son costé, et le duc de Jullers et messire Edouwart de Guerles de l'autre costé; et là eut, le nuit Saint Bietremieu l'an dessus dit, entre ces seigneurs et leurs gens une très grosse bataille et maint gentil homme mort et pris; et par especial, li dus de Guerle, qui avoit empris le guerre si forte et aporté si grant contraire le royaume de Franche, y fu ochis, quoyque li dus de Jullers obtenist le plache, et là furent pris, dou costé le ducq de Braibant, il et tout li enfant et seigneur de Namur qui là estoient, li comtez de Saumes, messires Jakemes de Bourbon, messires Walerans de Lini, et mors li comtes Guis de Saint Pol, ses pères, et grant fuisson de bons chevaliers mors et pris, siques pour celle avenue et pour le perte que li rois d'Engleterre eut là de son nepveult, messire Edouwart de Guerles, où il avoit très grant fiance, et le prise de monsigneur Robert de Namur et de pluisseurs bons chevaliers, dont li dus de Lancastre, ses fils, eust estet servis et aidiés en son voiaige, il rafrenna son pourpos et contremanda ceste armée et chevauchie: se ne se prist nient si priès li dus de Lancastre de revenir. Depuis fu li dus de Braibant delivrez de le prison le duc de Jullers par le puissanche le roy Carle d'Allemaigne et empereur de Rome, son frère, et pluisseur prisonnier qui furent pris avoecq lui, par le pourcach de madamme Jehanne, femme au dit duch, duchoise de Braibant et de Luxembourcq. F^o 175 r^o.

P. 25, l. 1 et 2: guerriés et cuvriés.—*Ms. A 8*: hariez et guerriés.

P. 25, l. 13: bien cler.—*Ms. A 8*: amis.—*Ms. B 4*: bien d'acort.

P. 25, l. 14: heriet.—*Ms. A 8*: hardoiez et envaïs.

P. 25, l. 17: à le Bay.—*Ms. A 8*: à la Bay.

P. 25, l. 24 et 25: Richars de Pennebruge... Sturi.—*Ms. A 8*: Richars Savi.

P. 26, l. 4: grawés de fier et à kainnes.—*Ms. A 8*: crochèz de fer et à kainnes de fer.

P. 26, l. 5: Toutes fois.—*Ms. A 8*: Et.

P. 26, l. 16: par mi.—*Ms. A 8*: par.

P. 26, l. 20: des.—*Ms. A 8*: des dis.

P. 26, l. 21: à guerriier et heriier et à clore.—*Ms. A 8*: guerrier et clore. F^o 344 v^o.

P. 26, l. 29: comment que il en touchoit.—*Ms. A 8*: comment il en tenroit.

P. 26, l. 31: li plus sage des.—*Ms. A 8*: les.

P. 27, l. 3: ains.—*Ms. A 8*: avant.

P. 27, l. 5: ordenances qui furent ditté et seelé.—*Ms. A 8*: ordenances seelé.

§ 683 et 684. Vous avez bien oy et Li dus Jehans de Lancastre.—*Ms. d'Amiens*: Vous avés bien chy dessus oy recorder comment li rois de Maiogres avoit estet pris en Espaigne en une ville qui s'appelle le Val d'Olif; or vous parlerai de se delivranche. Li rois Henris, qui le tenoit en se prison, l'avoit rendut et delivret à monsigneur Bertran de Claiequin, en cause de paiement de ses gaiges, et estoit li dis rois de Maiogres prisonniers au dit connestable de Franche, et li fist venir tenir prison à Montpellier. Assés tost apriès pourcachièrent sa delivrance la marquis[e] de Montferrat, sa soer, et la roinne de Naples, sa femme, parmy cent mille francs qu'il en paièrent, et tant en eut messires Bertrans. Depuis qu'il fu delivré, il se composa et acorda au roy Henry d'Espaingne, et vint en Auvignon et se complaindi au pappe Gregoire du roy d'Arragon, qui li tolloit son hiretaige sans droit et sans raison. Li pappes fut adont si consillet qu'il li acorda bien à faire guerre au roi d'Aragon pour le cause de son hiretaige ravoir. Si se pourvei li roys James de Maiogres de gens d'armes; et prist grant fuison de compaignes, dont messires Garsions dou Castel, messires Jehans de Malatrait, messires Selevestre Bude et Jackes de Bray estoient me[ne]jur et cappittainne. Si pooient bien estre ces gens mil combatans, et entrèrent en Espaingne par l'acort dou roy de Navarre et dou roy Henri, et fissent guerre au roy d'Aragon, mès elle ne dura point longement, car li rois de Maiogres s'acoucha malades en Espaingne ou Val de Sorie, de laquelle maladie il

morut. Dont se retraissent ces compaignes et ces gens d'armes deviers le duc d'Ango, qui les rechut vollentiers et qui bien les seut où emploier.

Encorres avés vous bien oy recorder chy dessus comment la mère de la roynne de Franche et dou duc de Bourbon fu prise en Belleperche, et ossi de messire Ustasse d'Aubrecicourt, comment il fu pris de Thieubaut dou Pont ou castiel de Pierre Bufière, si ques il avint ensi (pour tant, une boutte, l'autre requiert), messires Ustasse aida mout grandement à le delivrance de la dessus ditte damme et en eut mout de painne et mout de pourcach: ossi il en souvint le duc de Bourbon et la roynne de Franche. Si fu li dis messires Ustasses mis à finanche parmy douse mil frans que dubt paiier pour se raanchon, et en paya uit mil tous appareillés; et pour les autres quatre mil, demoura li dus de Bourbon parmy, tant que ungs biaux fils que messires Ustasses avoit, nepveux au duc de Jullers, filz de sa soer, en fu plèges et delivrés deviers le dit ducq. Depuis ceste ordonnance, messires Ustasses d'Aubrecicourt s'en vint en Constantin deviers le roy de Navarre, qui le retint à lui et fist souverain deseure tous ses chevaliers. Assés tost apriès li dis messires Ustasses se acoucha malades en le conté d'Evrues, de laquelle maladie il morut. Dieux en ait l'ame, car ce fu en son tamps ungs moult appers chevaliers!

Nous retournons as besoingnes de Poito, et parlerons des barons et des chevaliers qui là se tenoient de par le roy d'Engleterre, telz que messires Loeis de Harcourt, li sires de Partenay, messires Guicars d'Angle, li sires de Puiane, li sires de Tanai Bouton, li sires de Rousselon, messires Guillaummes de Crupegnach et pluisseurs autres. Si regardèrent en celle saison que la ville et li castiaux de Montcontour leur portoient trop grant contraire: si s'avisèrent qu'il metteroient le siège par devant, et de ceste chevauchie seroit chief messires Thummas de Perssi, senescaux de Poito, li sires de Partenay et messires Ghuichars d'Angle, et feroient leur amas et leur asssemblée à Poitiers.

Ensi regardèrent et advisèrent chil signeur dessus nommet, qu'il venroient mettre le siège devant Montcontour. Si se ordonnèrent et mandèrent gens de tous costés et especialement des compaignes, et fissent leur assamblées à Poitiers. Quant il furent tout venu, il estoient bien trois mil combatans, uns c'autre: si se partirent de le cité de Poitiers et cheminèrent à grant exploit, et fissent tant qu'il vinrent devant Montcontour, qui est ungs très biaux castiaux et fors seans sur le marche d'Ango et de

Poito, à quatre lieues de Touars. Si le assièrent de tous costés et l'assaillirent vistement, car il avoient avoecq yaux fait mener et akariier grans instrumens et atournemens d'assaut, dont il grevoient grandement chiaux dou fort. Par dedens le garnison se tenoient messires Pierres de la Gresille et Jourdains de Couloingne, appert hommes as armes durement, et avoient avoecq yaux des bons compaignons bretons et franchois qui leur aidoint à garder le fortrèce. Si furent devant le fortrèce de Montcontour li dessus dit Englès poitevin, desquelx messires Thummas de Perssi, li sires de Partenay et messires Guicars d'Angle estoient souverain, environ quinze jours; et eut là en dedens fait tamaint fort assaut et dur, car mout pressoient li dessus dit que il le peussent prendre par forche ou autrement, car on leur disoit que li connestables metoit sus grant fuison de gens d'armes pour venir lever le siège. Si n'en estoient mies li dessus dit plus asseguret, et se hastoient ce qu'il pooient à painnes nuit et jour sans cesser de l'assaillir; et requeroient à chiaux dedens qu'il se rendissent, et on les lairoit partir courtoisement; mès il n'y volloient entendre, car il esperoient à estre conforté du connestable de Franche, et l'eussent esté sans faute, se ilz se peussent estre plus longement tenus; mès, ensi que je vous ai dit, on les assalloit si ouniement et par tant de mannières, que finalement li castiaux fu de forche conquis, et pris li doy cappittainne messires Pieres de la Gresille et Jourdains de Couloingne, et encorres ne say cinc ou sis bons hommes d'armes, et li demorans tous tués sans merchy. Ensi eurent li Englès le castiel de Montcontour qu'il trouvèrent bien garny de toutes pourveanches et de fuison de bonne artillerie. Si regardèrent entr'iaux li chevalier qu'il le tenroient, puisque conquesté l'avoient, car il leur estoit bien seans pour gueryer le terre d'Ango et les autres villes et fortrèchez qui françoises se tenoient; et y ordonnèrent à demourer monsieur Gautier Huet, Carsuelle et David Holegrave et toutes les compaignes, qui là estoient de leur costé, et qui s'estoient remis ensamble depuis le desconfiture de Pont Volain.

Après ceste ordonnance de Montcontour et l'establissement que messires Guichars d'Angle et li autre y eurent fait, il donnèrent congiet au demourant de leurs gens, et s'en revinrent à Bourdiaux où li dus de Lancastre se tenoit, qui les rechupt à grant chièr. Ensi laissièrent il par les dessus dit gens de compaignes guerier le pays d'Ango et les marches du Mainne, où il avoit aussi ens es garnisons mout de bons gens franchois. En ce tamps se trouvèrent sus mer en ung lieu en Bretaingne, que on appelle Le

Bay, li Flamenc et li Englès qui adonc se herioient et avoient sur mer heriïet toute le saison; et consentoit bien li comtes de Flandres ceste guerre entre ses gens et les Englès pour la cause dou duch de Bourgoigne, qui avoit sa fille espousée sicomme vous savés, et eüst encores volentiers plus plainnement guerïïet les Englès, se ses gens l'eüssent acordé, mès il n'en avoit mies bien l'acord. Toutefois, ensi que renommée couroit en Engleterre et que li roys englès estoit enfournés, li comtes Loeis de Flandres avoit mis sus mer grant fuison de ses gens pour porter dammaige as Englès, se il lez trouvaissent ou encontraissent, dont Jehans Pietresone estoit amiraux et cappitaine de leur navie. Et à ce dont venoient en Bretaingne lez gens le roy englès, c'est assavoir: li comtes de Herfort, messires Richars de Pennebruge, messires Alains de Bouqueselle, messires Richars de Sturi et pluisseurs autres chevaliers de l'ostel du roy, et pour parler au duc de Bretaingne de par le dit roy; et pour ce que il estoient en doubte des Flammens, s'estoient il pourveu bien et grossement: si estoit amiraux de leur navie messires Guis de Briane. Si se trouvèrent ces deus navies, sicomme dessus est dit, à Le Bay en Bretaingne: si se combattirent ensamble fierement et radement, et y eut très dur hustin et très fort et mout perilleux, et fait de l'un lés et de l'autre tamainte belle appertise d'armes, et furent ce jour li Englès en grant peril d'estre tout mort et desconfi, car li Flamencq estoient plus de gens qu'il ne fuissent et mieux pourvus de gros vaissiaux et de toute artillerie, dont il eurent un grant temps bon avantage; mès finalement li comtes de Herfort, qui fu ungs appers et hardi chevaliers, s'i esprouva si bien, et tout chil de se route, ossi messires Richars Sturi et li autre, qu'il desconfirent che qu'il y avoit là de Flammens; et y fu pris leurs amiraux, Jehans Pietresonne, et prisonniers à monsigneur Gui de Brianne; et en y eut grant fuison de mors et de noyés, et mout petit s'en sauvèrent. Si retournèrent li dessus dit Englès atout leur conquès de barges et de vaissiaux et leurs prisonniers en Engleterre, et recordèrent au roy comment li Flamencq lez avoient envays et assaillis. De che fu li roys moult courouchiés, mès ce le rejoyssoit qu'il veoît ses gens retournés en bon point et à l'onneur d'iaux, et dist adont li roys, en mançant les Flammens, qu'il leur feroit encores chier comparer le guerre qu'il avoient de nouvel et sans raison reprise à lui et faite à ses gens.

Apriès le revenue dou dit comte de Herfort et de ses compaignons en Engleterre et le information faite ou dit roy, li roys englès assambla ses gens de son conseil, et fist [mander] un grant parlement à estre à Londres

en son palais de Wesmoustier. A ce parlement vinrent tout chil qui semons et priiet en furent: là eut pluisseurs coses parlées et devisées des sages d'Engleterre, et la principal cose estoit sus l'estat de Flandres, qui celle fois et autre che font à savoir. Li Flammencq avoient heriit les Englès. Si fu enssi ordonné que li roys, pour l'onneur de lui et de son pays, mesist et establesist une cantité de vaissiaux armés et pourvus de gens d'armes sus les frontièrez de Flandrez, entre Zanduich et Calais, et que chil qui de par le roy là seroient, ne laiassent aller, passer ne venir nulle marchandise en Flandres, et leur fuissent ennemis toutes mannières de gens, de quelque nation qu'il fuissent, qui en Flandres voloient ariver pour faire y marchandise. Tantost apriès ceste ordonnance, li roys englès par l'avis de son conseil mist et establi grant fuison de gens d'armes et d'archiers et de bons vaissiaux bien armés et bien pourvus sus mer, entre les destrois de Douvres et de Calais, sur l'estat dessus dit. Si trestost que ces nefes et ces gens d'armes furent sur mer, et il commencierent à exploitier fort et delivrement à toutes mannières de gens allans et venans en Flandres, et tant que les plaintes en venoient tous lez jours as Flammens, et que tout marchant resongnoient à venir en Flandres pour le peril et le doute des Englès, adont regarderent les bonnes villes de Flandres, et li conssaux et advis des sages hommez qui dedens abitent et demeurent, que ceste guerre et hayne as Englès ne leur estoit pas pourfitable, et que point n'en estoient cause, ne ne se mouvoit de leur costé. Si se traissent ensamble et en eurent pluisseurs conssaux: finablement il s'avisèrent tout d'un commun acord et se traissent deviers leur signeur le comte, qui adont se tenoit dehors Gand en une moult belle maison qu'il y avoit fait faire, et li remoustrèrent les plaintes des marcheans estragniers, qui venoient tous les jours jusques à yaux, comment il n'osoient aler ne venir ne faire ariver nulle marchandise en Flandre pour le doute dez Englès. Et ossi li estaples des laines qui se tenoit à Calais, leur estoit clos, che qui estoit grandement au prejudisce de toute le communauté de Flandrez; car sans le drapperie ne pooient il nullement vivre: «Pour tant, chiers sires, voeilliés y remediier; si ferés bien et aumosne, et acquerrés la grasse et amour de vos bonnes gens qui vous ont estet appareilliés à tous vos commandemens jusques à ores.»

Quant li contes Loeis de Flandres eut oy les raisons et les complaints de ses gens, ilz, comme sages et ymaginans sires, leur respondi: «J'en aray prochainement avis; et tout le bon remède parmi raison, sauve l'onneur de moy et de mon pays, je y meteray.» Chil qui là estoient envoiit de par

les bonnes villes, se tinrent de ceste responsce à bien content. Au tierch jour apriès fu consilliéz li comtes, et en respondi plainnement et dist enssi, pour appaisier son païs, que le guerre que ses gens avoit ne faisoit as Englès, elle n'estoit en riens cause ne participans pour le roy de Franche ne pour le duch de Bourgoingne, à qui par succession li hiretaiges de Flandres, par la cause de sa fille, devoit retourner, ou à ses enfans, fors tant que, pour aucuns despis que li Englès avoient, passet avoit ja deus ans, fais à ses gens sur mer, si s'en volloit contrevengier; et, se chil de Flandres volloient aller ou envoyer en Engleterre deviers le roy englès et son conseil, et savoir à quel title il s'estoient de commencement esmeu contre lui, il le consentiroit assés legierement, et tout ce que li commons en feroient et ordonneroient pour le milleur et pour le commun prouffit de tout le pays, à l'onneur de li et de sa terre, il s'y acorderoit volentiers. Ces parolles furent rapportées, au conseil dez bonnes villes, qui les acceptèrent, et ordonnèrent tantost douse bourgeois des sis milleurs villes de Flandres, liquel yroient en Engleterre parlementer au roy et à son conseil, et saroient plus plainnement qu'il ne savoient encorres pourquoi on les guerrioit. Ainschois que chil s'en meussent ne partesissent de Flandres, il envoièrent devant impetrer un sauf conduit pour yaux et leur famille aller et retourner sans damage: si leur fu acordé dou roy assés legierement. Adont se missent il à voie et cheminèrent tant qu'il vinrent à Callais, et là montèrent il en mer. Si arivèrent à Douvres, et puis chevauchièrent jusques à Windesore, là où li roys se tenoit adont.

Quant chil bourgeois de Flandres furent venu à Windesore, il n'eurent mies accès de parler au roy, mès leur fu respondu de par le roy que il se traissent deviers Londres, car là seroient il expediet: il fissent ce que ordonné leur fu et vinrent à Londres. Au neufvime jour apriès, il furent mandé au palais de Wesmoustier devant le conseil du roy, à qui il remoustrèrent pourquoi il estoient là venu, et furent respondu si à point que ilz se tinrent assés pour comptens; mès adont il se departirent de le cambre et du conseil le roy sans certain accord, et furent assigné de revenir le tierch jour après, et il oroient à ce jour le plus grant partie de l'intension dou roy. Si se partirent sour ce, et revinrent à lors hostelz. Vous devés savoir que à envis fuissent parti li Flammencq du roy englès ne de son conseil, sans avoir certain acord. Ossi li roys englès et ses conssaux n'avoient mies trop grant desir de guerrier les Flamens, car il avoient assés affaire d'autre part, et si leur est de necessité li pays de Flandres à tenir à amour, pour le cause de le marchandise qu'il y prennent et qu'il y envoient; car nulle part li

Englès ne pueent avoir si belle delivranche de leurs laines qu'il ont en Flandres et par les Flammens. Si estoit bien chils poins et affaires considérés entre yaux, mès il se faindoient de premiers pour tant qu'il volloient y estre priet, et moustroient qu'il n'avoient que faire des Flammens, mès li Flammens d'iaux. Touttefois il fu tant parlementé et allé de l'un à l'autre, que unes trieuwes furent prisses à durer entre le roy englès et ses gens et le comte Loeis de Flandres et les siens jusques à le Saint Jehan Baptiste, que on compteroit l'an mil trois cens settante et deus, et de celle Saint Jehan en neuf ans ensuiwant. Si se fissent fort li bourgeois de Flandres, qui là estoient venu et envoiet, de le tenir et faire tenir à leur seigneur le comte et tout le pays enexsé en le trieuwe, et ossi il en avoient bonne procuration d'exploitier à leur entente. Si se partirent d'Engleterre dou roy et de son conseil, sus l'estat que je vous di, et s'en revinrent arrière à Bruges. Là eut à leur revenue ung grant parlement des bonnes villes de Flandres et dou comte leur seigneur dessus noumet, et ossi de quatre chevaliers englès que li roys englès et ses conssaux y avoient envoiet sus le conduit des dessus dis Flandrois, et le tretiet de le trieuwe dessus devisée, laquelle fu là partout confremmée et saiellée et jurée à tenir sans enfreindre le tierme dessus deviset de l'une partie et de l'autre.

Après ces ordonnances, furent li pas de le mer ouvert, et coururent sceurement les marchandises de l'un pays en l'autre, mès toudis se tenoit li estaples des laines à Calais, et là les venoient querre li Flammencq et acater, s'il les volloient avoir.

Or retournons nous as besoingnes de Poitou et de Saintonge et de ces lointaines marches. Vous avés bien chi dessus oy comment li prinches de Galles estoit tous malades retournés en Engleterre, et madamme la princesse ossi, et leur fil le jone damoiziel Richart, qui fu puis rois d'Engleterre, sicomme vous orés en l'istoire. Li dus de Lancastre, qui estoit là ordonnés et establis de par le dessus dit prinche à gouvrenner et à seignourir la duché d'Acquittaine, avoit ja fait depuis le departement de son frère le prinche plusieurs chevauchies, armées et yssues sus les terres, qui leurs estoient ennemies, et se tenoit une fois en Angouloime et l'autre à Bourdeaux, et li baron de Poitou, de Gascoigne, de Roherge et de Saintonge dallés lui. Encorres s'entretenoient bien chi[l] païs et li seigneur, baron et chevalier qui dedens demoroient, pour lui et en sen aye, tels que li sires de Duras, li sires de Rosen, li seigneur de Pumiers, li sirez de Chaumont, li sires de Courton, li sires de Longheron, li sirez de Lespare, li captaux de

Beus, li soudis de Lestrade, messires Bernadet de Labreth, li sires de Geronde, messires Aimeris de Tarse; et de Poito: li sires de Partenay, messires Guicars d'Angle, messires Loeis de Halcourt, li sires de Surgières, li sires de Puiane, li sires de Tannai Bouton et pluisseurs autrez barons et chevaliers de ces marches et contrées dessus nomméez. Or fu enssi adont regardé et adviset entre cez signeurs et pluisseurs chevaliers d'Engleterre ossi dou conseil dou duc qui là estoient, que li dessus dis dus de Lancastre estoit à marier, et que une damme de hault affaire et de grant linage seroit bien emploiée en lui, car il estoit durement haut gentils homs et de noble generation, et avoit eu à femme une très noble et gentil dame, madamme Blanche, fille au bon duc Henry de Lancastre, que li Gascon avoient moult amé. Si n'estoit mies li dus Jehans de Lancastre à present tailliés d'amenrir ne de lui marier en plus bas degret ne de menre linage; car ja estoit il filz de roy et ungs grant sires de soy meysme. Si savoient chil dessus dit signeur deus jones dames et filles au roy dant Pierre d'Espaigne et hiretièze par droit dou royaume d'Espaigne, qui estoient à Bayonne, et là les avoit laissiées en plèges et en crant pour grant argent li roys dan Piètres, leurs pèze. Si fu enssi remoustret et dit au duch que adont il ne se pooit mieux mettre et asener que en l'ainnée de ces filles mademoiselle Constance qui estoit de droit, par le succession dou roy son père, hiretière d'Espaigne, et encorres par che costé poroit il y estre roys d'Espaigne, qui n'est pas petis hiretaiges, mès ungs des grans dou monde royaumes crestyens, ou chil qui de li et de ceste damme descenderoient; et que on devoit bien presumer et ymaginer si grant prouffit sus le temps à venir. A ces parolles entendit li dus de Lancastre mout vollentiers, et li entrèrent si ou coer que oncques puis ne l'en partirent, et bien le moustra; car tantost il fist appareillier douse de ses chevaliers, et envoya querre et delivrer les dessus dites dammoiselles Constance et Ysabel à Bayonne, et furent amenées et acompaignies des dammes de Gascoingne et de là environ jusques à Bourdiaux sus Geronde et là rechuptes à grant joie. Assés tost apriès espousa li dus de Lancastre l'ainnée madamme Coustance, en ung villaige dallés Bourdiaux, où il y a un grant mannoir dou signeur, que on appelle Rocafort, et là eut grant feste et grant solempnité des barons et des chevaliers, des dammez et des dammoiselles dou pays, et durèrent les noches et les festez bien douse jours.

Apriès les espousailles dou duc Jehan de Lancastre et de madamme Coustance, fille ainée au roy dan Piètre d'Espaigne que ses frères, li rois Henris, avoit fait morir, sicomme chy dessus est deviset en ceste histoire, li

dus de Lancastre eult conseil et vollenté de retourner en Engleterre et de amener y sa femme et sa serour ossi, madammoiselle Ysabel. Si ordonna ses besoingnes et fist toutes ses pourveanches, et recommanda le pays de Poitou et les marches par de delà, qui pour yaux se tenoient, en le garde et ou gouvernement des barons des pays, et par especial il elisi quatre souverains, dont li ungs fu li sires de Duras pour les marches de Gascoingne, li secons li captaus de Beus pour les frontières de Bourdeaux, li tiers messires Thummas de Persi pour les tierez de Poitou et de Saintonge, et li quars avoecq lui li sires de Partenay. Et il leur dist ensi que il ne se partoît mies pour cose que il n'ewist grant vollenté et bonne de guerrier, mès pour imfourmer le roy, son père, et les barons d'Engleterre de l'estat dou pays, et que, se il plaisoit à Dieu, il retouroit à l'esté si bien pourvus de bonne gent d'armes que pour reconquerir tout le pays qui perdu estoit; et li dessus dit seigneur et gardien establi de par lui respondirent: «Dieus y ait part!» Assés tost après, quant toutes ses pourveanches furent faites et cargies, se départi li dus de Bourdeaux, et tous ses hostes, et montèrent en mer sus le rivière de Gironde et nagèrent tant au vent et as estoilles qu'il arrivèrent en Engleterre ou havene de Hantonne. Si descargèrent depuis leurs vaissiaus tout bellement, et missent hors lors chevaux et tout leur harnois, et se reposèrent en ce faisant en le ditte ville de Hantonne par deus jours.

Quant il eurent là sejouré ces deus jours, et qu'il y furent rafresci, li dus et la duchoise se partirent et tous leurs arois, et chevauchièrent deviers Londres, et fissent tant par leurs journées qu'il y vinrent. Si y furent receu moult sollempnement et très reveramment, et fu la nouvelle duchoise de Lancastre moult honerée, festiée et conjoïe, et tout chil et toutes celles qui avoecq lui estoient, pour l'amour de lui. Meysmement li rois en son palais de Wesmoustier le festia et conjoy mout grandement, car bien le savoit faire. Assés tost après le revenue dou duch de Lancastre en Engleterre, fu fais li mariaige par l'acord et le vollenté dou roy englès et de son conseil, de monseigneur Aimon, comte de Cantbruge, son fil, et de la seconde fille au roy d'Espaigne, madammoisielle Ysabel qui estoit là avoecq sa soer, et eut as espousailles grant feste et grant solempnité; et dissent adont li Englès que cis mariaiges leur plaisoit grandement et que leur doy seigneur s'étoient aloïet à noble sanch et grant, et que grans biens et grans prouffis leur en venroit encorres et à leurs hoirs; car il en demoroient hiretier dou royaume d'Espaigne. Et avoecq tout ce, il avoient fait très grant aumosne; car ces deus dammes estoient escachies et deshiritées: si

n'eussent jammès esté relevées, se li enfant dou roy n'ewissent esté. Si en devoient avoir grant grace et grant loenge à Dieu et à tout le monde, voirs de chiaux qui loiauté et franchise amoient et aidoint à parmaintenir: telle estoit la vois et la renommée communement des Englès parmy le royaume d'Engleterre.

Tout cest yvier se tinrent enssi chil signeur en Engleterre, regardans et ymaginans comment à l'estet il poroient faire un grant fet en Franche. Li aucun dou conseil le roy englès consilloient que li dus de Lancastre empresist à porter en toutes ses armoiries les plainnes armes de Castille, comme drois hoirs, et mesist sus une grande armée de naves et de vaissiaus, de gens d'armes et d'archiers, et venist en Espaigne combattre le roy Henry et reconquerre le pays, et furent li Englès ung grant temps sus cel estat. Fos 175 r^o et v^o, 176 r^o et v^o, 177 r^o.

P. 27, l. 9: oy.—*Ms. A 8*: oy cy dessus.

P. 27, l. 10: rois.—*Ms. A 8*: rois James.

P. 27, l. 13: Montferrat.—*Ms. A 8*: Montferrant.

P. 27, l. 22: en.—*Ms. A 8*: à.

P. 27, l. 25: de rechief au chemin en istance de ce que pour guerriier.—*Ms. A 8*: au chemin de rechief en entencion de guerrier.

P. 27, l. 27: mort.—*Ms. A 8*: tué.

[P. 28](#), l. 2: au dit roy.—*Ms. A 8*: au roy.

P. 28, l. 4: peut.—*Ms. A 8*: pouoit.

P. 28, l. 11 et 12: et acord... Arragon.—*Ms. A 8*: du dit roy de Navarre et entrèrent en Arragon.

P. 28, l. 15: essillier.—*Ms. A 8*: assaillir.

P. 28, l. 16: plain.—*Ms. A 8*: plat.

P. 28, l. 21: furent meneur et.—*Ms. A 8*: furent.

[P. 29](#), l. 3: quoi c'aucun.—*Ms. A 8*: combien que aucun. Fo 345 r^o.

P. 29, l. 8: moullier.—*Ms. A 8*: femme.

P. 29, l. 15: le doubtance.—*Ms. A 8*: la doubte.

P. 29, l. 17: les deus filletes.—*Ms. A 8*: les filletes.

P. 29, l. 26: celles.—*Ms. A 8*: elles.

P. 30, l. 4: encontre.—Ms. A 8: contre.

§ 685 et 686. Ces nouvelles et Nous retourrons.—*Ms. d'Amiens*: Bien estoit li rois Henris d'Espaingne enfourmés des mariages dessus dis de ses deus cousines, mariées as enfans d'Engleterre, pourquoy il estoit en doute qu'il ne li fesissent trop grande guerre et que par aucun meschief il s'acordaissent au roy de Franche, affin que plus plainnement il le peussent guerrier. Si envioea tantost li roys Henris grans messaiges deviers le roy de Franche, en lui remoustrant ces perils et les doubtes qu'il y metoit, et que pour Dieu et par amours il y volsist regarder et arester, car il estoit bons et loyaux Francois et seroit tousjours. Li roys de Franche, comme sages et ymaginans, regarda le bonne vollenté dou roy Henri, et que voirement dou tamps passet l'avoit il en tous estas loyamment servi, et ossi que, se li royaumes de Castille estoit soumis ne concquis pas les Englès, sa guerre en seroit plus layde: si aseura tantost le roy Henry, et dist enssi qu'il fuist tout reconfortés, car jammais il n'aroit as Englès pais, acord, trieuwez ne respit, que il ne fuist ossi plainnement dedens enexés, comme il seroit ilz meysmes. Ces parolles et proummesses pleurent grandement au roy Henry, che fu bien raison, et en leva lettrez et instrumens publicques seellées dou propre seel le roy de Franche; et li roys de France ossi à l'autre lés prist lettrez et instrumens autentikes saiellées dou roy Henry et de tous les barons d'Espaingne. Enssi s'alièrent, jurèrent et confermèrent chil doy roy ensemble, et ne peuvent faire pais ne acord as Englès li ungs sans l'autre, et doivent estre aidant et confortant enssamble, et leur doy royaume; ne point ne s'en doivent ne puevent repentir ne relenquir, che ont il juré par veu solempnel, presens prelas, dus, comtes, barons et chevaliers.

Par celle manière vinrent les alianches entre le roy Carlon de Franche et le roy Henry d'Espaingne, et meysmement messires Bertrans de Claiequin, connestables de Franche, y mist et rendi grant painne; car moult amoit le roy Henry, et grans biens en disoit et recordoit. Dont il avint qu'il fu consilliet au duc de Lancastre que il fesist le roy son père pourcachier une trieuwe à durer deus ans ou trois entre lui et le roy de Franche; si aroit plus grant loisir et milleur avantaige de guerrier en Espaingne. Et fu adont li roys englès si enfourmés et consilliés qu'il envioea en Franche grans messaiges sus tel estat que pour avoir unes trieuwez; mès chil qui envoiet y furent, n'en peurent riens exploitier, et en respondi li roys de Franche plainnement qu'il n'avoit cure des trieuwes ne des respis son adverssaire le roy

d'Engleterre. De ces responses furent li rois englès et li dus de Lancastre durement courouchiés et virgongneux, et se repentirent mout quant envoiier y avoient; et dist adont et jura li dis dus de Lancastre que hastement il enterroit en Franche si poissamment que li royaumes s'en dieurroit vint ans apriès, et que jammais n'en partiroit, s'en aroit em partie sa vollenté, fust par pais ou autrement, à sen honneur. Si fist de rechief ses pourveances plus grande et plus grosses assés que devant, et retint et manda gens de tous lés où il les pooit avoir, et estoit sen entente qu'il aroit le duc de Guerles, son cousin, et le duc de Jullers; car cil li avoient proummis qu'il le serviroit à douse cens lanches toutez etoffées, et feroient ung grant trau en Franche, et bien li en ewissent tenu couvent, mès ungs empecemens leur vint en celle meysme année, qui leur rompi leur pourpos, sicomme vous orés chy apriès en l'istoire. Encorres remanda li dus de Lancastre le seigneur Despessier qui se tenoit à Venise et avoit guerriet les seigneurs de Melans, messire Galeas et messire Bernabo, plus de deus ans; et li pria et enjoindi qu'il revenist en Engleterre au plus tost qu'il pewist, car il volloit mettre sus une très grande armée de gens d'armes et chevauchier en Franche. Sitost que li sires Despessiers oy ces nouvelles, il se hasta ce qu'il peut, et se parti de Venise, mès ce ne fu mies si trestost.

En ce tamps trespasa de ce siècle chils gentilz et preus chevaliers messires Gautiers de Mauny, qui si par ses proèces et par ses biaux vassellages renlumine che livre em pluisseurs lieux. De le mort de lui furent li rois et tout li signeur d'Engleterre durement courouchiet, et fu mout plains et regretés de tous ses amis. Se li fist on faire son obsèque très reveramment en une eglise de Cartrous dehors Londres, que il avoit fait faire et edefiier, et la prouvenda [à] Chartrous qui tous les jours y font le divin offisce. Si furent à son obsèque li roys et tout si enfant, excepté le prinche, et ossi y eut grant fuisson de prelas d'Engleterre, et fist li evesques de Londres le service. De monsieur Gautier de Mauny remest une fille appelée damme Anne, qui eut à marit le jone comte Jehan de Pennebrucq, liquelx se traist assés tost apriès as hiretaiges monsieur Gautier comme hiretiers de par sa femme, et envoya saisir et relever par un de ses chevaliers la terre de Mauny en Haynnau. F^o 177 r^o et v^o.

[P. 31](#), l. 30: selonch.—*Ms. A 8*: sur. F^o 345 v^o.

[P. 32](#), l. 2: pour le temps se tenoient Englès.—*Ms. A 8*: pour Anglois se tenoient.

- P. 32, l. 4: avoient.—*Ms. A 8*: avoit desir et.
- P. 32, l. 6: qui revenoit.—*Ms. A 8*: prochain venant.
- P. 32, l. 7: ses frères.—*Ms. A 8*: son père.
- P. 32, l. 14: estre mainbour et.—*Ms. A 8*: estre.
- P. 33, l. 2: se s'i.—*Ms. A 8*: s'i se. F^o 346 r^o.
- P. 33, l. 17: rescheï.—*Ms. A 8*: cheï.
- P. 33, l. 18: cha en Haynau.—*Ms. A 8*: cha.

§ 687. Tout cel iver.—*Ms. d'Amiens*: Vous devés savoir que quant li dus de Lancastre se parti de Bourdiaux et qu'il amena la duchoise sa femme, sicomme chy dessus est contenu, ens ou royaume d'Engleterre, avoecq yaux se partirent de la ducé d'Acquittainne, tant pour yaux acompaignier que pour remoustrer au roy englès les besoingnes dou pays de Poito et de Saintonge, messires Guichars d'Angle, li sires de Puiane et messires Ammeris de Tarse. Si s'estoient chil chevalier tout l'ivier et le temps tenu en Engleterre, ung jour à Londres, l'autre fois dalléz le roy qui se tenoit le plus ens ou castiel de Windesore, ou dallés le prinche, qui gisoit tous maladez ens son mannoir de Berkamestede. Et avoient li dessus dit chevalier pluisseurs fois remoustré au roy l'estat et les besoingnes pour lesquelles il estoient là venu et envoïet, et par especial messires Ghuicars d'Angle que li rois veoit vollentiers et l'en ooit parler, et li prioient chierement que il y volsist entendre et pourveir de remède. Li roys qui mout enclins a esté tousjours à aidier et à adrechier ses gens et par especial chiaux à qui il besongnoit, leur respondi que ossi feroit il prochainement, mès il ne savoit encorres de quel part ceste armée qu'il metoit sus, dont si doy fil estoient chief, se traitoit, ou en Franche, ou em Pikardie, ou en Normandie par le pays de Constantin, ou se il iroient em Poito par le Rocelle; se leur prioit que ilz se volsissent souffrir et atendre tant que ses conssaux en aroit ordonné. Telle estoit la cause pour quoy li troi chevalier dessus nommet sejournoient en Engleterre, dont mout leur desplaisoit; mès amender ne le pooient puisque li roys et ses conssaux le volloient enssi. Or parlerons ung petit dou duc de Bretaingne.

Voirs est que en ce temps que ces choses se varioient sicomme vous avés oy recorder, li dus de Bretaingne metoit et rendoit grant cure à ce que ses pays et li noble et gentil homme de sa terre fuissent englès; et en fist

pluiseurs assamblées et parlemens tant de chevaliers que des conssaux des chitez et des bonnes villes de Bretaingne, mès nullement il ne pooit ses gens amener ad ce qu'il fuissent englès ne qu'il gueriaissent le royaume de Franche, leurs boins voisins; et s'escusoient souffissamment et disoient tout plainnement au duc et d'un acord que il n'avoit que faire de demourer en Bretaingne, se il volloit guerier le royaume de France, mès se tenist en sa pais et allast voller et cachier et lui deduire, et layast le roy de Franche et le roy d'Engleterre guerier ensamble, et les Bretons servir le roy de Franche, se armer il se volloient. Chils dus, qui le coer avoit moult englès, ne prenoit mies en trop grant gret les responsces que cil de son pays li faisoient, car il se sentoit si tenus au roy d'Engleterre que il disoit bien à ses plus especials amis, tels qu'il estoit, li roy[s] englès et se puissanche l'avoit fait, et ja n'ewisst estet dus de Bretaingne, se li dis rois englès n'eust esté: pour quoy il se veist trop vollentiers dalés lui en renumerant les serviches et amistés que on li avoit fais. Si en eut chils dus pluiseurs imaginations et pourpos l'espasse de deus ou de trois ans, et tout ce savoit assés li roys de Franche par lez barons et les chevaliers de Bretaingne qui se court hantoient, dont li dis roys les tenoit à amour che qu'il pooit, et ossi les prelas et les riches hommes dez chitez et des bonnes villez de Bretaingne, et les honneroit grandement, quant il venoient à Paris, et leur donnoit dou sien largement pour yaux mieux atraire à se vollenté, et tant faisoit que il estoient tout enclin et obeïssant à lui, et en avoit l'amour, l'antise et le service.

Or retournons à monseigneur Ghuichart d'Angle et as compaignons qui se tenoient en Engleterre dalés le roy et estoient ung grant temps puis le revenue dou duc de Lancastre ens ou païs, sicomme chy dessus est dit. Quant li yviers fu passés et la douce saison d'esté revenue que on compta l'an mil trois cens settante et deus et qu'il y eut ews pluiseurs parlemens en Engleterre sus l'estat des guerres et d'une très grosse armée que li dus de Lancastre volloit mettre sus et venir en Franche, sicomme il fist; mès ce ne fu mies si tost qu'il esperoit, et ce le arriera [enssi] que je vous diray. Le saison devant, avoit eu entre Tret sus Meuze et Jullers une très grosse bataille dou duc de Jullers et de monsigneur Edouwart de Guerles d'un lés, et de monsigneur Winchelans, duc de Luxembourg et de Braibant, d'autre, à laquelle besoingne chils messires Edouwars de Guerles avoit esté ochis, dont li confors et espoirs des Englès estoit mout afoiblis; car il devoit servir le roy englès son oncle à mil lanches et faire ung grant trau en Franche, et

devoit li dus de Jullers, ses serourges, estre avoecq lui; mès leur chevauchie et armée demoura tant pour le mort dou dessus dit monsieur Edouwart que pour ce que li dus de Jullers se trouva mout empeschiés, car messires Carles de Behaingne, empereur de Romme, le volloit guerrier pour le cause de son frère, le duc de Braibant, qu'il tenoit em prison et lequel il delivra par le doubtanche et puissance de l'empereur. Et ossi messires Jehans de Blois, et comtez de Blois, avoit pris à femme la sereur de monsieur Edouwart dessus nommet, et clammoit à la ducé de Guerles grant part de par sa femme; si ne s'osoit li dus de Jullers partir de son pays, car il avoit l'autre serour de monsieur Edouwart. Enssi estoient chil pays de Guerles et de Jullers ensonniet et entriboulet, car la contesse de Blois y faisoit grant guerre à l'encontre de son serourge le duc de Jullers, et de laquelle matère je me voeil partir assés briefment pour tant que elle ne touche de riens à nostre histoire des rois, fors tant que li Englès furent mout courouchiés de la mort de monsieur Edouwart, car au voir dire c'estoit chils de par dechà le mer qui plus les pooit valloir et aidier. Si eurent toute celle saison li Englès pluisseurs conssaux ens ou palais à Wesmoustier. Finalement il fu consilliet et aresté que li dus de Lancastre et li contes de Cantbruge seroient chief, gouvreneur et souverain de ceste armée, et passeroient le mer à quatre mil hommes d'armes et douse mil archiers et bien otant de Galois et d'autre gens. Si ordonnèrent leurs pourveancez grandes et grosses seloncq chou, et mandèrent et prièrent gens tout partout où il les penssoient à avoir, et retinrent bien de purs Escos quatre cens lances de bonne estoffe.

Quant messires Guichars d'Angle et li sires de Puiane et messires Aimeris de Tarse qui tout le temps s'estoient tenu en Engleterre, veirent et entendirent le certain arrest dou conseil le roy et de ses barons, et que li doy fil le roy seroient chief et souverain de ceste armée, et que nul il n'en aroient pour remenner en Poito avoecq yaux, si se adrechèrent deviers le roy englès, et li fissent une prière et requeste qui s'estendoit en telle manniere: «Chiers sires et nobles roys, nous veons et entendons que vous devés envoier en ceste saison une grant armée et chevauchie dez vestres ens ou royaume de Franche, pour guerier les marches de Pikardie, de France, de Bourgoingne et d'Auviergne, de laquelle grosse armée vo doi fil seront gouvreneur et souverain, et ce soit à l'onneur de Dieu et d'iaux, si vous prions et requérons, chiers sires, ou kas que nous ne les poons avoir, ne l'un d'iaux par lui, que vous nous voeilliés baillier et delivrer le comte de Pennebrucq à gouvreneur et cappittainne, et que il vous plaise que il s'en

viengne avoecq nous en es marcez de Poito.» Adont s'aresta li roys sous monseigneur Guichart d'Angle plus que sus les autres, et dist: «Messires Ghuichart, et se je ordonne le comte de Pennebrucq, mon fil, à aller avoecq vous ens ou pays de Saintonge, vous faurra il grant charge de gens pour aidier à garder et à defendre le pays contre nos ennemis?»—«Monsigneur, respondi messire Ghuichars, nennil, mais que nous aiiens deus cens hommes d'armes et otant d'archiers pour les rencontres dessus mer et le finanche pour gagier trois mil combatans; nous en recouvrerons bien par de delà; car encores y sont grant fuison de gens des compaignes et gens d'autres nations, qui vous serviront vollentiers, mès qu'il aient bons gaiges, et que on lor paie ce avant le main pour cinc ou pour sis mois.» Adont respondi ly roys englès: «Messires Guichars, ja pour or ne pour argent ne demourra que je n'aie gens assés et que chils voïages ne se fache; car j'ay bonne vollenté de deffendre et garder mon pays de Poito. Or soiiés de ce costé tous recomfortés et asseurés, car j'en ordonneray temprement, et vous cargeray, avec le mise que vous emporterés, tels gens et tel cappitaine qu'il vous devera bien souffire.» Adont respondirent tout li troy chevalier, et dissent: «Monsigneur, grant merchis». F^{os} 177 v^o, 178 r^o et v^o.

P. 33, l. 30: Ghiane.—*Ms. A 8*: Guienne.

P. 34, l. 1: ens es.—*Ms. A 8*: es.

P. 34, l. 2: pluseur signeur.—*Ms. A 8*: pluseur.

P. 34, l. 4: appareil de pourveances et.—*Ms. A 8*: appareil et.

P. 34, l. 5: ost que.—*Ms. A 8*: ost aussi quant comme.

P. 34, l. 13: li rois Edouwars.—*Ms. A 8*: li rois.

P. 34, l. 19: ghertier.—*Ms. A 8*: jaretier.

P. 34, l. 24: li contes de Cantbruge, ses frères.—*Ms. A 8*: li Cantbruge. F^o 346 v^o.

P. 34, l. 26: prière et requeste.—*Ms. A 8*: prière.

P. 34, l. 32: peuist.—*Ms. A 8*: feïst.

P. 35, l. 21: mainbour.—*Ms. A 8*: meneur.

P. 35, l. 29: l'emploie.—*Ms. A 8*: l'emploieray.

§ 688. Ensi et de pluseurs.—*Ms. d'Amiens*: Depuis ne demoura guaires de tamps que li roys englès ordonna et pria au comte Jehan de Lennebrucq

d'aller avoecq les dessus dis chevaliers ens ou pays de Poito et de Saintonge, pour garder les frontieres contre les Francois, liquelx comtes à l'ordonnanche dou roy obeï et descendi vollentiers et emprist liement le voiaige à faire. Avoecques le dit comte furent nommet chil qui iroient: premierement, messires Othe de Grantson, banereth et riche homme durement, messires Robers Tuifort, messires Jehans Courson, messires Jehan de Gruières, messires Thummas de Saint Aubin, messire Simons Housagre, messires Jehans de Mortain, messires Jehans Touchet et pluisseurs autres bon chevalier et escuier, tant qu'il furent bien deus cens hommes d'armes et otant d'archiers, et fissent leurs pourveanches tout bellement et à grant loisir de tout ce qu'il leur besongnoit, et leur fist li roys delivrer une grande somme de florins pour gagier et paier un an tout entier trois mil combatans; puis se departirent dou roy li dessus dit seigneur, quant il eurent pris congiet à lui, et se missent au chemin et s'en vinrent à Hantonne. Là sejournerent il en ordonnant et regardant à lors pourveances et en cargant leurs vaissiaux et en atendant le vens plus de trois sepmaines. Et quant il eurent tout cargiet et ordonné, et le vent pour yaux, il entrèrent en leurs vaissiaux, et puis se desancrèrent: si se partirent des mettes d'Engleterre, et singlèrent par deviers Poito et le Rocelle. F^o 178 v^o.

P. 36, l. 12 et 13: que li rois... d'Angle.—*Ms. A 8*: que monsigneur Guicart avoit faite au roy.

P. 36, l. 15: gagier.—*Ms. A 8*: paier.

P. 36, l. 19: xvii^e.—*Ms. A 8*: xvi^e.

P. 36, l. 24: sçai par.—*Ms. A 8*: sçai comment ne par.

P. 36, l. 28: mainbour.—*Ms. A 8*: meneur.

P. 37, l. 5: breteschies.—*Ms. A 8*: bretanchées. F^o 347 r^o.

P. 37, l. 7: Boukenègre.—*Ms. A 8*: de Boukenègre.

P. 37, l. 8 et p. 41, l. 3: Pyon.—*Ms. A 8*: Piou.

P. 37, l. 12: venir et ariver.—*Ms. A 8*: venir.

P. 37, l. 13: à l'ancre.—*Ms. A 8*: et ancrez.

P. 37, l. 18: calengièrent.—*Ms. A 8*: destourbèrent.

P. 38, l. 1: amiroient ne.—*Ms. A 8*: doubtoient et.

P. 38, l. 2: atendant.—*Ms. A 8*: afendant.

P. 38, l. 3: trairie.—*Ms. A 8*: crierie.

P. 38, l. 10: si grans.—*Ms. A 8*: grans.

P. 38, l. 14: malement.—*Ms. A 8*: mout malement.

P. 38, l. 16: et proèce remoustrées.—*Ms. A 8*: et remoustrée proèce.

§ 689. A ce que je oi.—*Ms. d'Amiens*: En ce tamps avoit li roys Henris d'Espaigne, à le priière et requeste dou roy de France, mis sus mer une grosse armée d'Espagnols et de Chatelains, liquel estoient droite gens d'armes sus le mer de grant fait et de hardie emprise. Et estoient li dit Espagnol pourveu de trèse grosses gallées toutes armées et fretées, et gisoient à l'ancre devant le Rocelle, et avoient ja jeu plus d'un mois, fors tant que chiés de fois il waucroient sour les frontières de Poito pour veoir et savoir s'il trouveroit nullez aventures; mès de toutes les marées il revenoient par droite ordonnance gesir devant le Rocelle, et se tenoient là à l'entente que pour atendre et combattre lez gens d'armes que messires Guichars d'Angle devoit amener ou pays. Si estoient patron de ceste navie Ambrose Boukenègre, Cavesse de Vake, dan Ferant de Pion et Radigo de la Rosele. En tout le royaume d'Espaigne, de Seville, de Ghalisce et de Portingal ne pewist on recouvrer de quatre milleurs amiraux ne patrons pour gouvrenner une grosse navie sus mer, et estoient chil bien pourveu de grant fuison de bons combatans et de droite gent d'eslite. Bien les veoient chil de le ville de le Rocelle et messires Jehans Harpedane, qui estoit pour le temps senescaux de le Rocelle, mès point ne les aloient combattre; et avint que li comtes de Pennebruc dessus nommés et messires Ghuichars d'Angle et leur navie nagièrent tant par mer, en costiant Normendie et Bretaingne et yaux adrechant pour venir en le Rocelle, qu'il aprochièrent les mettes dou pays et trouvèrent à leur encontre celle grosse navie d'Espaigne. Adont seurent il bien qu'il les couvenoit combattre: che fu l'avant vegille de le nuit Saint Jehan Baptiste, l'an mil trois cens settante et deus.

Quant li comtes de Pennebrucq et li chevalier qui là estoient en se compaignie, perchurent le navie des Espagnolx qui estoient en leur chemin, et ne pooient nullement venir ne ariver en le Rocele ne passer fors que parmy yaux, et le virent si grande et si grosse et pourveue de si gros vaissiaus enviers les leurs, si ne furent mies bien aseguret. Nonpourquant, comme bonnes gens, il s'armèrent tost et appertement, et fissent sonner leur trompettes et mettre leurs bannièrez et leurs penons hors avoecq ceux de

Saint Jorge, et moustrèrent bon visaige, et requieillèrent et missent enssamble tous leurs vaissiaux, petis et grans, et aroutèrent leurs archiers tout devant, et pooient y estre quatorse nefes parmy leurs pourveanches. D'autre part, li Espagnol qui mout les desiroient à combattre, si trestos comme il les virent nestre ne approcier, il s'armèrent et ordonnèrent, et missent leurs bannières et leurs pennons de Castille hors, et fissent sonner lors trompettes et aller toutes mannières de gens à leur gardes, et montèrent amont as cretiaux et as garittes de leurs vaissiaux qui estoient bien breteskiés, et targièrent et paveschièrent tous leurs rimeurs, dont en chascune gallée avoit grant fuison, et s'estendirent tout au lonch affin que li Englès ne les pewissent fuir ne eslongier. Et quant il se furent enssi ordonné, comme gent de bon et grant couvenant, li quatre patron dessus nommet, dont chascuns estoit en une gallée par soi et entre ses gens, se missent en frontière tout dentre et aprochièrent les Englès vistement et radement. D'autre part, li Englès qui estoient tout conforté de le bataille, car combattre les couvenoit et atendre l'aventure ne ilz ne pooient fuir d'entre yaux ne reculler, ne ossi il n'ewissent daigniet, aprochièrent moult bellement et moult ordonneement. Si trestost que il furent li ung devant l'autre, comme gens de guerre et ennemy, sans noyent parlementer, il se commencièrent à envaïr, à atraire et à lanchier vistement et fortement. Là s'acquitoient li archier d'Engleterre souffisamment au traire, et estoient sour les bors de lors nefes, et traioient si roidement et si ouniement c'à painnes se pooit ne osoit nuls amoustrer. D'autre part Espagnol et Chateloing, qui estoient bien pavesciet et à le couverte en leurs vaissiaux, lanchoient dars et archigaies si trenchans, que qui en estoit à plain cop consieuwis, c'estoit sans remède: il estoit mors ou trop villainnement navrés. Che premier jour tournièrent il enssi en lanchant et escarmuchant, en jettant pierres et en traiant, dont il en y eut des uns et des autres pluseurs ochis et navrés, tant que li marée dura et que li aige ne leur falli, car li mers seloncq son usage se retraiioit. Si couvint retraire les Englès, mais à ce premier estour il perdirent quatre nefes de leurs pourveanches, que li Espagnol conquissent sus yaux et encloïrent au departement dou hustin entre yaux, et furent mort et noïet et jetté à bort le plus grant partie de ceux qui dedens estoient: tout che veoient leur mestre et leur signeur qui devant yaux estoient, mès amender ne le pooient. Fos 178 v^o et 179 r^o.

P. 38, l. 28: ens ou.—*Ms. A 8*: au.

[P. 39](#), l. 18: Harpedane.—*Ms. A 8*: Hardane. F^o 347 v^o.

P. 39, l. 21: Cauderier.—*Ms. A 8*: Chauderon.—*Ms. B 1*: Chaudouvrier.

P. 39, l. 23 et p. 40, l. 9: kay.—*Ms. A 8*: gué.

P. 39, l. 32: peuist.—*Ms. A 8*: sceust.

P. 40, l. 1: en le.—*Ms. A 8*: dedens la.

P. 40, l. 10: naviiier.—*Ms. A 8*: nager.

§ 690. Quant ce vint.—*Ms. d'Amiens*: Enssi sus heure de vespres au retrait dou flos et que li wèbes leur falli, se departi li bataille, et retournèrent à l'ancre li Englès tous courouchiés, c'estoit bien raison; car il avoient ja perdu grosement jusques à quatre vaissiaux de lors pourveanches et les gens qui dedens avoient estet trouvé, et d'autre part li Espagnol se missent à l'ancre tout joieant, qui se tenoient tout conforté que à l'endemain il aroient le demorant. Moult estoit li tamps et li airs quois et seris, et ne faisoit point de vent. Si eurent che soir et le nuit ensuiwant li signeur d'Engleterre tamainte ymagination comment il se poroient maintenir et deduire contre ces Espagnolz, car point ne se veoient en jeu parti contre yaux, dont il n'estoient miez à leur aise. D'autre part, nullement il n'en pooient venir ne ariver à le Rocelle, car leurs nefes estoient trop grandes, et li aige trop basse, car c'estoit sus le decours de le lune; si n'avoit li mers point de force. Bien avoient des batiaux en leurs nefes et qui les siewoient, ens es quels li chevalier se pewissent bien estre mis, se il volsissent, et venir à rime jusques au kay de le Rocelle, mès il doubtoient le peril; car il ne pooient passer fors parmy leurs ennemis qui avoient ossi otelle pourveance de barges et de batiaux, et estoient tout enfourmé de ce fait; et au passer devant ou dalés lors ghalées, chil qui seroient d'amont leur jeteroient pierres et barriaux de fer et leur effondroient leurs batiaux: si seroient perdu d'avantaige. Dont à yaux mettre en ce parti il n'estoient point d'acort; ossi dou retourner ne de prendre le parfont, il n'y veoient ne prouffit ne honneur pour yaux, car sitost que li Espagnol les veroient fuir, yaux qui ont leurs gallées armées et pourvewez de grant fuison de rimeurs, leur seroient mout tost au devant, et les aroient à vollenté avoecq le blamme et le reproce qu'il aroient du fuir. De quoy, tout consideret et peset le bien contre le mal, il dissent que il atenderoient l'aventure de Dieu et se combateroient à l'endemain, tant qu'il poroient durer, et se venderoient plus chier que oncques gens ne fissent, siques sus ce pourpos et avis il s'arestèrent, et passèrent le nuit au plus biel qu'il peurent.

P. 40, l. 19: tous li wèbes.—*Ms. A 8*: la marée.

P. 40, l. 30: et se.—*Ms. A 8*: et.

P. 41, l. 1: Evous.—*Ms. A 8*: et puis vindrent. *Fo 348 r^o*.

P. 41, l. 6: cros et havès de fier à kainnes.—*Ms. A 8*: crochès et chaines.

P. 41, l. 7: peuissent.—*Ms. A 8*: pouoient.

P. 41, l. 10: Guichart.—*Ms. A 8*: Guichart d'Angle.

P. 41, l. 15: d'assallir et de yaus targier.—*Ms. A 8*: d'assallir.

P. 41, l. 22: ne onques.—*Ms. A 8*: que onques.

P. 41, l. 24: des leurs.—*Ms. A 8*: de leurs gens.

P. 42, l. 3: où il eut fait tamainte.—*Ms. A 8*: où l'en fist mainte.

P. 42, l. 15: li.—*Ms. A 8*: yceulx.

§ **691**. Qui se trueve.—*Ms. d'Amiens*: Celle meysme nuit et tout le soir estoit en grant prière et pourcach messires Jehans de Harpedanne, un chevalier englès et senescaux de le Rocelle pour le temps, enviers chiaux de le ditte ville; et leur disoit et moustroit comment leurs gens se combatoient as Espagnolz, et qu'il ne s'aquitoient mies biens quant il ne les aloient aidier; mès, quoyque li chevaliers les sermonast ne amonestast, il n'en faisoient nul compte, et moustrèrent bien li pluisseur par samblant qu'il avoient plus chier le dammage des Englès que l'avantaige. A ce dont estoient en le Rocelle doy gentil chevalier de Poito, li sires de Tannay Bouton et messires Jaquemes de Surgières, liquel pour yaux acquitter dissent qu'il se meteroient en barges et en batiaus et venroient dallés leurs gens, et prièrent estroitement et fortement à ciaux de le ville qu'il volsissent aller avoecq yaux, mès oncques nus ne dist: «Vollentiers,» ne ne s'avancha de l'aler. Quant ce vint à l'endemain qui fu la nuit Saint Jehan Baptiste l'an mil trois cens settante et deus, et que li flos de le mer fu revenus, li chevalier, qui en le Rocelle se tenoient, ne veurent mies estre là trouvé sejourant, et il veyssent leurs gens combattre, mès s'armèrent au plus tost et dou mieux qu'il peurent, et entrèrent et se fissent menner et navier à exploit de rimmes à l'endroit de leurs gens qui ja se combatoient, et tant alèrent tourniant les gallées et les Espagnols qui entendoient au combattre, qu'il vinrent jusques à yaux, et entrèrent ens es nefes dou conte de Pennebrucq et de monsieur Ghuichart d'Angle, qui leur seurent mout

grant gret de leurs secours et de leur venue. Ja estoit li estours et li hustins commenchiez très le point dou jour, qui fu ossi fors et ossi bien combatus que on vey oncques gens sus mer combattre; car li assallant estoient droite gens de mer, fort et rade, et bien durant et exploitant en tel besoingne, et li Englès très bien deffendant ossi vassamment et radement que on vey oncques gens, et ne l'avoient mies li Espagnol d'avantaige, car li chevalier englès, gascon et poitevin, qui là estoient, se combatoient et deffendoient leurs corps et leur navie de très grant vollenté et mout durement, comment que la parchon n'estoit mies juste pour yaux; car li Espagnol estoient grant fuisson, et se n'y avoit si petit varlet entre yaux, qui ne fesist otant que uns homs d'armes en lors gallées, car il jettoient d'amont pierres de fais, plommées et gros barriaux de fier, dont il debrisroient et deffroissoient tous lez vaissiaux des Englès. Là fu li jones comtes de Pennebrucq très bons chevaliers, et fist merveillez d'armes de se main, et ossi furent messires Othes de Grantson, messires Guichars d'Angle, messires Aimeris de Tarse, li sires de Tannai Bouton, li sires de Puiane, messires James de Surgières, messires Jehans Harpedane, messires Jehans Tuifort, messires Jehans de Gruières, messires Jehans Toursès, messires Jehans de Lantonne, messires Simons Housagre, messires Jehans de Mortain, messires Jehanz Touchet et li autre chevalier et escuier, et estoient par ordonnance espars par leurs vaissiaux pour mieux entendre à leurs gens et rencoragier les lassés et les esbahis.

A ceste bataille, qui fu, devant le Rocelle, dez Espagnols as Englès, eut ce jour fait mainte[s] bellez appertises d'armes, car là s'esprouvoient li hardit et li bien combatant; mais au voir dire li Espagnol avoient moult grant advantaige de bien assaillir et de requerre leurs ennemis, car il estoient en grans et gros vaissiaux, c'on dist gallées, toutes frettées et armées, qui se remoustroient deseure tous les vaissiaux des Englès, et pooient veoir li Espagnol par dedens leurs vaissiaux, et point li Englès en chiaux des Espagnolz; et estoient li jet et li cop lanchiet et ruet des vaissiaux des Espagnols en chiaux des Englès de plus grant force et de plus grant vertu sans comparaison, pour ce qu'il descendoient de plus haut que ne fuissent chil des Englès. Si traioient li archier d'Engleterre mout fortement et très ounniement, mès li Espagnol estoient bien paveschiet contre ce, et ne leur fist li très mies trop grant dammaige. Ensi en che hustin et en celle rihotte se tinrent li Englès tout ce jour, et qui quidoient toudis que chil de le Rocelle les dewissent conforter et secourir, mès il n'en avoient nul talent,

enssi qu'il apparu; car oncques plus nuls ne s'en partirent, fors li troi chevalier dessus nommet, qui se veurent acquiter de leur honneur, ensi que tout loyal chevalier par droit et raison doivent faire en telz besoingnes. Là estoient li quatre patron et cappitaine des Espagnols, chascun en une gallée et entre ses gens en bon couvenant, et moustroient bien chièr et fait de hardit homme, et resbaudioient grandement leurs gens, et disoient en leur langage: «My enfant, exploitiés vous et ne vous esbahissiés de cose que vous voiiés; car ceux chy sont nostre, et apriès venront tout li autre.» De ces parolles avoient li chevalier englès et gascon, qui les entendoient, grant indination, mès amender ne le pooient: si en faisoient leur pooir et leur devoir à leur miller entente, et s'abandonnoient de grant vollenté et chascun pour rencoragier l'un l'autre. Enssi continuèrent ilz et perseverèrent le plus grant partie dou jour, et tant furent li Englès et chil de leur costé fort requis, combatu et apresset, qu'il furent durement lasset et foulé, et ne se peurent plus tenir, et en furent li Espagnol mestre, et lez conquissent par force d'armes, mès moult leur cousta de leurs gens, car là avoient ossi bonne chevalerie tant pour tant que on pewist point recouvrer, et bien le moustrèrent, car point ne se vorrent rendre jusques à tant que force leur fist faire et que autrement leurs nefes ewissent estet toutes effondrées et yaux perdu sans merchy. Là furent mort de leur costé messires Aimeris de Tarse, gascons, bons chevaliers et preux durement et qui estoit yssus de tamainte dure besoingne, et avoecq lui messires Jehans de Lantonne, messires Simons Housagre et messires Jehans de Mortain, messires Toucet et pluisseurs autres, et pris li comtes de Pennebruc, messires Ghuicars d'Angle, messires Othes de Grantson, li sires de Puiane, li sires de Tannai Bouton, messires Jehans de Harpedane, messires Robers Tuifort, messires Jehans de Gruières, messires Jaquemes de Surgières, messires Jehans Toursès, messires Thummas de Saint Aubin et bien dis et set chevaliers, tous de nom: oncques nuls n'escappa de ceste armée, que n'en fussent tout mort ou tout pris; et fu li vaissiaus peris et effondrés, où li finanche estoit, que li roys englès envoiioit en Poito pour gagier trois mil combatans et paier, se il besongnoit, un an. Si poés bien croire que il y avoit grant somme de florins, et oncques ne fist aise ne prouffit à nullui, dont ce fu dammaigez qu'il en escheï enssi; et en furent li Espagnol meysmement courecié, quant il le sceurent; mès ce fu si tart qu'il n'y peurent pourvoir de remède.

Qui se treuve en tel parti d'armes que li dessus dit, il couvient qu'il prende en gré l'aventure que fortune li envoie. Che jour l'eurent moult dur li Englès pour yaux et par le coupe de monsigneur Ghuicart d'Angle et de monsigneur Ammeri de Tarse qui là demoura, et dou signeur de Puiane, qui avoient enfourmé le roy englès qu'il estoient gens assés pour ariver em Poito, de trois cens ou de quatre cens, siques li roys sour leur requeste se fourma et leur acompli leur demande, dont il leur mesvint; et, au voir dire, il s'estoient trop foiblement parti d'Engleterre, seloncq le grant fuison d'ennemis qu'il avoient par mer et par terre. Apriès celle desconfiture, et que li Espagnol eurent quis et cherchié toutes les nefes dez Englès et pris les barons et les chevaliers et fait entrer en leurs gallées, et qu'il se furent tout saisi de leurs armures et les eurent fianchiés, il se tinrent tout quoy à l'ancre devant le Rocelle en atendant le marée et le flos de le mer qui devoit revenir, en menant grant joie et grant reviel. Bien virent et congneurent tantost chil de le Rocelle que leurs gens estoient desconfi, dont li pluisseur en requoy furent tout joieant, et ne volsissent mies que la besoingne fuist autrement allée pour nul avoir, et especialement li plus grant maistre de le ville; car il leur estoit segnefiyet et dit pour certain que on devoit prendre douse de leurs bourgeois à election, sus lesquels li roys englès et ses conssaux estoient mal enfourmet, et mener comme prisonniers en Engleterre. Pour celle cause et celle doubte il s'en portèrent et passèrent plus bellement; nonpourquant il se faindirent adont pour apaisier les ennemis, et cloïrent leurs portes mout estroitement, et s'armèrent toutes mannières de gens, et alèrent as cretiaux, as portes, as tours et as gharittes par connestablies, et ne laissièrent nullui entrer ne yssir; car il disoient ensi qu'il ne savoient que li Espagnol penssoient et se ilz les venroient assaillir. Pour tant se tenoient il sour leur garde, mès li Espagnol n'en avoient nul tallent fors de partir au flos revenu et de tourner vers Espaigne et là menner leur conquest et leurs prisonniers à sauveté. Che soir esceï trop bien à monseigneur James de Surgières, un chevalier de Poito, qui là estoit pris; car il parla si bellement et si sagement à son mestre qu'il fu quittes parmy trois cens frans franchois qu'il paiia tous appareilliés, et fu renvoiés arrière en le Rocelle, delivrés sicomme vous avés oy; et pour l'onneur de chevalerie on mist tout les chevaliers qui là avoient estet mort, en une barge, et les envoièrent li Espagnol en le Rocelle. Là furent il recheu et ensepveli en sainte terre.

Quant li flos de le mer fu revenus et que li mestre patron et souverain des Espagnols, loist assavoir: Ambroise Boukenègre, Cabesse de Vake, dan Ferrant de Pyon et Radigo de la Roselle, eurent ordonné leur besoingnes et mis gens et maronniers ens es nefes englèces qu'il avoient concquis pour gouvrenner et amener avoecq yaux, ilz sachièrent les singles amont et se desancrèrent, et se partirent trompant et cornemusant et faisant grant feste, et entrèrent ou parfont pour prendre le mer d'Espaingne. F^{os} 179 r^o et v^o, 180 r^o.

P. 42, l. 28: coi que.—*Ms. A 8*: combien que.

P. 43, l. 1: recorder en.—*Ms. A 8*: en. F^o 348 v^o.

P. 43, l. 16 fuissent.—*Ms. A 8*: estoient.

P. 43, l. 25: coron.—*Ms. A 8*: boux.

P. 44, l. 10: d'Agoriset.—*Ms. A 8*: d'Angonse.

§ 692. Cilz Yewains.—*Ms. d'Amiens*: Nous lairons un petit à parler d'iaux et parlerons d'une armée que Yeuwains de Gallez et messires Jehans de Ray, bourgignons, avoient au commandement dou roy de Franche en celle saison mis sus, et estoient venut sus les ysles de Coustentin, et pooient y estre environ uit cens hommez d'armes et avoient tout le temps gardé le mer et les pas de Normendie, et estoient arivet chil Francois en l'isle de Grenesée, dont Ammons Rose, uns escuiers dou roy d'Engleterre, estoit cappitaine. Quant il sceut que Yeuwains de Galles et se route devoient prendre terre en l'isle dont il estoit gardiens, il requella chiaux dou pays et chiaux qu'il avoit amenés d'Engleterre avoecq lui, et s'en vint sus un certain pas où il penssoit que li Francois prenderoient terre. Là eut grant bataille et dure, et moult fu trait, lanchiet et assailli, et coust(um)a moult grandement li passaiges as Francois, ainschois qu'il pewissent ariver. Toutteffois finablement il le conquissent, et en y eut bien mors de le partie as Englèz sis cens et se sauva à grant meschief Ammon Rose, et se bouta ou castiel de Cornet, qui est priès de là. Depuis celle desconfiture n'y eut riens retenu sus tout le pays, car il n'y a nulle forterèche. Si ardirent et essillièrent li dit Francois tout cesti ysle, et y ranchonnèrent hommes et femmez, et apriès entrèrent en l'isle de Gersée, et l'ardirent et ranchonnèrent ossi, et puis vinrent mettre le siège devant le castiel de Cornet, où Ammon Rose et aucun gentil homme d'Engleterre estoient retret. Là y eut pluisseurs assaux,

mès il ne fu mies adont gaegniés, car li roys de Franche manda au dit Yeuwain de Gallez et à monsigneur Jehan de Ray qu'il se partesissent de là et s'en allaissent en Espaingne parler au roy Henry et impetrer ou nom de lui vint et cinc ou trente grosses gallées pour venir assegier le Rocelle; car li roys savoit ja que cil qui le devoient rafrescir, li comtes de Pennebrucq et li autre dessus nommet, estoient tout mort et tout pris. Si se departi du siège de Cornet li dis Yeuwains, et entra en mer à tout trèse barges tant seullement, et prist le droit chemin d'Espaingne, et singlèrent tant qu'il arivèrent en Galisce, à ung port et à une ville qui s'apelle le bourcq Saint Andrieu. F^o 180 r^o.

P. 44, l. 31: par quel.—*Ms. A 8*: pour quelle.

P. 45, l. 5: et.—*Ms. A 8*: il. F^o 349 r^o.

P. 45, l. 7: en gouvrenance.—*Ms. A 8*: gouvernement.

P. 45, l. 13: ci.—*Ms. A 8*: ci dessus.

P. 45, l. 16: Harflues.—*Ms. B 4*: Harfleux.

P. 45, l. 23: le dit isle.—*Ms. A 8*: la ditte.

P. 45, l. 28: dura.—*Mss. A 8 et B 4*: se tint.

P. 46, l. 1: de là.—*Ms. A 8*: près de là.

P. 46, l. 1: avoit esté.—*Ms. A 8*: fu.

P. 46, l. 9: est.—*Ms. A 8*: estoit.

P. 46, l. 18: desous.—*Ms. A 8*: declin.

P. 47, l. 4: oy.—*Ms. A 8*: vi.

P. 47, l. 6: à toutes gens congiet.—*Ms. A 8*: congié à ses gens. F^o 349 v^o.

P. 47, l. 9: de.—*Ms. A 8*: de devant.

§ 693. Vous devés savoir.—*Ms. d'Amiens*: En ceste meysme heure arivèrent li dessus dit Espagnol, Cabesse de Vake et li autre, qui avoient pris les dessus nommés Englès et Poitevins, et entrèrent auques enssamble en le ville; si furent moult resjoy chil dou pays de le pris des dessus dis et de le belle aventure qui estoit avenue à leurs gens. Si vinrent li dessus dit patron, qui la bataille avoient desconfi, deviers le roy Henry, leur seigneur, qui se tenoit à Burges, et li fissent present de leurs prisonniers. Li roys leur en sceut grant gret, et furent si bien d'acort que li dit prisonnier dubrent

demourer et y estre au dit roy parmy une grande somme de florins qu'il en rendoit. Si furent envoiet querre li dessus dit chevalier à le ville de Saint Andrieu, et vint contre yaux bien acompaigniés li ainsnés filz dou roy Henry, qui s'appelloit Jehans, et les honnoura et requeilli moult bellement, et furent amenet à Burgez, et depuis furent il espars en diviers lieux et mis tous en kaines et en destroitez prisons, excepté li comtes de Pennebrucq et messires Ghuichars d'Angle. F^o 180 r^o.

P. 47, l. 14: tant c'à ceste fois.—*Ms. A 8*: pour celle fois.

P. 47, l. 14: si imaginèrent tantost li sage homme.—*Ms. A 8*: si ymagina lui et les sages gens.

P. 48, l. 1: et embuiés.—*Ms. A 8*: de fer.

P. 48, l. 6: très.—*Ms. A 8*: entrés.

P. 48, l. 15: rampronnant.—*Ms. A 8*: reprouchant.

P. 48, l. 29: ne en voie.—*Ms. A 8 et B 4*: ne en lieu.

P. 49, l. 6: et.—*Ms. A 8*: ne.

P. 49, l. 27: cose.—*Ms. A 8*: cose il.

§ 694. Nous retournerons.—*Ms. d'Amiens*: Nous retournerons as besoingnes et as avenues de Poito, de Saintonge et de le Rocelle, et vous parlerons que droitement le jour saint Jehan Baptiste, dont le jour devant la bataille avoit esté desconfite sus mer, vinrent en le Rocelle grant fuison de gens d'armes de le partie as Englèz, dont li captaus de Beus estoit souverains, et de se route, li soudis de Lestrades, messires Petiton de Courton, li bastart de Courton, messires Berars de le Lande, messires Pierres de Landuras, messires Bertrans dou Franch et pluisseurs autrez chevaliers et escuiers, et furent mout courouchiet, quant il oïrent les nouvelles que leurs gens estoient desconfit. Si trouvèrent là monsigneur Jehan d'Ewrues, qui avoit estet à la besoingne et s'en estoit sauvés. Là eurent chil dit signeur chevalier grant conseil ensemble quel cose il feroient et comment il se maintenroient. Si fu ensi ordonné que messires Jehan d'Ewrues demourroit ou castiel de le Rocelle et le garderoit, car ja se commenchoient il à souppechonner de chiaux de le ville, et entr'iaux chevaucheroient il sour le pays, et bouteroient hors Bretons qui tenoient aucuns petis fors, marchissans sour le marinne, qui ranchonnoient et herioient le pays.

Si se partirent ces gens d'armes de le Rocelle, et pooient estre environ trois cens lanchez, et s'en vinrent deviers Subise; là environ se tenoient Breton qui avoient fortefiiet eglises et petis fors. Si se traist celle part li captaux et se route, et les commenchièrent à envayr et à assaillir asprement et roidement. F^o 180 r^o et v^o.

P. 50, l. 4 et 5: le Rocelle.—*Ms. A 8*: la ville de la Rochelle, si comme vous avez oy cy dessus.

P. 50, l. 18: d'Agorisès.—*Ms. A 8*: Agonses.

P. 50, l. 24: gens.—*Ms. A 8*: routes.

P. 51, l. 9: Cruese.—*Ms. B 4*: Tierasse.

P. 51, l. 25: cose, si.—*Ms. A 8*: jusques il. F^o 350 v^o.

§ **695**. Tant exploitièrent.—*Ms. d'Amiens*: En ce tamps chevauchioient et tenoient les camps li connestablez de Franche et li dus de Bourbon, il dauffins d'Auviernne, messires Loeis de Saussoire, marescaux de Franche, li sirez de Sulli, li viscontes de Miaux, li viscontes d'Aunay, messires Raoul de Rainneval, li sires de Biaumanoir, li viscontez de Rohem, messires Oliviers de Clichon, li sires de [La]val et pluisseurs autres barons et chevaliers, et vinrent devant une forterèche en Poito qui s'appelle Mont Morillon, et l'asaillirent vistement et radement et le prisent d'assaut, et furent mort tout chil qui dedens estoient. En apriès il vinrent devant Cauvegny et furent là deus jours: au tierch jour li ville se rendi à yaux, et d'illuecq il vinrent devant Leusach, et prissent le ville et le castiel et y missent gens et gardes de par yaux, et encorrez prissent il pluisseurs autres petis fors, et puis s'en vinrent il logier devant Poitiers, et là jurent il une nuit ens es vingnes, et celle nuit eurent il consseil et advis qu'il venroient devant Mont Contour, qui estoit ungs biaux castiaux et fors, et qui durement contraindoit les fortrèchez franchoises. Si se deslogièrent à l'endemain de devant Poitiers li dit Breton et Francois, et vinrent à Mont Contour et le assegièrent et environnèrent de tous costés, car il estoient bien gens assés pour tout chou faire.

De la ville et du castiel de Mont Contour estoit cappitainnes et gardien Jehans Carsuelle et David Holegrave, et avoient laiens avoecq yaux bien soissante compaignons d'armes. Sitost que li connestablez de Franche, li dus de Bourbon, messires Loeis de Saussoire, messires Oliviers de Clichon,

li sires de Biaumannoir et li autre chevalier dessus nommet furent venu devant, il commenchièrent fortement à assaillir, et chil de dedens à eux defendre, et n'y fissent riens li dit Breton dou premier ne dou second ne dou tierch assault. Dont se retraissent li signeur à leur logeis, et eurent autre conseil qu'il fissent les païsans dou pays coper et acharier grant fuison de busce et de arbres pour emplir une partie des fossés et jetter estrain et faghos et terre dessus, et mist on quatre jours à faire ceste ordonnance. Quant li Englès qui dedens estoient, en virent le manière, si parlèrent ensemble; car il perchurent bien qu'il ne seroient conforté de nul costé, et, s'il estoient pris par forche, il seroient tout mort et sans merchy. Si commencièrent à traitier à chiaux de l'ost pour rendre le fort. Li signeur de Franche y entendirent volentiers, et fu rendu au VI^e jour par composition que chil de dedens se partiroient, sauves lors vies tant seullement, et n'enporteroient riens dou leur, et entrèrent li Franchois dedens et se saisirent de le ville, et y mist li connestables messires Bertrans une cappittainne breton en qui il avoit mout grant fianche. F^o 160 v^o.

P. 52, l. 5: de plus priès.—*Ms. A 8*: de priès.

P. 52, l. 13: tout fait.—*Ms. A 8*: tout ce fait.

P. 52, l. 15: besongnoit.—*Ms. A 8*: estoit bien mestier.

P. 52, l. 17: aventure.—*Ms. A 8*: aventure et peril.

P. 52, l. 20: et traïsent.—*Ms. A 8*: et se traïrent.

P. 52, l. 21 et 22: vinrent.—*Ms. A 8*: venoient.

P. 52, l. 22: pilz et haviaus.—*Ms. A 8*: pics et hoyaulx.

P. 52, l. 27: nompourquant.—*Ms. A 8*: neantmoins.

P. 52, l. 28: mieulz.—*Ms. A 8*: firent.

P. 52, l. 31: si Breton.—*Ms. A 8*: ses gens.

P. 53, l. 1: il seroient tout mort.—*Ms. B 4*: ou ochis.

P. 53, l. 4: leurs corps et leurs biens.—*Ms. A 8*: leurs vies et leurs corps.
F^o 351 r^o.

P. 53, l. 14: pooit.—*Ms. A 8*: savoit.

§ 696. Quant cil de le cité.—*Ms. d'Amiens*: En ces ordonnances, et entrees que on seoit devant Mont Contour, mandèrent chil de Poitiers, qui

se commencièrent à esbahir, secours à messire Thummas de Perssi, leur senescal, qui estoit en le route et en le compaignie dou capital, en lui priant chierement qu'il volsist là venir si fors de gens d'armes que pour garder et deffendre leur chité contre les Francois, car il penssoient bien qu'il seroient assegiés. Li senescaux de Poito remoustra ces coses au capital et as autres chevaliers qui là estoient. Li capital n'eut mies conseil de rompre se chevauchie, mès il acorda bien qu'il se traysist celle part. Si se parti li dis messires Thummas de Perssi dou capital environ à ciquante lanches, et s'en vint à Poitiers, et y trouva monsigneur Jehan d'Ewrues, qui s'i estoit ja boutés à cent hommez d'armes, car on li avoit comptet aussi que li Francois le volloient assegier: si avoit laissiet en garnisson ou castiel de le Rocelle un escuier qui puis en fist malle garde, si comme vous orés chy apriès.

Apriès ce que chil baron de Franche eurent repris Mont Contour, il eurent conseil qu'il se traoient deviers le marce de Limozin, car li dus de Berri à tout grant fuison de gens d'armes de Berri et d'Auviergne se tenoit celle part et volloit mettre le siège devant Sainte Sivière, qui estoit à monsigneur Jehan d'Ewrues. Et en estoient cappittainne et gardien de par lui messires Guillaumes de Perssi, Richars Gilles et Richars Helme, et pour tant que ceste garnison du Sainte Sivière contraindoit durement les marches et les frontières de Berri et de Limozin, li dus de Berri mettoit grant entente que il le pewissent avoir. Si se traissent celle part toutes mannières de gens d'armes, et vinrent assegier Sainte Sivière, et y eut là pluisseurs grans assaux, dont chils dedens de premiers se portèrent moult bien, car il estoient bien quatre vins hommez d'armes. Ces nouvelles vinrent à monsigneur Jehan d'Ewrues qui estoit à Poitiers, comment li dus de Berri, li dus de Bourbon, li connestables de Franche, messires Oliviers de Clichon, li viscontes de Rohem, li sires de Sulli, li sires de Tournemine, messires Olivier de Mauni, et grant baronnie de Franche, de Bretaingne et de Berri et ossi de Pikardie seioient devant Sainte Sivière qui se tenoit et rendoit à lui, et, se il n'estoient secouru et conforté, il seroient pris de forche. Sitost que messires Jehans d'Ewrues entendit chou, il pria moult affectueusement au capital et à tous les chevaliers qui là ens ou pays estoient, tant de Poito que d'Engleterre, qu'il volsissent faire leur pooir et dilligensce d'aidier et conforter se fortrèce et ceux qui dedens estoient, et de lever le siège. Chil signeur à le prière monsigneur Jehan d'Ewrues descendirent, et se reunissent tout ensamble et fissent leur amas en l'abbeïe de Charros en

Poito, et quant il furent tout ensamble, il se trouvèrent bien uit cens lanches. Si eurent grant entension que de venir combattre les Franchois devant Sainte Sivière. F^o 180 v^o.

P. 54, l. 5: jusques à.—*Ms. A 8*: vers.

P. 54, l. 9: retraire.—*Ms. A 8*: traire.

P. 54, l. 22: recueilleite.—*Ms. A 8*: recongnissance.

P. 54, l. 28: de Bourgogne et de Limozin.—*Ms. A 8*: d'Auvergne et de Bourgogne.

P. 55, l. 1: Holme.—*Ms. A 8*: Horme.

P. 56, l. 1: sa forterèce.—*Ms. A 8*: la forterèce de Sainte Sivière. F^o 351 v^o.

P. 56, l. 7: vous entendés à vostre cousin et mes.—*Ms. A 8*: vous m'entendés et conseilliez à mes.

P. 56, l. 9 et 10: j'en sui en grant.—*Ms. A 8*: j'en ay grant.

P. 56, l. 16 et 17: de le ditte cité.—*Ms. A 8*: d'ycelle.

P. 56, l. 17: Renaus.—*Ms. A 8*: Regnaulz.

P. 56, l. 26: enclos et assis.—*Ms. A 8*: assis et enclos.

P. 57, l. 14 et 15: qu'il se presissent priès.—*Ms. A 8*: qu'ilz s'apprestassent.

P. 57, l. 17 et 18: as quelz ces nouvelles vinrent.—*Ms. A 8*: à qui ces lettres furent envoyées.

P. 57, l. 18: se.—*Ms. A 8*: s'en.

P. 57, l. 20: estoiffeement qu'il peut.—*Ms. A 8*: efforciement qu'il pouoit.

P. 57, l. 21: vinrent.—*Ms. A 8*: furent.

P. 57, l. 23: Vivone.—*Ms. A 8*: Vivoire.

P. 57, l. 25: Ponsances.—*Ms. A 8*: Puissances.

P. 57, l. 29 à 32: trouvèrent tout ensamble, et s'en vinrent logier...—*Ms. A 8*: trouvèrent neuf cens lanches et cinc cens archiers.

§ 697. *Le ms. d'Amiens, à partir de ce paragraphe, présente la même rédaction que notre texte: nous n'en donnerons donc plus que les variantes, quand il y aura lieu.*

P. 58, l. 2: Bertran.—*Ms. A 8*: Bertran du Guesclin.

P. 58, l. 6: ains.—*Ms. A 8*: et.

P. 58, l. 9: quelz.—*Ms. A 8*: quelque.

P. 58, l. 11: bonne.—*Ms. A 8*: grant.

P. 58, l. 14 et 15: le riche arroy et richesse d'yaus.—*Ms. A 8*: l'afrique armoierie et riche d'eulx.

P. 58, l. 19: esvigurer.—*Ms. A 8*: asseurer.—*Ms. B 4*: esmouvoir.

P. 59, l. 1: ressongnoient.—*Ms. d'Amiens*: refusoient.

P. 59, l. 5: point ne se refroidoit.—*Ms. A 8*: ne refroidoit point ne.

P. 59, l. 11: n'en.—*Ms. A 8*: ne le.

P. 59, l. 12: Pour.—*Ms. A 8*: et pour.

P. 59, l. 13: dangier.—*Ms. A 8*: dommage.

P. 59, l. 19: toutes ses gens traire.—*Ms. A 8*: traire toutes ses gens.

P. 59, l. 22: encore.—*Le ms. A 8 s'interrompt brusquement après ce mot.*

§ 698. P. 61, l. 3 *et ailleurs*: Poitiers.—*Ms. d'Amiens*: Poitierres.

P. 61, l. 12: li maires.—*Ms. d'Amiens*: li maires de celi ville.

P. 61, l. 23: fiance.—*Ms. B 4*: feauté.

P. 62, l. 2: quoiteusement.—*Ms. B 4*: courtoisement.

§ 700. P. 64, l. 13: escondi.—*Ms. B 4*: contredit.

P. 64, l. 10: Yewains.—*Ms. d'Amiens*: Yeuwains. F^o 181 v^o.

P. 65, l. 14: Renault.—*Ms. d'Amiens*: Renât. F^o 182 r^o.

P. 65, l. 20: Alyot de Cholay.—*Ms. d'Amiens*: Aliot de Calay.

P. 65, l. 23: forterèce.—*Ms. d'Amiens*: dit castiel.

P. 66, l. 2 *et ailleurs*: armeures de fier.—*Ms. B 4*: hommes d'armes.

P. 66, l. 18: qui ossi en ot grant joie.—*Ms. d'Amiens* et *ms. B 4*: et li dissent tout ce qu'il avoient eu et trouvé ou captaul: si s'en resjoy grandement la dicte dame, ce fu bien raison.

P. 66, l. 25: Cressuelle.—*Ms. d'Amiens*: Carsuelle.

P. 66, l. 25 *et ailleurs*: Luzegnan.—*Ms. B 1*: Luzegnon.

§ 701. P. 67, l. 20: et toute, *lisez* en toute.

P. 68, l. 25: commencent.—*Ms. d'Amiens*: commenchièrent. F^o 182 v^o.

P. 69, l. 11: tout pris et mort.—*Ms. d'Amiens*: tout mort et tout pris.

P. 69, l. 19: leur.—*Ms. d'Amiens*: le.

§ 702. P. 70, l. 3: achievement.—*Ms. d'Amiens*: chievement.

P. 70, l. 12: et s'en misent en.—*Ms. B 4*: en.

§ 703. P. 72, l. 7: des Englès.—*Ms. d'Amiens*: as Englès. F^o 183 r^o.

P. 73, l. 19: force.—*Ms. B 1*: forforce.

P. 73, l. 25: recevons.—*Ms. B 1*: revenons.

P. 73, l. 27: deffence.—*Ms. d'Amiens*: deffendre.

§ 704. P. 75, l. 5: Bourdiaus.—*Ms. B 1*: Bourdiaus et se traist en sa ville.

§ 705. P. 76, l. 5 *et ailleurs*: Cauderier.—*Ms. d'Amiens*: Caudurier. F^o 183 v^o.—*Ms. B 1*: Chaudouvrier.

P. 76, l. 5: Phelippos.—*Ms. d'Amiens*: Phelippres.

P. 76, l. 28: Li.—*Ms. d'Amiens*: et li.

P. 77, l. 1: rescrisist.—*Ms. d'Amiens*: escriisist.

P. 77, l. 24: tel.—*Ms. d'Amiens*: cel.

P. 78, l. 13: que.—*Ms. d'Amiens*: de.

P. 78, l. 17: veoient.—*Ms. d'Amiens*: veoit.

P. 78, l. 26: se.—*Ms. d'Amiens*: s'en.

P. 79, l. 19: tout li aultre.—*Ms. d'Amiens*: tout li juré à cheval. F^o 184 r^o.—*Ms. B 4*: tous les jurés à cheval.

§ 706. P. 80, l. 11: le.—*Ms. d'Amiens*: leur.

P. 80, l. 28 *et ailleurs*: Melle.—*Ms. B 1*: Nielle.

§ 707. P. 81, l. 13: clos.—*Ms. d'Amens*: enclos.

P. 82, l. 18: d'otel.—*Ms. d'Amiens*: de tel.

P. 82, l. 22: masniers.—*Ms. d'Amiens*: masnois.—*Ms. B 1*: masuiers.—*Ms. B 4*: meismes.

P. 83, l. 3: s'en.—*Ms. d'Amiens*: se. F^o 184 v^o.

§ 708. P. 83, l. 28: mettre rés.—*Ms. d'Amiens*: mettre tout rés.

P. 83, l. 31: paver.—*Ms. B 4*: reparer.

P. 84, l. 6: Bertran de Claikin.—*Ms. d'Amiens*: Bertran le connestable.

P. 84, l. 12: dou.—*Ms. d'Amiens*: dou dit.

P. 84, l. 17: revelé et joué.—*Ms. B 4*: sejourné et jué.

P. 85, l. 3 à 6: en prison courtoise, et li fist..... retournés françois.—*Ms. d'Amiens* et *ms. B 4*: en prison courtoise sans nulle contrainte, car volentiers l'eust retraits à son amour, par quoy il fust retourné franchois.

§ 709. P. 85, l. 24: segur estat.—*Ms. B 4*: grant seurté.

P. 86, l. 4: Paus.—*Ms. d'Amiens*: Paux.

P. 86, l. 5: s'appelloit.—*Ms. d'Amiens*: se nommoit. F^o 105 r^o.

P. 86, l. 10: bien lor sambloit qu'il estoient.—*Ms. d'Amiens*: bien estoient.

P. 87, l. 9: Breton et aultres gens.—*Ms. B 4*: messire Bertram et ses gens.

§ 710. P. 88, l. 9: chil.—*Ms. B 4*: li Englès.

P. 88, l. 12: chastiel.—*Ms. d'Amiens*: fortière.

§ 711. P. 88, l. 23: enghin.—*Ms. B 4*: avis.

P. 88, l. 31: priès que tous les jours.—*Ms. d'Amiens*: tous les jours priès.

P. 89, l. 2: des mors et (*d'après le ms. de Valenciennes*).

P. 89, l. 8: imaginoient.—*Ms. B 4*: imaginèrent.

P. 89, l. 16: Poito englès pour le temps se tenoient.—*Ms. B 4*: Poito se tenoient.

P. 89, l. 25: Renaulz.—*Ms. d'Amiens*: Renars.

P. 89, l. 27: et y furent reçu à grant joie (*d'après le ms. de Valenciennes*).

§ 712. P. 90, l. 8: pavais.—*Ms. B 4*: apavais.

P. 90, l. 28: Mauburnis.—*Ms. d'Amiens*: Mamburnis ou Mainburnis. F^o 185 v^o.

P. 91, l. 8: destraint.—*Ms. d'Amiens*: estraint.

P. 91, l. 21: messires Perchevaus.—*Ms. d'Amiens*: il.

P. 93, l. 9: filz.—*Ms. B 4*: enfans.

P. 93, l. 11: devenoient.—*Ms. d'Amiens*: devenroient.—*Ms. B 4*: demouroient.

P. 93, l. 16 à 21: dedens la dite ville... gens tous.—*Ms. d'Amiens* et *ms. B 1*: dedens et dehors, ne se deffist mie pour ce li sièges, mès y envoioit li rois de Franche tous les jours gens tous.

§ 713. P. 93, l. 28: sentans.—*Ms. B 4*: sonnans. F^o 186 r^o.

P. 93, l. 30: en.—*Ms. d'Amiens*: à.

P. 94, l. 12: li.—*Ms. d'Amiens*: le.

P. 94, l. 11: de purs Escos.—*Ms. B 4*: depuis.

P. 95, l. 6: estoit. Si entrèrent..... estoient. Quant.—*Ms. d'Amiens* et *ms. B 4*: estoit. Quant.

P. 96, l. 4: cel.—*Ms. d'Amiens*: celle.

P. 96, l. 6: tost comme.—*Ms. d'Amiens*: trestost que.

§ 714. P. 96, l. 15: Si en sçavoit.—*Ms. d'Amiens* et *ms. B 3*: Bien sçavoit.—*Ms. B 4*: Bien sçavoient.

P. 96, l. 19: avoient pris et ossi que li rois.—*Ms. B 3*: avoient bien sceu que le roy.—pris (*d'après le ms. de Valenciennes*).

P. 96, l. 25: Mouchident.—*Ms. B 1*: Monchident.

P. 96, l. 27: Helyes.—*Ms. d'Amiens*: Halies.

P. 96, l. 31: pooient.—*Ms. d'Amiens*: pooit.

P. 97, l. 4 et 5: chevaliers englès.—*Ms. d'Amiens*: englès chevaliers.

P. 97, l. 7: Robert Mitton.—*Ms. d'Amiens*: Mitton.

P. 97, l. 19: que la journée.—*Ms. d'Amiens*: la journée qui.

P. 97, l. 26: comme.—*Ms. d'Amiens*: que. F^o 186 v^o.

P. 97, l. 30: estoffeement.—*Ms. d'Amiens*: efforchiement.

§ 715. P. 99, l. 26: conseillèrent sur cestes.—*Ms. d'Amiens*: conseilloient.

P. 100, l. 12: et.—*Ms. d'Amiens*: ne.

P. 100, l. 17: specifiies.—*Ms. B 4*: septefiies.

P. 100, l. 22: Tannai Bouton.—*Ms. B. 4*: Channai Bouton.

P. 100, l. 26: il s'acorda.—*Ms. d'Amiens*: il s'apaisa et acorda.

§ 716. P. 101, l. 19: Cisech.—*Ms. d'Amiens* (f^o 187 r^o) et *Ms. B 4*: a sek.

P. 101, l. 21: Dieunée.—*Ms. B 4*: Dieuvée.

P. 102, l. 4: vassaument.—*Ms. B 4*: vaillamment.

P. 102, l. 7: pas.—*Ms. d'Amiens*: point.

P. 102, l. 14: gascon et englès.—*Ms. d'Amiens*: englès et gascon.

P. 102, l. 16: frans.—*Ms. d'Amiens*: florins.

P. 102, l. 24: euist.—*Ms. B 4*: euissent.

P. 103, l. 15: d'yaus.—*Ms. d'Amiens*: de.

§ 717. P. 104, l. 16: Gensay.—*Ms. d'Amiens*: Gonsay.

§ 718. P. 105, l. 2: contraires.—*Ms. B 4*: contraintes. F^o 187 v^o.

P. 105, l. 12: tenoit.—*Ms. d'Amiens*: avoit.

P. 105, l. 29: parla.—*Ms. d'Amiens*: parla li dus.

P. 106, l. 12: là li.—*Ms. d'Amiens*: li là.

P. 106, l. 20: Lagnigai.—*Ms. d'Amiens*: Ghingay.

P. 107, l. 13: s'i tinrent.—*Ms. d'Amiens*: se partinrent.

§ 719. P. 108, l. 10: ne le peuist, lisez ne leur peuist.

P. 108, l. 19 et 20: dou segnefiier leur estat.—*Ms. B 3*: de le signifier leur estat (*d'après le ms. de Valenciennes*).

P. 109, l. 20: tout quoient li connestables.—*Ms. d'Amiens*: li connestables tout coient. F^o 188 r^o.

P. 110, l. 20: et esciant.—*Ms. d'Amiens*: escient.

P. 110, l. 28: fuison.—*Ms. d'Amiens*: fais.

§ 720. P. 112, l. 25: Quaremiel.—*Ms. B 4*: Quarevel.

P. 112, l. 27: assambler de front.—*Ms. d'Amiens*: de front assembler. F^o 188 v^o.

P. 113, l. 17 et 18: grant estecheis..... apertises.—*Ms. d'Amiens* et *ms. B 4*: grans appertises.

P. 113, l. 30: Holme.—*Ms. d'Amiens*: Olive.

P. 114, l. 1: tenoit.—*Ms. d'Amiens*: tenoient.

P. 114, l. 4: durant.—*Ms. d'Amiens*: durement.

§ 721. P. 114, l. 30: qui li.—*Ms. d'Amiens*: si le.

P. 115, l. 3: fors.—*Ms. d'Amiens*: fors que.

P. 115, l. 12: ou.—*Ms. B 1*: et.

§ 722. P. 115, l. 31: la dame vint jusques.—*Ms. d'Amiens*: à la dame jusques. F^o 189 r^o.

P. 116, l. 11: sceut.—*Ms. d'Amiens*: scet.

P. 116, l. 13: ançois.—*Ms. d'Amiens*: ains.

P. 116, l. 19: dou roy Henri.—*Ms. d'Amiens*: dou roy d'Espaigne.

P. 116, l. 32: qu'elle.—*Ms. d'Amiens*: quant elle.

P. 117, l. 4: qui.—*Ms. d'Amiens*: si.

§ 723. P. 117, l. 10: Merspin.—*Ms. d'Amiens*: Mespín.

P. 117, l. 16: et là eut.—*Ms. d'Amiens*: là eut il.

P. 117, l. 24: Hanbiie.—*Ms. d'Amiens*: Hanbue.

P. 117, l. 27: d'Avangor.—*Ms. d'Amiens*: d'Avangot.—*Ms. B 4*: de Nangor.

[P. 118](#), l. 3: raquitté.—*Ms. d'Amiens*: raquisé.

P. 118, l. 7: saison.—*Ms. d'Amiens* et *ms. B 4*: année.

P. 118, l. 13: departirent.—*Ms. d'Amiens*: partirent.

P. 118, l. 22: Alain.—*Ms. B 3*: Jehan.

P. 118, l. 25: messires Thumas de Quatreton (*d'après le ms. de Valenciennes*).

[P. 120](#), l. 3: conjunction.—*Ms. d'Amiens*: conjection. F^o 189 v^o.—*Ms. B 4*: signe.

§ [724](#). P. 120, l. 17: il.—*Ms. d'Amiens*: il i.

P. 120, l. 24: escheïrent.—*Ms. d'Amiens*: estoient.

§ [725](#). [P. 121](#), l. 30: Bien.—*Ms. B 1*: Si en.

[P. 122](#), l. 6 et ailleurs: Rais.—*Ms. B 1*: Raiy.

P. 122, l. 24: set.—*Ms. B 4*: huit.

[P. 123](#), l. 1: sus.—*Ms. d'Amiens*: sour.

P. 123, l. 7: ne tenoit (*d'après le ms. B 3*).

P. 123, l. 9: cités, villes.—*Ms. d'Amiens*: villes, cités. F^o 190 r^o.

§ [726](#). [P. 124](#), l. 5: ses forterèces et ses chastiaus.—*Ms. d'Amiens*: ses castiaus et ses forterèces.

P. 124, l. 16: bonnes.—*Ms. d'Amiens*: bonnes gens.

[P. 125](#), l. 6: conduiseur et gouvreneur.—*Ms. d'Amiens* et *ms. B 4*: souverain et conduiseur.

P. 125, l. 8: d'acord tout le pays.—*Ms. d'Amiens*: tout le pays d'acord.

P. 125, l. 23: Konke.—*Ms. d'Amiens*: Kouke.

[P. 126](#), l. 13: bail.—*Ms. d'Amiens*: bail de Bretagne.

P. 126, l. 14: departi.—*Ms. d'Amiens*: parti.

§ 727. P. 127, l. 22 à 24: et donna li dis connestables le chastel dou Suseniot à un sien escuier, bon homme d'armes, qui.—*Ms. d'Amiens*: et donna le chastel... F^o 190 v^o.—*Mss. B 1, B 3 et B 4*: et donna le chastiel dou Suseniot à un sien escuier, bon homme d'armes, li diz connestables, qui.

P. 129, l. 2 *et ailleurs*: Hainbon.—*Ms. B 1*: Hanibon.

§ 728. P. 129, l. 24: quasse d'achier.—*Ms. d'Amiens* et *ms. B 1*: quaffe d'acier.—*Ms. B 3*: bacinet.

P. 129, l. 28: anuit.—*Ms. d'Amiens*: nuit.

P. 130, l. 5: amoustrer.—*Ms. d'Amiens*: moustrer. F^o 191 r^o.

P. 130, l. 27: pooient.—*Mss. B 1 et B 4*: pooit.

§ 729. P. 131, l. 10: ne.—*Ms. d'Amiens*: et.

P. 131, l. 15: en.—*Ms. d'Amiens*: à.

P. 132, l. 17: baron.—*Ms. d'Amiens*: bon.

P. 133, l. 24: conforter ne consillier.—*Ms. d'Amiens*: consillier ne conforter. F^o 191 v^o.

§ 730. P. 134, l. 12: avoient.—*Ms. d'Amiens*: avoient.

P. 135, l. 8: et.—*Ms. d'Amiens*: ne.

§ 731. P. 136, l. 26: au.—*Ms. d'Amiens*: dou.

§ 732. P. 137, l. 3: requerre.—*Ms. d'Amiens* et *ms. B 4*: en cause de.

P. 137, l. 9: armeures de fier.—*Ms. d'Amiens*: armeures de fer, chevaliers et escuiers.—*Ms. B 4*: hommes d'armes, escuiers et chevaliers.

P. 137, l. 14: et Sainne.—*Ms. B 1*: et le Sainne. F^o 192 r^o.

P. 138, l. 15: à appareillier.—*Ms. d'Amiens*: à pourveir et apareillier.

P. 138, l. 18: par.—*Ms. d'Amiens*: pour.

P. 139, l. 5: on.—*Ms. d'Amiens*: on y.

P. 139, l. 22: bien priès de.—*Ms. d'Amiens*: à.

§ 733. P. 139, l. 30: Konke.—*Ms. d'Amiens*: Kouke.

P. 140, l. 12: remparèrent.—*Ms. B 4*: reperèrent.

§ 734. P. 140, l. 28: chevir.—*Ms. d'Amiens*: tenir.

P. 141, l. 4 et 5: il n'estoient secouru, aidie et conforté.—*Ms. d'Amiens*; il n'estoit conforté et secouru. F^o 192 v^o.

P. 142, l. 14: Robert.—*Ms. d'Amiens*: Robert Canolle.

P. 142, l. 47: contentoient.—*Ms. B 4*: conchevoient.

§ 735. P. 143, l. 8: hokebos.—*Ms. d'Amiens*: hokebas.—*Ms. B 3*: hohecos.—*Ms. B 4*: hulkés.

P. 143, l. 26: sis.—*Ms. B 4*: huit.

P. 144, l. 11: leur.—*Mss. B 1 et B 4*: li.

P. 145, l. 1: de ses maistres.—*Ms. d'Amiens* (f^o 193 r^o) et *ms. B 4*: Hiraux.

P. 145, l. 15: journée.—*Ms. d'Amiens*: besoingne.

P. 146, l. 18: tenir.—*Ms. B 1*: tenu.

§ 736. P. 147, l. 15: avoient.—*Ms. d'Amiens*: avoit estet.

P. 147, l. 22: à.—*Ms. d'Amiens*: en.

P. 147, l. 24: li dessus nommés dus se departi.—*Ms. d'Amiens*: li dessus dis dus se parti.

§ 737. P. 148, l. 5: connestables.—*Ms. B 4*: chapitaines.

P. 148, l. 19: Helmen.—*Ms. d'Amiens*: Holmen. F^o 193 v^o.

P. 148, l. 28: Tamwore.—*Ms. d'Amiens*: Cannore.—*Ms. B 1*: Tammore.—*Ms. B 4*: Tanmore.

P. 149, l. 8: Hoske.—*Ms. d'Amiens*: Heske.

P. 149, l. 20: Horfaut.—*Ms. d'Amiens*: Herfant.

P. 149, l. 22: Lyonniaus.—*Ms. d'Amiens*: Lionnès.

P. 150, l. 7: commandé ou.—*Ms. d'Amiens*: demandé et.

P. 150, l. 12: il.—*Ms. d'Amiens*: si.

P. 150, l. 29 et 30 leur ordenance savoir.—*Ms. d'Amiens*: savoir leur ordenance.

§ 738. P. 151, l. 9 et 10: dou pays.—*Ms. d'Amiens*: de le terre.

P. 152, l. 17: Se.—*Ms. d'Amiens*: Si. F^o 194 r^o.

P. 152, l. 25: Cin.—*Ms. d'Amiens*: Chin.

§ 739. P. 153, l. 26: sceurent.—*Ms. B 4*: sentirent.

P. 154, l. 13: ces.—*Ms. d'Amiens*: les.

§ 740. P. 155, l. 15: desiroient.—*Ms. d'Amiens*: demandoient. F^o 194 v^o.

P. 155, l. 18: assentir.—*Ms. d'Amiens*: consentir.

P. 155, l. 25: matin.—*Ms. d'Amiens*: main.

P. 155, l. 26: resvillièrent.—*Ms. d'Amiens* et *ms. B 4*: resvillier vinrent.

P. 156, l. 2 et ailleurs: Hangest.—*Ms. B 1*: Haughet.

P. 156, l. 9 à 12: avoecques se route, et messires... issir dou froais.—*Ms. d'Amiens*: avoecques se route, et tenoit chascuns son chemin sans point yssir, et messires Guillaume des Bordes et messires Jehans de Buel faisoient une aultre route.

P. 156, l. 13: biau.—*Ms. d'Amiens* et *ms. B 4*: blanc.

P. 156, l. 15: voler.—*Ms. d'Amiens*: voler maintenant.

P. 156, l. 17: Aymeris.—*Ms. B 4*: Couchi.

P. 156, l. 19: ere.—*Ms. d'Amiens*: estoie.

§ 741. P. 157, l. 5: Ouci.—*Ms. B 1*: Onci.—*Ms. B 4*: Couchi.

P. 158, l. 1: le.—*Ms. d'Amiens*: son.

P. 158, l. 2: si.—*Ms. d'Amiens*: il.

§ 742. P. 158, l. 17: cause.—*Ms. d'Amiens*: incidensce.

P. 158, l. 28: en le.—*Ms. d'Amiens*: em. F^o 195 r^o.

P. 159, l. 2: qu'il avoient fait.—*Ms. d'Amiens*: qui avoient estet fait.

P. 159, l. 10: rendoit.—*Ms. d'Amiens*: rendroit.

P. 159, l. 14: fust segurs.—*Ms. d'Amiens*: fuist tous assecurés.

P. 159, l. 17: feroit.—*Ms. d'Amiens*: faisoit.

§ 743. P. 160, l. 8: parler en oïrent.—*Ms. d'Amiens*: en oïrent parler.

P. 160, l. 9: se desfist li sièges.—*Ms. d'Amiens*: li sièges se desfist.

P. 160, l. 26 et 27: en puble.—*Ms. d'Amiens*: l'un à l'autre et en publique.

P. 160, l. 29: a de (*d'après le ms. de Valenciennes*).

P. 160, l. 29: dont.—*Ms. d'Amiens*: et de quoy.

§ 744. P. 161, l. 7: oïr le cascun.—*Ms. d'Amiens*: le cascun oïr.

P. 161, l. 14 et 15: si signeur qui là estoient, parlé.—*Ms. B 4*: si signeur respondu et parlé qui là estoient.

P. 161, l. 25: prendre.—*Ms. d'Amiens*: faire et prendre.

P. 162, l. 29: soutieusement.—*Ms. d'Amiens*: soutieusement et par sagement. Fo 195 v^o.

P. 163, l. 2: pan.—*Ms. d'Amiens*: paul.

§ 745. P. 164, l. 26: et.—*Ms. d'Amiens*: et à.

P. 164, l. 31: sain et sauf.—*Ms. d'Amiens* et *ms. B 4* sain et en boin point.

P. 165, l. 8: alitter.—*Ms. d'Amiens*: demourer.

P. 165, l. 9: et là morut.—*Ms. d'Amiens*: et là s'alita et morut.

P. 165, l. 18: Grette.—*Ms. d'Amiens*: Grette.

P. 165, l. 22: de qui.—*Mss. B 1* et *B 4*: de quoi.

P. 166, l. 5: Othe.—*Ms. d'Amiens*: Othe de Grantson. Fo 196 r^o.

§ 746. P. 166, l. 30: li quel.—*Ms. d'Amiens*: qui.

P. 167, l. 4: d'Avignon.—*Ms. d'Amiens*: d'Anjo.

P. 167, l. 19: deus.—*Ms. d'Amiens*: deus dus.

P. 167, l. 23: touchoit.—*Ms. d'Amiens*: appertenoit.

P. 167, l. 27: tinrent.—*Ms. d'Amiens*: missent.

§ 747. P. 168, l. 22: puis.—*Ms. d'Amiens*: que puis.

P. 168, l. 25: à part à conseil.—*Ms. d'Amiens*: à conseil à part.

P. 168, l. 28: n'oseroient.—*Ms. d'Amiens*: ne seroient.

P. 168, l. 28: Le premier (*d'après le ms. de Valenciennes*).

P. 169, l. 3: rumeur nulle.—*Ms. d'Amiens*: remous.

P. 169, l. 7 à 9: avoient juret ensi que... à ces.—*Ms. d'Amiens*: avoient juret, ensi ne pooient respondre, car il sçavoient bien où il estoient cargiet d'aler, et pour ce ne pooient entendre à ces. F^o 196 v^o.

P. 169, l. 26: dou visconte de Miaus.—*Ms. d'Amiens*: et de Miaus.

P. 170, l. 3: il.—*Ms. d'Amiens*: il y.

§ 749. P. 172, l. 3: de.—*Ms. d'Amiens*: à.

§ 750. P. 172, l. 26: de Poito.—*Ms. d'Amiens*: de Poito et d'Auvergne. F^o 197 r^o.

P. 173, l. 10: departirent.—*Ms. d'Amiens*: partirent.

P. 173, l. 18: de l'assaillir.—*Ms. d'Amiens*: d'assaillir.

P. 173, l. 21: le duch d'Ango et le connestable.—*Ms. B 4*: iaulx.

P. 173, l. 31: ostages.—*Ms. d'Amiens* et *ms. B 4*: plèges.

P. 174, l. 9: l'assegièrent.—*Ms. d'Amiens*: là se logièrent.

P. 174, l. 16: cités.—*Ms. d'Amiens* et *ms. B 4*: ville.

§ 751. P. 174, l. 27: moult.—*Ms. d'Amiens* et *ms. B 4*: si.

P. 174, l. 27: fuison.—*Ms. d'Amiens* et *ms. B 4*: fuison que nulx ne leur alloit au devant.

P. 175, l. 2: Paus.—*Ms. B 4*: Pars.

P. 175, l. 13: mettre ces coses.—*Ms. d'Amiens*: ces coses mettre.

P. 175, l. 19: terres.—*Ms. d'Amiens*: cités.

P. 175, l. 20: intimer.—*Ms. d'Amiens* et *ms. B 3*: interiner.

P. 175, l. 21: livreroit.—*Ms. B 4*: livrèrent.

§ 752. P. 176, l. 29: Auroy.—*Ms. B 1*: Anroy.

P. 177, l. 17: gardé.—*Ms. d'Amiens* (f° 197 v°) et *ms. B 4*: gaitié.

P. 177, l. 30: il envoieroient.—*Ms. d'Amiens*: envoieroient il.

P. 178, l. 3: envoiassent.—*Ms. d'Amiens*: envoieroient.

P. 178, l. 3: hasteement.—*Ms. B 4*: hastivement.

P. 178, l. 23: journée.—*Ms. d'Amiens*: jour.

§ 753. P. 179, l. 1: priiés et mandés.—*Ms. d'Amiens*: mandés et priés.

§ 754. P. 180, l. 10: reconquerre.—*Ms. d'Amiens*: conquerre. F° 198 r°.

P. 180, l. 11: xvii^e.—*Ms. d'Amiens, mss. B 3 et B 4*: vii^e.

P. 180, l. 15: Chastielbon.—*Ms. d'Amiens*: Chastillon.

P. 180, l. 23: Prudaire.—*Ms. d'Amiens* et *ms. B 4*: Prudane.

P. 180, l. 25: point.—*Ms. d'Amiens*: peu.

P. 180, l. 31: li doi trettieur legal.—*Ms. d'Amiens*: les deux commissaires legaulx.

P. 184, l. 5: en.—*Ms. d'Amiens*: à.

P. 184, l. 8: où il.—*Ms. d'Amiens, mss. B 3 et B 4*: il.

P. 184, l. 9: se.—*Ms. B 3*: qui se.

P. 184, l. 18: ossi.—*Ms. d'Amiens*: et ossi.

P. 182, l. 3: donnèrent.—*Ms. d'Amiens*: donnoient.

§ 755. P. 182, l. 15: de soy contrevergier (*d'après le ms. de Valenciennes*).—*Ms. B 3*: faire merveilles.

P. 182, l. 15: ses.—*Ms. d'Amiens*: les.

P. 182, l. 31: sus.—*Ms. d'Amiens*: sour. F° 198 v°.

P. 183, l. 2: messires.—*Ms. d'Amiens*: monsigneur.

P. 183, l. 7: le.—*Ms. d'Amiens*: leur.

P. 183, l. 7: estoit.—*Ms. d'Amiens*: estoient.

P. 183, l. 10: Arde.—*Ms. d'Amiens*: Ardre.

P. 183, l. 22: pas.—*Ms. d'Amiens*: pays.

P. 183, l. 23: encontra.—*Ms. B 1*: rencontre.

P. 184, l. 3: l'Eveline.—*Ms. d'Amiens*: d'Eveline.

§ **756**. **P. 185**, l. 11: dist li chevaliers.—*Ms. d'Amiens* et *ms. B 3*: dient li chevalier.

P. 185, l. 12: mi signeur.—*Ms. B 3*: mes seigneurs.—*Ms. B 4*: monsigneur.

P. 185, l. 17 et 19: pas.—*Ms. d'Amiens*: pays.

P. 186, l. 19: quinse.—*Ms. d'Amiens* (f^o 199 r^o), *ms. B 3* et *ms. B 4*: vint et cinc.

P. 186, l. 20: avoecques se route.—*Ms. B 3*: de se route avec lui.

P. 187, l. 11: ne chil.—*Ms. B 4*: et ceulx.

P. 187, l. 18: Gauwinès.—*Ms. d'Amiens*: Gauwains.

§ **757**. P. 187, l. 22: venir.—*Ms. d'Amiens*: venu.

P. 187, l. 28: n'eut.—*Ms. d'Amiens*: n'eurent.

P. 188, l. 4: reskeure.—*Ms. d'Amiens*: requerre.

P. 190, l. 1: Si.—*Ms. d'Amiens*: Se. F^o 199 v^o.

§ **758**. **P. 191**, l. 5: li.—*Ms. d'Amiens*: l'en.

P. 191, l. 29: de l'entention (*d'après le ms. de Valenciennes*).

P. 191, l. 32: demorer.—*Ms. d'Amiens*: demourèrent.

§ **759**. **P. 193**, l. 13: telz fais.—*Ms. d'Amiens* et *ms. B 4*: telx appertises. F^o 200 r^o.

P. 194, l. 8: car li, lisez car les.

§ **760**. P. 194, l. 17: de.—*Ms. d'Amiens*: à.

P. 195, l. 8: Manne.—*Ms. B 1*: Maune.

P. 195, l. 9: Burlé.—*Ms. d'Amiens*: de Burlé.

P. 195, l. 11: Thumas.—*Ms. B 1*: Edouwart.

[P. 196](#), l. 18: fu.—*Ms. d'Amiens*: se fu.

P. 196, l. 26: qu'il.—*Ms. d'Amiens*: qui.

§ [761](#). [P. 197](#), l. 4: devers.—*Ms. d'Amiens*: par devers.

P. 197, l. 18: carola.—*Ms. d'Amiens*: carole.

[P. 198](#), l. 13: n'eust.—*Ms. d'Amiens*: n'avoit.

P. 198, l. 27: outreement.—*Ms. B 4*: entierement.

[P. 199](#), l. 4: trettié.—*Ms. d'Amiens*: trettié ne acord.

§ [762](#). P. 199, l. 20: s'i.—*Ms. d'Amiens*: se.

P. 199, l. 24: que il appelloient.—*Ms. d'Amiens* et *ms. B 4*: mais il l'apeloient.

[P. 200](#), l. 18: à siège.—*Ms. B 4*: asiegés.

§ [763](#). [P. 201](#), l. 29: fillettes.—*Ms. B 4*: filles.

[P. 202](#), l. 11: menront.—*Ms. d'Amiens*: mouront. F^o 201 r^o.

P. 202, l. 19: Saint Brieu.—*Ms. d'Amiens*: Saint Bieu.

P. 202, l. 30: les.—*Ms. d'Amiens*: le.

[P. 203](#), l. 7: par sa chevalerie criés.—*Ms. d'Amiens*: criés par sa chevalerie.

P. 203, l. 12: aprendront.—*Ms. d'Amiens*: aprendent.

P. 203, l. 26: afin.—*Ms. d'Amiens*: à le fin.

§ [764](#). [P. 204](#), l. 11: appressoient.—*Ms. B 4*: qu'il pressoient.

P. 204, l. 18: le ville par mine.—*Ms. d'Amiens*: par mine la ville de Saint Brieu de Vaus. F^o 201 v^o.

P. 205, l. 7: messire.—*Ms. d'Amiens*: monsigneur.

P. 205, l. 10: attenderons, *lisez* attenderont.

P. 205, l. 13: de dangier.—*Ms. d'Amiens*: de ce dangier.

§ 765. P. 205, l. 25: que.—*Ms. d'Amiens*: le plus que.

P. 205, l. 31: chevaux.—*Ms. B 4*: coursiers.

P. 206, l. 19: ses gens.—*Ms. d'Amiens*: se route.

P. 206, l. 21: qu'il.—*Ms. d'Amiens*: qui.

P. 207, l. 6 et 8: vous.—*Ms. d'Amiens*: nous.

P. 207, l. 8: doiies.—*Ms. d'Amiens*: doiions.

P. 207, l. 14: nouviaus fors, *lisez* Nouviaus Fors.

§ 766. P. 207, l. 27: bon couvenant.—*Ms. d'Amiens*: bonne ordonnance.
F^o 202 r^o.

P. 207, l. 28: peu.—*Ms. d'Amiens*: petit.

P. 208, l. 2: et.—*Ms. d'Amiens*: ou.

P. 208, l. 5: en.—*Ms. d'Amiens*: à.

P. 208, l. 6: avoit.—*Ms. d'Amiens*: eult.

P. 208, l. 12: leur.—*Ms. d'Amiens*: il.

P. 208, l. 16: de froce.—*Ms. d'Amiens*: que.

P. 208, l. 24: à merci (*d'après le ms. de Valenciennes*).

P. 208, l. 32: remousterai.—*Ms. d'Amiens*: mousterai.

P. 209, l. 25 en imaginant.—*Ms. d'Amiens*: et imaginoient.

§ 767. P. 211, l. 5: Tantost.—*Ms. d'Amiens*: Tantost que.

P. 211, l. 13: vous de.—*Ms. d'Amiens*: vos. F^o 202 v^o.

P. 211, l. 14: ne.—*Ms. d'Amiens*: et.

P. 211, l. 24: li.—*Ms. d'Amiens*: si.

P. 212, l. 5: estragnement.—*Ms. d'Amiens*: durement.

P. 212, l. 9: je m'acordai.—*Ms. d'Amiens*: m'en acordai.

§ 768. P. 212: l. 22 desrompi.—*Ms. d'Amiens*: departi.

P. 213, l. 4: se ce.—*Ms. d'Amiens*: che ce.

P. 213, l. 14: Ançois.—*Ms. B 4*: Encores.

P. 213, l. 21: première.—*Ms. B 4*: darraine.

P. 213, l. 32: et ossi font nos gens.—*Ms. d'Amiens* et *ms. B 4*: et nos gens maintiennent.

P. 214, l. 14: s'en.—*Ms. d'Amiens*: se.

P. 214, l. 25: il oroït.—*Ms. d'Amiens*: ilz oroient.

§ 769. P. 214, l. 30: Li rois.—*Ms. d'Amiens*: Et li rois.

P. 215, l. 4: providense.—*Ms. B 4*: prudence.

P. 215, l. 9: trespasé.—*Ms. d'Amiens* (f^o 203 r^o) et *ms. B 4*: mort.

P. 216, l. 3: instruit (*d'après le ms. de Valenciennes*).

§ 770. P. 216, l. 26: Loerainne.—*Ms. d'Amiens*: le royaume.

P. 217, l. 12: messire.—*Ms. d'Amiens*: monsigneur.

P. 217, l. 23: parlerons.—*Ms. d'Amiens*: parlons.

P. 218, l. 21: peu.—*Ms. d'Amiens*: point.

P. 218, l. 27: brisie.—*Ms. d'Amiens* (f^o 203 v^o) et *ms. B 4*: rompue.

P. 219, l. 3: proporsionnant.—*Ms. d'Amiens*: poursuivant.—*Ms. B 4*: proposoient.

P. 219, l. 9: d'avril.—*Ms. d'Amiens*: d'avril l'an.

P. 219, l. 12: legaulx.—*Ms. d'Amiens*: aultre.

§ 771. P. 219, l. 19: deffiiet.—*Ms. d'Amiens* et *ms. B 4*: fait deffiiier.

P. 220, l. 13: disent.—diront.

P. 220, l. 19: de nos ennemis les Alemans.—*Ms. d'Amiens* et *ms. B 4*: des Alemans.

P. 221, l. 11: c'est mont.—*Ms. d'Amiens*: ce mon.

P. 221, l. 19: gettiés.—*Ms. d'Amiens*: gaitiez.

P. 221, l. 27: Fuiet.—*Ms. d'Amiens*, *mss. B 3* et *B 4*: fuir et.

P. 221, l. 27: furent.—*Ms. d'Amiens*: fissent.

§ 772. P. 222, l. 6: gages.—*Ms. d'Amiens* et *ms. B 4*: saudées.

P. 222, l. 7: argent.—*Ms. d'Amiens*: saudées et argent. F^o 204 r^o.

P. 222, l. 18; de tous perilz.—*Ms. d'Amiens*: dou peril.

P. 222, l. 24: parti revenu.—*Ms. d'Amiens*: parti que le seigneur de Couchy revenu.

P. 222, l. 29: avoit (*d'après le ms. de Valenciennes*).

P. 223, l. 20: eut.—*Ms. d'Amiens*: l'eut.

§ 773. P. 223, l. 25: compagnons.—*Ms. d'Amiens*: compaignes.

P. 223, l. 30: revinrent.—*Ms. d'Amiens* et *ms. B 4*: retournèrent.

P. 224, l. 12 et 13: et laissa là sa mainsnée... et puis s'en.—*Ms. d'Amiens*: et laissa là sa femme et sa mainsnée fille, la damoiselle de Couci, et puis s'en.

§ 774. P. 226, l. 2: renvoieroient.—*Ms. d'Amiens*: y envoieroient. F^o 204 v^o.

P. 226, l. 5: revinrent.—*Ms. d'Amiens*: retournèrent.

§ 775. P. 226, l. 22: solennele.—*Ms. d'Amiens*: solempnité.

§ 776. P. 227, l. 19: dou.—*Ms. d'Amiens*: au.

P. 227, l. 26: l'un devant.—*Ms. d'Amiens*: devant l'un.

P. 228, l. 1: qu'il.—*Ms. d'Amiens*: qui.

P. 228, l. 9: à.—*Ms. d'Amiens*: à tout.

§ 777. P. 228, l. 25: ce de veu.—*Ms. d'Amiens*: de ce voé.

P. 228, l. 30: Genuenes.—*Ms. B 4*: Jennes.

§ 778. P. 229, l. 23 et 24: d'Engleterre, de Gernesie, de Grenesée.—*Ms. d'Amiens*: d'Engleterre, de Grenesée. F^o 205 r^o.

[P. 230](#), l. 9: et messires Guichars d'Angle.—*Ms. d'Amiens* et *ms. B 4*: et li sires d'Angle, messires Guicars.

P. 230, l. 14: Cenes.—*Ms. B 3*: Chenez.—*Ms. B 4*: Chenes.

P. 230, l. 15: trouva.—*Ms. B 4*: ordonna.

P. 230, l. 20: de coer.—*Ms. B 4*: au coer.

P. 230, l. 21: ce.—*Ms. d'Amiens*: tel.

[P. 231](#), l. 27: estoit.—*Ms. B 4*: fu.

[P. 232](#), l. 1: pas.—*Ms. d'Amiens*: pays.

§ [779](#). P. 232, l. 17: celle.—*Ms. d'Amiens*: ceste.

P. 232, l. 18: en vinrent.—*Ms. d'Amiens* et *ms. B 4*: furent venues.

P. 232, l. 22: fault.—*Ms. d'Amiens*: couvient.

P. 232, l. 32: signeur.—*Ms. d'Amiens*: sire. F^o 205 v^o.

[P. 233](#), l. 23: estat.—*Ms. d'Amiens*: esté.

[P. 234](#), l. 10: petit.—*Ms. d'Amiens*: peu.

P. 234, l. 23: sus.—*Ms. d'Amiens*: sour celle.

P. 234, l. 27: chil.—*Ms. d'Amiens*: il.

P. 234, l. 28: remoustrèrent.—*Ms. d'Amiens*: remoustroient.

§ [780](#). [P. 235](#), l. 6: y a.—*Ms. d'Amiens*: ra.

[P. 236](#), l. 30: non que.—*Ms. d'Amiens*; neque dent que. F^o 206 r^o.

P. 236, l. 30: voloit.—*Ms. d'Amiens*: vot.

§ [781](#). [P. 237](#), l. 10: les François.—*Ms. d'Amiens*: il.

P. 237, l. 17: deveeroient.—*Ms. B 1* et *B 4*: deveroient.

[P. 238](#), l. 21: huit.—*Ms. d'Amiens*: vii.

P. 238, l. 22: leur leva uns vens.—*Ms. d'Amiens*: uns vens contraires leur leva.

P. 238, l. 22: prist.—*Ms. B 1*: leva.

§ [782](#). [P. 239](#), l. 1: bien oy.—*Ms. d'Amiens*: bien chy dessus oy.

P. 239, l. 8: chevaliers.—*Ms. B 4*: bons.

P. 239, l. 12: un bon.—*Ms. d'Amiens*: bonne.

P. 240, l. 13: qu'il amast mieulz.—*Ms. B 4*: que il vosist.

P. 240, l. 19 à 23: Li sires de Couci... respondi et dist.—*Ms. d'Amiens* (f^o 206 v^o), *ms. B 3* et *ms. B 4*: Adont se rafrenna un petit li roys et demanda quel grace on voroit que on li fesist: li sires de Couci, si com je fui adont enfourmés, y trouva un moien et dist.

§ **783**. **P. 241**, l. 10: la.—*Ms. d'Amiens* et *ms. B 4*: ceste.

P. 241, l. 12: couri.—*Ms. d'Amiens*: couru.

P. 241, l. 31: par.—*Ms. d'Amiens*: que.

P. 243, l. 8: leur.—*Ms. d'Amiens*: la.

P. 243, l. 14: Thiebaut.—*Ms. d'Amiens*: Thummas.

P. 243, l. 21: Haubue.—*Ms. d'Amiens*: Hambue. F^o 207 r^o.

§ **784**. **P. 244**, l. 12: garde.—*Ms. d'Amiens*: de garde.

P. 244, l. 28: remuant.—*Ms. d'Amiens*: remouvant.

P. 244, l. 31: escuier.—*Ms. d'Amiens*: hainuier englèz.

P. 245, l. 2: soions.—*Ms. d'Amiens*: soiés.

§ **785**. **P. 245**, l. 20: fiance.—*Ms. d'Amiens* et *ms. B 4*: feauté.

P. 245, l. 25: s'en.—*Ms. d'Amiens*: se.

P. 246, l. 3: aresné.—*Ms. B 4*: assuré.

P. 246, l. 16: alevée.—*Ms. d'Amiens*: alouée.

P. 246, l. 28: pourparlé.—*Ms. B 4*: pourcachié.

P. 246, l. 29: tant.—*Ms. B 1*: tout.

§ **786**. **P. 247**, l. 17: trop mieulz.—*Ms. d'Amiens*: mieulz. F^o 207 v^o.

P. 248, l. 6: murs.—*Ms. B 1*: mais.

P. 250, l. 3: Artisiens.—*Ms. B 4*: garnisons.

§ 787. P. 251, l. 6: au duch.—*Ms. d'Amiens*: au duc de Lancastre. F^o 208 r^o.

P. 251, l. 7: fu dit.—*Ms. d'Amiens*: fu bien dit.

P. 251, l. 10 à 12: mais li dus de Lancastre ses escusances... sus son droit; car.—*Ms. d'Amiens* et *ms. B 4*: mais li dus de Lancastre li aida escusances à porter outre, et demoura li sires de Gommegnies sus sen droit; car.

§ 788. P. 252, l. 2: toutes.—*Ms. B 1*: gens.

P. 252, l. 22: enfourmés plus veritablement.—*Ms. d'Amiens* et *ms. B 4*: mieux enfourmés.

FIN DES VARIANTES DU TOME HUITIÈME ET DU LIVRE PREMIER.

TABLE.

CHAPITRE XCVIII.

1370, 4 décembre. Combat de Pontvallain.—19 décembre. Mort du pape Urbain V; 30 décembre. Élection de Grégoire XI.—1371, avant le 15 janvier. Aggravation de la maladie et retour en Angleterre d'Édouard, prince d'Aquitaine et de Galles.—1370, 1^{ers} jours de décembre-1371, fin de février. Siège et prise de Montpont, en Périgord, par Jean, duc de Lancastre.—1371, août et septembre. Siège et prise de Moncontour, en Poitou, par Jean, duc de Lancastre, et Thomas de Percy, sénéchal de Poitou.—1371, fin de janvier et février. Expédition de Bertrand du Guesclin en vue de la levée du siège de Montpont et siège d'Ussel.—1371, 1^{er} août. Combat naval de la baie de Bourgneuf.—22 août. Bataille de Bastweiler.—1372, premiers mois. Retour en Angleterre de Jean, duc de Lancastre, et mariage de ce prince avec Constance de Castille, fille aînée de D. Pèdre, d'Edmond, comte de Cambridge, frère de Jean, avec Isabelle, sœur de Constance.—1372, 13 janvier. Mort de Gautier de Masny. —Sommaire, p. III à III. —Texte, p. 1 à 33. —Variantes, p. 255 à 288.

CHAPITRE XCIX.

1372, 23 juin. Défaite de la flotte anglaise devant la Rochelle.—juillet. Siège de Moncontour et de Sainte-Sévère; reddition de ces deux places aux Français.—7 août. Reddition de Poitiers.—Du 22 au 23 août. Défaite et capture de Jean de Grailly, captal de Buch, connétable d'Aquitaine, et de Thomas de Percy, sénéchal de Poitou, devant Soubise; reddition de cette place.—Reddition d'Angoulême (vers le 8 septembre), de Saint-Jean-d'Angely (20 septembre), de Saintes (24 septembre), de Taillebourg et de Pons.—Reddition des châteaux de Saint-Maixent (4 septembre), de

Melle et de Civray.—8 septembre. Reddition de la Rochelle.—15 septembre. Prise du château de Benon et reddition de Marans.—19 septembre. Reddition de Surgères.—9 et 10 octobre. Reddition de la ville et prise du château de Fontenay-le-Comte.—1^{er} décembre. Reddition de Thouars et soumission des principaux seigneurs du Poitou et de la Saintonge.—Siège de Mortagne.—1373, 21 mars.—Défaite des Anglais à Chizé.—27 mars. Occupation de Niort.—Reddition des châteaux de Mortemer et de Dienné. —Sommaire, p. XXIII à LXV. —Texte, p. 33 à 117. —Variantes, p. 288 à 312.

CHAPITRE C.

1373, fin d'avril, mai et juin. Expédition de Louis, duc de Bourbon, et de Bertrand du Guesclin en Bretagne; départ de Jean de Montfort pour l'Angleterre; occupation de Rennes, de Dinan, de Saint-Malo, de Vannes et d'un certain nombre de places de moindre importance; prise d'Hennebont; sièges de la Roche-sur-Yon, de Derval et de Brest; occupation de Nantes; grands préparatifs en Angleterre des ducs de Lancastre et de Bretagne pour envahir la France à la tête d'une armée considérable; prise de Conq par l'armée franco-bretonne.—6 juillet. Traité de capitulation de Brest et levée du siège de cette place par les Franco-Bretons qui vont renforcer les gens d'armes campés devant Derval.—Fin de juillet. Débarquement à Calais de l'armée rassemblée par les ducs de Lancastre et de Bretagne.—Du 4 août au 8 septembre. Marche et opérations de cette armée à travers l'Artois, la Picardie, le Vermandois et le Soissonnais; combat de Ribemont.—9 septembre. Combat d'Oulchy.—29 septembre. Exécution devant Derval par le duc d'Anjou des otages livrés naguère aux Franco-Bretons en vertu du traité de capitulation de cette place auquel Robert Knolles a refusé de souscrire.—10 septembre. Arrivée à Paris du duc d'Anjou, de Du Guesclin et de Clisson, qui assistent à un grand conseil de guerre tenu par Charles V et y donnent leur avis.—1375, 16 avril. Mort du comte de Pembroke, prisonnier du roi de Castille, livré par le dit roi à Du Guesclin en paiement d'une somme de 120 000 francs due pour le comté de Soria, racheté par D. Enrique de Trastamar; rachat par ce même roi du comté

d'Agreda moyennant la cession d'un autre de ses prisonniers, Guichard d'Angle, à Olivier de Mauny.—1373, *du 11 au 26 septembre*. Les Anglais en Champagne; arrivée des légats du pape à Troyes; échec subi sous les murs de cette ville par les envahisseurs.—*Du 26 septembre au 25 décembre*. Marche pénible et meurtrière de l'armée du duc de Lancastre à travers la Bourgogne, le Nivernais, le Bourbonnais, l'Auvergne, le Limousin et le Périgord; arrivée à Bordeaux. —*Sommaire*, p. LXV à CIII. —*Texte*, p. 117 à 171. —*Variantes*, p. 312 à 317.

CHAPITRE CI.

1373, *28 octobre-1374, 8 janvier*. Retour du duc d'Anjou à Toulouse par Avignon.—1373, *juin et juillet*. Traité de capitulation de Bécherel. Expédition du duc d'Anjou en Bigorre; reddition de Saint-Sever; prise de Lourdes.—1374, *commencement d'avril*. Journée de bataille assignée près de Moissac entre les ducs d'Anjou et de Lancastre; défaut à ce rendez-vous de Lancastre, qui part de Bordeaux et retourne en Angleterre.—*21 mai*. Expiration de la trêve conclue par Du Guesclin avec le duc de Lancastre.—*Juin et juillet*. Soumission du vicomte de Castelbon. Expédition de Du Guesclin et du duc d'Anjou, d'abord dans le bas Languedoc contre les Compagnies, ensuite sur les confins de l'Agenais et du Bordelais contre les Anglais; siège et prise de la Réole, de Langon, de Saint-Macaire, de Sainte-Bazeille et des places avoisinantes.—*2 octobre*. Retour de Du Guesclin à Paris et du duc d'Anjou à Toulouse.—*Août et septembre*. Siège de Saint-Sauveur-le-Vicomte.—Reddition de Bécherel, dont la garnison va renforcer celle de Saint-Sauveur.—1375, *premiers mois*. Défaite des Français dans une rencontre entre Licques et Tournehem; capture du comte de Saint-Pol, emmené en Angleterre.—Ouverture des négociations à Bruges entre les ambassadeurs de France et d'Angleterre.—Retour en France du duc de Bretagne et du comte de Cambridge avec un corps d'armée considérable; débarquement à Saint-Mathieu; prise de Saint-Pol de Léon; siège de Saint-Brieuc.—*21 mai*. Traité de capitulation de Saint-Sauveur.—Levée du siège de Saint-Brieuc par les Anglais, et du siège du Nouveau Fort par les Français, que les Anglais accourus de Saint-Brieuc poursuivent

jusqu'à Quimperlé où ils les assiègent.—27 *juin*. Trêve d'un an entre les rois de France et d'Angleterre conclue à Bruges; levée du siège de Quimperlé.—3 *juillet*. Reddition de Saint-Sauveur au roi de France. — *Sommaire*, p. CIII à CXXVIII. — *Texte*, p. 171 à 214. — *Variantes*, p. 317 à 321.

CHAPITRE CII.

1375, *août et septembre*. Guerre entre Enguerrand VII, seigneur de Coucy, et Léopold II, duc d'Autriche, au sujet de seigneuries situées en Alsace, dans le Brisgau, l'Argovie et le comté de Nydau; marche des Compagnies rassemblées par le dit Enguerrand à travers la Champagne orientale, le Barrois, le pays Messin, la Lorraine et l'Alsace.—1375, *décembre-1376, 12 mars*. Conférences de Bruges. Prorogation jusqu'au 1^{er} avril 1377 des trêves qui devaient expirer le dernier juin 1376.—1375, *octobre, novembre, décembre*. Ravages exercés par les Compagnies sur la rive gauche du Rhin, en Alsace et en Suisse.—1376, *13 janvier*. Conclusion d'un traité de paix avec les ducs d'Autriche et retour furtif en France du seigneur de Coucy.—8 *juin*. Mort d'Édouard, prince de Galles, surnommé le prince Noir.—*Septembre*. Mort de Jean de Grailly, captal de Buch.—1376, *20 septembre-1377, 17 janvier*. Départ d'Avignon du pape Grégoire XI et arrivée à Rome.—1377, *mars, avril et mai*. Nouvelles conférences pour la paix entre les plénipotentiaires du roi de France, qui se tiennent à Montreuil-sur-Mer et à Boulogne, et ceux du roi d'Angleterre établis à Calais. Préparatifs maritimes des Français pour faire des descentes sur les côtes d'Angleterre et des Anglais pour s'opposer à ces descentes.—21 *juin*. Mort d'Édouard III.—28 *juin*. Descente des Français à Rye; prise et pillage de cette ville.—16 *juillet*. Couronnement de Richard II.—*Fin de juin et juillet*. Combat de Lewes; prise et pillage de cette ville, de Folkestone, de Portsmouth, de Dartmouth et de Plymouth.—15 *août-septembre*. Nouvelle campagne maritime des Français; occupation de l'île de Wight; descentes à Southampton et à Winchelsea; incendie de Poole. Expédition du duc de Bourgogne sur les confins du Boulonnais et du Calaisis; prise d'Ardres et d'Audruicq. —

Sommaire, p. CXXIX à CLVIII. — *Texte*, p. 214 à 252. — *Variantes*, p. 321 à 324.

APPENDICE

p. CLV - CLXIII.

FIN DE LA TABLE DU TOME HUITIÈME.

ERRATA.

P. 37, l. 27, *au lieu de*: d'argent,—*lisez*: d'armes.

P. 61, l. 15 et 16, *au lieu de*: connestable,—*corrigez*: seneschal.

P. 67, l. 19, *au lieu de*: ainsi,—*lisez*: ains.

P. 67, l. 20, *au lieu de*: et,—*lisez*: en.

P. 69, l. 12, *au lieu de*: Hues,—*lisez*: Huès.

P. 117, l. 27, *au lieu de*: d'Avangor,—*lisez*: d'Avaugour.

9627.—PARIS, TYPOGRAPHIE LAHURE
Rue de Fleurus, 9

*** END OF THE PROJECT GUTENBERG EBOOK CHRONIQUES DE
J. FROISSART, TOME 08.2/13 ***

Updated editions will replace the previous one—the old editions will be renamed.

Creating the works from print editions not protected by U.S. copyright law means that no one owns a United States copyright in these works, so the Foundation (and you!) can copy and distribute it in the United States without permission and without paying copyright royalties. Special rules, set forth in the General Terms of Use part of this license, apply to copying and distributing Project Gutenberg™ electronic works to protect the PROJECT GUTENBERG™ concept and trademark. Project Gutenberg is a registered trademark, and may not be used if you charge for an eBook, except by following the terms of the trademark license, including paying royalties for use of the Project Gutenberg trademark. If you do not charge anything for copies of this eBook, complying with the trademark license is very easy. You may use this eBook for nearly any purpose such as creation of derivative works, reports, performances and research. Project Gutenberg eBooks may be modified and printed and given away—you may do practically ANYTHING in the United States with eBooks not protected by U.S. copyright law. Redistribution is subject to the trademark license, especially commercial redistribution.

START: FULL LICENSE

THE FULL PROJECT GUTENBERG™ LICENSE

PLEASE READ THIS BEFORE YOU DISTRIBUTE OR USE THIS WORK

To protect the Project Gutenberg™ mission of promoting the free distribution of electronic works, by using or distributing this work (or any other work associated in any way with the phrase “Project Gutenberg”), you agree to comply with all the terms of the Full Project Gutenberg License available with this file or online at www.gutenberg.org/license.

Section 1. General Terms of Use and Redistributing Project Gutenberg electronic works

1.A. By reading or using any part of this Project Gutenberg electronic work, you indicate that you have read, understand, agree to and accept all the terms of this license and intellectual property (trademark/copyright) agreement. If you do not agree to abide by all the terms of this agreement, you must cease using and return or destroy all copies of Project Gutenberg electronic works in your possession. If you paid a fee for obtaining a copy of or access to a Project Gutenberg electronic work and you do not agree to be bound by the terms of this agreement, you may obtain a refund from the person or entity to whom you paid the fee as set forth in paragraph 1.E.8.

1.B. “Project Gutenberg” is a registered trademark. It may only be used on or associated in any way with an electronic work by people who agree to be bound by the terms of this agreement. There are a few things that you can do with most Project Gutenberg electronic works even without complying with the full terms of this agreement. See paragraph 1.C below. There are a lot of things you can do with Project Gutenberg electronic works if you follow the terms of this agreement and help preserve free future access to Project Gutenberg electronic works. See paragraph 1.E below.

1.C. The Project Gutenberg Literary Archive Foundation (“the Foundation” or PGLAF), owns a compilation copyright in the collection of Project Gutenberg electronic works. Nearly all the individual works in the collection are in the public domain in the United States. If an individual work is unprotected by copyright law in the United States and you are

located in the United States, we do not claim a right to prevent you from copying, distributing, performing, displaying or creating derivative works based on the work as long as all references to Project Gutenberg are removed. Of course, we hope that you will support the Project Gutenberg mission of promoting free access to electronic works by freely sharing Project Gutenberg works in compliance with the terms of this agreement for keeping the Project Gutenberg name associated with the work. You can easily comply with the terms of this agreement by keeping this work in the same format with its attached full Project Gutenberg License when you share it without charge with others.

1.D. The copyright laws of the place where you are located also govern what you can do with this work. Copyright laws in most countries are in a constant state of change. If you are outside the United States, check the laws of your country in addition to the terms of this agreement before downloading, copying, displaying, performing, distributing or creating derivative works based on this work or any other Project Gutenberg work. The Foundation makes no representations concerning the copyright status of any work in any country other than the United States.

1.E. Unless you have removed all references to Project Gutenberg:

1.E.1. The following sentence, with active links to, or other immediate access to, the full Project Gutenberg License must appear prominently whenever any copy of a Project Gutenberg work (any work on which the phrase “Project Gutenberg” appears, or with which the phrase “Project Gutenberg” is associated) is accessed, displayed, performed, viewed, copied or distributed:

This eBook is for the use of anyone anywhere in the United States and most other parts of the world at no cost and with almost no restrictions whatsoever. You may copy it, give it away or re-use it under the terms of the Project Gutenberg™ License included with this eBook or online at www.gutenberg.org. If you are not located in the United States, you will have to check the laws of the country where you are located before using this eBook.

1.E.2. If an individual Project Gutenberg electronic work is derived from texts not protected by U.S. copyright law (does not contain a notice indicating that it is posted with permission of the copyright holder), the work can be copied and distributed to anyone in the United States without paying any fees or charges. If you are redistributing or providing access to a work with the phrase “Project Gutenberg” associated with or appearing on the work, you must comply either with the requirements of paragraphs 1.E.1 through 1.E.7 or obtain permission for the use of the work and the Project Gutenberg trademark as set forth in paragraphs 1.E.8 or 1.E.9.

1.E.3. If an individual Project Gutenberg electronic work is posted with the permission of the copyright holder, your use and distribution must comply with both paragraphs 1.E.1 through 1.E.7 and any additional terms imposed by the copyright holder. Additional terms will be linked to the Project Gutenberg License for all works posted with the permission of the copyright holder found at the beginning of this work.

1.E.4. Do not unlink or detach or remove the full Project Gutenberg License terms from this work, or any files containing a part of this work or any other work associated with Project Gutenberg.

1.E.5. Do not copy, display, perform, distribute or redistribute this electronic work, or any part of this electronic work, without prominently displaying the sentence set forth in paragraph 1.E.1 with active links or immediate access to the full terms of the Project Gutenberg License.

1.E.6. You may convert to and distribute this work in any binary, compressed, marked up, nonproprietary or proprietary form, including any word processing or hypertext form. However, if you provide access to or distribute copies of a Project Gutenberg work in a format other than “Plain Vanilla ASCII” or other format used in the official version posted on the official Project Gutenberg website (www.gutenberg.org), you must, at no additional cost, fee or expense to the user, provide a copy, a means of exporting a copy, or a means of obtaining a copy upon request, of the work in its original “Plain Vanilla ASCII” or other form. Any alternate format must include the full Project Gutenberg License as specified in paragraph 1.E.1.

1.E.7. Do not charge a fee for access to, viewing, displaying, performing, copying or distributing any Project Gutenberg works unless you comply with paragraph 1.E.8 or 1.E.9.

1.E.8. You may charge a reasonable fee for copies of or providing access to or distributing Project Gutenberg electronic works provided that:

- You pay a royalty fee of 20% of the gross profits you derive from the use of Project Gutenberg works calculated using the method you already use to calculate your applicable taxes. The fee is owed to the owner of the Project Gutenberg trademark, but he has agreed to donate royalties under this paragraph to the Project Gutenberg Literary Archive Foundation. Royalty payments must be paid within 60 days following each date on which you prepare (or are legally required to prepare) your periodic tax returns. Royalty payments should be clearly marked as such and sent to the Project Gutenberg Literary Archive Foundation at the address specified in Section 4, "Information about donations to the Project Gutenberg Literary Archive Foundation."
- You provide a full refund of any money paid by a user who notifies you in writing (or by e-mail) within 30 days of receipt that s/he does not agree to the terms of the full Project Gutenberg™ License. You must require such a user to return or destroy all copies of the works possessed in a physical medium and discontinue all use of and all access to other copies of Project Gutenberg™ works.
- You provide, in accordance with paragraph 1.F.3, a full refund of any money paid for a work or a replacement copy, if a defect in the electronic work is discovered and reported to you within 90 days of receipt of the work.
- You comply with all other terms of this agreement for free distribution of Project Gutenberg™ works.

1.E.9. If you wish to charge a fee or distribute a Project Gutenberg™ electronic work or group of works on different terms than are set forth in this agreement, you must obtain permission in writing from the Project

Gutenberg Literary Archive Foundation, the manager of the Project Gutenberg™ trademark. Contact the Foundation as set forth in Section 3 below.

1.F.

1.F.1. Project Gutenberg volunteers and employees expend considerable effort to identify, do copyright research on, transcribe and proofread works not protected by U.S. copyright law in creating the Project Gutenberg™ collection. Despite these efforts, Project Gutenberg™ electronic works, and the medium on which they may be stored, may contain “Defects,” such as, but not limited to, incomplete, inaccurate or corrupt data, transcription errors, a copyright or other intellectual property infringement, a defective or damaged disk or other medium, a computer virus, or computer codes that damage or cannot be read by your equipment.

1.F.2. LIMITED WARRANTY, DISCLAIMER OF DAMAGES - Except for the “Right of Replacement or Refund” described in paragraph 1.F.3, the Project Gutenberg Literary Archive Foundation, the owner of the Project Gutenberg™ trademark, and any other party distributing a Project Gutenberg™ electronic work under this agreement, disclaim all liability to you for damages, costs and expenses, including legal fees. YOU AGREE THAT YOU HAVE NO REMEDIES FOR NEGLIGENCE, STRICT LIABILITY, BREACH OF WARRANTY OR BREACH OF CONTRACT EXCEPT THOSE PROVIDED IN PARAGRAPH 1.F.3. YOU AGREE THAT THE FOUNDATION, THE TRADEMARK OWNER, AND ANY DISTRIBUTOR UNDER THIS AGREEMENT WILL NOT BE LIABLE TO YOU FOR ACTUAL, DIRECT, INDIRECT, CONSEQUENTIAL, PUNITIVE OR INCIDENTAL DAMAGES EVEN IF YOU GIVE NOTICE OF THE POSSIBILITY OF SUCH DAMAGE.

1.F.3. LIMITED RIGHT OF REPLACEMENT OR REFUND - If you discover a defect in this electronic work within 90 days of receiving it, you can receive a refund of the money (if any) you paid for it by sending a written explanation to the person you received the work from. If you received the work on a physical medium, you must return the medium with your written explanation. The person or entity that provided you with the defective work may elect to provide a replacement copy in lieu of a refund.

If you received the work electronically, the person or entity providing it to you may choose to give you a second opportunity to receive the work electronically in lieu of a refund. If the second copy is also defective, you may demand a refund in writing without further opportunities to fix the problem.

1.F.4. Except for the limited right of replacement or refund set forth in paragraph 1.F.3, this work is provided to you ‘AS-IS’, WITH NO OTHER WARRANTIES OF ANY KIND, EXPRESS OR IMPLIED, INCLUDING BUT NOT LIMITED TO WARRANTIES OF MERCHANTABILITY OR FITNESS FOR ANY PURPOSE.

1.F.5. Some states do not allow disclaimers of certain implied warranties or the exclusion or limitation of certain types of damages. If any disclaimer or limitation set forth in this agreement violates the law of the state applicable to this agreement, the agreement shall be interpreted to make the maximum disclaimer or limitation permitted by the applicable state law. The invalidity or unenforceability of any provision of this agreement shall not void the remaining provisions.

1.F.6. INDEMNITY - You agree to indemnify and hold the Foundation, the trademark owner, any agent or employee of the Foundation, anyone providing copies of Project Gutenberg™ electronic works in accordance with this agreement, and any volunteers associated with the production, promotion and distribution of Project Gutenberg™ electronic works, harmless from all liability, costs and expenses, including legal fees, that arise directly or indirectly from any of the following which you do or cause to occur: (a) distribution of this or any Project Gutenberg work, (b) alteration, modification, or additions or deletions to any Project Gutenberg work, and (c) any Defect you cause.

Section 2. Information about the Mission of Project Gutenberg

Project Gutenberg is synonymous with the free distribution of electronic works in formats readable by the widest variety of computers including obsolete, old, middle-aged and new computers. It exists because of the

efforts of hundreds of volunteers and donations from people in all walks of life.

Volunteers and financial support to provide volunteers with the assistance they need are critical to reaching Project Gutenberg's goals and ensuring that the Project Gutenberg collection will remain freely available for generations to come. In 2001, the Project Gutenberg Literary Archive Foundation was created to provide a secure and permanent future for Project Gutenberg and future generations. To learn more about the Project Gutenberg Literary Archive Foundation and how your efforts and donations can help, see Sections 3 and 4 and the Foundation information page at www.gutenberg.org.

Section 3. Information about the Project Gutenberg Literary Archive Foundation

The Project Gutenberg Literary Archive Foundation is a non-profit 501(c)(3) educational corporation organized under the laws of the state of Mississippi and granted tax exempt status by the Internal Revenue Service. The Foundation's EIN or federal tax identification number is 64-6221541. Contributions to the Project Gutenberg Literary Archive Foundation are tax deductible to the full extent permitted by U.S. federal laws and your state's laws.

The Foundation's business office is located at 41 Watchung Plaza #516, Montclair NJ 07042, USA, +1 (862) 621-9288. Email contact links and up to date contact information can be found at the Foundation's website and official page at www.gutenberg.org/contact

Section 4. Information about Donations to the Project Gutenberg Literary Archive Foundation

Project Gutenberg™ depends upon and cannot survive without widespread public support and donations to carry out its mission of increasing the number of public domain and licensed works that can be freely distributed in machine-readable form accessible by the widest array of equipment

including outdated equipment. Many small donations (\$1 to \$5,000) are particularly important to maintaining tax exempt status with the IRS.

The Foundation is committed to complying with the laws regulating charities and charitable donations in all 50 states of the United States. Compliance requirements are not uniform and it takes a considerable effort, much paperwork and many fees to meet and keep up with these requirements. We do not solicit donations in locations where we have not received written confirmation of compliance. To SEND DONATIONS or determine the status of compliance for any particular state visit www.gutenberg.org/donate.

While we cannot and do not solicit contributions from states where we have not met the solicitation requirements, we know of no prohibition against accepting unsolicited donations from donors in such states who approach us with offers to donate.

International donations are gratefully accepted, but we cannot make any statements concerning tax treatment of donations received from outside the United States. U.S. laws alone swamp our small staff.

Please check the Project Gutenberg web pages for current donation methods and addresses. Donations are accepted in a number of other ways including checks, online payments and credit card donations. To donate, please visit: www.gutenberg.org/donate.

Section 5. General Information About Project Gutenberg electronic works

Professor Michael S. Hart was the originator of the Project Gutenberg concept of a library of electronic works that could be freely shared with anyone. For forty years, he produced and distributed Project Gutenberg eBooks with only a loose network of volunteer support.

Project Gutenberg eBooks are often created from several printed editions, all of which are confirmed as not protected by copyright in the U.S. unless a

copyright notice is included. Thus, we do not necessarily keep eBooks in compliance with any particular paper edition.

Most people start at our website which has the main PG search facility:
www.gutenberg.org.

This website includes information about Project Gutenberg, including how to make donations to the Project Gutenberg Literary Archive Foundation, how to help produce our new eBooks, and how to subscribe to our email newsletter to hear about new eBooks.